

EXCERPTA

EX

OVIDIO, VIRGILIO,

HORATIO,

JUVENALI, PERSIO,

ET

MARTIALI:



IN USUM

JUVENTUTIS CHRISTIANÆ.

EDIDIT

ECCLESIAE ANGLICANÆ PRESBYTER.



BRISTOLIAE:

Typis F. FARLEY:

ANNO SALUTIS, MDCCXLIX.

EXCERPTA

EX

OMNES VITAE

HORATIO

JUVENALIS

MARTIALIS

COCCINUS

JUVENALIS

COCCINUS

COCCINUS


COCCINUS



EXCERPTA

EX

OVIDIO.



Chaos & mundi creatio.

ANTE mare & terras, & quod tegit omnia cœlum,
Unus erat toto naturæ vultus in orbe,
Quem dixere chaos; rudis indigestaque moles:
Nec quicquam nisi pondus iners, congestaque eodem
Non benè junctarum discordia semina rerum.
Nullus adhuc mundo præbebat lumina Titan;
Nec nova crescendo reparabat cornua Phæbe;
Nec circumfuso pendebat in aëre tellus
Ponderibus librata suis: nec brachia longo
Margine terrarum porrexerat Amphitrite;
Quaque fuit tellus, illic & pontus & aër.
Sic erat instabilis tellus, innabilis unda,
Lucis egens aër: nulli sua forma manebat,
Obstabatque aliis aliud: quia corpore in uno
Frigida pugnabant calidis, humentia siccis,
Mollia cum duris, sinè pondere habentia pondus.

Hanc DEUS, aut melior litem natura diremit;
Nam cœlo terras, & terris abscidit undas:
Et liquidum spisso secrevit ab aëre cœlum.
Quæ postquam evolvit, cæcoque exemit acervo,
Diffociata locis concordî pace ligavit.

Ignea convexi vis & finè pondere cœli
 Emicuit, summâque locum sibi legit in arce.
 Proximus est aër illi levitate, locoque.
 Densior his tellus; elementaque grandia traxit,
 Et pressa est gravitate sui. Circumflus humor,
 Ultima possedit, solidumque coërcuit orbem.

Hominis creatio.

SIC ubi dispositam, quisquis fuit ille Deorum,
 Congeriem secuit, sectamque in membra redegit:

Principio terram, ne non æqualis ab omni
 Parte foret, magni speciem glomeravit in orbis.
 Tum freta diffundi, rapidisque tumescere ventis
 Jussit, & ambitæ circumdare littora terræ.
 Addidit & fontes, immensaque stagna, lacusque,
 Fluminaque obliquis cinxit declivia ripis:
 Quæ diversa locis partim forbentur ab ipsâ;
 In mare perveniunt partim, campoque recepta
 Liberioris aquæ; pro ripis littora pulsan.
 Jussit & extendi campos, subsidere valles,
 Fronde tegi sylvas, lapidosos surgere montes.

Imminet his aër, qui quanto est pondere terræ
 Pondus aquæ levius; tanto est onerosior igni.
 Illic & nebulas, illic consistere nubes
 Jussit, & humanas motura tonitrua mentes;
 Et cum fulminibus facientes frigora ventos.
 His quoque non passim mundi fabricator habendum
 Aëra permisit. Vix nunc obsistitur illis,
 (Cum sua quisque regat diverso flamina tractu)
 Quin lanient mundum. *Tanta est discordia fratrum.*
 Eurus ad Auroram, Nabathæaque regna recessit,
 Perfidaque, & radiis juga subdita matutinis.
 Vesper & occiduo quæ littora sole tepeſcunt
 Proxima sunt Zephyro: Scythiam, Septemque trionem
 Horriſer invaſit Boreas. Contraria tellus
 Nubibus affiduis, pluvioque madescit ab Austro.
 Hæc super imposuit liquidum, & gravitate carentem
 Æthera, nec quicquam terrenæ fæcis habentem.

Vix ita limitibus diſſeſerat omnia certis;

Cum,

Cum, quæ pressa diu massâ latuere sub illâ,
Sidera cæperunt toto effervescente cælo.
Neu regio foret ulla suis animantibus orba,
Astra tenent cœleste solum, formæque Deorum:
Cesserunt nitidis habitandæ piscibus undæ:
Terra feras cepit, volucres agitabilis aër.

Sanctius his animal, mentisque capacius altæ
Deerat adhuc, & quod dominari in cætera posset:
Natus homo est: Sive hunc divino semine fecit
Ille opifex rerum, mundi melioris origo:
Sive recens tellus, seductaque nuper ab alto
Æthere, cognati retinebat semina cœli:
Quam fatus Iapeto, mistam fluvialibus undis,
Finxit in effigiem moderantûm cuncta Deorum.
Pronaque cum spectant animalia cætera terram,
Os homini sublime dedit, cælumque tueri
Jussit, & erectos ad sidera tollere vultus.
Sic modo quæ fuerat rudis & finè imagine tellus
Induit ignotas hominum conversa figuras.

Quatuor mundi ætates.

AUREA prima fata est ætas, quæ vindice nullo,
Sponte suâ finè lege fidem rectumque colebat.
Pœna, metusque aberant, nec verba minacia fixo
Ære ligabantur: nec supplex turba timebat
Judicis ora sui; sed erant finè vindice tuti.
Nondum cæsa suis, peregrinum ut viseret orbem,
Montibus in liquidas pinus descenderat undas:
Nullaque mortales præter sua littora nôrant.
Nondum præcipites cingebant oppida fossæ;
Non tuba directi, non æris cornua flexi,
Non galeæ, non ensis erant: finè militis usu
Mollia securæ peragebant otia gentes.
Ipsa quoque immunis, rastroke intacta, nec ullis
Saucia vomeribus, per se dabat omnia tellus:
Contentique cibus nullo cogente creatis,
Arbuteos fœtus, montanaque fraga legebant,
Cornaque, & in duris hærentia mora rubetis,
Et quæ deciderant patulâ Jovis arbore glandes.

Ver erat æternum; placidique tepentibus auris
 Mulcebant Zephyri natos sinè semine flores.
 Mox etiam fruges tellus inarata ferebat:
 Nec renovatus ager gravidis canebat aristis.
 Flumina jam lactis, jam flumina nectaris ibant:
 Flavaque de viridi stillabant ilice mella.

Quatuor anni tempora.

POSTQUAM, Saturno tenebrosa in Tartara misso,
 Sub Jove mundus erat; subiitque argentea proles,
 Auro deterior, fulvo pretiosior ære;
 Jupiter antiqui contraxit tempora veris,
 Perque hyemes, æstusque, & inæquales autumnos,
 Et breve ver, spatiis exegit quatuor annum.
 Tum primùm ficcis aër fervoribus ustus
 Canduit; & ventis glacies astricta pependit.
 Tum primùm subiêre domos; domus antra fuerunt,
 Et densi frutices, & vinctæ cortice virgæ.
 Semina tum primùm longis Cerealia sulcis
 Obruta sunt, pressique jugo gemuêre juvenci.

Tertia post illas successit ahenea proles
 Sævior ingeniis, & ad horrida promptior arma,
 Nec scelerata tamen. De duro est ultima ferro.
 Protinùs irrupit venæ pejoris in ævum
 Omne nefas: fugêre pudor, verumque, fidesque:
 In quorum subiêre locum fraudesque, dolique,
 Infidiæque, & vis, & amor sceleratus habendi.
 Vela dabat ventis (nec adhuc benè noverat illos)
 Navita; quæque diù steterant in montibus altis,
 Fluctibus ignotis insultavêre carinæ.
 Communemque priùs, ceu lumina solis, & auras,
 Cautus humum longo signavit limite mensor.
 Nec tantùm segetes, alimenta que debita dives
 Poscebatur humus; sed itum est in viscera terræ:
 Quasque recondiderat, stygiisque admoverat umbris,
Effodiuntur opes, irritimenta malorum.
 Jamque nocens ferrum, ferroque nocentius aurum
 Prodierrat: prodit bellum, quod pugnat utroque;
 Sanguineâque manu crepitantia concutit arma.

*Vivitur ex raptō: non hospes ab hospite tutus,
Non focer à genero; fratrum quoque gratia rara est.
Imminet exitio vir conjugis, illa mariti:
Lurida terribiles miscent aconita novercæ:
Filius ante diem patrios inquit in annos.
Viſta jacet Pietas: & virgo cæde madentes
Ultima cœleſtium terras Aſtræa reliquit.*

PYTHAGORAS loquitur.

Quod cuncta temporibus mutantur.

O GENUS attonitum gelidæ formidine mortis!
Quid ſtyga, quid tenebras, quid nomina vana ti-
metis;

Materiem vatum, falſique piacula mundi?
Corpora five roguſ flammâ, ſeu tabe vetuſtas.
Abſtulerit, mala poſſe pati non ulla putetis.
Morte carent animæ: ſemperque priore relictâ
Sede novis domibus habitant vivuntque receptæ.
Omnia mutantur: nihil interit. Errat, & illinc
Huc venit, hinc, illuc, & quolibet occupat artus.
Spiritus: éque feris humana in corpora tranſit,
Inque feras noſter: nec tempore deperit ullo.
Utque novis fragilis ſignatur cera figuris,
Nec manet ut fuerat, nec formas ſervat eaſdem;
Sed tamen ipſa eadem eſt: animam ſic ſemper eandem
Eſſe, ſed in varias doceo migrare figuras.

Et quoniam magno feror æquore, plenaque ventis
Vela dedi; nihil eſt toto quod perſtet in orbe.
Cuncta fluunt: omniſque vagans formatur imago.
Ipſa quoque aſſiduo labuntur tempora motu
Non ſecũs ac flumen. Neque enim conſiſtere flumen,
Nec levis hora poteſt: ſed ut unda impellitur undâ,
Urgeturque prior venienti, urgetque priorem,
Tempora ſic fugiunt paritèr, paritèrque ſequuntur:
Et nova ſunt ſemper. Nam quod fuit antè, relictum eſt:
Fitque quod haud fuerat: momentaque cuncta novantur.
Cernis & emerſas in lucem tendere noctes;
Et jubar hoc nitidum nigræ ſuccedere nocti.
Nec color eſt idem cœlo; cum laſſa quiete
Cuncta jacent mediâ, cùmque albo Lucifer exit

Clarus equo: rursumque alius, cum prævia luci
 Tradendum Phœbo Pallantias inficit orbem.
 Ipse Dei clypeus, terrâ cum tollitur imâ,
 Mane rubet: terrâque rubet cum conditur imâ:
 Candidus in summo est: melior natura quod illic
 Ætheris est, terræque procûl contagia vitat.
 Nec par aut eadem nocturnæ forma Dianæ
 Esse potest unquam: semperque hodierna sequente,
 Si crescit, minor est; major, si contrahit orbem.
 Quid? non in species succedere quatuor annum:
 Aspicias ætatis peragentem imitamina nostræ?
 Nam tener & lactens, puerique simillimus ævo
 Vere novo est. Tunc herba nitens, & roboris expers
 Turget, & insolida est: & spe delectat agrestem.
 Omnia tum florent; florumque coloribus almus
 Ridet ager: neque adhuc virtus in frondibus ulla est.
 Transít in æstatem, post ver, robustior annus:
 Fitque valens juvenis. Neque enim robustior ætas.
 Ulla, nec uberior: nec quæ magis æstuat ulla est.
 Excipit autumnus, posito fervore juventæ,
 Maturus, mitisque, inter juvenemque senemque;
 Temperie medius, sparsis per tempora canis.
 Inde senilis hyems tremulo venit horrida passu;
 Aut spoliata suos, aut, quos habet, alba capillos.
 Nostra quoque ipsorum semper, requieque sinè ullâ,
 Corpora vertuntur: Nec quod fuimusve, sumusve,
 Cras erimus. Fuit illa dies, quâ semina tantum,
 Spesque hominum primæ maternâ habitavimus alvo.
 Artifices natura manus admovit: & angí
 Corpora visceribus distentæ condita matris
 Noluit; éque domo vacuas emisit in auras.
 Editus in lucem jacuit sinè viribus infans:
 Mox quadrupes rituque tulit sua membra ferarum,
 Paulatimque tremens & nondum poplite firmo
 Constitit, adjutis, aliquo conamine nervis.
 Indè valens veloxque fuit: spatiumque juventæ
 Transít: & emeritis medii quoque temporis annis,
 Labitur occidæ per iter declive senectæ.
 Subruit hæc ævi, demoliturque prioris
 Robora: fletque Milon senior, cum spectat inanes
 Illos, qui fuerant, solidorum mole tororum
 Herculeis similes, fluidos pendere, lacertos.
 Flet quoque, ut in speculo rugas aspexit aniles,

Tyndaris: & secum, cur sit bis rapta, requirit.
 Tempus edax rerum, tuque invidiosa vetustas,
 Omnia destruitis: vitiatæque dentibus ævi
 Paulatim lentâ consumitis omnia morte.
 Hæc quoque non perstant, quæ nos elementa vocamus,
 Quasque vices peragant, (animos adhibete) docebo.

Elementorum mutationes.

QUATUOR æternus genitalia corpora mundus
 Continet. Ex illis duo sunt onerosa, suoque
 Pondere in inferius, tellus atque unda, feruntur:
 Et totidem gravitate carent: nulloque premente
 Alta petunt, ær, atque ære purior ignis.
 Quæ quanquam spatio distant: tamen omnia fiunt
 Ex ipsis; & in ipsa cadunt resolutaque tellus
 In liquidas rorescit aquas: tenuatus in auras
 Aërque humor abit: dempto quoque pondere rursus.
 In superos ær tenuissimus emicat ignes.
 Indè retro redeunt: idemque retextitur ordo.
 Ignis enim densum spissatus in æra transit;
 Hic in aquas: tellus glomeratâ cogitur undâ,
 Nec species sua cuique manet. Rerumque novatrix
 Ex aliis alias reparat natura figuras:
 Nec perit in tanto quicquam (mihi credite) mundo;
 Sed variat, faciemque novat: nascique vocatur,
 Incipere esse aliud, quàm quod fuit antè; morique,
 Desinere illud idem. Cùm sint hùc forsitan illa,
 Hæc translata illuc; summâ tamen omnia constant.
 Nil equidem durare diù sub imagine eadem
 Crediderim. Sic ad ferrum venistis ab auro,
 Secula. Sic toties versa es, fortuna locorum.
 Vidi ego, quod fuerat quondam solidissima tellus,
 Esse fretum. Vidi factas ex æquore terras:
 Et procùl à pelago conchæ jacuere marinæ:
 Et vetus inventa est in montibus anchora summis;
 Quodque fuit campus, vallem decursus aquarum
 Fecit: & eluvie mons est deductus in æquor:
 Quæque sitim tulerant, stagnata paludibus hument,
 Hic fontes natura novos emisit, ac illic
 Clausit: & antiquis tam multa tremoribus orbis
 Flumina profiliunt; aut excæcata residunt.



EXCERPTA

EX

VIRGILIO.



ECLOGA Prima.

ARGUMENTUM.

Quum Virgilius, cujus personam hic sustinet Tityrus pastor, agrum vicinum Cremonæ amisset, Romam venit: ubi cum sua eum carmina Mecenati commendassent, Mænas autem Augusto, agrum recuperavit. Tityrum igitur felicem esse prædicat pastor Melibæus, (sub cujus nomine cæteri quoque pastores Mantuani intelliguntur) & suam contra calamitatem deplorat, finibus suis a milite veterano pulsus.

MELIBOEUS TITYRUS.

Mel. **T**ITYRE, tu patulæ recubans sub tegmine fagi,
Sylvestrem tenui musam meditaris avenâ:
Nos patriæ fines, & dulcia linquimus arva,
Nos patriam fugimus: tu, Tityre, lentus in umbrâ.
Formosam resonare doces Amaryllida sylvas.

Tit.

Tit. O Melibœe ^a Deus nobis hæc otia fecit.
 Ille meas errare boves [ut cernis] & ipsum
 Ludere quæ vellem calamo permisit agresti.
Mel. Non equidem invideo, miror magis; undiq; totis
 Usq; adeò turbatur agris. En, ipse capellas
 Protenus æger ago, hanc etiam vix, Tityre, duco.
 Hic inter densas corylos modo namq; gemellos,
 Spem gregis, ah filice in nuda connixa reliquit.
 Sæpe malum hoc nobis, si mens non læva fuisset
 De cælo tactas memini prædicere quercus:
 Sæpe sinistra cavâ prædixit ab ilice cornix.
 Sed tamen iste Deus qui sit, ^b da, Tityre, nobis.

Tit. Urbem, quam dicunt Romam, Melibœe, putavi
 Stultus ego^c huic nostræ similem, quò sæpe solemus
 Pastores ovium teneros depellere fœtus.
 Sic canibus catulos similes, sic matribus hœdos
 Nôram, sic parvis componere magna solebam.
 Verùm hæc tantum alias inter caput extulit urbes,
 Quantum lenta solent inter viburna cupressi.

Mel. Et quæ tanta fuit Romam tibi causa videndi?

Tit. Libertas: quæ, fera tamen, respexit inertem,
 Candidior postquam tondenti barba cadebat:
 Respexit tamen, & longo post tempore venit:
^d Postquam nos Amaryllis habet Galatea reliquit.
 Namq; [fatebor enim] dum me Galatea tenebat,
 Nec spes libertatis erat, nec cura peculî.
 Quamvis multa meis exiret victima septs,
 Pinguis & ingrata premeretur caseus urbi,
 Non unquam gravis ære domum mihi dextra redibat.

Me. Mirabar quid mœsta Deos, Amarylli, vocares.
 Cui pendere suâ patereris in arbore poma:
 Tityrus hinc aberat: ipsæ te, Tityre, pinus,
 Ipsi te fontes, ipsæ hæc arbusa vocabant,

Tit. Quid facerem? neq; servitio me exire licebat,
 Nec tam præsentibus alibi cognoscere divos.
 Hic illum vidi ^e Juvenem, Melibœe, quotannis
 Bis fenos cui nostra dies altaria fumant.
 Hic mihi responsum primus ille dedit petenti:

^a Octavius Cæsar. — ^b Dic; uti accipe pro audi. — ^c Mantuæ.
^d Ex quo Romam veni, relictâ Mantuâ, — ^e Augustum.

Pascite, ut ante, boves, pueri ^f submittite tauros.

Mel. Fortunate senex, ergo tua rura manebunt,
Et tibi magna fatis; & quamvis lapis omnia nudus,
Limosoq; palus obducatur pascua junco.

Non insueta * graves tentabunt pabula: ^h fœtas
Nec mala vicini pecoris contagia lædent.

Fortunate senex, hic inter flumina nota,
Et fontes ⁱ sacros et frigus captabis opacum.

Hinc tibi, quæ semper vicino ab limine sepes

^k Hyblæis apibus florem depasta salicti,
Sæpe levi somnum suadebit inire susurro.

Hinc altâ sub rupe canet frondator ad auras.

Nec tamen interea raucæ, tua cura, palumbes,

Nec gemere aëreâ cessabit turtur ab ulmo:

Tit. Ante leves ergo pascentur in æthere cervi,
Et freta destituent nudos in littore pisces:

Ante pererratis amborum finibus exul

Aut Ararim Parthus bibet, aut Germania Tigrim,

Quàm nostro illius labatur pectore vultus.

Mel. At nos hinc, alii sitientes ibimus Afros;
Pars Scythiam, & rapidum Cretæ veniemus Oaxen,
Et penitus toto divisos orbe Britannos.

En unquam patrios longo post tempore fines,

Pauperis & tugurî congestum cespite culmen,

Post aliquot (mea regna) videns mirabor ^l aristas?

Impius hæc tam culta novalia miles habebit?

Babarus has segetes? En quo discordia cives

Perduxit miseros! en quæis consevimus agros.

Inferè nunc, Melibœe, pyros, pone ordine vites

Ite meæ, quondam sælix pecus, ite capellæ.

Non ego vos posthac viridi projectus in antro

Dumofâ pendere procul de rupe videbo.

Carmina nulla canam: non, me pascente, capellæ,

Florentem citysum & salices carpētis amaras.

Tit. Hic tamen hanc mecum poteris requiescere
noctem

Fronde super viridi; sunt nobis mitia poma,

^f Jugo, ad arandum. — ^g Ut quæ à saxoso Monte ad Mincium se extendant. — * Quæ in utero gestant. — ^h Quæ jam pepererunt.

ⁱ Omni enim fonti numen præesse credebatur. — ^k Hybla mons erat Siciliæ thymo ad mellificia clarus. — ^l Messes, Annos.

Castaneæ ^k molles & ^l preffi copia lactis:
Et jam summa procul villarum culmina fumant,
Majoresq; cadunt altis de montibus umbræ,



ECLOGA Quarta.

ARGUMENTUM.

Salonio, Asinii Pollionis filio Genethliacon dicit. Huc detorquet, quæ Sibylla de futurâ aurei seculi fælicitate cecinerat: seu potius, quæ de temporibus Messîæ adventum insequentibus, prædixerat Esaias cæteriq; Prophetæ.

^m **S**ICELIDES musæ, paulo majora canamus.
Non omnes arbuta juvant, humilesq; myricæ.

ⁿ Ultima Cumæi venit jam carminis ætas:
Magnus ab integro seclorum nascitur ordo.

Jam redit & ^o virgo, redeunt ^p Saturnia regna
Jam ^q nova progenies cælo demittitur alto.

Tu modo nascenti puero, quo ferrea primum
Desinet, ac toto surget gens aurea mundo,

Castæ fave Lucina: tuus jam regnat ^r Apollo.

Téq; adeo decus hoc ævi, te consule, inibit,

Pollio, & incipient magni procedere menses.

Te duce, si qua manent sceleris vestigia nostri,

Irrita perpetuâ solvent formidine terras.

Ille Deûm vitam accipiet, divisq; videbit

Permissos heroas, & ipse videbitur illis;

Pacatumq; reget patriis virtutibus orbem.

At tibi prima, puer, nullo munuscula cultu,

^k Maturæ ac recentes. — ^l In caseum coacti.

^m Theocriteæ, pastorales. — ⁿ Adimpletum est tempus Sybillæ Cumanae vaticiniis jam olim prædictum. — ^o Astræa, quæ terras prius reliquerat. — ^p Ætas aurea. — ^q Heroes. — ^r Augustus.

Errantes hederas passim cum baccare tellus,
 Mistaq; ridenti colocasia fundet acantho:
 Ipsæ lacte domum referent distenta capellæ
 Ubra: ^s nec magnos metuent armenta leones.
 Ipsa tibi blandos fundent cunabula flores:
 Occidet & serpens & fallax herba veneni
 Occidet: Affyrium vulgo nascetur amomum.
 At simul heroum laudes & facta parentis
 Jam legere, & quæ sit poteris, cognoscere virtus:
 Molli paulatim flavescet campus aristâ,
 Incultisq; rubens pendebit sentibus uva,
 Et duræ quercus sudabunt roscida mella.
 Pauca tamen suberunt priscae vestigia fraudis,
 Quæ tentare Thetin ratibus, quæ cingere muris
 Oppida, quæ jubeant telluri infindere sulcos.
 Alter erit tum ^t Typhis & altera quæ vehat Argo
 Delectos heroas; erunt etiam altera bella:
 Atq; iterum ad Trojam magnus mittetur Achilles.
 Hinc ubi jam firmata virum te fecerit ætas,
 Cedet & ipse mari victor, nec nautica pinus
 Mutabit merces: omnis feret omnia tellus.
 Non rastros patietur humus, non vinea falcem:
 Robustus quoq; jam tauris juga solvet arator,
 Nec varios discet mentiri lana colores.
 Ipse sed in pratis aries jam suave rubenti
 Murice, jam croceo mutabit vellera luto.
 Sponte suâ ^u sandyx pascentes vestiet agnos.
 Talia secla suis dixerunt currite fufis
^w Concordes stabili fatorum numine Parcae.
 Aggredere ô magnos (aderit jam tempus) honores
 Chara Deûm soboles, magnum Jovis incrementum.
 Aspice, 'convexo nutantem pondere mundum,
 Terrâsq; tractusq; maris, cælumq; profundum.
 Aspice venturo lætentur ut omnia seculo.
 O mihi tam longæ maneant pars ultima vitæ,
 Spiritûs & quantum fat erit tua dicere facta!
 Non me carminibus vincet nec Thracius Orpheus
 Nec Linus: huic mater quamvis atq; huic pater adsit:
 Orpheo Calliopea, Lino formosus Apollo.

^s Vide *Isaiæ* c. xi. 6, &c. — ^t Argûs fabricator & gubernator.
 — ^u Color flammeus. — ^w Nulli hæc convenient, nisi unigenito
 DEI filio.



GEORGIC. II. v. 458.

Rusticæ vitæ laudes.

O Fortunatos nimium, sua si bona nôrint,
 Agricolas! quibus ipsa, procul discordibus armis,
 Fundit humo facilem victum justissima tellus.
 * Si non ingentem foribus domus alta superbis
 Mane salutantum totis vomit ædibus * undam,
 Nec varios inhiant pulchrâ testudine postes,
 Illusasq; auro vestes, y Ephyræiaq; æra;
 At secura quies, & nescia fallere vita,
 Dives opum variarum; at latis otia fundis,
 Speluncæ vivi; lacus, at frigida z Tempe,
 Mugitusq; boum, mollesq; sub arbore somni
 Non absunt: illic saltus ac lustra ferarum
 Et patiens operum, parvoq; assueta juvenus:
 Sacra Deum, sanctiq; patres; extrema per illos
 Justitia, excedens terris, vestigia fecit.
 Me verò primum dulces ante omnia Musæ,
 a Quarum sacra fero ingenti percussus amore,
 Accipiant, cæliq; vias & fidera monstrent;
 Defectus solis varios; lunæq; labores;
 Unde tremor terris; quâ vi maria alta tumescant,
 Obicibus ruptis, rursusq; in se ipsa residant:
 Quid tantum oceano properent se tingere soles
 Hyberni; vel quæ tardis mora noctibus obstet:
 Sin, has ne possim naturæ accidere partes,
 Frigidus obstiterit circum præcordia sanguis:
 Rura mihi & rigui placeant in vallibus amnes:
 Flumina amem sylvasq; inglorius: ô ubi campi,

* Vitam rusticam confert cum urbanâ. — y Corinthia. —
 z Loca amœna; proprie Thessaliæ locus. — a Quarum me, sacerdotem profiteor, — * Turbam.

^b Sperchiusq; & virginibus bacchata Lacænis
 Taygeta! ô, quis me gelidis in vallibus ^c Hæmi
 Siftat, & ingenti ramorum protegat umbrâ!
^d Felix, qui potuit rerum cognoscere causas,
 Atq; metus omnes, & inexorabile fatum
 Subjecit pedibus, strepitumq; Acherontis avari.
 Fortunatus & ille Deos qui novit agrestes,
 Panaq; Sylvanumq; senem nymphasq; sorores.
 Illum non populi fasces, non purpura regum
 Flexit, & infidos agitans discordia ^e fratres:
^f Aut conjurato descendens Dacus ab Istro;
 Quos rami fructus, quos ipsa volentia rura
 Sponte tulere suâ, carpfit: nec ^g ferrea jura,
 Infanumq; forum, aut populi tabularia vidit.
 Sollicitant alii remis freta cæca ruuntq;
 In ferrum: penetrant aulas & limina regum:
 Hic petit excidiis urbem miserôsq; Penates,
 Ut gemmâ bibat & ^h Sarrano dormiat ostro:
 Condit opes alius defossoq; incubat auro:
 Hic strepit attonitus rostris: hunc plausus hiantem
 Corripuit: gaudent perfusi ⁱ sanguine fratrum
 Exiliôq; domos & dulcia limina mutant,
 Atq; alio patriam quærunt sub sole jacentem.
 Agricola incurvo terram dimovit aratro:
 Hinc anni labor, hinc patriam parvosq; nepotes
 Sustinet; hinc armenta boum meritosq; juvencos.
 Nec requies, quin aut pomis exuberet annus,
 Aut foetu pecorum, aut Cerealis mergite culmi,
 Proventuq; oneret sulcos, atq; horrea vincat.
 Venit hyems, teritur ^k Sicyonia bacca ^l trapetis;
 Glande sues læti redeunt, dant arbuta sylvæ;
 Et varios ponit foetus autumnus, & altè
 Mitis in ^m apricis coquitur vindemia saxi.
 Interea pendent dulces circum oscula nati;

^b Theſſaliæ fl. — ^c Mons. Thraciæ. — ^d Felix utiq; eſt
 ſapiens, qui non ipſam mortem timet. — ^e Ut Romulum & Re-
 mum. — ^f Daci in Bella proſecturi, Iſtrum jurabant, ſe nolle re-
 infectâ redire. — ^g Dura. — ^h Tyrio, a purpurâ Piſce, cui
 Sar nomen, dicta Sarra; inde Tyrus. — ⁱ Sanguine Civili. —
^k Oliva quæ, abunde naſcitur in Sicyone, civitate Laconicæ. —
^l Prælis oleariis. — ^m Vinam matureſcit in amphoris ſolis expoſitis.

Castâ pudicitiam servat domus; ubera vaccæ
Lactea demittunt, pinguesq; in gramine læto
Inter se adversis luctantur cornibus hædi.



GEORGIC. IV. v. 456.

EURYDICE, ⁿ dum te fugeret per flumina præceps,
Immanem ante pedes hydram moritura puella
Servantem ripas altâ non vidit in herbâ.
At ^o chorus æqualis Dryadum clamore supremos
Implerûnt montes: flêrunt ^p Rhodopeiæ & arces,
Altâque ^p Pangea, & ^q Rhesi mavortia tellus.
^r Ipse cavâ solans ægrum testudine amorem,
Te, dulcis conjux. te solo in littore secum,
Te veniente die, te decedente canebat.
^s Tænarias etiam fauces, alta ostia Ditis,
Et caligantem nigrâ formidine lucum
Ingressus, manésq; adiit, regémq; tremendum,
Nesciaq; hnmanis precibus mansuescere corda.
At cantu commotæ Erebi de sedibus imi,
Umbræ ibant tenues simulacraq; luce carentûm,
Quâm multa in sylvis avium se millia condunt,
Vesper ubi, aut hybernus agit de montibus imber;
Matres atq; viri defunctaq; corpora vitâ
Magnanimum heroum, pueri, innuptaq; puellæ.
Impositiq; rogis, juvenes ante ora parentum:
Quos circum limus niger, & deformis arundo
Cocyti, tardâq; palus innabilis undâ
Alligat, & novies Styx interfusa cœrcet.
Quin ipsæ stupuêre domus, atq; intima lethi
Tartara cæruleosq; implexæ crinibus angues
Eumenides; tenuitq; inhians tria Cerberus ora.

ⁿ Inducitur Proteus Aristæum alloquens. — ^o Nymphæ populares, connutritiæ. — ^p Montes Thraciæ. — ^q Quam postea Rhesus rex tenuit. — ^r Orpheus. — ^s Per Tænarum Laconicæ promontorium, descensus patere ad inferos credebatur.

Jamq; pedem referens casus evaserat omnes,
 Redditaq; Eurydice superas veniebat ad auras,
 Ponè sequens (namq; hanc dederat Proserpina ^t legem)
 Cum subita incautum dementia cepit amantem:
 Ignoscenda quidem, scirent si ignoscere manes.
 Restitit, Euridicenq; suam jam luce sub ipsâ,
 Immemor (heu!) victusq; animi, respexit; ibi omnis
 Effusus labor, atq; immitis rupta tyranni
 Fœdera; terq; fragor stagnis auditus Averni.
 Illa, quis & me, inquit, miseram & te perdidit Orpheu?
 Quis tantus furor? en iterum crudelia retro
 Fata Vocant, conditq; natantia lumina somnus.
 Jamque vale: feror ingenti circumdata nocte,
 Invalidasq; tibi tendens (heu non tua) palmas.
 Dixit, & ex oculis subitò, seu fumus in auras
 Commistus tenues, fugit diversa; neq; illum
 Prensantem nequicquam umbras & multa volentem
 Dicere, præterea vidit; nec portitor Orci
 Amplius objectam passus transire paludem.
 Quid faceret? quò se raptâ bis conjuge ferret?
 Quo fletu manes, quâ numina voce moveret?
 Illa quidem Stygiâ nabat jam frigida cymbâ
 Septem illum totos perhibent ^u ex ordine menses
 Rupe sub æreâ deserti ad ^w Strymonis undam
 Flevisse, & gelidis ^x hæc evolvisse sub antris,
 Mulcentem tigres, & agentem carmine quercus.
 Qualis populeâ mœrens Philomela sub umbrâ
 Amissos queritur fœtus, quos durus arator
 Observans nido implumes detraxit: & illa
 Flet noctem, ramoq; sedens, miserabile carmen
 Integrat, & mœstis latè loca questibus implet.

^t Ne Orpheus respiceret. — ^u Continuos, sine intermissione.
 — ^w Fluvius Thraciæ. — ^x Quæ passus fuerat, animo & ci-
 tharâ percurrisse.



ÆNEIDOS, LIB. II. v. 250.

Trojæ excidium.

⁹ **V**ertitur interea cælum, & ruit oceano nox,
Involvens umbrâ magnâ terrâmq; polumque,
Myrmidonumq; dolos: fusi per mænia Teucri
Conticuere: sopor fessos complectitur artus. •
Et jam Argiva phalanx instructis navibus ibat
A Tenedo tacitæ per amica silentia lunæ,
Littora nota petens; flammæ cum regia puppis
Extulerat: fatisq; Deûm defensus iniquis
Inclusos utero Danaos, & pinea furtim
Laxat claustra Sinon, illos patefactus ad auras
Reddit equus; lætiq; cavo se robore promunt
Tifandrus, Sthenelusque, duces, & dirus Ulysses,
Demissum lapsi per funem, Athamasq; Thoasq;
Pelidesq; Neoptolemus, primusq; Machaon,
Et Menelaus & ipse* doli fabricator Epæus.
Invadunt urbem somno vinoq; sepultam.
Cæduntur vigiles; portisq; patentibus omnes
Accipiunt socios, atq; agmina conscia jungunt.

Tempus erat quo prima quies mortalibus ægris
Incipit, & dono divûm gratissima serpit.
In somnis ecce ante oculos mœstissimus Hector
Visus adeste mihi, largosque effundere fletus,
Raptatus ⁿ bigis, ut quondam, aterq; cruento
Pulvere, perq; pedes trajectus lora tumentes.
(Hei mihi! qualis erat! quantum mutatus ab illo
Hectore, qui redit ⁿ exuvias indutus Achillis,
Vel Danaûm Phrygios jaculatus puppibus ignes!)
Squalentem barbam, & concretos sanguine crines,

⁹ Scil, post equum illum viris armatis plenum, intra Trojæ muros inductum Æneas loquitur. — ⁿ Ab Achille. — ⁿ Quas Patroclo armis Achillis induto detraxerat. — * Equi,

Vulneraq; illa gerens, quæ circum plurima muros
 Accepit patrios. Ultrò flens ipse videbar
 Compellare virum, & mœstas expromere voces.
 O Lux Dardaniæ, spes ô fidissima Teucrûm,
 Quæ tantæ tenuere moræ? Quibus Hector ab oris
 Expectate venis? Ut te post multa tuorum
 Funera, post varios hominumq; urbisq; labores
 Defessi aspiciamus? quæ causa indigna serenos
 Fœdavit vultus? aut cur hæc vulnera cerno?
 Ille nihil; nec me quærentem vana moratur:
 Sed graviter gemitus imo de pectore ducens,
 Heu! fuge, nate Deâ, teq; his, ait, eripe flammis:
 Hostis habet muros, ruit alto a culmine Troja.
 Sat patriæ Priamoq; datum: si Pergama dextrâ
 Defendi possent, etiam hâc defensa fuissent.
 Sacra suosq; tibi commendat Troja Penates.
 Hos cape fatorum comites; his mœnia quære
 Magna pererrato statues quæ deniq; ponto.
 Sic ait, & manibus ^b vittas, Vestamq; potentem,
 Æternumq; adytis effert penetralibus ignem.

Diverſo interea miſcentur mœnia luſtu:
 Et magis atq; magis (quanquam ſecreta parentis
 Anchifæ domus, arboribusq; obteſta reſeſſit)
 Clareſcunt ſonitus, armorumq; ingruit horror.
 Excutior ſomno, & ſummi faſtigia teſti
 Aſcenſu ſupero, atq; arreſtis auribus aſto.
 In ſegetem veluti cum flamma furentibus Auſtris
 Incidit, aut rapidus montano flumine torrens
 Sternit agros, ſternit ſata læta, boumq; labores,
 Præcipiteſq; trahit ſylvas: ſtupet inſcius alto
 Accipiens ſonitum ſaxi de vertice paſtor.
 Tum vero manifeſta fides, Danaûmq; pateſcunt
 Inſidiæ: Jam Deiphobi dedit ampla ruinam
 * Vulcano ſuperante domus; jam proximus ardet
 † Ucalegon: Sigæa igni freta læta relucent.
 Exoritur clamorq; virûm clangorq; tubarum.
 Arma amens capio; nec ſat rationis in armis.
 Sed glomerare manum bello, & concurrere in arcem
 Cum fociis, ardent animi. Furor iraq; mentem
 Præcipitant; pulchrumq; mori ſuccurrit in armis.

^b Faſcias, velamina, pepla Deorum, — * Igne. — † Domus Ucalegonis.

Ecce autem telis Pantheus elapsus Achivûm,
Pantheus Otriades, ^c arcis Phœbiq; sacerdos,
Sacra manu, victosq; Deos, parvumq; nepotem
Ipse trahit, cursuq; amens ad littora tendit.
Quo res summa loco, Pantheu? quā prendimus arcē?
Vix ea fatus eram gemitu cum talia reddit.
Venit summa dies & ineluctabile tempus
Dardaniæ: fuimus Troës; fuit Ilium, & ingens
Gloria Teucrorum: ferus omnia Jupiter Argos
Transtulit: incensâ Danai dominantur in urbe.
Arduus armatos mediis in mœnibus astans
Fundit equus, victorq; Sinon incendia miscet
Insultans: portis alii bipatientibus adsunt;
Millia quot magnis nunquam venêre Mycenis.
Obsedère alii telis angusta viarum
Oppositi: Stat ferri acies mucrone corusco
Stricta, parata neci: vix primi prœlia tentant
Portarum vigiles, & cæco Marte resistunt.
Talibus Otriadæ dictis, & numine Divûm,
In flammæ, & in arma feror; quo tristis Erinny,
Quo fremitus vocat, & sublatus ad æthera clamor.
Addunt se socios Ripheus, & maximus annis
Iphitus, oblatis per lunam, Hypanisq; Dymasque,
Et lateri agglomerant nostro, juvenisq; Choræbus
Mygdonides; illis qui ad Trojam forte diebus
Venerat, infano Cassandræ incensus amore:
Et gener auxilium Priamo Phrygibusq; ferebat;
Infelix, qui non sponsæ præcepta furentis Audierat.
Quos ubi confertos audere in prœlia vidi,
Incipio super his: Juvenes, fortissima frustra
Pectora, si vobis * audentem extrema cupido
Certa sequi; quæ sit rebus fortuna videtis.
Excessere omnes, adytis arisq; relictis,
Dii, quibus imperium hoc steterat. Succuritis urbi
Incensæ: moriamur, & in media arma ruamus.
Una salus victis, nullam sperare salutem.
Sic animis juvenum furor additus inde (lupi ceu
Raptores, atrâ in nebulâ quos improba ventris
Exegit cæcos rabies, catulique relictis
Faucibus expectant siccis) per tela, per hostes

^c Phœbi in summâ arce culti. —* (Me.)

Vadimus haud dubiam in mortem, mediæq; tenemus
 Urbis iter, nox atra cavâ circumvolat umbrâ.
 Quis cladem illius noctis, quis funera fando
 Explicet? aut possit lacrymis æquare labores?
 Urbs antiqua ruit, multos dominata per annos:
 Plurima perq; vias sternuntur inertia passim
 Corpora, perq; domos, & relligiosa Deorum
 Limina: nec soli pœnas dant sanguine Teucri.
 Quondam etiam victis redit in præcordia virtus,
 Victoresq; cadunt Danaï: crudelis ubique
 Luctus, ubiq; pavor, & plurima mortis imago.

Primus se Danaûm, magnâ comitante catervâ,
 Androgeos offert nobis, * socia agmina credens,
 Inscius, atq; ultrò verbis compellat amicis:
 Festinate viri; nam quæ tam fera moratur
 Segnities? alii rapiunt incensa feruntque
 Pergama: vos celsis nunc primum à navibus itis?
 Dixit; & extemplo (neq; enim responsa dabantur
 Fida satis) sensit medios delapsus in hostes.
 Obstupuit, retroq; pedem cum voce repressit.
 Improvisum aspris veluti qui sentibus anguem
 Pressit, humi nitens; trepidusq; repente refugit
 Attollentem iras, & cærule colla tumentem:
 Haud secus, Androgeos visu tremefactus abibat.
 Irruimus, densis & circumfundimur armis:
 Ignarosq; loci passim & formidine captos
 Sternimus: aspirat primo fortuna labori.

Atq; hic exultans successu, animisq; Choræbus,
 O Socii; quâ prima, inquit, fortuna salutis
 Monstrat iter, quâq; ostendit se dextra, sequamur.
 Mutemus clypeos, Danaûmque insignia nobis
 Aptemus. Dolus, an Virtus, quis in hoste requirat.
 Arma dabunt ipsi. Sic fatus, deinde comantem
 Androgei galeam, clypei; insigne decorum
 Induitur, lateriq; Argivum accommoda tensum.
 Hoc Ripheus, hoc ipse Dymas, omnisq; juvenus
 Læta facit: Spoliis se quisque recentibus armat.
 Vadimus immisti Danaïs, ^d haud numine nostro,
 Multaq; per cæcam congressi prælia noctem
 Conserimus, multos Danaûm demittimus Orco.

^d Adverso, non favente. — * Nos esse,

Diffugiunt alii ad naves, & littora curfu
Fida petunt; pars ingentem formidine turpi
Scandunt rursus equum, & notâ conduntur in alvo

Heu! nihil invitis fas quenquam fidere divis.

Ecce, trahebatur passis Priamëia virgo
Crinibus a templo Cassandra adytisq; Minervæ,
Ad cælum tendens ardentia lumina frustra;
Lumina; nam teneras arcebant vincula palmas.
Non tulit hanc speciëm furiatâ mente Choræbus;
Et sese medium iniecit moriturus in agmen.

Hic primùm ex alto delubri culmine telis
Nostorum obruimur; oriturque miserrima cædes,
Armorum facie, & Graiarum errore jubarum.

Tum Danaï gemitu, atq; ereptæ virginis irâ
Undiq; collecti invadunt; acerrimus Ajax,
Et gemini Atridæ, Dolopumq; exercitus omnis.

Adversî rupto ceu quondam turbine venti
Configunt Zephyrusq; Notisq; & lætus Eöis
Eurus equis; stridunt sylvæ, sævitq; tridenti
Spumeus, atq; imo Nereus ciet æquora fundo.

Illi etiam, si quos obscurâ nocte per umbram
Fudimus insidiis totâq; agitavimus urbe,

Apparent, primi clypeos mentitaq; tela
Agnoscent, atq; ora sono discordia signant.

Ilicet obruimur numero: primusq; Choræbus

Penelei dextrâ, divæ armipotentis ad aram

Procumbit: cadit & Ripheus, justissimus unus

Qui fuit in Teucris, & servantissimus æqui.

Diis aliter visum: pereunt Hypanisq; Dymasq;

Confixiâ sociis, nec te tua plurima, Pantheu,

Labentem pietas, nec Apollinis infula textit

Iliaci cineres, & flamma extrema meorum

Testor, in occasu vestro, nec tela, nec ullas

Vitavisse vices Danaûm: & si fata fuissent

Ut caderem, meruisse manu. Divellimur inde

Iphitus & Pelias mecum: quorum Iphitus ævo

Jam gravior, Pelias et vulnere tardus Ulyssæi.

Protinus ad sedes Priami clamore vocati.

Hic vero ingentem pugnam, ceu cætera nusquam

Bella forent, nulli totâ morerentur in urbe:

Sic Martem indomitum, Danaosq; ad testâ ruentes

Cernimus, obsessumq; actâ testudine limen.

Hærent parietibus scalæ; postesq; sub ipsos

Nituntur gradibus; clypeosq; ad tela finistris
 Protecti obijciunt, prensant fastigia dextris.
 Dardanidæ contra turres ac tecta domorum
 Culmina convellunt: his se (quando ultima cernunt)
 Extremâ jam in morte parant defendere telis;
 Auratasq; trabes, veterum decora alta parentum,
 Devolvunt: alii strictis mucronibus imas
 Obsedère fores: has servant agmine denso.
 Instaurati animi regis succurrere tectis,
 Auxilióq; levare viros, vimq; addere victis.
 Limen erat, ^e cæcæq; fores, & pervius usus
 Tectorum inter se Priami, postesq; relictí
 A tergo; infelix quâ se (dum regna manebant)
 Sæpius Andromache ferre incomitata solebat
 Ad ^f foceros, & avo puerum Astyanacta trahebat.
 Evado ad Summi fastigia culminis, unde
 Tela manu miseri jactabant irrita Teucrí.
 Turrim in præcipiti stantem summisq; sub astra,
 Eductam tectis, unde omnis Troja videri,
 Et Danaûm solitæ naves & Achaïca castra:
 Aggressi ferro circum, quâ summa labentes
 Juncturas tabulata dabant, convellimus altis
 Sedibus, impulimusque. Ea lapsa repente ruinam
 Cum sonitu trahit, & Danaûm super agmina late
 Incidit: ast alii subeunt: nec saxa, nec ullum
 Telorum interea cessat genus.
 Vestibulum ante ipsum primoq; in limine ^g Pyrrhus
 Exultat telis & [†] luce coruscus ahenâ:
 Qualis ubi in lucem coluber, mala gramina pastus
 Frigida sub terrâ tumidum quem bruma tegebat,
 Nunc positis novies exuviis, nitidusq; juventâ,
 Lubrica convolvit sublato pectore terga,
 Arduus ad Solem, & ^h linguis micat ore trisulcis.
 Unâ ingens Periphas, & equorum agitator Achillis
 Armiger Automedon; unâ omnis ⁱ Scyria pubes
 Succedunt tecto, & flammæ ad culmina jactant.
 Ipse inter primos correptâ dura bipenni
 Limina perrumpit, postesq; a cardine vellit

^e Secretæ, & paucis notæ. — ^f Priamum & Hecubam — ^g Achillis filius. — ^h Lingua, quæ ob celerem motum triplex videtur. — ⁱ E Scyro insulâ, patriâ Pyrrhi. — [†] Splendore Armorum æneorum.

Æratos; jamq; excisâ trabe, firma cavavit
 Robora & ingentem lato dedit ore fenestram.
 Apparet domus intus, & atria longa patefcunt:
 Apparent Priami & veterum penetralia regum.
 * Armatosq; vident stantes in limine primo.
 At domus interior gemitu miseroq; tumultu
 Miscetur; penitusq; cavæ plangoribus ædes
 Fœmineis ululant; ferit aurea sidera clamor.
 Tum pavidæ tectis matres ingentibus errant,
 Amplexæq; tenent postes, atq; oscula figunt.
 Instat vi patriâ Pyrrhus: nec claustra, nec ipsi
 Custodes sufferre valent: labat ariete crebro
 Janua, & emoti procumbunt cardine postes.
 Fit via vi; rumpunt aditus, primosq; trucidant
 Immissi Danai, & latè loca milite complent.

Non sic aggeribus ruptis cum spumeus amnis
 Exiit oppositasq; evicit gurgite moles,
 Fertur in arva furens cumulo, camposq; per omnes
 Cum stabulis armenta trahit. Vidi ipse furem
 Cæde Neoptoleum, geminosq; in limine Atridas.
 Vidi Hecubam¹ centumq; nurus, Priamumq; per aras
 Sanguine fœdantem, quos ipse sacraverat, ignes.
 Quinquaginta illi thalami (spes tanta nepotum)
 Barbarico postes auro, spoliisq; superbi
 Procubuere: tenent Danai quâ deficit ignis.

Forfitan & Priami fuerint quæ fata requiras.
 Urbis ubi captæ casum, convulsaq; vidit
 Limina tectorum, & medium in penetralibus hostem.
 Arma diu senior desueta trementibus ævo
 Circumdat nequicquam humeris, & inutile ferrum
 Cingitur, ac densos fertur moriturus in hostes.
 Ædibus in mediis, nudoq; sub ætheris axe,
 Ingens ara fuit, juxtâq; veterrima laurus
 Incumbens aræ atq; umbrâ complexa Penates.
 Hic Hecuba, & natæ nequicquam altaria circum,
 Præcípites, atra ceu tempestate columbæ
 Condensæ & divum amplexæ simulacra tenebant.
 Ipsum autem sumptis Priamum juvenilibus armis
 Ut vidit; quæ mens tam dira, miserrime conjux,
 Impulit his cingi telis? aut quo ruis? inquit.

* Defensores regię.--¹ Quinquaginta filiorum uxores, natas totidem.

Non tali auxilio nec defensoribus istis
 Tempus eget, non si ipse meus nunc afforet Hector.
 Huc tandem concede; hæc ara tuebitur omnes;
 Aut moriêre simul. Sic ore effata recepit
 Ad sese, & sacrâ longævum in fede locavit:
 Ecce autem, elapsus Pyrrhi de cœde Polites,
 Unus natorum Priami, per tela, per hostes
 Porticibus longis fugit, & vacua atria lustrat
 Saucius: illum ardens infesto vulnere Pyrrhus
 Insequitur, jam jamq; manu tenet, & premit hastâ.
 Ut tandem ante oculos evasit & ora parentum
 Concidit, ac multo vitam cum sanguine fudit;
 Hic Priamus quanquam in mediâ jam morte tenetur,
 Non tamen abstinuit, nec voci iræq; pepercit.
 At tibi pro scelere, exclamat, pro talibus ausis
 Dii (siqua est cœlo pietas, quæ talia curet)
 Persolvant grates dignas, & præmia reddant
 Debita; qui nati coram me cernere lethum
 Fecisti, & patrios fœdasti funere vultus.
 Ut non ille, fatum quo te mentiris, Achilles
 Talis ^m in hoste fuit Priamo; sed jura fidemq;
 Supplicis erubuit, corpusq; exangue sepulchro
 Reddidit Hectoreum, meq; in mea regna remisit.
 Sic fatus senior, telumq; imbelles sine ictu
 Conjecit; rauco quod protinus ære repulsum,
 Et summo clypei nequicquam umbone pependit.
 Cui Pyrrhus; referes ergo hæc, & nuncius ibis
 Pelidæ genitori: illi mea tristitia facta,
 Degeneremq; Neoptolemum narrare memento.
 Nunc morere: hæc dicens, altaria ad ipsa trementem
 Traxit, & in multo lapsantem sanguine nati;
 Implicuitq; comam lævâ; dextrâq; coruscum
 Extulit, ac lateri capulo tenus abdidit, ensen.
 Hæc finis Priami fatorum; hic exitus illum
 Sorte tulit, Trojam incensam, & prolapsa videntem
 Pergama, tot quondam populis terrisq; superbum
 Regnatorem Asiæ: jacet ingens littore truncus;
 Avulsamq; humeris caput, & sine nomine corpus.
 At metum primum sævus circumstitit horror;
 Obstupui: subiit chari genitoris imago,

^m In me, utcumque hoste.

Ut regem æquævum crudeli vulnere vidi
Vitam exhalantem; subiit deserta Creûsa,
Et direpta domus, & parvi casus Iûli.
Respicio, & quæ sit me circum copia lustro.
Deseruere omnes defessi, & corpora saltu
Ad terram misere aut ignibus ægra dedere.
Jamq; adeo super unus eram.
Cum mihi se, non ante oculis tam clara videndam
Obtulit, & purâ per noctem in luce refulsit,
Alma parens, confessa Deam, qualisq; videri
Cœlicolis, & quanta solet: dextrâq; prehensum
Continuit: roseoq; hæc insuper addidit ore.
Nate, quis indomitas tantus dolor excitat iras?
Quid furis? aut quonam nostri tibi cura recessit?
Non prius aspicias ubi fessum ætate parentem
Liqueris Anchisen? superet conjuxne Crëusa,
Ascaniusq; Puer? quos omnes undiq; Graiæ
Circumerrant acies; &, ni mea cura resistat,
Jam flammæ tulerint, inimicus & hauserit ensis.
Non tibi Tyndaridis facies invisa Lacænæ,
Culpatufve Paris: verùm inclementia Divûm
Has evertit opes, sternitq; a culmine Trojam.
Aspice, (namq; omnem, quæ nunc obducta tuenti
Mortales hebetat visus tibi, & humida circum
Caligat, nubem eripiam; tu nequa parentis
Jussa time, neu præceptis parere recusa)
Hic, ubi disjectas moles avulsaq; faxis
Saxa vides, mistoq; undantem pulvere fumum,
Neptunus muros magnoq; emota tridenti
Fundamenta quatit, totamq; à sedibus urbem
Eruit: hic Juno Scæas sævissima portas
Prima tenet, sociumq; furens à navibus agmen
Ferro accincta vocat.
Jam summas arces Tritonia (respice) Pallas
Insedit, nimbo effulgens & Gorgone sævâ
Ipse Pater Danais animos viresq; secundas
Sufficit: ipse Deos in Dardana suscitât arma.
Eripe, nate, fugam, finemq; impone labori.
Nusquam abero, & tutum patrio te limine sistam.
Dixerat, & spissis noctis se condidit umbris.
Apparent diræ facies, inimicaq; Trojæ
Numina magna Deûm.

Tum vero omne mihi visum confidere in ignes
 Ilium, & ex imo verti ⁿ Neptunia Troja.
 Ac veluti summis antiquam in montibus ornum
 Cum ferro accisam crebrisq; bipennibus instant
 Eruere agricolæ certatim, illa usq; minatur
 Et tremefacta comam concussio vertice nutat;
 Vulneribus donec paulatim evicta supremum
 Congemuit, traxitq; jugis avulsa ruinam.
 Descendo, ac, ducente ^o Deâ, flammam inter & hostes
 Expedior: dant tela locum, flammæq; recedunt.
 Ast ubi jam patriæ perventum ad limina sedis,
 Antiquasq; domos, genitor (quem tollere in altos
 Optabam primum montes, primumq; petebam)
 Abnegat excisâ vitam producere Trojâ,
 Exiliumque pati. Vos ô quibus integer ævi
 Sanguis, ait, solidæq; suo stant robore vires,
 Vos agitate fugam.
 Me si Cœlicolæ voluissent ducere vitam,
 Has mihi servâssent sedes: fatis una superque
 Vidimus excidia, & captæ superavimus urbi.
 Sic, ô, sic ^p positum affati, discedite, corpus.
 Ipse ^q manu mortem inveniam; miserebitur hostis,
 Exuviasque petet. ^r Facilis jactura sepulchri est.
 Jampridem invisus divis & inutilis annis
 Demoror, ex quo me divûm pater atq; hominum rex
 Fulminis afflavit ventis, & contigit igni.
 Talia perstabat memorans, fixusq; manebat,
 Nos cōtra effusi lachrymis, conjuxq; Crœusa,
 Ascaniusq; omnisq; domus, ne vertere secum
 Cuncta pater, fatoq; urgenti incumbere vellet.
 Abnegat, inceptoq; & sedibus hæret in iisdem.
 Rursus in arma feror, mortemq; miserrimus opto
 Nam quod consilium, aut quæ jam fortuna dabatur.
 Mene efferre pedem, genitor, te posse relicto
 Sperasti? tantumne nefas patrio excidit ore?
 Si nihil ex tantâ superis placet urbe relinqui,

ⁿ Neptuno condita.—^o Venere.—^p Vox funebris.—^q Vel mea,
 vel hostis qui si minus misereatur, ut spoliet tamen, mortem meam
 promovebit. —^r Nec tumulum curo, sepelit natura relictos. —
 Capit omnia tellus, quæ genuit; cœlo tegitur qui non habet ur-
 nam.

Et fedet hoc animo, perituræq; addere Trojæ
 Teq; tuosq; juvat: patet isti janua letho:
 Jamq; aderit multo Priami de sanguine Pyrrhus,
 Natum ante ora patris, patrem qui obtruncat ad aras.
 Hoc erat alma parens, quòd me per tela, per ignes
 Eripis, ut mediis hostem in penetralibus, utque
 Ascaniumq; patremq; meum juxtaq; Crëusam
 Alterum in alterius mactatos sanguine cernam?
 Arma, viri, ferte arma; vocat lux ultima victos.
 Reddite me Danaïs, finite instaurata revisam
 Prælia: nunquam omnes hodie moriemur inulti.
 Hic ferro accingor rursus, clypeoq; sinistram
 Insertabam aptans, meq; extra tecta ferebam.
 Ecce autem, complexa pedes in limine conjux
 Hærebat, parvumq; patri tenebat Iulū.
 Si periturus abis, & nos rape in omnia tecum:
 Sin aliquam expertus sumptis spem pones in armis,
 Hanc primum tutare Domum: cui parvus Iulus,
 Cui Pater & Conjux quondam tua dicta relinquer.
 Talia vociferans, gemitu tectum omne replebat:
 Cum subitum dictuq; oritur mirabile^s monstrum.
 Namq; manus inter mæstorūq; ora parentum
 Ecce^t levis summo de vertice visus Iuli
 Fundere lumen apex, tactuq; innoxia molli
 Lambere flamma comas, & circum tempora pasci.
 Nos pavidi trepidare metu, crinemq; flagrantem
 Excutere, & sanctos restinguere fontibus ignes.
 At pater Anchises oculos ad sidera lætus
 Extulit, & cœlo palmas cum voce tetendit.
 Jupiter omnipotens, precibus si flecteris ullis,
 Aspice nos hoc tantum; &, si pietate meremur,
 Da deinde auxilium, pater, atq; hæc omina firma.
 Vix ea fatus erat senior, subitoq; fragore
 Intonuit lævum, & de cœlo lapsa per umbras
 Stella facem ducens multâ cum luce cucurrit.
 Illam, summa super labentem culmina tecti
 Cernimus Idæâ claram se condere sylvâ,
 Signantemq; vias: tum longo limite fulcus
 Dat lucem, & latè circum loca sulphure fumant
 Hic vero victus genitor se tollit ad auras;

^s Prodigium.—^t Ignis lambens a capite diffusus. Regni præsa-
 gium agnoscit Anchises.

Affaturq; Deos, & sanctum fidus adorat.

Jam jam nulla mora est: sequor, & qua ducitis, adsum.

Dii patrii, servate ^u domum, servate nepotem.

Vestrum hoc augurium ^w vestroq; in numine Troja est.

Cedo equidem, nec, nate, tibi comes ire recuso.

Dixerat ille; & jam per mœnia clarior ignis

Auditur, propiusq; æstus incendiavolvunt.

Ergo age, chare pater, cervici imponere nostræ

Ipse subibo humeris; nec me labor ipse gravabit.

Quo res cunq; cadent, unum & commune periculum,

Una salus ambobus erit: mihi parvus Iulus

Sit comes, & ^x longè servet vestigia conjux.

Vos famuli, quæ dicam, animis advertite vestris.

Est urbe egressis tumulus, templumq; vetustum

^y Desertæ Cereris, juxtaq; antiqua cupressus

Relligione patrum multos servata per annos.

Hanc ex diverso sedem veniemus in unam.

Tu, genitor, cape sacra manu, patriosq; Penates:

Me, bello e tanto digressum & cæde recenti,

Attrectare nefas, donec me flumine vivo

Abluero.

Hæc fatus, latos humeros subjectaque colla

Veste super fulviq; insternor pelle leonis,

Succedoq; oneri: dextræ se parvus Iulus

Implicuit, sequiturq; patrem non passibus æquis;

Pone subit conjux: ferimur per opaca locorum,

Et me, quem dudum non ulla injecta movebant

Tela neq; adverso glomerati ex agmine Graii,

Nunc omnes terrent auræ, sonus excitat omnis

Suspensum & pariter comitiq; oneriq; timentem.

Jamq; propinquabam portis, omnemq; videbar

Evasisse viam; subito cum creber ad aures

Visus adesse pedum sonitus: genitorq; per umbram

Prospiciens, nate, exclamat fuge nate; propinquant:

Ardentes clypeos atque æra micantia cerno.

Hic mihi nescio quod trepido male numen amicum

Confusam eripuit mentem: namq; avia cursu

Dum sequor, & notâ excedo regione viarum,

^u Familiam, Genus.—^w Arbitrio vestro cadit antiqua Troja, statuit nova.—^x E longinquo sequatur, ne ab hoste advertamur multi simul.—^y Quia cultus jam defuetus per decennalem obsessionem?

[Heu!] misero conjux fatóne erepta Crëusa
 Substitit, erravitne viâ, seu lassâ refedit,
 Incertum; nec post oculis est reddita nostris.
 Nec prius amissam respexi, animumq; reflexi,
 Quam tumultum antiquæ Cereris, sedemq; sacratam
 Venimus; hic demum collectis omnibus una
 Defuit, & comites, natumq; virumq; fefellit.
 Quem non incusavi amens hominumq; Deûmque?
 Aut quid in eversâ vidi crudelius urbe?
 Ascanium Anchisemq; patrem Teucrosq; Penates
 Commendo fociis, & curvâ valle recondo:
 Ipse urbem repeto, & cingor fulgentibus armis,
 Stat casus renovare omnes, omnemq; reverti
 Per Trojam, & rursus caput objectare periclis.

Principio muros, obscuraq; limina portæ,
 Quâ gressum extuleram repeto, & vestigia retro
 Observata sequor per noctem, & lumine lustro.
 Horror ubique animos, simul ipsa silentia terrent.
 Inde Domum, si forte pedem, si forte tulisset
 Me refero: irruerant Danai, & tectum omne tenebant.
 Illicet ignis edax summa ad fastigia vento
 Volvitur; exsuperant flammæ, furit æstus ad auras.
 Procedo ad Priami sedes, arcemq; reviso.
 Et jam porticibus vacuis, Junonis asylo
 Custodes lecti Phœnix & dirus Ulysses
 Prædam asservabant: huc undique Troïa gaza
 Incensis erepta adytis, mensæq; Deorum,
 Cratèresq; auro solidi, captivæq; vestis
 Congeritur: ² pueri & pavidæ longo ordine matres
 Stant circum.

Ausus quinetiam voces jactare per umbram,
 Implevi clamore vias: mœstusq; Crëusam
 Nequicquam ingeminans iterumq; iterumq; vocavi.
 Quærenti, & tectis urbis sine fine furenti,
 Infelix simulacrum, atque ipsius umbra Crëusæ
 Visa mihi ante oculos, & notâ major imago.
 Obstupui, steteruntq; comæ & vox faucibus hæsit.
 Tum sic affari, & curas his demere dictis:
 Quid tantum insano juvat indulgere labori,
 O dulcis conjux? non hæc sine numine divum

² Captivi abducendi.

Eveniunt : nec te hinc comitem asportare Crœusam
 Fas : aut ille finet superi regnator Olympi.
 Longa tibi exilia, & vastum maris æquor arandum.
 Ad terram Hesperiam venies ;^a ubi ^a Lydius arva
 Inter opima virum leni fluit agmine Tiberis.
 Illic res lætæ, regnumq; & regia conjux
 Parta tibi : lacrymas dilectæ pelle Crœusæ.
 Non ego Myrmidonum fedes Dolopumve superbas
 Aspiciam, aut Graiis servitum matribus ibo,
 Dardanis, & divæ Veneris nurus ;
 Sed me magna Deum genitrix his detinet oris.
 Jamq; vale, & nati ferva communis amorem.
 Hæc ubi dicta dedit, lacrymantem, & multa volentem.
 Dicere, deferuit, tenuesq; recessit in auras.

Sic demum socios, consumptâ nocte reviso.
 Atq; hic ingentem comitum affluxisse novorum
 Invenio admirans numerum ; matresque, virosq;
 Collectam exilio pubem, miserabile vulgus,
 Undiq; convenère, animis opibusq; parati,
 In quascunq; velim pelago deducere terras.
 Jamque jugis summæ surgebat Lucifer Idæ,
 Ducebatq; diem : Danaïq; obsessa tenebant
 Limina portarum : nec spes opis ulla dabatur.
 Cessi, & sublato montem genitore petivi.



ÆNEIDOS, LIB. VI. v. 264.

Æneæ Descensus ad Inferos.

DII quibus imperium est animarum, umbræque
 filentes,
 Et Chaos, & Phlegethon, loca nocte silentia latè,
 Sit mihi fas ^b audita loqui, sit numine vestro
 Pandere res altâ terrâ & caligine mersas.

^a Thufcus. Namque Lydi, Tyrrheno duce, in hâc Italiæ parte confederant.—^b Audita—non cognita vel percepta.

c Ibant obscuri solâ sub nocte per umbras,
 Perq; domos Ditis vacuas & inania regna.
 Quale per incertam lunam sub luce ^d malignâ
 Est inter in sylvis, ubi cælum condidit umbrâ
 Jupiter, & rebus nox abstulit atra colorem.
 Vestibulum ante ipsum, primisq; in faucibus Orci,
 Luctus & ultrices posuere cubilia Curæ,
 Pallentesq; habitent Morbi, tristisq; Senectus,
 Et Metus, & male-suada Fames, & turpis Egestas,
 (Terribiles visu formæ) Lethumque Laborque:
 Tum consanguineus Lethi Sopor, & e mala mentis
 Gaudia; morti ferumque aduerso in limine Bellum,
 Ferreiq; Eumenidum thalami, & Discordia demens,
 Vipereum crinem vittis innexa cruentis.
 In ^f medio ramos annosaq; brachia pandit
 Ulmus opaca, ingens: quam sedem Somnia vulgò
 Vana tenere ferunt, foliisq; sub omnibus hærent.
 Multaq; præterea variarum monstra ferarum:
 Centauri in foribus stabulant, Scyllæq; bifformes,
 Horrendum stridens flammisq; armata Chimæra,
 Gorgones, Harpyiæq; & forma g tricoloris umbræ.
 Corripit hic subitâ trepidus formidine ferrum
 Æneas, strictamq; aciem venientibus offert.
 Et, ni docta comes tenues sine corpore vitas
 Admoneat volitare, cavâ sub imagine formæ,
 Irruat, & frustra ferro diverberet umbras.

Hinc via Tartarei quæfert Acherontis ad undas.
 Turbidus hic cœno vastâq; voragine gurgēs
 Æstuat, atq; omnem ^h Cocyto eructat arenam.
 Portitor has horrendus aquas & flumina servat
 Terribili squalore Charon; cui plurima mento
 Canities inculta jacet; ⁱ stant lumina flammâ
 Ipse ratem conto subigit; velisque ministrat
 Et ferrugineâ subvectat corpora cymbâ,
 Jam senior: sed cruda deo viridisq; senectus.
 Huc omnis turba ad ripas effusa ruebat;
 Matres, atque viri, defunctaq; corpora vitâ,
 Magnanimûm Heroûm; pueri, innuptæq; puellæ,

c Ibant—Æneas cum Sibyllâ?—^d Caligante; sublustri tamen.
 —^e Scelestâ, insana.—^f Vestibulo: namque illa ante vestibulum.—
 g Geryonis.—^h In Cocytum.—ⁱ Rident, ardent, scintillant.

Impositiq; rogis juvenes ante ora parentum :
 Quam multa in sylvis Autumni frigore primo
 Lapſa cadunt folia: aut ad terram gurgite ab alto
 Quam multæ glomerantur aves, ubi ^k frigidus annus
 Trans pontum fugat, & terris immittit apricis.
 Æneas (miratus enim, motuſque tumultu)
 Dic, ait, ô Virgo, quid vult concurſus ad amnem?
 Quidve petunt animæ? vel quo discrimine ripas
 Hæ linquunt, illæ remis ^l vada livida verrunt?
 Olli ſic breviter fata eſt longæva ſacerdos;
 Anchisâ generate, Deûm certiffima proles,
 Cocyti ſtagna alta vides, Stygiamq; paludem,
 Dii cujus jurare timent, & fallere Numen.
 Hæc omnis quam cernis, inops inhumataque turba eſt:
 Portitor ille, Charon; hi, quos vehit unda, ſepulti.
 Nec ripas datur horrendas, nec rauca fluenta
 Transportare prius, quam ſedibus offa quiêrunt.
 Centum errant annos, volitant hæc littora circum:
 Tum demum admiſſi ſtagna exoptata reviſunt.
 Conſtitit Anchisâ ſatus, & veſtigia preſſit,
 Multa putans, fortemq; animo miſeratus iniquam.
 Navita quem jam inde ut Stygiâ proſpexit ab undâ
 Per tacitum nemus ire, pedemq; advertere ripæ,
 Sic prior aggreditur dictis, atq; increpat ultro.
 Quiſquis es, armatus qui noſtra ad flumina tendis,
 Fare, age, quid venias; jam iſthinc & comprime greſſû.
 Umbrarum hic locus eſt, Somni, Noctiſq; ſoporæ:
 Corpora viva nefas Stygiâ veſtare carinâ.

Quæ contra breviter fata eſt ^m Amphryſia vates:
 Troïus Æneas, pietate inſignis & armis,
 Ad genitorem imas Erebi descendit in umbras.
 Si te nulla movet tantæ pietatis imago;
 At ramum hunc (aperit ramum qui veſte latebat)
 Agnoſcas: tumida ex irâ tum corda reſidunt.
 Nec plura his. Ille admirans venerabile ⁿ donum
 Fatalis virgæ, longo poſt tempore viſum,
 Cæruleam advertit puppim, ripæq; propinquinquat.
 Inde alias animas quæ per ^o juga longa ſedebant,

^k Hyems.—^l Styga & Cocytum transmittant.—^m Apollinea, ab Amphryſo fl. Theſſaliæ juxta quem apollo pavit Admeti armenta.
 —ⁿ Proſerpinæ designatum.—^o Sedilia, tranſtra.

Deturbat, & laxatq; fores: simul accipit alveo
Ingentem Æneam: gemuit sub pondere cymba
Sutulis, & multam accepit rimosa paludem.
Tandem trans fluvium incolumes vatemq; virumq;
Informi limo glaucâque exponit in ulvâ.

Cerberus hæc ingens latratu regna trifauci
Personat, adverso recumbens immanis in antro.
Cui vates, horrere videns jam colla colubris
Melle soporata & medicatis frugibus offam
Objicit: ille fame ravidâ tria guttura pandens
Corripit objectam, atq; immania terga resolvit
Fusus humi, totoq; ingens extenditur antro,
Occupat Æneas aditum, custode sepulto,
Evaditq; celer ripam irremeabilis undæ.

Continuo auditæ voces, vagitus & ingens,
Infantumq; animæ flentes in limine primo.
Quos dulcis vitæ exsortes & ab ubere raptos
Abstulit atra dies, & funere merfit acerbo.
Hos juxta, falso damnati crimine mortis.
Proxima deinde tenent mœsti loca qui sibi letum
Infantes peperere manu, lucemq; perosi
Projecere animas: Quàm vellent æthere in alto
Nunc & pauperiem & duros perferre labores!
Fata obstant, tristiciq; palus innabilis undâ
Alligat & novies Styx interfusa coercet.
Nec procul hinc partem fusi monstrantur in omnem
Lugentes campi; sic illos nomine dicunt.
Hic quos durus amor crudeli tabe peredit
Secreti celant calles, & myrtea circum
Sylva tegit: curæ non ipsâ in morte relinquunt.

Inde datum molitur iter. Jamq; arva tenebant
Ultima, quæ bello clari secreta frequentant.
Hic illi occurrit Tydeus; hic inclytus armis
Parthenopæus & Adraſti pallentis imago.
Hic multum fleti ad superos belloq; caduci
Dardanidæ, quos ille omnes longo ordine cernens
Ingemuit, Glaucumq; Medontaq; Therſilochumq;
Nec vidisse semel fatis est: juvat usq; morari
Et conferre gradum & veniendi discere causas.

^p Quo Heroi & vati sit sedendi Spatium.

At Danaûm proceres Agamemnoniæq; phalanges
 Ut vidêre virum fulgentiaq; arma per umbras,
 Ingenti trepidare metu; pars vertere terga,
 Ceu quondam petiêre rates; pars tollere vocem
 Exiguam; inceptus clamor frustratur hiantes.

Et fors omne datum traherent per talia tempus,
 Sed comes admonuit breviterq; affata Sibylla est:
 Dexterâ, quæ Ditis magni sub mœnia tendit;
 Hâc iter Elysium nobis; at læva malorum
 Exercet pœnas & ad impia Tartara mittit.

Respicit Æneas subito, & sub rupe sinistrâ
 Mœnia lata videt, triplici circumdata muro.
 Quæ rapidus flammis ambit torrentibus amnis
 Tartareus Phlegeton, torquetq; sonantia saxa.
 Porta adversa ingens, solidoq; adamante columnæ,
 Vis ut nulla virûm, non ipsi excindere ferro
 Coelicolæ valeant: stat ferrea turris ad auras
 Tisiphoneq; sedens, pallâ succincta cruentâ
 Vestibulum infomnis servat noctesq; diesque.
 Hinc exaudiri gemitus & sæva sonare
 Verbera: tum stridor ferri; tractæq; catenæ.
 Constitit Æneas, strepitumq; exterritus hausit:
 Quæ scelerum facies (O Virgo, effare) quibusve
 Urgentur pœnis? Quis tantus plangor ad auras?

Tum vates sic orsa loqui: Dux inclyte Teucrûm,
 Gnossius hæc Rhadamanthus habet durissima regna,
 Castigatq; auditq; dolos; subigitq; fateri
 Quæ quis * apud superos, furto lætatus inani
 Distulit in feram commissa piacula mortem.
 Continuo fontes ultrix accincta flagello
 Tisiphone quatit insultans, torvosq; sinistrâ
 Intentans angues, vocat agmina sæva sororum.

Tum demum horrisono stridentes cardine sacræ
 Panduntur portæ. † Cernis custodia qualis
 Vestibulo sedeat? Facies quæ limina fervet?
 Quinquaginta atris immanis hiatibus, hydra:
 Sævior intus habet sedem. Tum Tartarus ipse
 Bis patet in præceps tantûm, tenditq; sub umbras,
 Quantus ad æthereum cœli suspectus Olympum.
 Hic genus antiquum Terræ, Titania pubes,

† Sibylla Æneam alloquitur.—* Dum viverent.

Fulmine dejecti, fundo volvuntur in imo.
 Hic & Aloïdas geminos, immania vidi
 Corpora, qui manibus magnum rescindere cœlum
 Aggressi, superisq; Jovem detrudere regnis.
 Vidi & crudeles dantem Salmonea pœnas,
 Dum flammæ Jovis & sonitus imitatur Olympi.
 Quatuor hic investus equis, & lampada quassans,
 Per Graiûm populos, mediæq; per Elidis urbem,
 Ibat ovans, divûmq; sibi poscebat honorem.
 Demens, qui nimbos & non imitabile fulmen
 Ære & cornipedum cursu simulârat equorum.
 At Pater omnipotens densa inter nubila telum
 Contorsit (non ille faces, nec fumea tædis
 Lumina) præcipitemq; immani turbine adegit.

Nec non & Tityon, Terræ omnipotentis alumnum
 Cernere erat, per tota novum cui jugera corpus
 Porrigitur; rostroq; immanis vultur obunco
 Immortale jecur tundens, fœcundaq; pœnis,
 Viscera rimaturq; epulis, habitatq; sub alto
 Pectore, nec fibris requies datur ulla renatis.

Quid memorem Lapithas, Ixiona, Pirithoumq;
 Quos super atra filex, jamjam lapsura, cadentiq;
 Imminet adsimilis? Lucent genialibus altis
 Aurea fulcra toris, epulæq; ante ora paratæ
 Regifico luxu: Furiarum maxima juxta
 Accubat, & manibus prohibet contingere mensas,
 Exurgitq; facem attollens atq; intonat ore

Hic quibus invisi fratres, dum vita manebat,
 Pulsatufve parens & fraus innexa clienti,
 Aut qui divitiis soli incubuere repertis;
 Quiq; ob adulterium cæsi, quiq; arma secuti
^r Impia, nec ^s veriti dominorum fallere dextras;
 Inclusi pœnam expectant. Ne quære doceri
 Quam pœnam, aut quæ forma viros, fortunave merfit.
 Saxum ingens volvunt alii, radiisq; rotarum
 Districti pendent; ^t sedet, æternûmq; sedebit
 Infelix Theseus: ^u Phlegyasq; miserrimus omnes
 Admonet & magnâ testatur voce per umbras,
 Discite justitiam moniti, & non temnere divos.

^r Contra patriam.—^s Servi qui prodiderunt dominos.—^t Affixus
 petræ ignitæ.—^u Rex impius olim.

Non mihi si linguæ centum sint, oraq; centum,
 Ferrea vox, omnes scelerum comprehendere formas,
 Omnia pænarum percurrere nomina possim.

Hæc ubi dicta dedit, Phæbi longæva sacerdos,
 Devenêre locos lætos, & amœna vireta
 Fortunatorum nemorum, sedesq; beatas.
 Largior hic campos æther & lumine vestit
 Purpureo, solemq; suum, sua sidera nôrunt.
 * Pars in gramineis exercent membra palæstris;
 Contendunt ludo, & fulvâ luctantur arenâ:
 Pars pedibus plaudunt choreas, & carmina dicunt.
 Hic genus antiquum Tecri, pulcherrima proles,
 Magnanimi herôes, nati melioribus annis.
 Arma procul currusq; virûm miratur inanes.
 Stant terrâ defixæ hastæ, passimq; soluti
 Per campos pascuntur equi: quæ gratia currûm
 Armorumq; fuit vivis, quæ cura nitentes
 Pascere equos, eadem sequitur tellure repôstos.

Conspicit ecce! alios dextrâ lævâq; per herbam
 * Vefcentes, lætumq; Choro Pæana canentes
 Inter odoratum lauri nemus, unde supernè
 Plurimus * Eridani per sylvam volvitur amnis.
 Hic manus ob patriam pugnando vulnera passi,
 Quiq; sacerdotes casti, dum vita manebat,
 Quiq; pii vates & Phœbo digna locuti,
 Inventas aut qui vitam excoluêre per artes;
 Quiq; sui memores alios fecêre merendo.
 Omnibus his niveâ cinguntur tempora vittâ.
 Quos circumfufos sic est affata Sibylla,
 Musæum ante omnes; medium nam plurima turba
 Hunc habet, atq; humeris extantem suspicit altis.

Dicite, felices animæ, tuq; optime vates,
 Quæ regio Anchisen, quis habet locus? Illius ergò
 Venimus, & magnos Erebi tranavimus amnes.
 Atq; huic responsum paucis ita reddidit heros.
 Nulli certa domus: lucis habitamus opacis,
 Riparumq; toros, & prata recentia rivis
 Incolimus. Sed vos, si fert ita corde voluntas,
 Hoc superate jugum, & facili jam tramite sistam.

* En Paradisum Ethnicam! Quàm Mahometanæ similem?

* Eridamus terrâ absorbetur, nec emergit amplius.

Dixit & antetulit gressum, camposq; nitentes
Desuper ostentat, dein summa cacumina linquunt.

At pater Anchises penitus convalle virenti
Inclusas animas, superumq; ad lumen ituras,
Lustrabat studio recolens, omnemq; suorum
Forte recensibat numerum, charosq; nepotes.
Isq; ubi tendentem adversum per gramina vidit
Æneam, alacris palmas utraq; tetendit,
Effusæq; genis lacrymæ & vox exciditore.
Venisti tandem, tuaq; expectata parenti
Vicit iter durum pietas: datur ora tueri,
Nate, tua, & notas audire & reddere voces!
Quas ego te terras, & quanta per æquora vectum
Accipio! Quantis jactatum, nate, periclis!
Ille autem; Tua me, genitor, tua tristis imago
Sæpius occurrens, hæc limina tendere adegit.
Stant sale Tyrrheno classes. Da jungere dextram,
Da, genitor: teq; amplexu ne subtrahe nostro.
Sic memorans, largo fletu simul ora rigabat.
Ter conatus ibi collo dare brachia circum,
Ter frustra comprehensa manus effugit imago,
Par levibus ventis volucriq; simillima somno.

Interea videt Æneas in valle reductâ
Seclusum nemus, & virgulta sonantia sylvis,
Lethæumq; domos placidas qui prænatat amnem.
Hunc circum innumeræ gentes populiq; volabant.
Ac veluti in pratis, ubi apes æstate serenâ
Floribus infidunt variis & candida circum
Lilia funduntur; strepit omnis murmure campus:
Inscius Æneas, quæ sint ea flumina quærit,
Quive viri tanto complerint agmine ripas.

Tum pater Anchises, Animæ quibus altera fato
Corpora debentur, Lethæi ad fluminis undam
Securos Latices & longa oblivio potant.

O pater, ane aliquas ad terram hinc ire putandum est
Sublimes animas? Iterumq; ad tarda reverti
Corpora? Quæ lucis miseris tam dira cupido?

Dicam equidem, nec te suspensum, nate, tenebo.
Principio ꝛ cælum ac terras camposq; liquentes,
Lucentemq; globum Lunæ, Titaniaq; astra

ꝛ En elegantissimam Philosophiæ & Theologiæ Ethnicæ medul-
lam, cui vix quicquam simile alibi reperies.

Spiritus intus alit, totamq; infusa per artus
 Mens agitat molem & magno se corpore miscet.
 Inde hominum pecudumq; genus, vitæq; volantum
 Et quæ marmoreo fert monstra sub æquore pontus.
 Igneus est ollis vigor & cœlestis origo
 Seminibus, quantum non noxia corpora tardant,
 Terreniq; hebetant artus moribundaq; membra.
^z Hinc metuunt, cupiuntq; dolent, gaudentq; nec auras
 Respiciunt, clausæ tenebris & carcere cæco.
 Quin & supremo cum lumine vita relinquit,
 Non tamen omne malum miseris, nec funditus omnes
 Corporeæ excedunt pestes; penitusq; necesse est
 Multa diu concreta modis inolescere minis.
 Ergo exercentur pœnis, veterumq; malorum
 Supplicia expendunt. Aliæ panduntur inanes
 Suspensæ ad ventos: aliis sub gurgite vasto
 Infectum eluitur scelus, aut ^a exurit igni.
 Donec longa dies, perfecto temporis orbe,
 Concretam exemit labem, purumq; reliquit
 Æthereum sensum atq; aurai simplicis ignem.

Has omnes ubi mille ^b rotam volvêre per annos
 Lethæum ad fluvium Deus evocat agmine magno;
 Scilicet immemores supera ut convexa revísant
 Rursus, & incipiant in corpora velle reverti. ^c

^z Scil. ex membris corporeis.—^a En ignem Purgatorium antiquissimum!—^b Ubi mille annos exegêre in Elísio.

^c Quanto rectius hic, qui ζῶν καὶ ἀφθασίαν ἐφώτισεν.






EXCERPTA

EX

HORATIO.



LIBER PRIMUS.

Ad MECÆNATEM.

ODE i.

*Alios alia delectant: Horatius Poëtæ nomen, præ-
sertim Lyrici affectat.*


MECÆNAS, atavis edite regibus,
O & præsidium & dulce decus meum:
Sunt quos curriculo pulverem Olympicum
Collegisse juvat; metaque fervidis
Evitata rotis * palmaque nobilis,
Terrarum Dominos evehit ad Deos.
Hunc si mobilium turba Quiritium
Certat tergeminis tollere honoribus

* Præmium victoriæ.

Illum, si proprio condidit horreo
 Quicquid de Lybicus verritur areis,
 Gaudentem patrios findere sarculo
 Agros, Attalicis conditionibus
 Nunquam dimoveas, ut ^b trabe Cypriâ
 Mirtoum pavidus nauta secet mare.
 Luſtantem Icariis fluctibus Africum
 Mercator metuens, ocium & oppidi
 Laudat tuta ſui: mox reficit rates
 Quaffas, indocilis pauperiem pati.
 Eſt qui nec veteris pocula † Maſſici,
 Nec partem ſolido demere de die
 Spernit, nunc viridi membra ſub arbuto
 Stratus, nunc ad aquæ lenæ caput ſacræ.
 Multos caſtra juvant, & lituo tubæ
 Permiſtus ſonitus bellaque matribus
 Deſtata. Manet ſub * Jove frigido
 Venator teneræ conjugis immemor:
 Seu viſa eſt catulis cerva fidelibus
 Seu rupit teretes Marſus aper plagas,
 Me doctarum hederæ præmia frontium
 Diis miſcent ſuperis: me gelidum nemo,
 Nympharumque leves cum Satyris chori
 Secernunt populo: ſi neque tibiaſ
 Euterpe cohibet, nec Polyhymnia
 Leſboum refugit tendere barbiton.
^c Quòd ſi me Lyricis vatibus inferes,
 Sublimi feriam ſidera vertice.

^b Nave.—† Vini.—* Aere.—Inter Lyricos Poetas numerabis,
 ad cælum uſque evehar.





Ad AUGUSTUM CÆSAREM.

ODE ii.

*In vindictam Julii Cæsaris occisi multæ tempestates
Po. Romano immittuntur. Unica Imperii spes in
Augusti incolumitate constituitur.*

JAM satis terris nivis, atque diræ
Grandinis misit § Pater : & rubenti
Dexterâ sacras jaculatus arces,

Terruit urbem :

Terruit gentes, grave ne rediret
d Sæculum Pyrrhæ, nova monstra questæ,
Omne quum Proteus pecus egit altos

Visere montes :

Piscium & summâ genus hæsit ulmo,
Nota quæ sedes fuerat palumbis :
Et superjecto pavidæ natarunt

Æquore damæ.

Vidimus e flavum Tyberim, retortis
Littore Etrusco violenter undis,
Ire dejectum monumenta regis,

Templaq; Vestæ :

f Ilæ dum se nimium & querenti
Jactat ultorem : vagus, & h sinistra
Labitur ripâ (i Jove non probante)

Uxorius amnis.

Audiet cives acuisse ferrum
Quo graves Persæ melius perirent :
Audiet pugnâs, vitio parentum

§ Jupiter.—^d Ne tempus eluvionis rediret cum Deucalion & Pyrrha soli ex universo hominum genere relictî.—^e Tyberim turbidum & arenæ colore flavum.—^f Ilæ Romuli matri, Tyberis uxori, abs quâ Julius Cæsar ortum habuit.—^g Conquerenti de Cæsaris nece.—^h Tiberi currenti urbs est á sinistra.—ⁱ Jove indignante & pene invito.—† Regiam Numæ Pompiliî.

Rara juvenus

Quem vocet divûm populus ruentis
Imperî rebus? prece quâ fatigent
Virgines sanctæ minus audientem

* Carmina Vestam?

Cui dabit partes scelus expiandi
Jupiter? tandem venias precamur,
Nube candentes humeros amictus

Augur Apollo.

Sive tu mavis, Erycina ridens,
Quam Jocus circumvolat & Cupido:
Sive neglectum genus & nepotes

Respicias ^l autor,

Heu nimis longo fatiate ^m ludo.
Quem juvat clamor galeæque læves,
Acer & Marfi peditis cruentum

Vultus in hostem.

Sive ⁿ mutatâ juvenem figurâ
Ales in terris imitaris, almæ
Filius Maïæ, patiens vocari

Cæsaris ultor:

Serus in cœlum redeas, diuque
Lætus intersis populo Quirini:
Neve te nostris vitiis iniquum

Ocyor aura

Tollat ^o hic magnos potiùs triumphos,
Hîc ames dici pater atque princeps:
Neu finas Medos æquitare inultos
Te duce Cæsar.

* Hymnos & preces supplicantium.—^l Mars pater Romuli, qui Romam condidit.—^m Bello.—ⁿ Mutata figura tui in formam Augusti.—^o Romæ.





O D E iii.

Navi Virgilium Athenas vebenti incolumitatem precatur; deinde in hominum temeritatem audaciamque vehementer insurgit.

SIC ꝑ te diva potens Cypri,
 Sic ꝑ fratres Helenæ, lucida fidera.
 Ventorumque régat ꝑ pater,
 Obstrictis aliis, præter Iapyga:
 Navis, quæ tibi creditum
 Debes Virgilium, finibus Atticis
 Reddas incolumem, precor,
 Et serves animæ dimidium meæ,
 Illi robur & æs triplex
 Circa pectus erat, qui fragilem truci
 Commisit pelago ratem
 Primus, nec timuit præcipitem Africum
 Decertantem Aquilonibus,
 Nec tristes ꝑ Hyades, nec rabiem Noti:
 ꝑ Quo non arbiter Adriæ
 Major, tollere seu ponere vult freta.
 Quem mortis timuit ꝑ gradum,
 Qui rectis oculis monstra natantia,
 Qui vidit mare turbidum, &
 Infames scopulos ꝑ Acroceraunia?
 Nequaquam Deus abscidit
 Prudens Oceano dissociabili
 Terras, si tamen impiæ
 Non tangenda rates transiliunt ꝑ vada.
 AUDAX omnia perpeti
 Gens humana ruit per vetitum nefas.

ꝑ Venus.—ꝑ Castor & Pollux nautarum opitulatores.—ꝑ Æolus.
 —ꝑ Stellæ quæ suo ortu & occasu pluvias solent excitare.—ꝑ Quo
 nullus est ventus major dominus maris Adriatici.—ꝑ Quod genus
 mortis.—ꝑ Altos montes in Epiro infames propter crebra naufragia
 ibi facta.—ꝑ Loca in mari periculossima.

Audax ^y Iapeti genus
 Ignem fraude malâ gentibus intulit:
 Post ignem æthereâ domo
 Subductum, macies & nova febrium
 Terris incubuit cohors:
 Semotique prius ^z tarda necessitas
 Lethi corripuit gradum.
 Expertus vacuum Dædalus aëra
 Pennis non homini datis:
 Perrupit Acheronta Hercules abor.
 Nil mortalibus arduum est.
 Cælum ipsum petimus ^a stultitiâ: neque
 Per nostrum patimur scelus
 Iracunda Jovem ponere fulmina.



Ad AUGUSTUM.

ODE xii.

*Collaudatis diis, heroibus, utrisque aliquot claris,
 tandem ad divinas Augusti laudes descendit.*

QUEM virum aut heroa lyrâ vel acri
 Tibiâ fumes celebrare Clio?
 Quem deum? cujus recinet jocosa
 Nomen ^b imago,
 Aut in umbrosis ^c Heliconis oris,
^d Aut super Pindo, gelidove in ^e Hæmo?
 Unde ^f vocalem temerè insequutæ
 Orpheæ sylvæ,
^g Arte maternâ rapidos morantem
 Fluminum lapsus celeresque ventos,

^y Prometheus Iapeti filius. — ^z Necessitas mortis prius tarda & matura senectâ venientis celeravit gradum. — ^a Per stultitiam. — ^b Eccho. — ^c Mons Boetiæ, Apollini sacer & Musis. — ^d Monte Arcadiæ. — ^e Monte Thraciæ. — ^f Orpheæ (Calliopes filium) sylvæ quæ sunt sua sponte & confusè. — ^g Musica.

Blandum & auritas fidibus canoris

Ducere quercus.

Quid prius dicam solitis ^h parentis

Laudibus, qui res hominum ac deorum,

Qui mare & terras, variisque mundum

Temperat ⁱ horis?

Unde nil majus generatur ipso,

Nec viget quicquam simile aut secundum:

Proximos illi tamen occupavit

Pallas honores,

Præliis audax.) Neque te filebo

Liber, & sævis inimica ^k virgo

Belluis, nec te metuende certâ

Phœbe sagittâ

Dicam & Alciden, puerosque Ledæ:

^l Hunc equis, ^m illum superare pugnis

Nobilem: quorum simul alba nautis

Stella refulsit.

Defluit faxis agitated humor:

Concidunt venti; fugiuntque nubes:

Et minax (Dî sic voluere) ponto

Unda recumbit.

Romulum post hos prius, an quietum

Pompili regnum memorem, an superbos

Tarquini ⁿ fasces, dubito, an Catonis

Nobile lethum.

Regulum, & Scauros, animæque magnæ

Prodigum Paulum superante ^o Pœno

Gratus insigni referam camænâ,

Fabritiumque

^p Hunc, & incomptis Curium capillis

Utilem bello tulit, & Camillum

Sæva paupertas, & avitus apto

Cum lare fundus.

Crescit occulto velut arbor ævo

Fama ^q Marcelli: micat inter omnes

^h Jovis.—ⁱ Quatuor anni temporibus, Vere, Æstate, Autumno, Hyeme.—^k Diana.—^l Castorem.—^m Pollucem pugnâ pedestri insignem.—ⁿ Virgarum fasces, quos securibus alligatos lictores ante Consules ad populi terrorem portabant.—^o Hannibale.—^p Fabritium.—^q Marcellus quinquies Consul fuerat, tandem verò ab equitatu Hamibals circumventus est & occisus.

^r Julium fidus, velut inter ^s ignes
Luna minores.

Gentis humanæ ^t pater atque custos,
Orte Saturno, tibi cura magni
Cæsaris fatis data: tu secundo

Cæsare regnes,
Ille, seu Parthos Latio imminentes
Egerit iusto domitos triumpho,
Sive subjectos Orientis oræ

Seras & Indos:

^u Te minor latum reget æquus orbem
Tu gravi curru quaties Olympum,
^w Tu parum castis inimica mittes
Fulmina lucis.

Ad A R I S T I U M.

O D E xxii.

Vitæ integritas ubique tuta est.

INTEGER vitæ scelerisque purus,
Non eget Mauri jaculis, nec arcu,
Nec venenatis gravidâ sagittis,

Fusce, pharetrâ:

Sive per Syrtes iter æstuosas,
Sive facturus per ^x inhospitalem
Caucasum, vel quæ loca fabulosus

^y Lambit ^z Hydaspes.

Namque me sylvâ lupus in Sabinâ,
Dum meam canto Lalagen, & ultra
Terminum curis vagor expeditus,
Fugit ^a inermem.

^r Stella crinita quæ visa est septem noctes post Cæsarem occisum.

—^s Stellas. —^t Jupiter. —^u Inferior te gerens. —^w Tu mit-
tes, tristia fulmina, lucis contaminatis & pollutis. —^x Inhabita-
bilem propter æstum. —^y Indiæ fluvius. —^z Præterlabitur. —

^a Mirum sanè hoc, quòd ferus lupus Horatium fugeret inermem:
vitæ igitur integritati est hoc assignandum.

^b Quale portentum neque militaris
^c Daunia in latis alit esculetis,
 Nec ^d Jubæ tellus generat, leonum
 Arida nutrix:
 Pone me pigris ubi nulla campis
 Arbor æstivâ recreatur aurâ:
 Quod latus mundi nebulæ malûsque
 ^e Jupiter urget:
 Pone ^f sub curru nimium propinqui
 Solis in terrâ domibus negatâ:
^g Dulce ridentem Lalagen amabo,
 Dulce loquentem.



Ad VIRGILIUM,

Qui mortem Quintilii deflebat immoderate.

ODE xxiv.

QUIS desiderio sit pudor aut modus
 Tam chari capitis? ^h præcipe lugubres
 Cantus Melpomene, cui liquidam ⁱ pater
 Vocem cum citharâ dedit.
 Ergo Quintilium perpetuus sopor
 Urget? cui Pudor, & Justitiæ soror
 Incorrupta Fides, nudaque Veritas,
 Quando ullum invenient parem?
 Multis ille bonis flebilis occidit:
 Nulli flebilior quàm tibi, Virgili.
 Tu frustra pius (heu!) non ita ^k creditum
 Poscis Quintilium deos.
 Quòd si Threïcio blandiùs Orpheo

^b Qualem portentosum lupum. — ^c Apulia, dicta Daunia á Dauno illic rege. — ^d Mauritania in quâ Juba regnavit. — ^e Malignus & infalubris aër. — ^f Sub Zonâ torridâ in Africâ. — ^g Dulciter. — ^h Præmonstra. — ⁱ Jupiter cujus filie dicuntur musæ. — ^k Non ita tibi commissum ut nunquam moreretur.

Auditam moderere arboribus fidem,
Non vanæ redeat sanguis ^l imaginì,

Quam ^m virgâ semel horridâ
Non lenis precibus fata recludere,
Nigro compulerit Mercurius gregi.

ⁿ Durum. Sed levius fit patientiâ,
Quicquid corrigere est ^o nefas.



O D E xxviii.

*Inducitur Archytas Philosophus & Geometra nautæ
cuidam respondens, quòd omnibus sit moriendum,
petensque à nautâ, nè sinat corpus suum jacere in
littore infepultum.*

TE maris & terræ, numeróq; carentis arenæ
Menforem, cohibent, Archyta,
Pulveris exigui prope littus parva Matinum
Munera: nec quicquam tibi prodest
^q Aërias tantâsse domos, animóq; rotundum
Percurrisse polum, morituro.
^r Occidit & Pelopis ^s genitor, conviva deorum:
^t Tithonusq; remotus in auras:
Et Jovis arcanis ^u Minos admissus: habentque
Tartara ^w Panthoidem, iterum Orco
Demissum; quamvis clypeo Trojana refixo
Tempora testatus, nihil ultra
Nervos atque cutem morti concesserat atræ:
Judice te ^x non fordidus autor
Naturæ verique. Sed omnes una manet nox,

^l Animæ incorporeæ.—^m Caduceo.—ⁿ Durum est.—^o Non licet.
—^p Archytæ cadaver nauta alloquitur.—^q Quòd sis adeò curiosus in
astris observandis.—^r Respondet Archytas.—^s Tantalus, qui deos
in convivium recepit.—^t Tithonus Laomedontis filius post longissi-
mam vitam.—^u Cretæ qui nono quoque anno sermones cum Jove
conferre solebat.—^w Pythagoram.—^x Nobilissimus indagator natu-
ralis veritatis.

Et calcanda semel via lethi.
Dant alios Furiae torvo spectacula Marti:
Exitio est avidis mare nautis.
Missa senum ac juvenum densantur funera: nullum
Sæva caput y Proserpina fugit.



Ad A P O L L I N E M.

O D E xxxi.

Non divitias petit ab Apolline, sed ut sit mens sana in corpore sano.

QUID ^a dedicatum poscit Apollinem
^a Vates? quid orat, de paterâ ^b novum
Fundens liquorem? non opimas
Sardiniae segetes feracis:
Non æstuosæ grata Calabriae
Armenta: non aurum, aut ebur Indicum:
Non rura quæ ^c Liris quieta
Mordet aqua, taciturnus amnis,
* Premant Calenam falce, quibus dedit
Fortuna, vitem: dives & aureis
Mercator ^d exsiccet culullis
Vina Syrâ reparata merce
Diis charus ipsis: quippe ter & quater
Anno revisens æquor Atlanticum
Impune me pascunt olivæ,
Me cichorea, levesque malvæ.
Frui paratis & valido mihi
Latoë dones, & (precor) integrâ
Cum mente: nec turpem senectam
Degere, nec cytharâ carentem.

^y Credebatur enim illa mortis & vitæ arbitra.

^z Cui Augustus Templum dedicaverat.—^a Horatius.—^b Vini primitias.—^c Campaniæ fluvius.—^d Bibat, vina empta vel permutata Syris mercibus.—* Scindant.



Ad S E I P S U M.

O D E xxxiv.

Quem pœnitet quòd Epicureos sequutus, parùm studiosè Deos coluerit.

PARCUS deorum cultor & infrequens,
 Infanientis dum sapientiæ
 Consultus erro, nunc retrorsum
 Vela dare, atque iterare cursus
 Cogor relictos. Namque Diespiter
 Igni corusco nubila dividens
 Plerumque, ^e per purum tonantes
^f Egit equos, volucremque currum:
 Quo bruta tellus, & vaga flumina,
 Quo Styx & invisi horrida Tænari
 Sedes, ^g Atlanteusque finis
 Concutitur, valet ima summis
 Mutare, & insigne attenuat deus,
^h Obscura promens, ⁱ hinc apicem rapax
 Fortuna cum ^k stridore acuto
 Sustulit; ^l hic posuisse gaudet.



Ad F O R T U N A M.

O D E xxxv.

*Obsecrat eam, ut Cæsarem conservet in Britannos
 iturum.*

O^m Diva, gratum quæ regis ⁿ Antium,
 Præfens vel imo tollere de gradu
 Mortale corpus, vel superbos

^e Per aëra. — ^f Tonuit. — ^g Atlas mons est in ultimo Oceani sinu. — ^h Quæ non apparent, aperiens. — ⁱ Ab hoc summitatem postetatis aufert fortuna, i. deus. — ^k Cum strepitu luctuoso. — ^l In alium transfert. — ^m O fortuna. — ⁿ Quæ præfides Antio, urbi in quâ templum tibi consecratur.

• *Vertere funeribus triumphos:*

Tu pauper ambit sollicitâ prece

Ruris colonus: te dominam æquoris,

Quicumque Bythinâ laceffit

Carpathium pelagus carinâ:

Te Dacus asper, te ^p profugi Scythæ,

Urbesque gentesque, & Latium ferox,

Regumque matres barbarorum, &

Purpurei metuunt tyranni:

Injurioso ne pede proruas

• Stantem columnam: neu populus fremens

Ad arma cessantes, ad arma

Concitet: imperiumque frangat.

Te semper anteit sæva Necessitas,

• Clavos trabales & cuneos manu

Gestans ahenâ: nec severus

• Uncus abest, liquidumque plumbum.

Te spes & albo rara fides colit

Velata panno: nec comitem abnegat,

Utcunque mutatâ potentes

Veste domos inimica linquis.

At vulgus infidum & meretrix retrò

Perjura cedit: diffugiunt cadis

Cum fæce siccatis amici,

Ferre jugum pariter dolosi.

Serves iturum Cæsarem in ultimos

Orbis Britanos, & juvenum recens

Examen Eois timendum

Partibus, Oceanoque rubro.

Eheu! • cicatricum & sceleris pudet,

† Fratrumque quid nos dura refugimus

§ Ætas? quid intactum nefasti

Liquimus? unde manus juvenus

Metu deorum continuit? quibus

Pepercit aris? O utinam novâ

Incude diffingas retusum in

Messagetæ Arabasque ferrum.

• Mutare.—^p In plaustris tanquam in domibus habitantes, certam sedem nusquam habentes.—^q Statum Imperii.—^r Ad cruciandum noxios.—^s Unco utebantur antiqui ad maleficorum pœnas.—

* In bello civili acceptorum.—† Interfectorum, qui contrariarum erant partium.—§ Homines hujus ætatis sine misericordiâ.



LIBER SECUNDUS.



A D

C. ASINIUM POLLIONEM.

ODE i.

*Pollionem monet ut tragædiarum scripturam tantisper
intermittat, dum respublica sit composita.*

^a **M**OTUM ex Metello consule civicum,
 Bellicæ causas, & ^b vitia, & ^c modos,
 Ludumque Fortunæ, gravesque
 Principum amicitias, & arma,
Nondum expiatis tincta cruoribus,
Periculosæ plenum opus ^d aleæ
 Tractas: & incedis per ignes
 Suppositos ^e cineri dolo.

^a Tractas motum civilem, ex eo tempore quo Metellus fuit consul.—^b Arrogantiam, Avaritiam, Ambitionem.—^c Modos, quibus Fortuna ludit in his contentionibus.—^d Fortunæ.—^e Qui tegit ignes subiectos.

Paulum severæ Musa tragœdiæ
 Desit theatri: mox ^f ubi publicas
 Res ordinâris, grande munus
 & Cecropio repetes cothurno,
 Insigne mœstis præsidium reis,
 Et consulenti, Pollio, curiæ:
 Cui Laurus æternos honores
 || Dalmatico peperit triumpho.
 Jam nunc minaci murmure cornuum
 Perstringis aures; jam litui strepunt;
 Jam fulgor armorum fugaces
 Terret equos equitumq; vultus.
 Audire magnos jam videor duces
^h Non indecoro pulvere fordidos:
 Et cuncta terrarum subacta,
 Præter atrocem animum Catonis.
 Quis non Latino sanguine pinguior
 Campus sepulchris impia prælia
 Testatur, auditum quæ Medis
ⁱ Hesperiaë sonitum ruinæ?
 Qui gurgēs, aut quæ flumina lugubris
 Ignara belli? quod mare Dauniaë
 Non decoloravere cædes?
 Quæ caret ora cruore nostro?



Ad C. SALLUSTIUM CRISPUM.

ODE ii.

*Procleium laudat ob liberalitatem in fratres. Con-
 temptus pecuniæ efficit beatum.*

NULLUS argento color est, || avaris
 Abditæ terris inimice lamnæ
 Crispe Sallusti, nisi temperato
 Splendeat usu.

^f Postquam belli civilis historiam (quæ res publicas continet) con-
 scripseris.—^g Atheniensi.— || Salonam Dalmatiæ civitatem vicerat
 Pollio, de quâ egerat triumphum.—^h Glorioso.—ⁱ Italicæ.--|| Ab se.
 Vivet

Vivet extento Procleius ævo
 Notus in fratres animi paterni:
 Illum aget ^k pennâ renuente solvi
 Fama superstes.
 Latiùs regnes, avidum domando
 Spiritum, quàm si Libyam remotis
 Gadibus jungas: ¹ & uterque Pœnus
 Serviat uni.
 Crescit indulgens sibi dirus hydrops:
 Nec sitim pellit, nisi causa morbi
 Fugerit venis, & aquosus albo
 Corpore languor.
 Redditum Cyri solio Phraaten,
 Dissidens plebi, numero beatorum
 Eximit virtus: populumque falsis
 Dedocet uti
 Vocibus: regnum & diadema tutum
 Deferens uni, propriamque laurum,
 Quisquis ingentes oculo irretorto
 Spectat acervos.



Ad D E L I U M.

O D E iii.

*Moderatè ferenda utraque est fortuna, quum omnibus
 impendeat æqua moriendi conditio.*

ÆQUAM memento rebus in arduis
 Servare mentem, non secus ac bonis,
 Ab insolenti temperatam
 Lætitiâ, moriture Deli:
 Seu mœstus omni tempore vixeris,
 Seu te in ^m remoto gramine per dies

^k Pennâ, cujus nulla unquam dissolutio futura est.—¹ Tam Carthago quæ est in Africâ, quam illa quæ est in Hispaniâ.—^m A frequentiâ hominum remoto.

Festos reclinatum beâris
 Interiore notâ ⁿ Falerni:
 ° Quâ pinus ingens albaque populus
 Umbram hospitalem consociare amant
 Ramis, & obliquo laborat
 Lympha fugax ° trepidare rivo.
 Huc vina & unguenta, & nimium breves
 Flores amœnæ ferre jube rosæ:
 Dum res & ætas, & fororum
 Fila † trium patiuntur atra.
 ° Cedet coemptis saltibus, & domo,
 Villâque flavus quam Tiberis lavit,
 Cedet: & extructis in altum
 Divitiis potietur hæres.
 Diveſne, priſco & natus ab Inacho
 Nil intereſt; an pauper, & infimâ
 De gente, ſub dio morêris,
 Victima nil miſerantis Orci.
 Omnes eodem cogimur; omnium
 Verſatur † urnâ ſeriùs, ocyus
 Sors exitura, nos in æternum
 Exilium impoſitura cymbæ.

Ad S E P T I M U M.

ODE vi.

*Optat habere ſuæ ſenectutis ſedem Tibur & Taren-
 tum, quorum laudat amœnitatem.*

S EPTIMI † Gades aditure mecum, &
^u Cantabrum indoctum juga ferre noſtra, &
 * Barbaras Syrtis, ubi Maura ſemper
 Æſtuat unda.

ⁿ In interiore parte cellæ vinariæ reconditi.—^o In quo gramine.
 —^p Trepidè fluere & cum murmure.—^q Diſcedes.—^r In urna fa-
 tali, in quam conjiciuntur omnium ſortes vitæ mortisque.—^s Navi
 Charontis.—^t Qui ſi opus eſt, mecum aditurus eſ Gades ultimam
 Hiſpaniæ inſulam.—^u Populum Hiſpaniæ ferociſſimum.—^v Inhof-
 pitales.—† Parcarum.

58 *Excerpta ex HORATIO.*

Tibur Argeo ^w positum Colono,
Sit meæ sedes utinam senectæ.

^x Sit modus lasso maris, & viarum,
Militiæque.

^y Unde si Parcæ Prohibent iniquæ,
Dulce pellitis ovibus Galefi

Flumen ^z & regnata petam Laconi
Rura Phalantho.

Ille terrarum mihi præter omnes
Angulus ^a ridet, ubi non ^b Hymetto
Mella decedunt, viridique certat

^c Bacca Venafro:

Ver ubi longum, tepidâsque præbet
Jupiter Brumas: & apricus ^d Aulon
Fertilis ^{*} Baccho, minimum Falernis
Invidet uvis.

Ille te mecum locus & ^e beatæ
Postulant arces, ibi tu calentem
^f Debitâ sparges lachrymâ favillam
^g Vatis amici.



Ad VALGIUM.

ODE ix.

*Ut tandem aliquando mortem pueri sui Myrtis deslere
desinat.*

NON semper imbres nubibus hispidos
Manant in agros, aut mare Caspium
Vexant ^h inæquales procellæ

^w Tibur conditum à Tiburno colone Argivo.—^x Sit finis mihi defatigato.—^y A quo Tibure si Parcæ, i. tres sorores lanificæ (Erebi & Noctis filiæ) me prohibent.—^z Tarentum in quo reſnavit Phalanthus Lacedæmonius.—^a Placet.—^b Ubi mella non ſunt deteriora melle quod colligunt apes in Hymetto Atticæ monte.—^c Ubi oliva contendit cum olivâ quæ oritur in Venafro, oppido Campaniæ.—^d Mons Tarento vicinus.—^e Fertiles montes.—^f Lachryma debita propter noſtram amicitiam.—^g Horatii.—^h Tempeſtuofæ, quæ mare reddunt inæquale.—^{*} Vitibus.

Uſque:

i Usque: nec Armeniis in oris
 Amice Valgi, stat glacies iners
 Menses per omnes, aut aquilonibus
 Querceta Gargani laborant,
 Et foliis viduantur orni.
 Tu semper urges flebilibus modis
 Mysten ademptum: nec tibi vespero
 Surgente decedunt amores,
 Nec rapidum fugiente solem.
 At non ^k ter ævo functus amabilem
 Ploravit omnes Antilochum senex
 Annos: nec impubem parentes
 Troilon, aut Phrygiæ sorores
 Flevere semper. ¹ Desine mollium
 Tandem querelarum: & potius nova
 Cantemus Augusti trophæa
 Cæsaris, ^m & rigidum Niphaten,
 Medumque flumen gentibus additum
 Victis, minores volvere vortices:
ⁿ Intraque præscriptum Gelonos
 Exiguus equitare campis.

Ad L I C I N I U M.

O D E x.

Mediocritas in utrâque fortunâ est servanda.

RECTIUS vives, Licini, neque altum
 Semper urgendo: neque dum procellas
 Cautus horrefcis, nimium premendo
 ° Littus iniquum.
 Auream quisquis mediocritatem

ⁱ Semper.—^k Nestor.—¹ Desine à muliebribus querelis. Græcorum more ponitur Genitivus post verbum finiendi.—^m Scythiæ fluvium.—ⁿ Scythiæ Europæe populos.—^o Propter vada & saxa periculosum.

Diligit, tutus caret obsoleti
Sordibus tecti, caret invidendâ
Sobrius aulâ.

Sæviùs ventis agitur ingens
Pinus: excelsæ graviore casu
Decidunt turres: feriuntque summos
Fulgura montes.

Sperat infestis, metuit secundis¹
Alteram sortem benè præparatum
Pectus. Informes hyemes reducit
Jupiter; idem

Summovit. Non, si malè nunc, & olim
Sic erit. Quondam citharâ tacentem
Suscitat musam, neque semper arcum
Tendit Apollo.

Rebus angustis animosus atque
Fortis appare: sapienter idem
Contraheis vento nimiùm secundo
Turgida vela.




Ad POSTHUMUM.

ODE xiv.

Vita brevis, & mori necesse est.

EHEU fugaces, Posthume, Posthume,
Labuntur anni, nec pietas moram
Rugis & instanti senectæ
Afferet indomitæque morti.
Non si tricenis quotquot eunt dies,
Amice places illachrymabilem
Plutona tauris: qui ter amplum
Geryonem Tityonque tristi
Compescit undâ, scilicet omnibus,
Quicunque terræ p munere vescimur,

Enavigandâ: five reges,
Sive inopes erimus coloni.
Frustrâ cruento Marte carebimus,
Fractisque rauci fluctibus q Adriæ.
Frustrâ per Autumnos nocentem
Corporibus metuemus Austrum.
Visendus ater flumine languido
r Cocyus errans, & Danaï genus
Infame, damnatûsque longi
Sisyphus Æolides laboris.
Linquenda tellus & domus, & placens
Uxor: neque harum quas colis arborum
Te, præter invisas cupressos,
Ulla brevem dominum sequetur.



Ad G R O S P H U M.

ODE xvi.

Omnes expetunt animi tranquillitatem, quæ neque divitiis neque honoribus potest acquiri, sed cupiditates tantum coercendo.

OCIUM divos rogat in patenti
Prensus Ægæo, simul atra nubes
Condedit Lunam, neque certa fulgent
Sidera nautis:
Ocium bello furiosa s Thrace,
Ocium Medi pharetrâ decori,
Grosphæ, non gemmis, neque purpurâ venale, nec auro.
Non enim gazæ, neque consularis
Summovet lictor miseros tumultus
Mentis, & curas laqueata circum
Tecta volantes.

q Ponitur Adria in neutro genere.—r Cocyus est fluvius flexuosus.—s Thracia.

* VIVITUR parvo benè, cui paternum
 Splendet in mensâ tenui salinum:
 Nec leves somnos timor aut cupido
 Sordidus aufert:

Quid brevi fortes * jaculamur ævo
 Multa? quid terras alio calentes
 Sole mutamus? patriæ quis exul
 Se quoque fugit?

Scandit æratas vitiosa naves
 Cura: nec turmas equitum relinquit,
 Ocyor cervis, & agente nimbos
 Ocyor Euro.

Lætus in præsens animus, quod ultra est
 Oderit curare: & amara leni
 Temperet risu. NIHIL est ab omni
 Parte beatum.

Abstulit clarum cita mors Achillem.
 Longa Tithonum minuit senectus:
 Et mihi forsan, tibi quod negârît,
 Porriget * hora.

Te greges centum Siculæque circum
 Mugiant vaccæ, tibi tollit hinnitum
 Aptæ quadrigis equa, te bis Afro
 Murice tinctæ

Vestiunt lanæ: mihi parva rura, &
 Spiritum Graiæ tenuem Camœnæ
 Parca non mendax dedit, & malignum
 Spernere vulgus.

* Benè vivit is parvo, qui tenui victu & modico apparatu contentus est.—" Petimus.—* Tempus.





O D E xviii.

*Re tenui se contentum dicit ubi alii divitiis student,
quasi perpetuo victuri.*

NON ebur, neque aureum
 Meâ renidet in domo lacunar.
 Non trabes ^w Hymettiae
 Premunt: columnas ultimâ recisas
 Africâ: ^x neque Attali
 Ignotus hæres regiam occupavi:
^y Nec Laconicas mihi
 Trahunt honestæ purpuras clientæ.
 At fides & ingenî
 Benigna vena est: pauperemque dives
 Me petit. Nihil supra
 Deos ^z laceſſo: nec ^a potentem amicum
 Largiora flagito,
 Satis beatus unicus Sabinis.
 Truditur dies die,
 Novæque pergunt interire Lunæ:
^b Tu secanda marmora
 Locas sub ipsum funus: & sepulchri
 Immemor struis domos;
 Marisque Baiis obſtreptis urges
 Summovere littora,
 Parum locuples continente ripâ.
 Quid quod uſque proximos
 Revellis agri terminos, & ultra
 Limites clientium
 Salis avarus? pellitur paternos
 In ſinu ferens deos
 Et uxor, & vir, ^c fordidoſque natos.

^w Marmoreæ ex monte Hymetto.—^x Pop. Rom. juris ſimulati-
 one Attali regias opes ſibi vindicavit.—^y Circa Tænarum Laconicæ
 regionis promontorium capitur piſcis Murex, ex cujus humore fit
 color purpureus.—^z Peto.—^a Nec Mæcenatem ampliora rogo.—
^b Tu conducis homines qui tibi ſecent marmora paulo ante mor-
 tem.—^c Ob paupertatem.

Nulla certior tamen
Rapacis Orci sede destinata,
Aula divitem manet
Herum. Quid ultra tendis? æqua tellus
Pauperi recluditur
Regumque pueris: nec ^d fatelles Orci
Callidum Promethea
Revexit auro captus hic superbum
Tantalum atque Tantali
^e Genus coercet: hic levare functum
Pauperem laboribus,
Vocatus atque non vocatus audit.

^d Charon.—^e Tantali posteros, Pelopem, Atreum, Agamemnonem, Orestem.





LIBER TERTIUS.



ODE i.

Vita beata non opibus aut honoribus, sed animi tranquillitate efficitur.

ODI profanum vulgus & arceo.
^a Favete linguis. Carmina non prius
Audita, Musarum sacerdos,
Virginibus puerisque canto.
Regum timendorum, in proprios greges,
^b Reges in ipsos imperium est Jovis,
Clari giganteo triumpho,
Cuncta supercilio moventis:
^c Est ut viro vir latius ordinet
Arbusta fulcis: hic generosior
Descendat ^d in campum petitor:
Moribus hic, meliorque famâ
Contendat: illi turba clientium

^a Attendite cum silentio, vel, bona verba dicite.—^b Reges ipsi qui habent imperium in sibi subditos habent etiam Deum suum regem.—
^c Fieri potest ut alius alio plures possideat agros, Mortis tamen conditio est omnibus æqua.—^d In campum Martium, ubi alicujus Magistratus est petitor.

Sit major. Æquâ lege necessitas
 Sortitur, insignes & imos.
 Omne capax ^e movet urna nomen.
 Districtus ensis, cui super impiâ
 Cervicē pendet, non ^f Siculæ dapes,
 Dulcem & elaborabunt saporem,
 Non avium citharæque cantus
 Somnum reducent. Somnus agrestium
 Lenis virorum non humiles domos
 Fastidit, umbrosamque ripam,
 Non Zephyris agitata Tempe.
 Desiderantem quod satis est, neque
 Tumultuosum ^h sollicitat mare,
 Nec sævus ⁱ Arcturi cadentis
 Impetus, aut orientis ^k Hœdi:
 Non verberatæ grandine vineæ,
 Fundusque mendax. Arbore nunc aquas
 Culpante; nunc torrentia agros
 Sidera, nunc hyemes iniquas.
 Contracta pisces æquora sentiunt,
 Jactis in altum molibus; huc frequens
 Cæmenta demittit redemptor
 Cum famulis, dominusque terræ
 Fastidiosus. Sed timor & minæ
 Scandunt eodem quo dominus: neque
 Decedit æratâ triremi &
 Post equitem sedet atra cura.
 Quòd si dolentem nec ^l Phrygius lapis,
 Nec purpurarum fidere clarior
 Delenit usus, nec Falerna
 Vitis, ^m Achæmeniumve costum:
 Cur invidendis postibus, & novo
 Sublime ritu ⁿ moliar atrium?
 Cur valle permutem Sabinâ
 Divitias operosiores?

^e Volvit ad fortiendum fatum.—^f Dapes à Dionysio Siciliæ tyranno apporatae, & regio luxu instructæ.—^g Reddent.—^h Reddit eum sollicitum.—ⁱ Stella quæ tempestates excitat.—^k Stellæ quibus orientibus sævit mare.—^l Columnæ ex lapide Phrygio?—^m Unguentum Persicum, sic dictum ab Achæmene rege Persiæ.—ⁿ Extruam sublime atrium,



Ad A M I C O S.

ODE ii.

Pueri à teneris annis vitæ laboriosæ sunt assuefaciendi.

• **A**NGUSTUM, amici, pauperiem pati
^p Robustus acri militiâ puer
 Condiscat: & ^q Parthos feroces
 Vexet eques metuendus hastâ:
 Vitamque ^r sub dio & trepidis agat
 In rebus, illum ex mœnibus hosticis
^s Matrona bellantis tyranni
 Prospiciens, & adulta virgo,
^t Suspiret: Eheu! ne ^u rudis agminum
 Sponsus laceffat regius asperum
 Tactu ^w leonem, quem cruenta
 Per medias rapit ira cædes.
 DULCE & decorum est pro patriâ mori.
 Mors & fugacem persequitur virum:
 Nec parcit imbellis juventæ
^x Poplitibus, timidoque ^x tergo.
 Virtus repulsæ nescia fordidæ,
 Intaminatis fulget honoribus:
 Nec sumit aut ponit ^y secures
 Arbitrio popularis ^z auræ.
 Virtus, recludens immeritis mori
 Cœlum, negatâ tentat iter viâ:
 Cœtusque vulgares & udam
 Spernit humum fugiente pennâ.

^o Pauperiem duram difficilem.—^p Puer factus robustus per acrem militiam.—^q Parthos pro quibuscumque hostibus.—^r Sub sole extra tectum vivat & in rebus formidolosis.—^s Uxor tyranni alicujus barbari.—^t Voce queribundâ hæc verba loquatur.—^u Rei militaris infcius.—^w Militem Rom. in conflictu sævum.—^x Quæ cernuntur dum fugiunt.—^y Honores aut magistratus, quorum insignia sunt secures & fasces.—^z Favoris.



O D E iii.

Vir virtute præditus nihil extimescit.

JUSTUM & tenacem propositi virum
 Non civium ardor prava jubentium,
 Non vultus instantis tyranni
 Mente quatit solidâ: neque Auster,
 * Dux inquieti turbidus Adriæ,
 Nec fulminantis magna Jovis manus.
 Si fractus illabatur orbis,
 Impavidum ferient ruinæ.



O D E iv.

*Poëta se à multis periculis musarum ope ereptum fuisse
 dicit, omnibûsque malè cessisse qui adversum Deos
 aliquid moliri voluerint.*

DESCENDE cœlo, & dic age tibiâ
 Regina longum Calliope Melos,
 Seu voce nunc mavis acutâ,
 Seu fidibus citharâve Phœbi:
 Auditis? an me ludit amabilis
 Infania? audire & videor pios
 Errare per lucos, amœnæ
 Quos & aquæ subeunt & auræ.
 Me ^b fabulosæ Vulture in Appulo,
 Altricis extra limen Apuliæ,
 Ludo fatigatûmque somno,
 Fronde novâ puerum palumbes

* Arbitr., — ^b Palumbes de quibus poetæ multa fabulantur.

Texêre, mirum quod foret omnibus,
 Quicunque celsæ nidum ^c Acherontiae,
 Saltúsque Bantinos, & arvum
 Pingue tenet humilis Ferenti.
 Vester, Camœnæ, vester in arduos
 Tollor Sabinos: seu mihi frigidum
 Præneste, seu Tibur supinum,
 Seu ^d liquidæ placuere Baia.
 Vestris amicum fontibus & choris,
 Non me ^e Philippis versa acies retro,
^f Devota non extinxit arbos,
 Non Siculâ ^g Palinurus undâ.
^h Utcunque mecum vos eritis libens
 Infanientem navita Bosphorum
 Tentabo, & arentes arenas
 Littoris Assyrii, viator.
 Visam Britannos hospitibus feros,
 Et lætum equino sanguine ^{*} Concanum:
 Visam pharetratos Gelonos.
 Et Scythicum inviolatus amnem.
 Vos lene consilium & datis & dato
 Gaudetis almæ. Scimus ut impios
 Titanas immanémque turmam
 Fulmine sustulerit caduco,
 Qui terram inertem, qui mare temperat
 Ventósque, & urbes regnâque ⁱ tristia,
 Divósque mortalésque turbas
 Imperio regit unus æquo.
^k Vis consilii expers mole ruit suâ,
 Vim temperatam dii quoque provehunt
 In majus: iidem odere viros
 Omne nefas animo moventes.

^c Urbs Lucanæ admodum parva, in sublimitate montis posita.—
^d Baia est urbs Companiæ aquis calidis nobilitata.—^e Philippi est
 urbs in Thraciâ, ubi versus erat in fugam Bruti & Cassii exercitus,
 in quo bello Horatius erat Tribunus militum.—^f Arbor celebrata,
 Vide Od. 14. Lib. 2.—^g Promontorium Lucanæ, ubi Horatius in
 summo periculo est versatus, quum ex bello Philippenfi in Italiam
 rediret.—^h Quandocunque.—ⁱ Sedem inferorum.—^k Robur corpo-
 ris.—^{*} Hispani vel Thraces quibus sanguis equinus lacti commix-
 tus potus erat familiaris.



O D E v.

Augusti laudes. Reguli constantia.

COELO tonantem credidimus Jovem
 Regnare: præsens divus habebitur
 Augustus, adjectis Britannis
 Imperio, gravibusque Persis.
 Milesne Crassi conjuge ¹ barbarâ
 Turpis maritus vixit? & hostium
 (Prô curia, inversique mores!)
 Consenuit focerorum in arvis
 Sub rege Medo, Marfus & Appulus,
 Anciliorum, nominis & togæ
 Oblitus ^m æternæque Vestæ,
^a Incolumi Jove & urbe Româ?
 Hoc caverat mens provida Reguli,
 Dissidentis ^o conditionibus
 Fœdis & exemplo trahenti
 Perniciem veniens in ævum:
 Si non periret immiserabilis
 Captiva pubes. ^p Signa ego Punicis
 Affixa delubris, & arma
 Militibus finè cæde (dixit)
 Direpta vidi: vidi ego civium
 Retorta tergo brachia libero:
 Portasque non clausas, & arva
 Marte coli populata nostro.
 Auro repensus scilicet acrior
 Miles redibit? flagitio additis
 Damnum; neque amissos colores
 Lana ^q refert medicata fuco:
 Nec vera virtus, quum semel excidit,

¹ Alienigenâ. — ^m Æterni ignis, in templo Vestæ à virginibus custoditi. — ⁿ Capitolio, quæ Jovis erat sedes. — ^o Noluit enim captivos Afrorum pro se reddi. — ^p Hæc est Reguli oratio in Senatu Rom. habita. — ^q Refumit.

Curat reponi deterioribus.
 Si pugnat extricata densis
 Cerva plagis, erit ille fortis,
 Qui perfidis se dedit hostibus?
 Et Marte Pœnos proteret altero,
 Qui lora restrictis lacertis
 Sensit iners timuitque mortem.
 Hic unde vitam fumeret inscius,
 Pacem duello miscuit. O pudor,
 O magna Carthago probrosis
 Altior Italiæ ruinis!
 Fertur pudicæ conjugis osculum,
 Parvosque natos^t ut capitis minor,
 A se removisse, & virilem
 Torvus humi posuisse vultum:
 Donec labantes consilio patres
 Firmaret^u autor nunquam aliàs dato,
 Interque mœrentes amicos
 Egrediùs properaret exul.
 Atqui sciebat quæ sibi barbarus
 Tortor pararet. Non aliter tamen
 Dimovit obstantes propinquos,
 Et populum reditus morantem,
 Quàm si clientum longa negoita,
 Dijudicatâ lite relinqueret,
 Tendens Vanafranos in agros,
 Aut Lacedæmonium Tarentum.



Ad ROMANOS,

De moribus sui seculi corruptis.

O D E vi.


DELICTA Majorum immeritus lues,
 Romane: donec templum^w refeceris

^t Vera virtus non solet restitui iis qui corrupti jam ac depravati sunt.—^s Prælio.—^t Ut capite diminutus, ut servus factus per captivitatem.—^u Suasor sive monitor.—^w Reparaveris.

Ædesque labentes deorum, &
 Fœda nigro simulacra fumo,
 Diis te minorem quòd geris, imperas:
 Hinc omne principium, huc refer exitum.
 Dii multa neglecti dederunt
 Hesperiaë mala luctuosæ.
 Fœcunda culpæ sæcula, nuptias
 Primùm inquinavêre, & genus, & domos.
 * Hoc fonte derivata clades
 Inque patres populosq; fluxit.
 Motus doceri gaudet y Ionicos
 Matura virgo, & fingitur artibus
 Jam nunc, & incestos amores
 z De tenero meditatur ungui.
 Non his juvenus orta parentibus
 Infecit æquor sanguine Punico:
 Pyrrhumque & ingentem cecidit
 Antiochum, Hannibalemque dirum:
 Sed rusticorum mascula militum
 Proles Sabellis docta ligonibus
 a Versare glebas, & severæ
 Matris ad arbitrium recisos
 Portare fustes: sol ubi montium
 Mutaret umbras, & juga demeret
 Bobus fatigatis, amicum
 Tempus b agens abeunte curru.
 Damnosa quid non imminuit dies?
 Ætas parentum pejor avis, tulit
 Nos nequiores, mox daturos
 Progeniem vitiosiore.

* Ex adulteriis.—y Saltationes quas primùm Iones invenerunt.—
 z A teneris annis.—a Arare.—b Adducens tempus gratum (i. noc-
 tem in quâ quiescimus.)





Ad MECÆNATEM.

ODE xvi.

Auro omnia parent. Horatius verò contentus est suâ sorte.

AURUM per medios ire satellites,
 Et perrumpere ^c amat faxa, potentius
 Ictu fulmineo. Concidit ^d auguris
 Argivi domus, ob lucrum
 Dimerfa excidio. Diffidit urbium
 Portas ^e vir Macedo, & subruit æmulos
 Reges muneribus. Munera navium
 Sævos illaqueant duces.
 Crescentem sequitur ^f cura pecuniam,
 Majorúmque fames. Jure perhorruí
 Latè conspicuum tollere verticem,
 Mecænas, equitum decus.
 Quanto quisque sibi plura negaverit,
 A diis plura ^g feret. Nil cupientium
^h Nudus castra peto: & transfuga divitum
 Partes linquere gestio,
 Contemptæ dominus splendidior rei,
 Quam si, quicquid arat ⁱ non piger Appulus
 Occultare meis dicerer horreis,
 Magnas inter opes inops.
 Puræ rivus aquæ, sylvaque jugerum
 Paucorum, & segetis ^k certa fides meæ,
 Fulgentem imperio fertilis Africæ
 Fallit forte beator.

^c Solet.—^d Amphiarai, ipse, uxor, & liberi ob monile aureum quod Eriphile ejus uxor ab Adraſto acceperat.—^e Philippus rex Macedoniæ caſtra expugnare poſſe dicebat, in quæ aſellus auro onuſtus poſſit aſcendere.—^f Cura ſervandi.—^g Accipiet.—^h Pauper. Hoc utinam Chriſtiani imitarentur.—ⁱ Laborioſus.—^k Fundus meus fidelis fallit eum, qui Africæ imperio fulget, beatiore iùm ſit forte, quàm ipſius ingentes opes.

Quaquam nec Calabræ mella ferunt apes,
Nec Læstrigoniâ Bacchus in amphorâ
Languescit mihi, nec pinguis Gallicis

Crescunt vellera pascuis:

Importuna tamen pauperies abest:

Nec si plura velim tu dare deneges.

Contractâ meliùs parva cupidine

Vestigalia colligam;

Quàm si ¹ Mygdoniis regnum ^m Alyattici

Campis continuem. **MULTA** petentibus

Defunt multa. ⁿ Benè est cui deus obtulit

Parcâ, quod satis est, manu.



Ad P H I D I L E N.

ODE xxiii.

Deus puris manibus & corde est colendus.

COELO ^o supinas si tuleris manus
^p Nascente Lunâ, rustica Phidile:

Si thure plâcaris & hornâ

Fruge Lares, avidâque porcâ

Nec pestilentem sentiet Africum

Fœcunda vitis, nec sterilem seges

Rubiginem, aut dulces alumni

^q Pomifero ^r grave tempus anno,

^s Immunis aram si tetigit manus,

Non sumptuosa blandior hostia,

Mollivit averfos Penates,

^t Farre pio, & saliente micâ.

¹ Campis Phrygiis.—^m Regis Lydiae, Cræsi patris.—ⁿ Benè est ei, cui Deus, dedit parcâ manu & tamen dedit quantum sufficit ad vitam degendam.—^o Supplices & ad cælum expansas.—^p Novilunio.—^q Nempe Autumno,—^r Pestilens & insalubre.—^s Immunis á scelerè, i. Non magna munera, sed mens sincera deum placat.—^t Farre piè oblato.



IN *DIVITES AVAROS.*


O D E xxiv.

INTACTIS opulentior
 Thesauris Arabum & divitis Indiæ,
 " Cæmentis licet occupes
 Tyrrhenum omne tuis & mare Apulicum
 Si figit adamantinos
 Summis verticibus w dura necessitas
 Clavos: non animum metu,
 Non mortis laqueis expedit caput.
 Campestris melius Scythæ,
 (Quorum plaustra vagas ritè trahunt domos)
 Vivunt, & rigidæ Getæ,
 Immetata quibus jugera liberas
 Fruges & Cererem ferunt:
 Nec cultura placet longior annuâ:
 Defunctumque laboribus
 Æquali recreat forte vicarius.
 Illic matre carentibus
 Priviginis mulier x temperat innocens.
 Nec dotata regit virum
 Conjux nec nitido fudit adultero:
 Dos est magna, parentium
 Virtus, y & metuens alterius viri
 Certo fœdere castitas:
 Et peccare nefas, aut pretium est mori.
 O quis, quis volet impias
 Cædes, & rabiem tollere civicam?
 Si quæret, pater urbium
 Subscribi statuis, indomitam audeat
 R efrænare licentiam,

" Saxis cæsis ad ædificandum in mari.—w Triste fatum.—x Par-
 cit.—y Nolens ab alio viro tangi.—a Comprimere cupiditatem in-
 satiabilem.

Clarus postgenitis: quatenus (heu nefas!)
 Virtutem incolumen odimus,
 Sublatam ex oculis quærimus invidi!
 Quid tristes querimoniam,
 Si non supplicio culpa reciditur.
 Quid leges sine moribus
 Vanæ proficiant? si, neque fervidis
 Pars inclusa caloribus
 Mundi, nec Boreæ finitimum latus,
 Duratæque gelu nives
 Mercatorem abigunt? horrida callidi
 Vincunt æquora navitæ?
 Magnum pauperies opprobrium jubet
 Quidvis & facere & pati
 Virtutisque viam deferere arduæ.
 Vel nos in Capitolium,
 Quò clamor vocat & turba faventium:
 Vel nos in mare proximum
 Gemmas, & lapides, aurum & inutile,
 Summi materiam mali,
 Mittamus. Scelerum si ^b bene poenitet,
 Eradenda cupidinis
 Parvi sunt ^c elementa: & teneræ nimis
 Mentis asperioribus
 Firmandæ studiis. Nescit equo rudis
 Hærare ingenuus puer,
 Venarique timet: ludere doctior
 Seu Græco jubeas trocho,
 Seu mavis vetitâ legibus ^d aleâ.
 Quum perjura patris fides
 Consortem socium fallat & hospitem,
 Indignoque pecuniam
 Hæredi properet: scilicet improbæ
 Crescunt divitiæ; tamen
 Curtæ nescio quid semper abest rei.

^b Verè.—^c Primordia.—^d Lege Corneliâ & Titîâ.



Ad MECÆNATEM.

ODE xxix.

Invitat eum ad cœnam hilarem, publicis curis omiſſis.

TYRRHENA regum progenies, veni:
 Nè ſemper udum Tibur & ^e Æfulæ
 Declive contempleris arvum, &
^f Telegoni juga parricidæ.
 Faſtidioſam deſere copiam &
^g Molem propinquam nubibus arduis.
 Omitte mirari beatæ
 Fumum & opes ſtrepitumque Romæ.
 Plerumque grata divitibus vices,
 Mundæque parvo ſub lare pauperum
 Cœnæ, finè aulæis & oſtro,
 Sollicitam explicuère frontem.
 Jam paſtor umbras cum grege languido
 Rivumque feſſus quærit, & horridi
 Dumeta Sylvani: carétque
 Ripa vagis taciturna ventis.
 Tu civitatem quis deceat ſtatus,
 Curas, & urbi ſollicitus, times
 Quid Seres & regnata Cyro
 Baſtra parent, ^h Tanaiſque diſcòrs.
 PRUDENS futuri temporis exitum
 Caliginosâ nocte premit Deus:
 Ridetque ſi mortalis ultra
 Fas trepidat: quod adeſt, memento
 Componere æquus: cætera fluminis
 Rita feruntur, nunc medio alveo
 Cum pace delabentis Etruſcum
 In mare, nunc lapides adefos,

^e Oppidum in latere montis Tiburi propinquum.—^f Tuſculum urbem conditam à Telegono Ulyſſis ex Circe filio, qui patrem imprudens interfecit.—^g Turrim.—^h Fluvius Aſiam ab Europâ diſterminans.

Stirpésque raptas, & pecus & domos
 Volventis unâ, non finè montium
 Clamore, vicinæque sylvæ.

Quum fera diluvies quietos
 Irritat amnes. ⁱ Ille potens sui
 Lætúsque deget, cui licet, in diem,
 Dixisse, vixi: Cras vel atrâ
 Nube polum pater occupato,
 Vel sole puro, non tamen irritum
 Quodcunque retrò est, efficiet: neque
 Diffinget, infectumque reddet,
 Quod fugiens semel hora vexit.

Fortuna sævo læta negotio, &
 Ludum insolentem ludere pertinax,
 Transmutat incertos honores,
 Nunc mihi, nunc alii benigna.
 Laudo ^k manentem: si celeres quatit
 Pennas, ^l resigno quæ dedit: & meâ
 Virtute me involvo, probámque
 Pauperiem sine dote quæro.

Non est meum, si mugiat Africis
^m Malus procellis, & miseras preces
 Decurrere: & votis pacisci

Ne Cypriæ Tyriæque merces
 Addant avaro divitias mari.
 Tunc me biremis præsidio scaphæ,
 Tutum per Ægeos tumultus
 Aura feret, ⁿ geminúsque pollux.

ⁱ Ille compos sui.— ^k Fortunam stabilem.— ^l Reddo.— ^m Arbor
 navis.— ⁿ Castor & Pollux gemini.





LIBER QUARTUS.



A D

Ad JULUM ANTONIUM,

M. ANTONII, TRIUMVIRI filium.

ODE ii.

PINDARUM *imitari periculum est.*

PINDARUM quisquis studet æmulari,
Jule, ceratis ope Dædaleâ
Nititur pennis, ° vitreo daturus
Nomina ponto.

Monte decurrens velut amnis, imbrēs
Quem super notas aluere ripas,
Fervet, immensusque ruit profundo
Pindarus ore ;

Laureâ donandus Apollinari:
Seu per audaces nova dithyrambos
Verba devolvit, numerisque fertur
Lege solutis :

Seu deos regesque canit, deorum
Sanguinem, per quos cecidēre justâ

Morte Centauri: cecidit tremendæ
 Flamma Chimæaræ:
 Sive, quos Elea domum reducit
 Palma cœlestes: pugilemve equumve
 Dicit, & centum potiore signis
 Munere donat:
 Flebili sponsæ juvenemve raptum
 Plorat: & vires animumque mores-
 -que aureos educit in astra, nigro-
 -que invidet Orco.
 Multa ^p Dirceum levat aura cygnum,
 Tendit, Antoni, quoties in altos
 Nubium tractus: ego, apis Matinæ
 More modoque,
 Grata carpentis thyma per laborem
 Plurimum, circa nemus, ^q uvidique
 Tiburis rivos, operosa parvus
 ^r Carmina fingo.
^s Concines majore Poeta plectro
 Cæsarem, ^t quandoque trahet feroces
^u Per sacrum clivum, meritâ decorus
 Fronde Sicambros:
^w Quo nihil majus meliusve terris
 Fata donavere, bonique divi:
 Nec dabunt, quamvis redeant in aurum
 Tempora priscum.

^p Thebanum sic dictum à Dirce fonte Thebano.— ^q Tiburis a-
 quâ abundantis.— ^r Carmina compono laboriosa existens parvus.—
^s O Poëta, tu canes Cæsarem stylo grandiore, i. carmine heroico.—
^t Quandocunque.— ^u Per sacram viam triumphantes in Capitolium
 vehebantur.— ^w Quo Cæsare.



Ad MELPOMENEN.

ODE iii.

Natus est Horatius ad artem Poëticam, cujus beneficio immortalem gloriam est consecutus.

QUEM tu, Melpomene, semel
 Nascentem placido lumine videris,
 Illum non labor Isthmius
 * Clarabit pugilem, non equus impiger
 Curru ducet Achaico
 Victorem, neque res bellica y Delii
 Ornatum foliis ducem,
 Quod regum tumidas contuderit minas,
 Ostendet Capitolio:
 Sed quæ Tibur aquæ fertile præfluunt,
 Et spissæ nemorum comæ
 z Fingent Æolio carmine nobilem.
 Romæ principis urbium
 Dignatur soboles inter amabiles
 Vatum ponere me choros:
 Et jam dente minus mordeor invido.
 O testudinis aureæ
 Dulcémque strepitum, Pieri, temperas:
 O mutis quoque piscibus
 Donatura cygni, si libeat a sonum:
 Totum muneris hoc tui est,
 Quod monstror digito prætereuntium
 Romanæ b fidicen lyræ:
 Quòd spiro, & placeo (si placeo) tuum est.

* Clarum faciet pugilem.—y Laureâ Apollinari à Delo insulâ Apollini sacrâ.—z Efficient.—a Cantûs dulcedinem.—b Lyricus Poëta.



Ad L. MANLIUM TORQUATUM.

ODE vii.

Omnia tempore mutantur; benè igitur vivendum est.

DIFFUGERE nives: redeunt jam gramina campis,
Arboribusque ^c comæ,

^d Mutat terra vices, & decrescentia ripas
Flumina prætereunt.

Immortalia ne speres monet annus, & alium
Quæ rapit hora diem.

Frigora mitescunt Zephyris: ver proterit ætas,
Interitura simul,

Pomifer autumnus fruges effuderit: & mox
Bruma recurret iners:

Damna tamen celeres reparant cœlestia lunæ:
Nos ubi decidimus,

Quò pius Æneas, quo Tullus dives, & Ancus,
Pulvis & umbra sumus.

Quis scit an adjiciant hodiernæ crastina summæ
Tempora dii superi?

Cuncta manus avidas fugient hæredis, ^e amico
Quæ dederis animo.

Quum semel occideris, & de te splendida Minos
Fecerit arbitria,

Non, Torquate, genus, non te facundia, non te
Restituet pietas.

^c Frondes. — ^d Mutatur anni tempus. — ^e Liberali.



Ad L O L L I U M.

ODE ix.

Virtus, sine carminum ope oblivione deletur. Lollii virtutes celebrat.

VIXERE fortes ante Agamemnona
Multi: sed omnes illachrymabiles
Urgentur ignotique longâ
Nocte: carent quia vate sacro.

PAULUM sepultæ distat inertiae
Celata virtus: non ego te meis
Chartis inornatum filebo:
Tôtve tuus patiar labores
Impune, Lolli, carpere lividas
Obliviones. Est animus tibi,
Rerumque prudens, & secundis
Temporibus dubiisque ^f rectus:

Vindex avaræ fraudis, & abstinens
Ducentis ad se cuncta pecuniæ:
^g Consulque non unius anni,
Sed quoties bonus atque fidus
Judex honestum prætulit utili,
Rejecit alto dona nocentium
Vultu: & ^h per obstantes catervas
Explicuit sua victor arma.

Non possidentem multa vocaveris
Rectè beatum: ⁱ rectiùs occupat
Nomen beati, qui deorum
Muneribus sapienter uti,
Duramque callet pauperiem pati:
Pejusque letho flagitium timer:
^k Non ille pro charis amicis
Aut patriâ timidus perire.

^f Æquabilis in utrâque fortunâ.—^g Non unius anni consul, sed semper est rex, qui suis cupiditatibus imperat.—^h Per munera & largitiones tanquam victor expromsit sua arma, id est, suam integritatem & abstinentiam.—ⁱ Merito.—^k Ille, vir talis.



Q. HORATII FLACCI

SERMONUM sive SATYRARUM.



LIBER PRIMUS.

Invehitur in pravam hominum consuetudinem, quâ fit, ut nunquam suâ sorte sint contenti. Deinde avaritiam insectatur.

QUI fit, Mæcenâs ut nemo, quam sibi sortem
Seu ratio dederit, seu fors objecerit, ^a illâ
Contentus vivat? laudet ^b diversa sequentes?
O fortunati Mercatores, gravis armis
Miles ait, multo jam fractus membra labore.
Contrâ, mercator, navim jactantibus Austris,
Militia est potior. Quid enim? ^c concurritur: horâ
^d Momento, aut cita mors venit, aut victoria læta.
Agricolam laudat juris legûmque peritus,
Sub galli cantum consultor ubi ostia pulsât.

^a Illâ sorte. — ^b Vivendi studia, — ^c A militibus in pugna. —
^d In puncto temporis.

Ille datis vadibus qui rure extractus in urbem est
 Solos felices viventes clamat in urbe.
 Cætera de genere hoc (adeò sunt multa,) loquacem
 Delassare valent * Fabium, nè te morer, audi
 Quò rem deducam: si quis deus, En ego, dicat,
 Jam faciam quod vultis: eris tu, qui modò, miles,
 Mercator: tu, consultus modò, rusticus. Hinc vos,
 Vos hinc mutatis discedite partibus. Eia,
 Quid statis? Nolint. Atqui licet esse beatis.
 Quid causæ est, meritò quin illis Jupiter ambas
 Iratus baccas inflet, neque se fore posthac
 Tam facilem dicat, votis ut præbeat aurem?
 Prætereo, ne sic, ut qui jocularia, ridens
 Percurram; quanquam ridentem dicere verum
 Quid vetat? ut pueris ^e olim dant crustula blandi
 Doctores, elementa velint ut discere prima.
 Sed tamen amoto quæramus seria ludo.
 Ille gravem duro terram qui vertit aratro:
 Perfidus hic caupo, miles nautæque per omne
 Audaces mare, qui currunt; ^f hâc mente laborem
 Sese ferre, senes ut in otia tuta recedant,
 Aiunt, quum sibi sunt congesta cibaria: sicut
 Parvula (nam exemplo est) magni formica laboris,
 Ore trahit quodcunque potest, atque addit acervo,
 Quem struit, haud ignara ac non incauta futuri;
 Quæ ^g simul inversum contristat Aquarius annum
 Non usquam prorepat: & illis utitur ^h antè
 Quæsitis sapiens: quum te neque fervidus æstus
 Dimoveat lucro, nec hyems, ignis, mare, ferrum,
 Nil obitet tibi, dum ne sit te ditior alter,
 Quid juvat immensum te argenti pondus & auri
 Furtim defossâ timidum deponere terrâ?
 * Quod si comminuas, vilem redigatur ad assem.
 † At ni id fit, quod habet pulchri constructus acervus?
 Millia frumenti tua triverit area centum,
 Non tuus ⁱ hoc capiet venter plus quam mers: ut si
 Reticulum panis venales inter onusto

* Clamorem caudicem, vel, Philosophum quendam qui libros aliquos conscripserat verbosos.—^e Interdum.—^f In hunc finem.—
^g Simulatq: hyems advenerit.—^h Æstivo tempore.—* Avarus loquitur.—† Horatii Verba.—ⁱ Ex hoc.

Fortè vehas humero, nihilo plus accipias, quam
 Qui nil portârit. Vel dic, quid referat intra
 Naturæ fines viventi jugera centum an
 Mille aret? * At suave est ex magno tollere acervo.
 Dum ex parvo nobis tantundem haurire relinquo,
 † Cur tu plus laudes cumeris granaria nostris?
 Ut tibi si sit opus ^k liquidi non amplius urnâ,
 Vel cyatho: & dicas, magno de flumine malim
 Quam ex hoc fonticulo tantundem sumere. Eo fit,
 Plenior ut si quos delectat copia iusto,
 Cum ripâ simul avulsos ^l ferat ^m Aufidus acer.
 At qui tantulo eget quanto est opus, is neque limo
 Turbatam haurit aquam, neq; vitam amittit in undis.
 At ⁿ bona pars hominum decepta cupidine falsâ,
 Nil fatis est, inquit: quia tanti, quantum habeas, sis.
 Quid facias ^o illi? jubeas miserum esse libenter,
 Quatenus id facit: ut ^p quidam memoratur Athenis
 Sordidus, ac dives, populi contemnere voces
 Sic solitus: populus me sibilat; at mihi plaudo
 Ipse domi, simul ac nummos contemplor in arcâ.
 Tantalus á labris sitiens fugientia captat
 Flumina. Quid rides? mutato nomine, de te
 Fabula narratur: congestis undiq; farris
 Indormis inhians: & tanquam parcere sacris
 Cogitis, aut pictis tanquam gaudere ^q tabellis.
 Nescis quo valeat nummus? quem præbeat usum?
 Panis ematur, olus, vini sextarius; adde,
 Queis humana sibi doleat natura negatis.
 An vigilare metu exanimem, noctesq; diesque,
 Formidare malos fures, incendia, servos,
 Ne te compilent fugientes; hoc juvat? horum
 Semper ego optârim pauperrimus esse bonorum.
 At si condoluit tentatum frigore corpus;
 Aut alius casus lecto te affixit; habes qui
 Assideat? fomenta paret? medicum roget ut te
 Suscitet, ac reddat natis charisq; propinquis?
 Non uxor saluum te vult, non filius; omnes
 Vicini oderunt, noti, pueri atq; puellæ.
 Miraris, quum tu argento post omnia ponas,

^k Aquæ.—^l Abreptos auferat.—^m Apuliæ fluvius.—ⁿ Major
 pars.—^o Tali,—^p Timon,—^q Intuendo, non fruendo.

Si nemo præstet quem non merearis amorem?
 An si cognatos, nullo natura labore
 Quos tibi dat, retinere velis servareque amicos
 Infelix operam perdas? ut si quis asellum
 In campo doceat ^r parentem currere frænis.
 Deniq; sit finis quærendi, quoq; habeas plus,
 Pauperiem metuas minus: & finire laborem
 Incipias, parto quod avebas: nec facias quod
 Ummidius qui tam (non longa est fabula) dives,
^s Ut metiretur nummos: ita sordidus, ut se
 Non unquam servo melius vestiret, ad usque
 Supremum tempus, nè se penuria victus
 Opprimeret, metuebat. At hunc ^t liberta securi
 Divisit medium, ^u fortissima Tyndaridarum.
 * Quid mî igitur suades? ut vivam ^x Mævius? aut sic
 y Ut Nomentanus? † Pergis ^z pugnanti secum
 Frontibus adversis componere. Non ego, avarum
 Quum veto te fieri, vappam jubeo ac nebulonem.
 Est inter Tanaim quiddam focerúmque; Viselli.
 Est modus in rebus: sunt certi denique fines,
 Quos ultrâ citráque nequit consistere rectum.
 Illuc, undè abii, redeo: nemon', ut avarus
 Se probet, ac potiùs laudet diversa sequentes?
 Quodque aliena capella gerat distentius uber
 Tabescat? neque se majori pauperiorum
 Turbæ comparet? hunc atque hunc superare laboret?
 Sic festinanti semper locupletior obstat.
 Ut cum carceribus missos rapit ^a ungula currus,
 Instat equis auriga suos vincentibus, illum
 Præteritum temnens extremos inter euntem,
 Indè fit ut rarò, qui se vexisse beatum
 Dicat, & exacto contentus tempore, vitâ
 Cedat, uti conviva satur reperire queamus.
 Jam fatis est; nè me Crispini ^b scrinia Lippi
 Compilasse putes, verbum non amplius addam.

^r Obedientem.—^s Non ut numeraret, quia innumerabiles erant
 ejus divitiæ.—^t Uxor.—^u Ac si fuisset altera Clytemnestra, Tyndari
 filia quæ Agamemnonem interfecit.—^x Avarus & sordidus?—^y Ho-
 mo luxuriosus.—^z Res contrarias.—^a Ungula ponitur, pro ungu-
 latis equis.—^b Arculas i. libros Philosophi loquacissimi.



S A T Y R A iii.

Eos primum reprehendit, qui quum ad sua ipsorum vitia conniveant, in alienis videndis acumine oculorum valent. Deinde leviora vitia in amicitia dissimulanda esse docet. Postremo ad reprehensionem Stoici Paradoxi dilabitur, quo paria esse peccata dicunt.

OMNIBUS hoc vitium est cantoribus, inter amicos Ut nunquam inducant animum cantare, rogati: Injussi nunquam desistant. Sardus habebat Ille Tigellius hoc. Cæsar, qui cogere posset, Si peteret per amicitiam patris atq; suam, non Quicquam proficeret. Si collibuisse, ^c ab ovo ^d Usq; ad mala iteraret, Io Bacche, modo summâ Voce modò hâc resonat ^e chordis quæ quatuor ima. Nil æquale homini fuit illi. Sæpè velut qui Currebat fugiens hostem: persæpè velut qui Junonis sacra ferret. Habebat sæpè ducentos, Sæpè decem servos: modò reges atq; tetrarchas, Omnia magna loquens: modo, Sit mihi mensa tripes & Concha salis puri, & toga quæ defendere frigus Quamvis crassa, queat. ^f Decies centena dedisses Huic parco paucis contento, quinq; diebus Nil erat in oculis. Noctes vigilabat ad ipsum Mane, diem totam stertebat. Nil fuit unquam Sic impar sibi. Nunc aliquis dicat mihi, Quid tu? Nullane habes vitia? Imo alia, haud fortasse minora. Mænius absentem Novium quum carperet, Heus tu, (Quidam ait) ^g ignoras te? an ut ignotum dare nobis Verba putas? Egomet mî ignosco, Mænius inquit. Stultus & improbus hic amor est, dignusque notari,

^c Ab ovo quod erat cænæ initium.—^d Usq; ad poma, i. cænæ finem.—^e In quatuor chordis, i. instrumento Musico.—^f Mille steretia.—^g Non novisti tua vitia?

Quum tua prævideas oculis mala lippus inunctis,
Cur in amicorum vitiis tam cernis acutum,
Quàm aut aquila, aut serpens ^h Epidaurius? at tibi
contra

Evenit, inquirant vitia ut tua rursus & illi.
Iracundior est paulò. Minus aptus acutis
Naribus ⁱ horum hominum: rideri possit, eò quod
^k Rusticiùs tonso toga defluit, & malè laxus
In pede calceus hæret. At est bonus, ut melior vir
Non aliis quisquam. At tibi amicus, at ingenium ingens
Inculto latet hoc sub corpore. Denique teipsum
^l Concute, num qua tibi vitiorum infecerit olim
Natura, aut etiam consuetudo mala. Namque
Neglectis urenda filix innascitur agris.
^m Illuc prævertamur: amatorem quod amicæ
Turpia decipiant cæcum vitia, aut etiam ipsa hæc
Delectant. Veluti Balbinum ⁿ polypus Agnæ.
Vellem in amicitia sic erraremus: & isti
Errori nomen virtus posuisset honestum.
At, pater ut gnati, sic nos debemus amici,
Si quod sit vitium, non fastidire. Strabonem
Appellat pærum pater: & pullum, malè parvus
Si cui filius est: ut abortivus fuit olim
^o Sisyphus: hunc varum, distortis cruribus: illum
Balbutit scaurum pravis fultum malè talis.
Parcius hic vivit: frugi dicatur: ineptus
Et jactantior hic paulo est: concinnus amicis
Postulat ut videatur. At est truculentior, atq;
Plus æquo liber: simplex fortisq; habeatur:
Caldior est: acres inter numeretur; opinor,
Hæc res & jungit, junctos & servat amicos.
At nos virtutes ipsas invertimus, atque
Sincerum cupimus vas incrustare. ^p Probus quis
Nobiscum vivit? multum est demissus homo. Illi
Tardo, cognomen pinguis damus, hic fugit omnes
Insidias, nullique malo latus obdit apertum?

^h Ponitur pro quovis dracone.—ⁱ Qui hodie vivunt.—^k Quod illi
imperitius tonso toga malè est composita.—^l Examinato.—^m Nos
eò vertamus priusquam de amicorum officio aut vitiis agimus.—
ⁿ Morbus putidus in naribus.—^o Filius M. Antonii triumviri, sta-
tura vix bipedalis, sed ingenii acutissimi.—^p Si,

(Quum genus hoc inter vitæ versetur, ubi acris
 Invidia atque vigent ubi ^q crimina) ^r pro benè sano
 Ac non incauto, fictum astutumque vocamus.
 Simplicior si quis (qualem me sæpè libenter
 Obtulerim tibi Mæcenas) ut fortè legentem
 Aut tacitum impellat quovis sermone molestus :
 Communi sensu planè caret, inquit. Eheu !
 Quàm temerè in nosmet legem sancimus iniquam !
 Nam vitiis nemo finè nascitur : optimus ille est,
 Qui minimis urgetur. Amicus dulcis, ut æquum est,
 Cum mea compenset vitiis bona : pluribus hisce
 (Si modò plura mihi bona sunt) inclinet : amari
 Si volet : hâc lege, in trutinâ ponetur eâdem.
 Qui, ne tuberibus ^s propriis offendat amicum,
 Postulat, ignoscat ^t verrucis illius. Æquum est,
 Peccatis veniam poscentem, reddere rursus.
^u Denique ; quatenus excidi penitus vitium iræ,
 Cætera item nequeunt stultis hærentia : cur non
 Ponderibus modulisque suis ratio utitur ? ac res
 Ut quæque est, ita suppliciis delicta coercet ?
 Si quis eum servum, patinam qui tollere iussus,
 Semefos pisces tepidumque ligurierit jus,
 In cruce suffigat : ^w Labeone insaniore inter
 Sanos dicatur. Quanto hoc furiosius atque
 Majus peccatum est ? paulum deliquit amicus :
 Quod nisi concedas, habere insuavis : acerbus
 Odisti, & fugis, ut ^x Drusonem debitor æris :
 Qui nisi, quum tristes misero venêre ^y calendæ,
^z Mercedem aut nummos unde, unde extricat, amaras.
 Porrecto jugulo historias, captivus ut audit.
 Comminxit lectum potus : mensæve catillum
 Evandri manibus tritum dejecit : ob hanc rem
 Aut positum ante meâ quia pullum in parte catini
 Sustulit esuriens : ^a minus hoc jucundus amicus
 Sit mihi ? quid faciam, si furtum fecerit ? aut si

^q Criminationes.—^r Pro cauto & prudente.—^s Suis peccatis gravi-
 vioribus.—^t Levioribus amici vitiis.—^u Disputat contra Stoicorum
 dogma, qui dicunt, Omnia peccata esse paria.—^w Labeo jurisperi-
 tus erat contumax, qui multa nimis liberè dixerat in Augustum.—
^x Fœneratorem & malum historiarum scriptorem.—^y Calendis,
 creditam pecuniam reddebant debitores.—^z Usurum.—^a Minus ob hoc.
 Pro-

Prodiderit commissa ^b fide? ^c sponsumve negarit?
^d Quis paria esse ferè placuit peccata laborant,
 Quum ventum ad verum est; sensus moresque repugnant
 Atque ipsa utilitas, iusti ^e propè mater & æqui.
 Quum prorepserunt ^f primis animalia terris,
 Mutum & turpe pecus, glandem atq; cubilia propter
 Unguibus & pugnis, dein fustibus, atque ita ^g porrò
 Pugnabant armis, quæ post fabricaverat usus.
 Donec verba, quibus voces sensusque notarent,
 Nominâque invenêre. Dehinc abstinere bello,
 Oppida cœperunt munire: & ponere leges,
 Ne quis fur esset, neu latro, neu quis adulter.
 Nam fuit ante Helenam mulier teterrima belli
 Causa: sed ignotis periêrunt mortibus illi,
 Quos Venerem incertam rapientes, more ferarum,
^h Viribus editior cædebat, ut in grege taurus,
 Jura inventa metu iniusti fateare necesse est,
 Tempora si fastôsque velis evolvere mundi.
 Nec natura potest iusto secernere iniquum,
 Dividit ut bona diversis, fugienda petendis.
 Nec vincet ratio hoc, tantundem ut peccet idemque
 Qui teneros caules alieni fregerit horti,
 Et qui nocturnus divûm sacra legerit: adsit
 Regula, peccatis quæ pœnas irroget æquas:
 Ne scuticâ dignum, horribili sectere flagello.
 Nam ut ferulâ cædas meritum majora subire
 Verbera, non vereor: quum dicas esse pares res,
 Furta latrociniis, & magnis parva mineris
 Falce recisurum simili te, si tibi regnum
 Permittant homines. ⁱ Si dives, qui sapiens est,
 Et futor bonus & solus formosus, & est rex:
 Cur optas quod habes? ^k non nôsti quid pater, inquit
^l Chrysippus dicat: Sapiens crepidas sibi nunquam
 Nec soleas fecit: futor tamen est sapiens, quî?
 Ut, quamvis tacet Hermogenes, cantor tamen, atque
 Optimus est modulator: ^m ut Alfenus vaser, omni

^b Fidei.—^c Promissum.—^d Stoicis.—^e Quasi.—^f Prima animalia
^g i. Homines.—^h Post.—ⁱ Vir robustior.—^j Irridet Stoicorum Para-
 doxon, nempe sapientem esse omnia.—^k Stoicus arguit Horatium
 ignorationis, & inquit, Num nosti, &c.—^l Chrysippus vaserimus
 Stoicorum.—^m Alfenus ex futore, jurisconsultus clarissimus evasit.

Abjecto instrumento artis, clausâque ⁿ tabernâ,
 Sutor erat: sapiens operis sic optimus omnis
 Est opifex, sic rex solus ^o vellunt tibi barbam
 Lascivi pueri: quos tu nisi fuisse coeres,
 Urgeris turbâ circum te stante: miserque
 Rumperis & latras, magnorum maxime regum.
 Ne longum faciam; dum tu quadrante lavatum
^p Rex ibis: neque te quisquam ^q stipator, ineptum
 Præter ^r Crispinum, sectabitur: Et mihi dulces
 Ignoscent si quid peccavero stultus, amici,
 Inque vicem illorum patiar delicta libenter,
^s Privatúsque magis vivam te rege beatus.



S A T Y R A iv.

Lucilium veteres Comicos Græcos sequutum, mordacem fuisse ait. Sua autem Scripta non itidem legi ostendit, quum bona pars hominum sibi vitii alicujus conscia, se ibi perstringi sciant. Se velut paternâ quâdam castigatione ad deterrendos à vitiis homines uti proficitur.

EUPOLIS, atque Cratinus, Aristophanesque poëtæ,
 Atque alii quorum comœdia prisca virorum est:
 Si quis erat dignus describi quod malus, aut fur:
 Quod mœchus foret, aut ficarius, aut alioqui
 Famofus: multâ cum libertate notabant.
^t Hinc omnis pendet ^u Lucilius, hosce sequutus,
 Mutatis tantum pedibus numerisque: facetus,
^w Emunctæ naris, durus componere versus.
 Nam fuit hœc vitiosus, in horâ sæpè ducentos,
 Ut magnum, versus dictabat, ^x stans pede in uno.

ⁿ Sutrinâ.—^o Adeò stultè loqueris, ô Stoice.—^p Secundùm Stoicorum opinionem.—^q Comes.—^r Stoicum.—^s Et non rex.—^t Ab illis Poetis,—^u Poeta Romanus.—^w Acri judicio,—^x Nullo labore & tempore brevissimo.

Quum flueret lutulentus ^y erat quod tollere velles,
 Garrulus, atque piger scribendi ferre laborem,
 Scribendi rectè: nam ut multum, nil moror. Ecce!
 Crispinus ^z minimo me provocat: ^a Accipe si vis,
 Accipe jam tabulas. Detur nobis locus, hora,
 Custodes: videamus uter plus scribere possit.
^b Dii benè fecerunt, inopis me quòdque pusilli
 Finxerunt animi, rarò & perpauca loquentem.
 At tu conclusas ^c hircinis follibus auras
^d Usque laborantes, dum ferrum molliat ignis,
 Ut mavis, imitare. Beatus Fannius, ^e ultro
 Delatis capsis & imagine: quum mea nemo
 Scripta legat, vulgo recitare timentis ob hanc rem,
 Quòd sunt, quos genus hoc minimè juvat. Utpote plures
 Culpari dignos. Quemvis mediâ erue turbâ:
 Aut ob avaritiam, aut miserâ ambitione laborat:
 Hunc capit argenti splendor; Stupet ^g Albius ære:
 Hic mutat merces surgente à sole, ad eum quo
 Vespertina tepet regio: quin per mala præceps
 Fertur, uti pulvis collectus turbine, nequid
 Summa deperdat metuens, aut ampliet ut rem.
 Omnes hi metuunt versus, odere poetam.
^h Fœnum habet in cornu, longè fuge: dummodo risum
 Excutiat sibi, non hic cuiquam parcat amico:
 Et quodcunque semel chartis ⁱ illeverit, omnes
^k Gestiet à furno redeuntē scire, ^l lacûque,
 Et pueros, & anus. ^b Agedum, pauca accipe contrâ.
 Primum ego me illorum, dederim quibus esse poetas,
 Excerptam numero. Neque enim concludere versum
 Dixeris esse satis; neque, si quis scribat uti nos,
 Sermoni propria, putes hunc esse poetam:
 Ingenium cui sit, cui mens diviniore, atque os

^y Erat aliquid quod fumeres, idque imitatione dignum. — ^z Minimo digito, quod est alterum contemptum in certamen provocare.
 — ^a Verba Crispini. — ^b Respondet Horatius. — ^c Follibus ex corio hircino factis. — ^d Significat Crispini versus turgidos fuisse & inanes.
 — ^e Cui non petenti Senatus detulit capsas, quibus libri ejus in Augusti bibliothecâ reponerentur, unâ cum suâ imagine. — ^f Statuis ex ære Corinthio factis. — ^g Metaphora ducta à bove cornu petente, cujus cornibus fœnum alligabant ut sibi ab illo caverent homines. —
ⁱ Quodcunque semel scriptitârit. — ^k Cupiet, ut omnes à pistrino redeuntē sciant. — ^l Undè aquam hauriunt.

Magna sonaturum, des nominis hujus honorem.
 Idcirco quidam, comœdia, necne poema
 Effet, ^m quæsiwere: quod acer spiritus ac vis
 Nec verbis nec rebus inest: nisi quòd pede certo
 Differt sermoni sermo merus. At pater ardens
 Sævitus, quod meretrice nepos insanit amicâ,
 Filius, uxorem grandi cum dote recusat:
 Ebrius & (magnum quod dedecus) ambulat ante
 Noctem cum facibus. Numquid ⁿ Pomponius istis
 Audiret leviora, pater si viveret? ergo
 Non satis est puris versum perscribere verbis,
 Quem si dissolvas, quivis stomachetur eodem
 Quo personatus pacto pater. His, ego quæ nunc,
 Olim quæ scripsit Lucilius, eripias si
 ° Tempora certa modosque: & quod prius ordine ver-
 bum est,

Posterius facias præponens ultima primis:
 Non, ut si solvas, *Postquam discordia tetra
 Belli ferratos postes portasque refregit,*
 Invenias etiam disjecti membra poetæ.
 Hactenus hæc, alias, justum sit necne poema:
 Nunc illud tantum quæram: meritòne tibi sit
 Suspectum genus hoc scribendi. ^p Sulcius acer
 Ambulat, & Caprius, ^q rauci malè cumque ^r libellis:
 Magnus uterque timor latronibus: at benè si quis
 Et vivat puris manibus, contemnat utrumque.
 Ut sis tu similis Cœli Berrique, latronum,
 Non ego sim Capri, neque Sulci: cur metuas me?
 Nulla taberna meos habet, neque ^s pila libellos,
 Queis manus insudet vulgi Hermogenisque Tigelli?
 Non recito quicquam, nisi amicis, idque coactus;
 Non ubivis, coramve quibuscumlibet. In medio qui
 Scripta foro recitent, sunt multi: quique lavantes:
 Suave locus voci resonat conclusus. ^t Inanes
 Hoc juvat, haud illud quærentes num finè sensu,
 Tempore num faciant ^u alieno. Lædere gaudes,

^m Dubitaverunt.—ⁿ Adolefcens vinosus.—^o Syllabarum quanti-
 tatem.—^p Accusator acerrimus, sic & Caprius.—^q Affiduitate
 agendi valdè rauci.—^r Cum libellis accusatoriis.—^s Bibliopolarum
 columna, ad quam prostabant libri venales.—^t Leves poetæ.—^u Tem-
 pore incongruo.

Inquis: & hoc studio pravus facis. Unde petitum
Hoc in me ^w jadis? est autor quis denique eorum,
Vixi cum quibus? absentem qui rodit amicum,
Qui non defendit, alio culpante: solutos
Qui captat risus hominum, famamque dicacis:
Fingere qui non visa potest, ^x commissa tacere
Qui nequit: hic ^y niger est, hunc, tu Romane, caveto.
Sæpè tribus lectis videas cœrnare ^z quaternos:
E quibus unus avet [†] quâvis aspergere cunctos,
^a Præter eum qui præbet ^b aquam: post, hunc quoque,
potus,

Condita quum verax aperit præcordia ^c Liber:
Hic tibi comis & urbanus, liberq; videtur,
Infesto nigris. Ego, si risi, quod ineptus
Pastillos Rufillus olet, Gorgonius hircum,
Lividus & mordax videor tibi? mentio siqua
De Capitolini furtis injecta ^d Petilli
Te coram fuerit: defendas, ut tuus est mos:
Me Capitolinus ^e convictore usus, amicoq;
A puero est, causâque meâ per multa rogatus
Fecit: & incolumis lætor quod vivit in urbe:
Sed tamen admiror quo pacto judicium illud
Fugerit. ^f Hic nigræ succus loliginis, hæc est
Ærugo mera. Quod vitium procul abfore chartis
Atque animo prius, ut si quid promittere de me
Possum aliud, verè promitto. Liberius, si
Dixero quid, si fortè jocosius; hoc mihi juris
Cum veniâ dabis ^g infuevit pater optimus hoc me;
Ut fugerem exemplis vitiorum quæque notando.
Quum me hortaretur, parcè, frugaliter utque
Viverem uti contentus eo, quod mî ipse parâisset:
Nonne vides, Albî ut malè vivat filius? utque
Barrus inops? magnum documentum ne patriam rem
Perdere quis velit. A turpi meretricis amore
Quum deterreret; ^h Sectani dissimilis sis,

^w Objicis.—^x Arcana.—^y Hic est perniciosus.—^z Duodecim convivas in uno triclino.—[†] Quâvis ratione.—^a Præter convivii magistrum.—^b Quâ lavarent convivæ.—^c Vinum.—^d Petillûs cum coronam è Capitolio surripuisset, judicio absolutus est.—^e Familiari.—^f Metaph. Ab atramento piscis loliginis, quæ alba est externè, intus autem nigra.—^g Docuit me hoc.—^h Erat turpis mæchus.

Aiebat. Sapiens, vitatu quodque petitu
 Sit melius, ⁱ causas reddet: tibi mî satis est, si
 Traditum ab antiquis morem servare, tuamque
 Dum ^k custodis eges, vitam famâmque tueri
 Incolumem possim. Simulac duraverit ætas
 Membra animûmque tuum, ^l nabis sine cortice. Sic me
^m Formabat puerum dictis: & sive jubebat
 Ut facerem quid, Habes ⁿ authorem quo facias hoc:
 Unum ex iudicibus selectis ^o objiciebat:
 Sive vetabat: ^p An hoc inhonestum & inutile factu
 Nec ne sit, addubites, ^q flagret rumore malo quum
 Hic atque ille? Avidos vicinum funus ut ægros
 Exanimat, mortisque metu sibi parcere cogit:
 Sic teneros animos aliena opprobria sæpè
 Absterrent vitiis. ^r Ex hoc ego sanus ab illis,
 Perniciem quæcunq; ferunt, mediocribus, & queis
 Ignoscas, vitiis ^s teneor. Fortassis, & ^t istinc
 Largiter abstulerit longa ætas, liber amicus,
 Consilium proprium. Neq; enim quum ^u lectulus aut me
 Porticus excepit, ^w desum mihi: Rectius hoc est:
 Hoc faciens, vivam melius. Sic dulcis amicis
 Occurram. ^x Hoc quidam non bellè: num quid ego illi
 Imprudens olim faciam simile? Hæc ego mecum
^y Compressis agito labris. Ubi quid datur otî,
^z Illudo chartis. Hoc est mediocribus illis
 Ex vitiis unum, cui si ^a concedere noles,
 Multa poetarum veniet ^b manus, auxilio quæ
 Sit mihi. Nam multo plures sumus: ac veluti te
^c Judæi cogemus in hanc concedere ^{*} turbam.

ⁱ Rationes. — ^k Pædagogi. — ^l Alienis præceptis non egebis. —
^m Pater erudiebat. — ⁿ Sunt verba patris sui. — ^o Ante oculos pone-
bat. — ^p Dicebat pater. — ^q Quum laboret publicâ infamiâ hic atque
ille? — ^r Ex hoc patre. — ^s Obnoxius sum fortasse vitiis parvis. —
^t Ab his vitiis. — ^u Quum in lectulo jaceo vel in porticu deambulo.
— ^w Negligo quod mei est officii. — ^x Non fecit bellè. — ^y Tacitus
mecum. — ^z Mando literis & ludibundus Satyras scribo. — ^a Ignosce-
re. — ^b Innumera multitudo. — ^c Judæi sub imperio Octaviani, Ro-
mæ cogebant multos in suam religionem transire. — ^{*} Poetarum.

S A T Y R A vi.

Reprehendit vanum populi Rom. de nobilitate judicium. Sibi non eâdem ratione amicitiam Mæcenatis, quâ tribunatum, posse quenquam invidere. Tandem suam conditionem longè meliorem, in vitâ privatâ ostendit, quàm in magistratu esse possit.

NON, quia, Mæcenas, Lydorum quicquid Etruscos
Incoluit fines, nemo generosior est te:
Nec, quòd avus tibi maternus fuit atque paternus,
Olim magnis qui legionibus imperitarint:
Ut plerique solent naso suspendis adunco
^d Ignotos: ut me libertino patre natum.
Quum referre negas, quali sit quisque parente
Natus, dum ingenuus: persuades hoc tibi verè
Ante potestatem, ^e Tulli, atque ignobile regnum,
Multos sæpe viros ^f nullis majoribus ortos,
Et vixisse probos, amplis & honoribus auctos.
Contra Lævinum, Valerî genus, unde superbus
Tarquinius regno pulsus fuit, unius assis
Non unquam pretio pluris licuisse: ^g notante
Judice, quem nôsti, populo: qui stultus honores
Sæpe dat indignis, & famæ servit ineptus:
Qui stupet in titulis & ^h imaginibus. Quid oportet
Vos facere, à vulgo longè latèque remotos?
Namque esto: populus ⁱ Lævino mallet honorem
Quam Decio mandare ^k novo: cenorque ^l moveret
Appius, ingenuo si non essem patre natus:
Vel meritò, quoniam in propriâ non pelle quiësssem.
Sed fulgente trahit constrictos gloria curru
Non minus ignotos generosis quò tibi Tulli

^d Infimæ fortis homines. — ^e Sexti regis Ro. ex servâ captivâ nati.
^f Obscuris. — ^g Judicante. — ^h Majorum statuis antiquitatis testi-
bus. — ⁱ Homini nobilissimo. — ^k Ignobili familiâ nato. — ^l A peten-
do magistratu me ut indignum summoveat.

^m Sumere depositum clavum, fierique ⁿ tribuno?
 Invidia accrevit, privato quæ minor esset.
 Nam ut quisque infanus nigris medium impediit crus
 ° Pellibus, & latum demisit pectore ^p clavum:
 Audit continuò, quis homo hic est? quo patre natus?
 Ut si qui ægrotet, quo morbo Barrus, haberi
 Ut cupiat formosus: eat quacunque, puellis
 Injiciat curam quærendi singula: quali
 Sit facie, furâ, quali pede, dente, capillo:
 Sic qui promittit cives, urbem sibi curæ,
 Imperium fore & Italiam, & delubra deorum:
 Quo patre sit natus, num ignotâ matre inhonestus,
 Omnes mortales curare & quærere cogit,
 Tune Syri, Damæ, aut Dionysi ^q filius, audes
^r Dejicere è saxo cives? aut tradere ^s Cadmo?
 At Novius Collega gradu post me sedet uno.
 Namq; est ^t ille, pater quod erat meus. Hoc tibi
 Paulus

Et Messala videris. At hic, si plaustra ducenta,
 Concurrentque foro tria funera, magna sonabit
 Cornua, quod vincatque tubas: saltem tenet hoc nos.
 Nunc ad me redeo libertino patre natum;
 Quem rodunt omnes libertino patre natum,
 Nunc quia Mæcenas tibi sum convictor; at olim
 Quod mihi pareret legio Romana tribuno.
 Dissimile hoc illi est. Quia non ut forsit honorem
 Jure mihi invidet quivis, ita te quoque amicum:
 Præsertim cautum dignos assumere, pravâ
 Ambitione procul: felicem dicere non hoc
 Me possum casu, quòd te fortitus amicum.
 Nulla etenim tibi me fors obtulit: optimus olim
 Virgilius, post hunc Varius, dixere quid essem.
 • Ut veni coram, singultim pauca loquutus,
 (Infans namque pudor prohibebat plura profari)
 Non ego me claro natum patre, non ego circum
 Me ^u Saturejano vectari rura caballo

^m Recipere senatoriam vestem, i. dignitatem tibi à Cæsare ademptam.—ⁿ Militum.—^o Calceis senatoriis usque ad medium crus subductis.—^p Tunicam cui lati clavi erant affuti: quod erat insigne majorum magistratuum.—^q E servo quopiam natus.—^r A saxo Tarpejo id est, audes tu tribunatu fungi.—^s Tradere carnifici.—^t Est ille libertus, cum ego sim libertinus.—^u Equo in Saturejanis, id est, Apulis pascuis nato.

Sed quod eram narro. Respondes (ut tuus est mos)
 Pauca: abeo, & revocas nono post mense, jubesque
 Esse in amicorum numero: magnum hoc ego duco,
 Quod placui tibi, qui turpi secernis honestum,
 Non patre præclaro, sed vitâ & pectore puro.
 Atqui si vitiis mediocribus ac mea paucis
 Mendosa est natura, alioquî recta (velut si
 Egregio insperfos reprendas corpore nævos)
 Si neque avaritiam, neque fordes, aut mala lustra
 Objiceret verè quisquam mihi: purus & insons
 (Ut me collaudem) si vivo, & charus amicis:
 Causa fuit pater his: qui macro pauper agello,
 Noluit in Flavi ludum me mittere, magni
 Quò pueri magnis è centurionibus orti,
 Lævo suspensi loculus ^w tabulâque lacerto,
 Ibant ^x octonis referentes idibus ^y æra.
 Sed puerum est ausus Romam portare, docendum
 Artes, quas doceat quivis eques atque senator
 Semet prognatos. Vestem, servosque sequentes
 In magno ut populo si quis vidisset, avitâ
 Ex re præberi sumptus mihi crederet illos.
 Ipse mihi custos incorruptissimus omnes
 Circum doctores aderat. Quid multa? pudicum
 (Qui primus virtutis honos) fervavit ab omni
 Non solum factò, verum opprobrio quoque turpi:
 Nec timuit, sibi ne vitio quis verteret olim,
 Si præco parvas, aut (ut fuit ipse) coactor
 Mercedes sequeretur: neque ego essem quæstus. Ob hoc
 nunc
 Laus illi debetur, & à me gratia major.
 Nil me pœniteat sanum patris hujus: eoque
 Non, ut magna ^z dolo factum negat esse suo pars,
 Quòd non ingenuos habeat clarosque parentes,
 Sic me defendam. Longè mea discrepat istis
 Et vox & ratio nam si natura juberet
 A certis annis ævum remeare peractum,
 Atque alios legere ad fastum quoscunque parentes
 Optaret sibi quisque: meis contentus, honestos
 Fascibus & sellis nolim mihi sumere: demens

^w In quâ numerare discunt.—^x Idibus quorum octo sunt dies.—
^y Mercedem Flavio magistro datam.—^z Suo vitio & culpâ.

Judicio vulgi, sanus fortasse tuo: quod
 Nollem onus (haud unquam solitus) portare molestum,
 Nam mihi continuo major quærenda foret res,
 Atque salutandi plures: ducendus & unus
 Et comes alter, uti ne solus rûsve peregrève
 Exirem: plures calones atque caballi
 Pascendi: ducenda petorita. Nunc mihi curto
 Ire licet mulo, vel, si libet, usque Tarentum:
 Mantica cui lumbos onere ulceret, atq; eques armos.
 Objiciet nemo sordes mihi, quas tibi Tulli,
 Quum ^a Tiburte viâ prætorem quinque sequuntur
 Te pueri, lasanum portantes, ænophorúmque.
 Hoc ego commodius, quàm tu, præclare Senator,
 Millibus atque aliis, vivo. Quâcunque libido est,
 Incedo solus: percontor ^b quanti olus, ac far:
^c Fallacem circum. Vespertinumque pererro
 Sæpe forum; ^d assisto divinis: inde domum me
 Ad porri & ciceris refero laganique catinum.
 Cœna ministratur pueris tribus: & ^{*} lapis albus
 Pocula cum cyatho duo sustinet. Astat ^e echinus
 Vilis, cum paterâ guttus, ^f Campana supellex;
 Deinde eo dormitum, non sollicitus, mihi quod cras
 Surgendum sit mane, & obeundus Marfyæ, qui se
 Vultum ferre negat † Noviorum posse minoris.
^h Ad quartam jaceo. Post hanc vagor; aut ego ⁱ lecto
 Aut scripto quod me tacitum juvet; ungor ^k olivo
 Non quo fraudatis immundus Natta lacernis.
 Ast ubi me fessum Sol acrior ire lavatum
 Admonuit, fugio rabiosi tempora ^l signi.
 Pransus non avidè, quantum interpellat inani
 Ventre diem durare, ^m domesticus otior. Hæc est
 Vita solutorum miserâ ambitione gravique:
 His me consolor: victurum suavius, ac si
 Quæstor avus, pater atque meus patruusque fuissent.

^a Viâ, quæ Tibur ducit. — ^b Venditur. — ^c In circo fallaces Astrologi & somniorum interpretes erant frequentes. — ^d Interfuit rebus divinis vel rerum futurarum divinatoribus, nempe in Circo. — ^{*} Mensa marmorea. — ^e Vas fictile. — ^f Vasa fictilia in Campaniâ facta. — ^g Obeunda prima pars fori, ubi posita est statua Marfyæ. — † Duorum fratrum Noviorum junior erat improbiſſimus litigator. — ^h Ad horam quartam. — ⁱ Lectito aut scriptito. — ^k Oleo, non ex lucer nis detracto. — ^l Caniculæ. — ^m Domi otium ago.



Q. HORATII FLACCI

SERMONUM five SATYRARUM.

LIBER SECUNDUS.

SATYRA i.

*Sibi datum à Trebatio consilium de scribendis rebus
gestis Augusti, potius quàm Satyris, exponit: &
cur ei parere non possit, ostendit.*

* **S**UNT quibus in Satyrâ videor nimis acer & ultra
^b Legem tendere opus: sine nervis ^c altera quic-
quid

Composui, pars esse putat: similesque meorum

Mille die versus deduci posse. Trebati,

Quid faciam, præscribe. || Quiescas. * Ne faciam,
inquis

Omnino versus? || Aio. * Peream malè, si non

Optimum erat, Verùm nequeo dormire. || Ter uncti

* Horatius loquitur.—^b Modum.—^c i. Alii homines.—|| Respon-
det Trebati.

Transnanto Tiberim, somno quibus est opus alto :
 Irriguumque mero sub noctem corpus habento.
 Aut si tantus amor scribendi te capit, aude
 Cæsaris invicti res dicere, multa laborum
 Præmia laturus. * Cupidum, pater optime, vires
 Deficiunt : neque enim quivis horrentia pilis
 Agmina, neu fractâ pereuntes cuspide Gallos,
 Aut labentis equo describat vulnera Parthi.
 || Attamen & justum poteras, & ⁱ scribere fortem,
^k Scipiadam ut sapiens Lucilius : * ⁱ Haud mihi deero,
 Cum res ipsa feret. Nisi dextro tempore, ^m Flacci
 Verba per attentam non ibunt Cæsaris aurem :
 Cui malè si palpere, recalcitret undique tutus.
 || Quanto rectius hoc, quam tristi lædere versu
 Pantolabum scurram, Nomentanumque nepotem :
 Cum sibi quisque timet quanquam est intactus & odit ?
 * Quid faciam ? saltat Milonius, ut semel ^p ictio
 Accessit fervor capiti, numerusque lucernis.
 Castor gaudet equis : ovo prognatus eodem.
 Pugnis. Quot capitum vivunt, totidem studiorum
 Millia. Me pedibus delectat claudere verba
 Lucili ritu, ^q nostrum melioris utroque.
 Ille velut fidis arcana sodalibus, olim
 Credebat libris : neque si malè cesserat, unquam
 Decurrens aliò, neque si benè. Quo fit ut omnis
^r Motivâ pateat veluti descripta tabellâ,
 Vita senis : sequor hunc, Lucanus an Appulus anceps.
 Nam Venusinus erat finem sub ^s utrumque colonus :
 Missus ad hoc, pulsus (vetus est ut fama) Sabellis,
 Quò ne per vacuum Romano incurreret hostis :
 Sive quòd Appula gens, seu quod Lucania bellum
 Incuteret violenta. Sed hic stylus haud petet ^t ultrò
^u Quenquam animantem : & me, veluti custodiet ensis
 Vaginâ tectus : quem cur distringere coner
 Tutus ab infestis ^v latronibus ? O pater, O rex

ⁱ Augusti justitiam & fortitudinem. — ^k Scipionis virtutes. — ⁱ Faciam (inquit Horatius) cum dabitur occasio. — ^m Horatii. — ^p Percussio à vini vaporibus. — ^q Qui fuit & te & me melior. — ^r Veluti in tabulâ quæ ex voto suspendebatur in templo à naufragis. — ^s Inter Lucaniam & Appuliam. Est enim Horatius in oppido Venusio natus. — ^t Nisi sim laceffit. — ^u Quenquam vivum. — ^v A maleficus.

Jupiter, ut pereat positum rubigine ^x telum :
 Nec quisquam noceat cupido mihi pacis. At ille,
 Qui me ^y commôrit (melius non tangere, clamo)
 Flebit, & insignis totâ ^z cantabitur urbe.
 Servius iratus leges minitatur, & ^a urnam :
 † Canidia Albuti, quibus est inimica, venenum :
 Grande malum Turius, si quis se judice certet.
 Ut, quo quisque valet ^b suspectos terreat. Utque
 Imperet hoc natura potens. Sic collige mecum.
 Dente lupus, cornu taurus petit : unde, nisi intus
 Monstratum ? Scævæ vivacem crede nepoti
 Matrem : nil faciet sceleris pia dextera : mirum :
 Ut neque calce lupus quenquam, neque dente petit bos.
 Sed mala tollet anum vitiato melle cicuta.
 Ne longum faciam : seu me tranquilla senectus
 Expectat, seu mors atris circumvolat alis.
 Dives, inops, Romæ, seu sors ita jusserit, exul,
 Quisquis erit vitæ, scribam color. || ^c O puer ut sis
 Vitalis metuo, & majorum ne quis amicus
^d Frigore te feriat. * ^e Quid, cum est Lucilius ausus
 Primus in hunc operis componere carmina morem,
 Detrahare & pellem, nitidus qua quisque per ora
 Cederet introrsum turpis ? num Lælius, aut qui
 Duxit ab oppressâ meritum Carthagine nomen,
^f Ingenio offensi ? aut læso doluere Metello,
 Famosisve Lupo cooperto versibus ? atqui
 Primores populi ^g arripuit, ^h populumque tributim ;
 Scilicet uni, æquus virtuti. Atque ejus amicis.
 Quin ubi se à vulgo, & scenâ, in secreta remorant
 Virtus Scipiadæ, & mitis sapientia Læli :
 Nugari cum illo, ⁱ & discincti ludere, donec
 Decoqueretur olus, ^k soliti. Quicquid sum ego, quamvis
 Infra Lucili censum, ingeniumque tamen me
^l Cum magnis vixisse invita fatebitur usque
 Invidia & fragili quærens illidere dentem
 Offendet solido : nisi quid tu, docte Trebatî,

^x Hic scribendi stylus.—^y Lacefferit.—^z Cantabitur ad infamiam
 sui nominis.—^a Sortitionem in rebus dubiis, post factam ab accusa-
 tore & reo judicum rejectionem.—† Albutii filia venefica.—^b Quos
 metuit.—^c O Horati, inquit Trebatius, ne non sis vivax, metuo si
 Satyras scribas.—^d Mortem tibi inferat.—^e Rogat Horatius.—^f Lu-
 cili.—^g Culpavit.—^h Plebem infimam.—ⁱ Et à rebus seriis lax-
 ati.—^k Sunt.—^l Cum Augusto, Mæcenate, &c.

Diffentis. || ^m Equidem nihil hîc diffingere possum:
 Sed tamen ut monitus caveas, nè fortè negoti
 Incutiat tibi quid sanctarum inscitia legum:
 Si ⁿ mala condiderit in quem quis carmina, jus est,
 Judiciumque. ° Esto, si quis mala: sed bona si quis
 Judice condiderit laudatus Cæsare. Si quis
 Opprobriis dignum laceraverit, integer ipse:
 Solventur risu tabulæ, tu missus abibis.



S A T Y R A iii.

*Sub personâ Damasippi Stoicum Paradoxon tractat,
 nimirum, Stultos omnes insanire.*

† **S**IC rarò scribis, ut toto non quater anno
 Membranam poscas, scriptorum quæque retex-
 ens,

Iratus tibi quod vini somnique benignus
 Nil dignum sermone canas, quod fiet? ab ipsis
 Saturnalibus huc fugisti: Sobrius ergo
 Dic aliquid dignum promissis: incipe. Nil est.
 Culpantur frustra calami immeritûque laborat
 Iratis natus paries diis atque poetis.
 Atqui vultus erat multa & præclara minantis,
 Si ^q vacuum tepido cepisset villula tecto
 Quorsum pertinuit stipare Platona Menandro?
 Eupolin Archilochos? comites educere tantos?
 Invidiam placare paras virtute relicta
 Centemnêre miser. Vitanda est improba Siren
 Desidia: aut quicquid vitâ meliore parâsti,
 † Ponendum æquo animo. ° Dii te, Damasippe, deæ-
 que

† Verum ob consilium donent ⁿ tonsore. Sed unde

^m Inquit Trebatius non possum differre quin pro te pronunciem.
ⁿ Maledica.—^o Inquit Horatius.—† Verba Damasippi.—^p In
 quâ scribas.—^q Te.—^r Deponendum est.—^s Horatius ridiculè gra-
 tias agit Damasippo.—^t Rectum.—^u Qui longam & philosophicam
 tuam barbam radat.

Tam bene me nôsti : † Postquam omnis res mea ^w Ianum
Ad medium fracta est, aliena negotia curo,
Excussus propriis. Olim nam quærere amabam,
Quo vaser ille pedes lavisset Sisyphus ære :
Quid sculptum infabre, quid fufum durius esset.
Callidus huic signo ponebam * millia centum ;
Hortos egregiasque domos mercarier unus
Cum lucro nôram. Unde frequentia Mercuriale
Imposuere mihi cognomen compita. * Novi ;
Et morbi miror purgatum te illius. † Atqui
Emovit veterem mirè novus, ut solet, in cor
Trajecto lateris miseri capitisque dolore ;
Ut lethargicus hic, quum sit pugil, & medicum urget.
* Dum ne quid simile huic, esto ut libet. † O bone,
ne te

Frustrere : insanis & tu, stultique propè omnes :
Si quid Stertinius veri crepat : ^c unde ego mirè
Descripfi docilis præcepta hæc, ^d tempore quo me
Solatus iussit ^e sapientem pascere barbam,
Atque à Fabricio non tristem ^f ponte reverti.
Nam malè re gestâ quum vellém mittere ^g operto
Me capite in flumen ; ^h dexter stetit, & cave saxis
Te quicquam indignum : pudor (inquit) te malus urget,
Insanus qui inter vereare insanus haberi.
Primum nam inquiram, quid sit furere ? hoc si erit in te
Solo, nil verbi, pereas quin fortiter, addam.
Quem mala stultitia, & quæcunque inscitia veri
Cæcum agit, insanum Chrysippi ⁱ porticus & grex
Autumat : hæc populos, hæc magnos formula reges,
Excepto sapiente, tenet ; nunc accipe quare
Desipiant omnes æquè ac tu, qui tibi nomen
Insano posuere. ^k Velut sylvis, ubi passim
Palantes error, certo de tramite pellit ;
Ille finistrorsum, hic dextrorsum abit ; unus utrique
Error, sed variis illudit partibus. Hoc te
Crede modo insanum : nihilo ut sapientior ille,

^w In foro positum ubi mercatores & fæneratores conveniebant.—
^x Sestertiûm 100000.—^c A quo.—* Horatius loquitur.—^d Ex eo
tempore.—^e Philosophicam, ad umbilicum usque.—^f Unde Dama-
scippus se præcipitare voluit damni dolore commotus.—^g Pudoris
causâ.—^h Astitit mihi Stertinius.—ⁱ Schola Stoica.—^k Quemad-
modum in sylvis.

Qui te deridet, ¹ caudam trahat. Est genus unum
 Stultitiæ, ^m nihilum metuenda timentis: ut ignes,
 Ut rupes, fluviosque ⁿ in campo obstare queratur:
 Alterum & huic ^o varium, & nihilo sapientius, ignes
 Per medios fluviosque ruentis. Clamet amica,
 Mater, honesta soror, cum cognatis, pater, uxor:
 Hic fossa est ingens, hic rupes maxima: ^p serva:
 Non magis audiêrit, quam ^q Fufius ebrius olim,
 Quum Ilionam edormit, ^r Catienis mille ducentis,
 Mater te appello, clamantibus. Huic ego vulgum
 Errori similem cunctum insanire docebo.
 Insanit veteres statuas Damasippus emendo.
 Integer est mentis Damasippi creditor? esto.
 Accipe quod nunquam reddas mihi. si tibi dicam,
 Tune insanus eris si acceperis? an magis excors
 Rejeclâ prædâ, quam præsens Mercurius fert?
^s Scribe decem à Nerio: non est satis: adde ^t Cicutæ
 Nodosi tabulas centum: mille adde ^u catenas:
 Effugiet tamen hæc sceleratus vincula ^w Proteus.
 Quum rapies in jus, malis ridentem alienis,
 Fiet aper, modo aris, modô saxum: &, quum volet, ar-
 bor.

Si malè rem gerere, insani: ^x contra, benè sani est:
 Putidius multo cerebrum est (mihi crede) Perilli,
^y Distantis quod tu nunquam rescribere possis.
 Audire atque togam ^z jubeo componere quisquis
 Ambitione malâ aut argenti pallet amore:
 Quisquis luxuriâ, tristive superstitione,
 Aut alio mentis morbo calet. Huc proprius me,
 Dum doceo insanire omnes, vos ordine adite.
 Danda est Hellebori multo pars maxima avaris:
 Nescio an Anticyram ratio illis destinet omnem.

¹ Cujus tergo cauda animantis per derisionem appendatur.—^m In quibus nihil est periculi.—ⁿ In planitie.—^o Huic contrarium.—
^p Serva te, tibi cave.—^q Qui Hecubam agens (Quæ hic ob Horatio Iliona nominatur) cum somnum simulare deberet, serio dormivit.—
^r Histrio, qui Polidori partes agens, hæc verba magno clamore loquebatur; Mater, te appello.—^s O debitor scribe te mutuo accepisse à Nerio fœneratore decem millia libr.—^t Fœneratoris, qui debitores suos cautionibus tanquam nodis obstringebat.—^u Formulas & juris laqueos.—^w Tergiversator, similis Proteo in varias figuras se transformanti.—^x Bene rem gerere.—^y Mutuo dantis.—^z Se ad audiendum parare.

Hæredes Staberî summam incidere sepulchro:
 Ni sic fecissent, gladiatorum dare centum
 Damnati populo paria, atque epulum, arbitrio Atri:
 Frumenti quantum metit Africa. ^a Sive ego pravè,
 Seu rectè, hoc volui: ^b ne sis patruus mihi. ^c Credo
 Hoc Staberi prudentem annum vidisse. Quid ergo
 Sensit, quum summam patrimoni inculpere saxo
 Hæredis voluit? Quoad vixit, credidit ingens
 Pauperiem vitium, & cavit nihil acrius: ut si
 Fortè minus locuples uno quadrante perisset,
 Ipse videretur sibi nequior. ^f Omnis enim res,
 Virtus, fama, decus, divina humanaque pulchris
 Divitiis parent: quas qui construxerit ille
 Clarus erit, fortis, justus, sapiens etiam, & rex
 Et quicquid volet. Hoc veluti virtute paratum,
 Speravit magnæ laudi fore. Quid simile isti
 Græcus Aristippus? qui servos projicere aurum
 In mediâ jussit Libyâ: quia tardius irent
 Propter onus segnes. ^g Uter est insanior horum?
 Nil agit exemplum, litem quod lite resolvit.
 Si quis emat citharas, emptas comportet in unum,
 Nec studio citharæ nec musæ deditus ulli:
 Si scalpra & formas, non futor: nautica vela,
 Aversus mercaturis: delirus & amens
 Undique dicatur meritò. Qui discrepat istis
 Qui nummos aurumque recondit, nescius uti
^h Compositis metuensque velut contingere sacrum?
 Siquis ad ingentem frumenti semper acervum
ⁱ Porrectus vigilet, cum longo fuste: neque illinc
 Audeat esuriens dominus contingere granum:
 Ac potius foliis parvus vescatur amaris:
 Si positus intus Chii veterisque Falerni
 Mille cadis (nihil est: ter centum millibus) acre
 Potet acetum: age si & stramentis incubet, ^k unde
 Ologinta annos natus, cui stragula vestis,
 Blattarum ac tinearum epulæ, putrescat in arcâ:
 Nimirum insanus paucis videatur, eo quod
 Maxima pars hominum morbo jactatur eodem.

^a Staberium loquentem inducit.—^b Noli me objurgare ut solent
 patruî suos nepotes.—^c Respondet Damasippus sive quis alius.—
^d Hæc dicuntur ex personâ Staberii.—^e Staberius an Aristippus.—
^f Bonis quæ sitis.—^g Jacens.—^h Septuaginta novem.

Filius aut etiam libertus ut ebibat hæres,
 Diis inimice senex custodis? ne tibi desit
 Quantulum enim summæ curtabit quisque dierum,
 Ungere si caules oleo meliore caputque
 Cœperis impexa fœdum porrigine? quare,
 Si quidvis fatis est, perjuras, surripis, aufers
 Undique? tun' sanus, populum si cædere faxis
 Incipias, servósque tuo quos ære pararis:
 Infanum omnes te pueri clamentque puellæ.
 Quum laqueo uxorem interimis, matremque veneno,
 Incolumi capite es? Quid ni? Neque tu hoc facis
 Argis,

Nec ferro, ut demens genetricem occidit Orestes.
 An tu reris eum occisâ insanisse parente?
 Ac non antè malis dementem actum furiis, quam
 In matris jugulo ferrum tepefecit acutum?
 Quin ex quo est habitus malè tutæ mentis Orestes,
 Nil sanè fecit quod tu reprehendere possis,
 Non Pyladen ferro violare ausûve sororem
 Electram: tantum maledicit utrique vocando
 Hanc furiam, hunc aliud jussit quod splendida bilis.
¹ Pauper Opimius argenti positi intus & auri,
 Qui ^m Vejentanum festis portare diebus
 Campanâ solitus trullâ, vappâmque profestis:
 Quondam lethargo grandi est oppressus: ut hæres
 Jam circum loculos & claves lætus ovanisque
 Curreret ⁿ hunc medicus multum celer atque fidelis
 Excitat hoc pacto: mensam poni jubet, atque
 Effundi saccos nummorum, accidere plures
 Ad numerandum. Hominem sic erigit: addit & illud,
 Ni tua custodis, avidus jam, jam auferet hæres.
 • Men' vivo? ^p Ut vivas igitur, vigila: hoc age.
 • Quid vis?
^p Deficient inopem venæ te, ni cibus atque
 Instans accedat stomacho fultura ruenti.
 Quid cessas? agedum, fume hoc ptisanarium orizæ
 • Quanti emptum? ^p parvo. • quanti ergo? ^p octo as-
 fibus. • Eheu

¹ Opimius avarus pauper argenti domi reconditi.--^m Vinum. Ve-
 jentana civitas est Campaniæ.--ⁿ Opimum.--^o Verba sunt Opimii.
 Mene vivo hæc auferet hæres?--^p Loquitur medicus.

Quid refert, morbo, an furtis pereamve rapinis?
 Quisnam igitur sanus? ^r Qui non stultus. ^q Quid a-
 varus?
^r Stultus & insanus. ^q Quid? si quis non sit avarus?
 Continuo sanus? ^r Minime. ^q Cur Stoice? ^r Dicam.
 Non est cardiacus (^s Craterum dixisse putato)
 Hic æger. Rectè est igitur, surgetque? ^r Negabit;
 Quod latus aut renes morbo tententur acuto.
 Non est perjurus, neque sordidus. Immolet æquis
 Hic porcum Laribus. Verum ambitiosus & audax.
 Naviget Anticyram. Quid enim differt, ^u barathrone
 Dones quicquid habes, an nunquam utare ^w paratis?
 Servius Oppidius ^x Canusi duo prædia dives
 Antiquo censu natis ^y divisisse duobus
 Fertur: & hæc moriens pueris dixisse vocatis
 Ad lectum. Postquam te talos, Aule, nucesque
 Ferre sinu laxo, donare & perdere vidi:
 Te, Tiberi, numerare, cavis abscondere tristem,
 Extimui, ne vos ageret vesania discors:
^z Tu Nomentanum, tu ne sequerere ^a Cicutam.
 Quare per divos oratus uterque Penates,
 Tu cave ne minuas; tu, ne majus facias id
 Quod satis esse putat pater, & natura coercet.
 Præterea, ne vos titillet gloria, jure-
 Jurando obstringam ^b ambo: uter ædilis fuerit, vel
 Veltrum prætor, is intestabilis & ^c sacer esto.
^d In cicere atque fabâ, bona tu perdâsque lupinis,
 Latus ut in circo spatiare, ^e aut æneus ut stes,
 Nudus agris, nudus nummis, insane, paternis?
 Scilicet ut plausus, quos fert Agrippa feras tu,
 Astuta ingenuum vulpes imitata leonem?
^f Ne quis humâsse velit Ajacem, ^h Atrida, vetas cur?
^g Rex sum. ^h Nil ultra quæro plebeius. ^g Et æquam

^q Horat. Damasippum & Stertinium Stoicum inducit loquentes.
^r Verba Damasippi. — ^r Verba Stertini. — ^s Medicum. — ^t Crate-
 rus. — ^u Ventri omnivoro. — ^w Quæsitis. — ^x Canusium, est oppidum
 in Apuliâ. — ^y Divisisse. — ^z Nomentanum prodigum. — ^a Avarum
 steneratorem. — ^b Ambos. — ^c Execrandus. — ^d Ædiles talia munera
 populo dabant. — ^e Ut ænea statua tibi erigatur. — ^f Dialogus est in-
 ter plebeium quendam, & Regem Agamemnonem. — ^g Respondet
 Agamemnon. — ^h Verba sunt plebeii.

Rem imperito: at si cui videor non justus, inulto
Dicere quæ sentit, permitto. ^h Maxime regum,
Dî tibi dent captâ classem reducere Trojâ:

Ergo consulere & mox respondere licebit?

& Consule. ^h Cur Ajax heros ab Achille secundus
Putrescit, toties servatis clarus Achivis?

Gaudeat ut populus Priami, Priamusque inhumato,
Per quem ⁱ tot juvenes patrio caruere sepulchro?

& Mille ovium insanus morti dedit, inclytum Ulysssem,
Et Menelaum una mecum se occidere clamans.

^h Tu quum pro vitulâ statuis dulcem Aulide ^k natam
Ante aras, spargisque molâ caput, improbe, falsâ,

^l Rectum animi servas? * & Quorsum? ^h Insanus quid
enim Ajax

Fecit, quum stravit ferro pecus? abstinuit vim
Uxore, & gnato, mala multa precatus ^m Atridis.
Non ille aut Teucrum aut ipsum violavit Ulysssem.

& Verum ego, ut hærentes adverso littore naves
Eriperem, prudens placavi sanguine divos.

^h Nempe † tuo, furiose? † & Meo, sed non furiosus,

^h Qui species ⁿ alias veris, scelerisque tumultu
Permistas capiet, commotus habebitur: atque
Stultitiâne erret, nihilum distabit, an irâ.

Ajax immeritos dum occidit, desipit, agnos?

Quum prudens scelus ob titulos tu admittis inanes,
Stas animo? & purum est vitio tibi quum tumidum est
cor?

Si quis lecticâ nitidam gestare amet agnam,
Huic vestem ut gnatae, paret ancillas, paret aurum:

Pupam aut pupillam appellet: fortique marito
Destinet uxorem: interdicto huic omne adimat jus
Prætor, & ad sanos abeat tutela propinquos.

Quid? si quis gnatam pro mutâ devovet agnâ,
Integer est animi? ne dixeris. Ergo, ubi prava
Stultitia, hîc summa est insania: qui sceleratus,
Et furiosus erit. Quem cepit ^o vitrea fama.

^p Hunc circumtonuit gaudens Bellona cruentis.

ⁱ Tot Trojani.—^k Iphigeniam.—^l Rectum animum.—* & Quorsum hæc?—^m Agamemnoni & Menelao.—† Sanguine.—ⁿ Diffidentes.—^o Fragilis & inconstans.—^p Bellona hunc attonitum reddidit.

§ Nunc age luxuriam, & Nomentanum arripe mecum.
Vincet enim stultos ratio insanire nepotes.
Hic simul accepit patrimoniū mille talenta,
Edicit, piscator uti, pomarius, auceps,
Unguentarius, ^q ac Tusci turba impia vici,
Cum scūrris fartor, ^r cum Velabro omne macellum
Mane domum veniant. Quid tum? venēre frequentes,
Verba facit leno, Quicquid mihi, quicquid & horum
Cuique domi est, id crede tuum: & vel nunc pete, vel
cras:

Acippe, quid contra juvenis responderit æquus:
Tu nive Lucanā dormis ocreatus, ut aprum
Cœnem ego. Tu pisces hyberno ex æquore verris:
Segnis ego, indignus qui tantum possideam: aufer:
^s Sume tibi decies: ^t tibi tantundem: tibi triplex.
Filius ^u Æsopi detractam ex aure ^w Metellæ,
(Scilicet ^x ut decies solidū exorberet) aceto
Diluit insignem baccam: quī sanior ac si
^y Illud idem in rapidum flumen jacerētve cloacam?
Quinti progenies Arri, par nobile fratrum
Nequitia & nugis, pravorum & amore ^z gemellum,
Luscinias soliti impenso prandere coemptas.
Quorsum abeant? sani? cretā, an carbone notati?
Ædificare casas, plostello adjungere mures:
Ludere par impar equitare in arundine longā,
Si quem delectet barbatum: amentia verset.
Si puerilius his, ratio esse evincet, amare:
Nec quicquam differre, utrūne in pulvere trimus
Quale prius ludas opus, an meretricis amore
Sollicitus plores: Quæro, faciāsne quod olim
^a Mutatus Polemo: ponas ^b insignia morbi,
^c Fasciolas, ^d cubital, ^e focalia. Potus ut ille
Dicitur ex collo furtim carpisse coronas.
Postquam est impransū correptus voce, ^f magistri.

§ Verba Stertinii ad Damasippum.—^q Lenones cupedarii.—^r Velabrum locus erat Romæ, in quo habitabant unguentarii.—^s Decies centena sestertium nummum millia.—^t O Piscator.—^u Tragœdi.—^w Quæ Clodium Æsopium adamavit.—^x Ut decies centum millia sestertium nummum devoraret.—^y Margaritam.—^z Æquale.—^a Mutatus oratione Xenocratis, cui postea in scholā successit.—^b Ornamenta amatoria.—^c Periscelides.—^d Brachiorum tegumentum.—^e Quibus homines molles utebantur.—^f Qui fuit Aristotelis auditor.

Porrigis irato puero quum poma, recusat.
 Sume, catelle: negat. Si non des, optat. Amator
 Exclusus qui distat? ait ubi secum, eat, an non,
 Quò rediturus erat non arcessitus: & hæret
 Invisis foribus, Ne nunc quum me vocat ultro,
 Accedam? an potius mediter finire dolores?
 Excludit, revocat: redeam? non, si obsecret. Ecce
 Servus non paulò sapientior, O here, quæ res
 Nec modum habet, neque consilium, ratione modoque
 Tractari non vult. In amore hæc sunt mala, bellum,
 Pax rursus. Hæc si quis tempestatis propè ritu
 Mobilia & cæca fluitantia sorte, laboret
 Reddere certâ sibi, nihilo plus explicet, ac si
 Insanire paret certa ratione modoque.
 Quid? quum Picens excerpens semina pomis,
 & Gaudes si cameram percussisti forte penes te es?
 Quid? quum balba feris annoso verba palato,
 Ædificante casus, qui sanior? adde cruorem
^h Stultitiæ, atq; ignem gladio scrutare modo (inquam)
ⁱ Hellade percussâ, Marius quum præcipitat se,
^k Cerritus fuit? an commotæ crimine mentis
 Absolves hominem, & sceleris damnabis eundem,
 Ex more imponens cognata vocabula rebus?
 Libertinus erat qui circum compita ^l siccus
 Lautis mane senex manibus currebat: & unum
 (Quid tam magnum addens!) unum me surpите morti:
 Diis etenim facile est; orabat: sanus utrisque
 Auribus atque oculis, mentem, nisi litigiosus
 Exciperet dominus, quum venderet. Hoc quoq; vulgus
 Chrysippus ponit fœcundâ in gente ^m Meneni.
ⁿ Jupiter ingentes qui das adimisque dolores,
 (Mater ait pueri menses jam quinque ^o cubantis)
 Frigida si puerum quartana reliquerit: illo
 Mane die quo tu ^p indicis jejunia, nudus
 In Tyberi stabit. Casus medicûsve levaret
 Ægrum ex præcipiti, mater delira necabit

^e Tanquam felicitis amoris omine.—^h Amatoris stultitiæ adde scelus & crudelitatem.—ⁱ Hellade interfectâ à Mario quum ab eâ sperneretur.—^k Cereris furore vexatus, furiosus?—^l Jejunus.—^m Menenius vixit ætate Horatii, homo superstitiosus, & mente captus.—ⁿ Alterum exemplum superstitionis.—^o Ægrotantis.—^p Quo magistratus tuo nomine jejunia imperant.

In gelidâ fixum ripâ, febrimque reducet.

Quo'ne malo mentem concussa? timore deorum.

* Hæc mihi Stertinius sapientum octavus amico,

Arma dedit, posthac ne compellarer inultus.

Dixerit insanum qui me, totidem audiet: atque

Respicere ignoto discet pendentia tergo.

* Stoice, post damnum q sic vendas omnia pluris:

Quâ me stultitiâ (quoniam non est genus unum)

Insanire putas? ego nam videor mihi sanus:

† Quid? caput abscissum manibus quum portat Agave.

† Gnati infelicis, sibi tum furiosa videtur?

* Stultum me fateor (liceat concedere veris)

Atque etiam insanum, tantum hoc ediffere, quo me

Ægrotare putas animi vitio. † Accipe: primum

Ædificas, hoc est, longos imitaris ab imo

Ad summum totus moduli bipedalis, & idem

Corpore majorem rides * Turbonis in armis

Spiritum & incessum: qui ridiculus minus illo?

An quodcunque facit Mecænas, te quoque verum est,

Tanto dissimilem, & tanto certare minorem?

Absentis ranæ pullis vituli pede pressis,

Unus ubi effugit matri denarrat, ut ingens

Bellua cognatos eliserit. Illa rogare,

Quantane? Num tandem (inflans se) sic magna fuisset?

Major dimidio. Num tanto? Quum magis atque

Se magis inflaret, Non, si te ruperis (inquit)

Par eris. † Hæc à te non multum abludit imago.

Adde poemata nunc (hoc est, oleum adde camino)

Quæ si quis sanus fecit, sanus facis & tu.

Non dico horrendam rabiem (* jam define,) cultum

Majorem censu (teneas, Damasippe, tuis te)

Mille puellarum, puerorum mille furores.

* O major tandem parcas insane minori.

* Horatius loquitur,—† Damasippus loquitur.—^q O Damasippe.
—^r Penthei.—^s Gladiatoris homunculi.





S A T Y R A vi.

Se contentum iis, quæ habet, vivere, ac plura non optare dicit. Deinde otii sui, quo ruri fruitur, comoda cum incommodis negotiorum & molestiarum, quæ vitam urbanam comitantur, comparat.

HOC erat in votis: modus agri non ita magnus,
 Hortus ubi, & testo vicinus jugis aquæ fons,
 Et paulum sylvæ super his foret. Auctius atque
 Dii melius fecêre. Benè est. Nihil amplius oro,
 * Majâ Nate, nisi ut propria hæc mihi munera faxis:
 Si neque majorem feci ^u ratione malâ rem,
 Nec sum facturus vitio culpâve minorem.
 Si veneror stultus nihil horum: O si angulus ille
 Proximus accedat, qui nunc denormat agellum:
 O si urnam argenti fors quâ mihi monstret (ut illi,
 Thesauro invento qui mercenarius agrum
 Illum ipsum mercatus aravit, ^w dives amico
 Hercule) si quod adest, gratum juvat: hâc prece te oro,
 Pingue pecus ^x domino facias, & cætera, præter
^y Ingenium: utque soles, custos mihi maximus adsis.
 Ergo ubi me in montes & in arcem ex urbe removi,
 Quid prius illustrem Satyris, musâque pedestri?
 Nec mala me ambitio perdit, nec plumbeus Auster,
 Autumnusque gravis, Libitinæ quæstus acerbæ.
 Matutine pater, seu Jane libentius ^z audis,
 Unde homines operum primos vitæque labores
 Instituunt (sic diis placitum) tu carminis esto
 Principium. Romæ sponso reme rapis: eja,
 Ne prior officio quisquam respondeat, urge.
 Sive Aquilo radit terras, seu Bruma nivalem
 Interiore diem gyro trahit, ^a ire necesse est.

* O Mercuri.—^u Fraude.—^w Favente Hercule, qui thesauris re-
 eludendis præesse creditur.—^x Mihi.—^y Hebes.—^z Appellaris.—
^a Ad spondendum pro altero.


Postmodo (quod mi obfit) clarè certumque loquuto,
 Luctandum in turbâ: faciendâ injeria tardis.
^b Quid vis insane? & quas res agis? umprobus urget
 Iratis precibus; ^c tu pulses omne quod obstat,
 Ad Mæcenatem memori si mente recurras.
^d Hoc juvat, & melli est: non mentiar: at simul attras
 Ventum est ^e Esquiliis, aliena negotia centum
 Per caput, & circa saliunt latus. Ante secundam
 Roscius orabat ^f sibi adesses ad puteal cras.
 De re communi scribæ magnâ atque novâ te
 Orabant hodie meminisses, Quinte reverti.
 Imprimat his cura Mæcenæ signa tabellis.
 Dixeris, experiar, Si vis, potes, addit: & instat.
 Septimus octavo propior jam fugerit annus,
 Ex quo Mæcenæ me cœpit habere suorum
 In numero: duntaxat ad hoc, quem tollere rhedâ
 Vellet, iter faciens, & cui concedere nugas
 Hoc genus: hora quota est? ^g Thrax est Gallina Syro par?
 Matutina parûm cautos jam frigora mordent.
 Et quæ rimosâ benè deponuntur in aure,
 Per totum hoc tempus subjectior in diem & horam
 Invidiæ. ^h Noster ludos spectaverat unâ,
 Luserat in campo, fortunæ filius, omnes.
 Frigidus à rostris manat per compita rumor?
 Quicumque obvius est, me consulit. ⁱ O bonè (nam te
 Scire, deos quoniam propius contingis oportet)
 Num quid de Dacis audisti? ^j Nil equidem. ^k Ut tu
 Semper eris derisor. ^l At omnes Dî exagitent me,
^m Si quicquam. ⁿ Quid? militibus promissa Triquetra
 Prædia, Cæsar an est Italâ tellure daturus?
 Jurantem me scire nihil mirantur, ut unum
 Scilicet egregii mortalem atque silenti.
 Perditur hæc inter ^o misero lux, non fine votis:
 Orus, quando ego te aspiciam? quandoque licebit,
 Nunc veterum libris, nunc somno & inertibus horis
 Ducere sollicitæ jucunda oblivæ vitæ?

^b Verba sunt ejus qui ab Horatio properante in turbâ impellitur.
^c O Horati.—^d Respondet Horatius.—^e In Esquiliis habitabat
 Mæcenæ. olim erat plebis sepulcretum.—^f Ad locum, ubi prætor
 jus dicebat.—^g Thrax & Syrus duo erant gladiatores.—^h Horatius,
ⁱ Horatius inquit.—^j Verba percunctatoris.—^k Audiui.—^l Mihi.

O quando ^m faba Pythagoræ cognatâ simulque
 Unctâ satis pingui ponentur oluscula lardo?
 O noctes cænæque deûm; quibus ipse, meique
 Ante Larem proprium vescor: vernasque procaces
 Pasco libatis dapibus: cum, ut cuique libido est,
 Siccat ⁿ inæquales calices conviva; solutus
 Legibus insanis: seu quis capit ^o acria fortis
 Pocula seu modicis uvescit lætiùs. Ergo
 Sermo oritur non de villis domibusve alienis.
 Nec malè, necne ^p Lepos saltet: sed quod magis ad nos
 Pertinet, & nescire malum est, agitamur: utrumne
 Divitiis homines an sint virtute beati?
 Quidve ad amicitias, usus rectumne trahat nos:
 Et quæ sit natûra boni, summumque quid ejus.
 Cervius, hæc inter, vicinus garrit aniles
 Ex re fabellas. Nam si quis laudat ^q Arelli
 Sollicitas ignarus opes, sic incipit: Olim
 Rusticus urbanum murem mus paupere fertur
 Accipisse cavo, veterem vetus hospes amicum:
 Asper & attentus quæsit, ut tamen arctum
 Solveret hospitii animum. Quid multa? neque illi
 * Sepositi ciceris nec longæ invidit avenæ.
 Aridum & ore ferens acinum, semesâque lardi
 Frustra dedit: cupiens variâ fastidia cænâ
 Vincere ^r tangentis malè singula dente superbo:
 Quum pater ipse domûs paleâ porrectus in hornâ
 Effet ador, loliumque, dapis meliora relinquens.
 Tandem urbanus ad hunc, Quid te juvat (inquit) amice,
 Prærupti nemoris patientem vivere dorso?
 Vis tu homines urbemque ^s feris præponere sylvis?
 Carpe viam (mihi crede) comes: ^t terrestria quando
 Mortales animas vivunt sortita, neque ulla est
 Aut magno aut parvo lethi fuga. ^u Quo, Bone, circa,
 Dum licet, in rebus jucundis vive beatus:
 Vive memor quam sis ævi brevis. Hæc ubi dicta
 Agrestem pepulere, domo levis exilit: inde

^m A fabâ Pythagoras abstinuit, veritus nè in fabam aliquam ani-
 mus paternus immigrasset.—ⁿ Pro suo quisque arbitratu.—^o Gran-
 dia pocula.—^p Saltator, Augusti scurra.—^q Avari.—^r Hellenismus.
 Invideo cum genitivo casu.—^s Urbani muris.—^t Desertis.—^u Hora-
 tius: ex Atheorum sententiâ, ista loquitur.—^v Quo circa O bone,

Ambo propositum peragunt iter, urbis aventes
 Mænia nocturni subrepere. Jamque tenebat
 Nox medium cœli spatium, quum ponit uterque
 In locuplete domo vestigiâ: rubro ubi cocco
 Tincta super lectos canderet vestis eburnos,
 Multaque de magnâ superessent fercula cœnâ,
 Quæ procul extractis inerant hesternæ canistris.
 Ergo ubi purpureâ porrectum in veste locavit
 Agrestem, veluti succinctus cursitat hospes,
 Continuatque dapes: necnon vernaliter ipsis
 Fungitur officiis, prælibans omne quod affert.
 Ille cubans gaudet mutatâ sorte, bonisque
 Rebus agit lætûm convivam: quum subito ingens
 Valvarum strepitus * lectis excussit utrumque.
 * Currere per totum pavidi conclave, magisque
 Exanimes x trepidare. y Simul domus alta Molossis
 Personuit canibus. a Tum rusticus, Haud mihi vitâ
 Est opus hac (ait) & valeat: me sylva cavusque
 Tutus ab infidiis tenui solabitur ervo.



S A T Y R A vii.

Horatius inducit servum vehementer dominum suum increpantem, quod aliter vivat quàm promiserat aut præ se ferat.

|| JAMDUDUM ausculto: & cupiens tibi dicere servus
 Pauca, reformido § a Davusne? || Ita Davus, ami-
 cum

Mancipium domino, & frugi, quod sit fatis: hoc est,
 Ut vitale putes. § Age, libertate b Decembri,
 (Quando ita majores voluerunt) utere: narra.

|| Pars hominum vitio gaudet constanter, & urget
 Propositum: pars multa natat, modo recta capeffens,

^w Discubitoriis. — ^x Currebant. — ^y Simul atque. — ^z Mus. —
 || Verba Davi. — § Verba Domini. — ^a Audet hæc loqui. — ^b Hoc
 mense servis loqui licet, quicquid libet.

Interdum pravis obnoxia. Sæpe notatus
 Cum tribus annellis, modo lævâ • Priscus inani,
 Vixit • inæqualis : ^d clavum ut mutaret in horas :
 Ædibus ex magnis subito se conderet, undè
 Mundior exiret vix libertinus honestè.
 Scurra Volanerius, postquam illi iusta chiragra
 Contudit articulos, qui pro se tolleret atque
 Mitteret in pyrgum talos, mercede diurnâ
 Conductum pavit. Quanto constantior idem
 In vitiis ; tanto levius miser, ac prior ^f illo,
 Qui jam contento, jam ^g laxo fune laborat.
 § Non dices hodie, quorsum hæc tam putida tendant
 Furcifer ? || Ad te, inquam, § Quo pacto pessime : || Lau-
 das

Fortunam & mores antiquæ plebis : at idem
 Si quis ad illa deus subito te agat, usque recuses :
 Aut quia non sentis, quod clamas, rectius esse,
 Aut quia non firmus rectum defendis : ^h & hæres,
 Nequicquam cæno cupiens evellere plantam.
 Romæ rus optas, absentem rusticus urbem
 Tollis ad astra levis. Si nusquam es fortè vocatus
 Ad cœnam, laudas securum olus, ac ⁱ velut usquam
 Vincit eas, ita te felicem dicis, amâsque,
 Quod nusquam tibi sit potandum. ^k Jusserit ad se
 Mecænas ferum sub lumina prima venire
 Convivam ; Nemon' oleum feret ocysus ? ecquis
 Audit ? cum magno blateras clamore, fugisque.
 Milvius, ^l & scurræ tibi non referenda precati
 Discedunt. Etenim fateor. Me, dixerit ille,
 Duci ventre levem : nasum nidore supinor :
 Imbecillus, iners, si quid vis adde popino.
 Tu, quum sis ^m quod ego, & fortassis nequior, ultrò
 Infectere, velut melior ? verbisque decoris
 Obvolvas vitium ? quid si me stultior ipso
 Quingentis empto drachmis deprenderis ? ⁿ aufer
 Me vultu terrere, manum ^o stomachumque teneto.
^p Evasti ? credo, metues, doctusque cavebis

^c Sibi non constans.—^d Clavum aut latum aut angustum.—^e O-
 rator.—^f Prisco.—^g Omni vitiorum genere.—^h In luto hæsit.—
ⁱ Quasi, quo vocaris, eo coactus eas.—^k Si jusserit.—^l Parasiti qui
 erant apud te cenaturi.—^m Servus nimirum.—ⁿ Noli.—^o Iram.—
^p Evasisti periculum ?

Quæres quando iterum paveas, iteumque perire
Possis. O Toties servus! quæ bellua ruptis
Quum semel effugit, reddet se prava catenis?
Non sum mœchus, ais: neque ego, herculè, fur; tibi
vasa

Prætereo sapiens argentea. Tolle & periculum,
Jam vaga profiliet frænis natura remotis.
Tunc mihi dominus, rerum imperiis hominumque
Tot tantisque minor? quem ter & vindicta quaterque
Imposita haud unquam miserâ formidine privet?
Adde supradictis, quod non levius valeat. Nam
Sive vicarius est, qui servo paret (uti mos
Vester ait) seu conservus: tibi quid sum ego? nempe
Tu, mihi quâ imperitas, aliis servis miser, atque
Daceris ut nervis alienis mobile lignum.
§ Quisnam igitur liber? || Sapiens, & sibi qui imperiosus:
Quem neq; pauperies, neque mors, neque vincula ter
rent.

Respondere cupidinibus, contemnere honores
Fortis & in seipso totus & teres atque rotundus:
Externi ne quid valeat per læve morari.
In quem manca ruit semper fortuna: potesne
u Ex his w ut proprium, quid noscere? quinque talenta
Poscit te mulier, vexat, foribusque repulsum
Perfundit gelidâ: rursus vocat: eripe turpi
Colla iugo, liber, liber sum, dic age. * Non quis;
Urget enim y dominus mentem non lenis & acres
Subjectat lasso stimulos, versatque z negantem,
Vel quum Pausiacâ torpes insane tabellâ,
Quî peccas minus atque ego? quum Fulvi Rutubæque
Aut Placidejani contento poplite miror
Prælia, rubricâ picta aut carbone, velut si
Revera pugnent, feriant, vitentque moventes
Arma viri. a Nequam & cessator Davus: at ipse
Subtilis veterum judex & callidus b audis,
Nil ego. Si ducor libo fumante: tibi ingens
Virtus atque animus coenis responsat opimis?

a Metum pœnæ. — r Virga, quâ prætor servum liberabat. — s Qui
sibi suisque affectibus imperat. — t Æquabilis. — u Quæ dixi. —
w Tuum? — x Non potes dicere te esse liberum. — y Libido, dominus
crudelis. — z Negantem servire. — a Dicor. — b Diceris.

Obsequium ventris mihi perniciosius est. Cur?
 Tergo plector enim. Quî tu impunitior, illa
 Quæ parvo sumi nequeunt cum obsonia captas?
 Nempe inamarescunt epulæ sine fine potitæ,
 Illusque pedes vitiosum ferre recusant
 Corpus: an hic peccat, sub noctem qui puer uvam
 Furtivâ mutat strigili? qui prædia vendit,
 Nil servile gulæ parens, habet? adde, quòd idem
 Non horam tecum esse potes, non otia rectè
 Ponere: teque ipsum vitas fugitivus, et erro:
 Jam vino quærens, jam somno fallere curam,
 Frustrâ. Nam ^c comes atra premit sequiturque fuga-
 cem.

§ Unde mihi ^d lapidem? || Quorsum est opus? § Unde
 sagittas?

|| Aut insanit homo, aut versus facit? § Ocyùs hinc te
 Ni rapis, ^e accedes opera agro nona Sabino.

^c Ipsa cura.—^e Nonus servus eris mihi in Sabino fiesque ex ur-
 bano rusticus.





Q. HORATII FLACCI

EPISTOLARUM.



LIBER PRIMUS.

Ad M E C Æ N A T E M.

EPIST. i.

Se ludicra sua studia missa facere dicit, & ea, quæ ad virtutem dicunt, amplecti: Hujusmodi autem esse hæc studia, ut nemo sit qui non illis excoli possit. Tandem pravum hominum judicium, virtutem opibus & honoribus postponentium, reprehendit.

PRIMA ^a dicte mihi summâ discende camœnâ,
Spectatum satis & donatum jam rude, quæris,
Mæcenas, iterum antiquo me includere ludo.
Non eadem est ætas, non mens. ^b Vejanius armis
Herculis ad postem fixis, latet abditus agro
Ne populum extremâ toties exoret arenâ.
^c Est mihi purgatam crebrò qui personet aurem,

^a O Mæcenas, celebrate.—^b Gladiator.—^c Ratio, vel conscientiæ stimulus.

Solve senescentem ^d maturè sanus equum, ne
 Peccet ad extremum ridendus, ^e & ilia ducat.
 Nunc itaque & ^f versus & cætera ludicra pono:
 Quid verum atque deceus, curo & rogo, & omnis in
 hoc sum:

§ Condo & compono quæ mox depromere possim.
 Ac nè fortè roges, quo me duce, quo lare tuter:
 Nullius addictus jurare in verba magistri,
^h Quo me cunque rapit tempestas, deferor hospes:
ⁱ Nunc agilis fio, ^k & merfor civilibus undis.
 Virtutis veræ custos rigidusque fatelles:
 Nunc in Aristippi furtim præcepta relabor,
 Et mihi res, non me rebus submittere conor,
 Ut nox longa, quibus mentitur amica, diésque
 Lenta videtur ^l opus debentibus; ut piger annus
 Pupillis, quos dura premit custodia matrum:
 Sic mihi tarda fluunt ingrataque tempora, quæ spem
 Consiliúmque morantur agendi gnaviter id quod
 Æquè pauperibus prodest, locupletibus æquè,
 Æquè neglectum pueris senibusve nocebit.
 Restat ut his ego me ipse rogam solerque ^m elementis.
 Non possis oculo quantum contendere Lynceus,
 Non tamen idcirco contemnas lippus inungi:
 Ne, quia desperes invicti membra ⁿ Glyconis,
 Nodosâ corpus * nolis prohibere chiragrâ.
 Est quâdam prodire tenus, si non datur ultra.
 Fervet avaritiâ miserâque cupidine pectus?
 • Sunt verba & voces, quibus hunc lenire dolorem
 Possis, & magnam morbi deponere partem.
 Laudis amore tumes? sunt certa ^o piacula, quæ te
 Ter ^p purè lecto poterunt recreare libello.
 Invidus, iracundus, iners, vinosus, amator,
 Nemo adeò ferus est ut non mitescere possit,
 Si modò culturæ patientem commodet aurem.
 Virtus est, vitium fugere: & sapientia prima,
 Stultitiâ caruisse. Vides, quæ maxima credis

^d Opportunè. — ^e Et spiritus difficultate ne laboret. — ^f Depono
 jocos, nugas, & id genus alia. — ^g In animo. — ^h Pro ratione tem-
 porum. — ⁱ Practicus, ut Peripateticus. — ^k In Reipubl. administra-
 tione exerceor. — ^l Operariis conductis. — ^m Philosophiæ primordiis.
 — ⁿ Pugilis robusti. — * Id est, velle debes. — ^o Philosophica præ-
 cepta. — ^p Animo puro.


Esse mala, exiguum censum turpemque repulsam,
 Quanto devites animi, ⁊ capitisque labore.
 Impiger extremos curris mercator ad Indos,
 Per mare pauperiem fugiens, per saxa, per r ignes :
 Ne cures ea quæ stultè miraris & optas :
 Dicere, & audire, & meliori credere non vis ?
 Quis circum pagos & circum compita pugnax,
 Magna coronari contemnat Olympia, cui spes,
 Cui sit conditio dulcis * sine pulvere palmæ ?
 Vilius argentum est auro, virtutibus aurum.
 O cives, cives, quærenda pecunia primum
 Virtus post nummos. † Hæc Janus summus ab imo.
 Perdocet : hæc recinunt juvenes dictata senesque,
 Lævo suspensi loculos, tabulamque lacerto.
 Est animus tibi, sunt mores, & lingua fidesque,
 " Sed quadringentis, sex, w septem millia desint :
 x Plebs eris. At pueri ludentes, rex eris, aiunt,
 Si rectè facies. *Hic Murus* aheneus esto,
 Nil conscire sibi, nullâ pallefcere culpâ.
 Roscia (dic sodes) melior lex, an puerorum
 Nænia : quæ rectè regnum facientibus offert
 Et maribus Curiis & decantata Camillis ?
 y Isne tibi melius suadet, z qui ut rem facias : rem,
 Si possis, rectè : si non, quocunque modo rem :
 Ut propiùs spectes lachrymosa poemata Puppi ?
 An qui Fortunæ te ² respondere superbæ
 b Liberum & erectum præsens hortatur & aptat ?
 Quòd si me populus Romanus fortè roget, cur
 Non, ut porticibus, sic judiciis fruar iisdem,
 Nec sequar, aut fugiam, quæ diligit ipse, vel odit ;
 Olim quod vulpes ægroto cauta leoni
 Respondit, referam. Quia me vestigia terrent,
 Omnia te adversum spectantia, nulla retrorsum.
 Bellua multorum es caput. Nam quid sequar ? aut
 quem ?
 Pars hominum gessit conducere c publica : sunt qui
 Fruitis & pomis viduas venentur avaras,

⁹ Corporis labore.—† Per gravissima pericula.—s Sine labore.—
 † Omnes sœneratores qui habitabant in foro Romano, ubi templum
 est Jani.—w Quadringentis millibus sestertium.—x Si sex aut septem
 millia desunt ad censum equestrem.—x Eris plebeius.—y Rosciæ le-
 gis auctor.—z Suadet.—² Obfistere.—b Purgatum à vitiis.—c Vec-
 tgalia populi conducere, unde publicani appellabantur.

Excipiantque senes, ^d quos in vivaria mittant :
 Multis occulto crescit res fœnore : verùm
 Esto, aliis alios rebus studiisque teneri :
 Iidem eadem possunt horam durare probantes ?
 Nullus in orbe finus ^e Baiis præluet amœnis.
 Sic dixit dives, lacus & mare sentit amorem
 Festinantis heri : cui si vitiosa libido
 Fecerit auspiciũ, cras ferramenta ^f Teanum
 Tolletis fabri. § Lectus genialis in aulâ est ?
 Nil ait esse prius, melius nil cœlibe vitâ.
 § Si non est, jurat bene folis esse maritis.
 Quo teneam vultus mutantem Protea nodo ?
^h Quid pauper ? viden' ut mutet cœnacula, lectos,
 Balnea, tonsores, conducto navigio æquẽ
 Nauseat ac locuples, quem ducit priva triremis.
 Si curtatus inæquali tonsore capillos
 Occurrit, rides : si fortè subucula pexæ
 Trita subest tunicæ. Vel ⁱ si toga diffidet impar
 Rides : quid, mea quum pugnat sententia secum ?
 Quod petiit, spernit : repetit, quod nuper omisit ?
 Æstuat, & vitæ disconvenit ordine toto ?
 Diruit, ædificat, mutat quadrata rotundis ?
 Insanire putas solennia me : neque rides :
 Nec medici credis, nec curatoria egere
 A prætore dati : rerum tutela mearum
 Quum sis & pravè sectum stomacheris ob unguem
 De te pendentis, te respicientis amici.
 Ad summam, sapiens uno minor est Jove, dives,
 Liber, honoratus pulcher, rex denique regum :
 Præcipuè sanus, ^k nisi quum pituita molesta est.

^d Quos tandem devorent veluti pisces aut feras in vivariis detenta-
 tas.—^e Urbs Campaniæ.—^f Campaniæ oppidum.—^g Uxor.—^h A-
 git.—ⁱ Si toga non sedet æqualis in humeris.—^k Stoicos irridet qui
 dicunt sapientem esse sanum, etiamsi ægrotet.





Ad L O L L I U M.

EPIST. ii.

Ad studium sapientiæ hortatur, utpote animi morbos sanaturæ. Sed à teneris affuescendum hujusmodi præceptis esse docet.

UT jugulent homines, surgunt de nocte latrones.
 Ut teipsum serves, non expergisceris? atqui
 Si noles ¹ fanus ^m curres hydropicus: & ni
 Posces ante diem librum cum lumine, si non
 Intendes animum studiis & rebus honestis:
 Invidiâ vel amore vigil torquebere. Nam cur
 Quæ lædunt oculum festinas demere? si quid
ⁿ Est animum, differs curandi tempus in annum?
 Dimidium facti, qui cœpit, habet. Sapere aude:
 Incipe. Qui rectè vivendi prorogat horam,
 Rusticus expectat dum defluat amnis: at ille
 Labitur, & labetur in omne volubilis ævum.
 Quæritur argentum; puerisque beata creandis
 Uxor & incultæ pacantur vomere sylvæ.
 Quod fatis est, cui contingit, nihil amplius optet.
 Non domus, & fundus, non æris acervus & auri
 Ægroto domini deduxit corpore febres,
 Non animo curas. Valeat possessor oportet,
 Si comportatis rebus benè cogitat uti.
 Qui cupit, aut metuit, juvat, illum sic domus, aut res
 Ut lippum pictæ tabulæ, fomenta podagram,
 Auriculas citharæ collectâ forde dolentes.
 ° Sincerum est nisi vas, quodcunque infundis, acescit.
 Sperne voluptates: nocet emptâ dolore voluptas.
 Semper avarus eget: certum voto pete finem.
 Invidus alterius rebus macrescit p opimis:
 Invidiâ Siculi non invenêre Tyranni

¹ Dum sanus es.—^m Ad medicum.—ⁿ Consumit.—^o Animus purus.—^p Fortunatis.

Majus tormentum. Qui non moderabitur iræ,
 Infectum volet esse, ^q dolor quod suaserit ^q & mens,
 Dum pœnas odio per vim festinat inulto.
 Iræ furor brevis est: animum rege: qui nisi paret,
 Imperat: hunc frænis, hunc tu compesce catenâ.
 Fingit equum tenerâ docilem cervice ^r magister
 Ire viam, quam monstrat eques. Venaticus ex quo
 Tempore cervinam pellem latravit in aulâ,
 Militat in sylvis catulus. Nunc adbibere puro
 Pectore verba, puer, nunc te melioribus offer.
 Quo semel est imbuta recens, servabit odorem
 Testa diu. Quod si cessas, aut strenuus anteis
 Nec tardum opperior, nec præcedentibus inсто.



Ad JULIUM FLORUM.

EPIST. iii.

*Julium Florum de Claudio Nerone, & de amicorum
 scriptis interrogat. Deinde ad sapientiæ studium,
 hortatur.*

JULI Flore, quibus terrarum militet oris
 Claudius Augusti privignus, scire laboro.
 Thracæne vos Hebrusque nivali compede victus,
^s An freta vicinas inter currentia turres,
 An pingues Asiæ campi collesque morantur?
^t Quid studiosa cohors operum struit? hæc quoque curo?
 Quis sibi res gestas Augusti scribere sumit?
 Bella quis & paces longum diffundit in ævum?
 Quid Titius Romana brevi venturus in ora?
 Pindarici fontis qui non expalluit haustus,
 Fastidire ^u lacus & rivos ausus apertos:
 Ut valet? ut meminit nostri? fidibusne Latinis

^q Mens irata.—^r Equorum domitor.—^s An Helleſpontus inter
 Sestum & Abydum currens? —^t Quid faciat literata Drusi cohors?
 —^u Scripta vulgaria,

Thebanos aptare modos studet, auspice Musâ?
 An tragicâ desævire * & ampullatur in arte?
 Quid mihi Celsus agit! monitus, multumque monendus!
 Privatas ut quærat opes, & tangere vitet
 Scripta, Palatinus quæcunque recepit * Apollo:
 Ne si forte suas repetitum, venerit olim
 Grex avium plumas, moveat cornicula risum
 Furtivis nudata coloribus; ipse quid audes?
 Quæ circum volitas agilis thyma? non tibi parvum
 Ingenium, non incultum est, nec turpiter hirtum,
 Seu linguam causis acuis, seu civica jura
 Respondere paras, seu condidis amabile carmen:
 Prima feras hederæ victricis præmia; quod si
 Frigida curarum y fomenta relinquere posses,
 Quò te cœlestis sapientia duceret, ires.
^z Hoc opus, hoc studium, * parvi properemus & ampli,
 Si patriæ volumus, si nobis vivere cari.



Ad ALBIUM TIBULLUM.


EPIST. iv.

*Albium Tibullum compellat, cui studium Philosophiæ
 laudat.*

ALBI, nostrorum sermonum candide iudex,
 Quid nunc te dicam facere in regione * Pedanâ?
 Scribere quod Cassi Parmensis opuscula vincat?
 An tacitum sylvas inter reptare salubres,
 Curantem quicquid dignum sapiente bonoque est?
 Non tu corpus eras ^b sine pectore: dii tibi formam,
 Dii tibi divitias dederant, artemque fruendi.

^w Ampullis verborum utitur?—^x Apollinis templo adjunctam bibliothecam Augustus extruxerat in monte Palatino.—^y Curarum nutrimenta, nempe divitias, ambitionem.—^z Properemus sapientiæ studiis incumbere.—^{*} Cujuscunque fortunæ sumus.—^a Sic dicta à Pedâ Italiæ oppido.—^b Sine mente.

Quid voveat dulci nutricula majus alumno,
 Quam sapere, & fari possit quæ sentiat, utque
 Gratia, fama, valetudo contingat abundè,
 Et domus & victus, non deficiente crumenâ?
 Inter spem curamque, timores inter & iras,
 Omnem crede diem tibi diluxisse supremum.
 Grata superveniet, quæ non sperabitur hora.



Ad N U M I C I U M.

EPIST. vi.

*Nihil admirari rem esse dicit, quæ propemodum solâ
 ad vitæ beatitudinem conferat. Felicitas à solâ vir-
 tute pendet.*

NIL admirari, propè res est una, Numici,
 Solaque quæ possit facere & servare beatum.
 Hunc solem, & stellas, & decedentia certis
 Tempora momentis, ^c sunt qui formidine nullâ
 Imbuti spectent. Quid censes munera terræ?
 Quid, maris extremos Arabas ditantis & Indos?
 Ludicra quid, plausus, & amici dona Quiritis?
 Quo spectanda modo, quo sensu credis & ore?
 Qui timet his adversa, ferè miratur eodem
 Quo cupiens pacto. Pavor est ^d utrobique molestus:
^e Improvisa simul species exterret ^f utrumque,
 Gaudeat, an doleat; cupiat, metuatne. & Quid ad rem;
 Si quicquid vidit melius pejusse suâ spe,
 Defixis oculis animoque & corpore torpet?
 Infani sapiens nomen ferat, æquus iniqui,
 Ultra quam satis est ^h virtutem si petat ipsam.
 I nunc argentum, & marmor vetus, ⁱ æraque & artes

^c Quanto minus admirabuntur terrena, quæ cœlestibus sunt infe-
 riora?—^d In cupiendo & metuendo.—^e Insperata mali, & boni spe-
 cies.—^f Tam cupidum, quam timidum.—^g Quid facit ad hanc rem,
 ad beatitudinem?—^h Virtus posita est in mediocritate, cujus re vera,
 nimiam esse non potest.—ⁱ Ærea multo artificio fabricata.

Suspice; cum gemmis ^k Tyrios mirare colores:
 Gaude quòd spectant oculi te mille loquentem:
 Gnavus manè forum & vespertinus pete tectum:
 Ne plus frumenti ^l dotalibus emetat agris
 Mucius: indignum, quòd sit pejoribus ortus:
 Hic tibi sit potius quàm tu mirabilis illi.
 Quicquid sub terrâ est in apricum proferet ætas.
 Defodiet condetque nitentia. Quum bene notum
 Porticus Agrippæ & via te conspexerit Appi,
^m Ire tamen restat ⁿ Numa quò devenit & Ancus.
 Si latus aut renes morbo tentantur acuto,
 Quære fugam morbi. Vis rectè vivere? quis non?
 Si virtus hoc una potest dare, fortis omiſſis
 Hoc age deliciis. Virtutem ^o verba putas, ut
 Lucum ligna? cave ne portus occupet alter,
^p Ne Cibyratica, ne Bithyna negotia perdas:
 Mille talenta rotundentur, totidem altera porrò:
 Tertia succedant, & quæ pars ^q quadret acervum.
 Scilicet uxorem cum dote, fidemque & amicos,
^r Et genus & formam regina pecunia donat,
 Ac bene nummatum decorat ^s Suadela, Venusque.
 Mancipiis locuples eget æris Cappadocum rex:
 Ne fueris ^t hic tu. Chlamydes Lucullus (ut aiunt)
 Si posset centum scenæ ^u præbere rogatus,
 Qui possum tot? ait: tamen & quæram, & quot habeo.
 Mittam. Post paulò scribit, sibi millia quinque
 Esse domi chlamydam: partem vel tolleret omnes.
 Exilis domus est, ubi non & multa supersunt,
^w Et dominum fallunt, & profunt furibus. Ergo
 Si ^x res sola potest facere & servare beatum,
 Hoc primus repetas opus, hoc postremus omittas.
 Si (^y Mimnermus uti censet) sine amore jocisque
 Nil est jucundum: vivas in amore jocisque
 Vive, vale: si quid novisti rectius istis,
 Candidus imperti: ^z si non, his utere mecum.

^k Purpureos.—^l Quos ab uxore in dotem accepit.—^m Ad mortem.—ⁿ Romanorum reges.—^o In verbis solis consistere, ut lucum arboribus.—^p ACibyrâ urbe Ciliciæ populosâ & ingenti.—^q Quæ quatuor millia efficiat.—^r Nobilitatem.—^s Eloquentia & venustas.—^t Talis.—^u Commodato dare.—^w Ignorantur à domino.—^x Pecunia.—^y Poeta.—^z Si non rectius nosti, utere jam à me dictis.



Ad M E C Æ N A T E M.

EPIST. vii.

*Mecænati se excusat quod promissis non steterit: ejus
in se libertatem laudat; sed libertatem & animi
tranquillitatem omnibus amicorum donis anteponen-
dam esse innuit.*

QUINQUE dies tibi pollicitus me rure futurum,
Sextilem totum mendax desideror. Atqui
Si me vivere vis sanum, rectéque valentem,
Quam mihi das ægro, dabis ægrotare timent
Mæcenas veniam. Dum ficus prima calorque
^a Designatorem decorat ^b lictoribus atris:
Dum pueris omnis pater & matercula ^c pallet,
Officiosaque sedulitas, & opella forensis
Adducit febres, & ^d testamenta resignat.
Quod si bruma nives Albanis illinet agris,
Ad mare descendet vates tuus & sibi parcet,
^e Contractusque leget; te dulcis amice reviset
Cum Zephyris (si concedes) ^f & hirundine primâ.
Non, quo more pyris vesci Calaber jubet hospes,
Tu me fecisti locupletem. § Vescere sodes.
* Jam satis est. § At tu quantum vis tolle. § Benigne:
§ Non invisa feres pueris manuscula parvis.
* Tam teneor dono quam si dimittar ^g onustus.
§ Ut ^h libet: hæc porcis hodie comedenda relinques.
Prodigus & stultus donat quæ spernit & odit.
ⁱ Hæc seges ingratos tulit, & feret omnibus annis.
Vir bonus & sapiens ^k dignis ait esse paratum,

^a Qui constituendæ funebri pompæ præest. — ^b Ministris libiti-
nariis pullatis. — ^c Liberis suis metuit. — ^d Testamenta aperit post
mortem testatoris. — ^e Parcus erit in legendo. Metaph. ducta à na-
vigantibus. — ^f Vere ineunte. — § Verba Calabri ad hospitem via-
torem. — * Verba viatoris. — ^g Pyris tuis. — ^h Facito. — ⁱ Hæc rerum
viliū donatio. — ^k Dicit se viris bonis esse paratum.

Nec tamen ignorat * quid distant æra lupinis.
 Dignum præstabo me etiam pro laude merentis.
 Quod si me noles usquam discedere, reddes
 Forte latus, nigros angustâ fronte capillos:
 Reddes dulce loqui, reddes ridere decorum, &
 Inter vina fugam Cynaræ mœrere protervæ.
 Fortè per angustum tenuis nitedula rimam
 Repserat in cumeram frumenti: pastâque, rursus
 Ire foràs pleno tendebat corpore frustra
 Cui mustela procul, Si vis (ait) effugere istinc,
 † Macra cavum repetes arcum, quem macra subisti.
 Hâc ego si compellar ^m imagine ⁿ cuncta resigno:
 Nec somnum plebis laudo, satur altilium, nec
 Otia divitiis Arabum liberrima muto.
 Sæpe verecundum laudâsti: rexque paterque
 ° Audisti coram, nec verbo parcius absens:
 ‡ Inspice si possum donata reponere lætus.
 Haud malè Telemachus, proles patientis Ulyssæi,
 § Non est aptus equis Ithace locus: ut neque planis
 Porrectus spatiiis, neque multæ † prodigus herbæ.
 Atreide, magis apte tibi tua dona relinquam.
 Parvum parva decent: mihi jam non regia Roma,
 Sed vacuum Tibur placet, aut imbelles Tarentum
 Strenuus & fortis, causisque Philippus agendis
 Clarus, ab officiis octavam circiter horam
 Dum redit, atque foro nimium distare § Carinas
 Jam grandis natu queritur: conspexit (ut aiunt)
 Adrasum quendam vacuâ tonsoris † in umbrâ,
 Cultello proprios purgantem leniter ungues.
 ¶ Demetri (puer hic non lævè iussu Philippi
 Accipiebat) abi: quære, & refer, ^w unde domo, quis,
 Cujus fortunæ: quo sit patre, * quové patrono.
 † It, redit: enarrat: Vulteium nomine Menam,
 Præconem, tenui censu, sine crimine notum,
 Et properare loco & cessare, & quærere & uti,
 Gaudentem parvisque sodalibus, & lare curto,
 Et ludis, & post decisa negotia, campo.

* Id est, inter bonos & malos homines.—[†] Gracilis.—^m Hâc similitudine.—ⁿ Quæ mihi dedisti.—^o Appellatus es à me.—^p Considera.—^q Verba Telemachi ad Menelaum.—^r Ferax.—^s Viam Romæ sic dictam in quâ viâ domus erat Philippi.—^t In tonsurinâ.—^u Servum suum Demetrium alloquitur.—^w Ex quâ familiâ.—^x In cujus sit clientelâ.—^y Puer.

^z Scitari libet ex ipso quæcunque refers. Dic
 Ad cœnam veniat. Non sanè ^a credere Mena.
 Mirari secum tacitus. Quid multa? ^b Benignè
 Respondet. ^c Negat ille mihi? ^d Negat improbus & te
 Negligit aut horret. Vulteiū mane Philippus
 Vilia vendentem tunicato scruta popello
 Occupat & salvere jubet prior. Ille Philippo
^e Excusare laborem & mercenaria vincla
 Quòd non mane domum venisset: denique quòd non
^f Providisset eum. ^c Sic ignovisse putato
 Me tibi, si cœnas hodie mecum. ^g Ut libet. ^c Ergo
 Post † nonam venies. Nunc î, rem strenuus auge.
 Ut ventum ad cœnam est, ^h dicenda tacenda loquutus,
 Tandem ⁱ dormitum dimittitur. Hic ubi sæpe
 Occultum visus decurrere piscis ad hamum;
^k Mane cliens & jam certus conviva, jubetur
 Rura suburbana ^l indiētis comes ire Latinis.
 Impositus mannis arvum cœlumque Sabinum
 Non cessat laudare: videt ridetque Philippus:
 Et sibi dum requiem, dum risus undique quærit,
 Dum septem donat festertia, mutua septem
 Promittit: persuadet uti mercetur agellum.
 Mercatur. Ne te longis ambagibus ultra
 Quam satis est morer, ex nitido fit rusticus atque
 Sulcos & vineta crepat mera: præparat ulmos:
 Immoritur studiis, & amore senescit habendi.
 Verum ubi oves furto, morbo periere capellæ,
 Spem mentita seges, bos est enectus arando:
 Offensus damnis mediâ de nocte caballum
 Arripit, iratusque Philippi tendit ad ædes.
 Quem simul aspexit scabrum intonsumque Philippus
 Durus (ait) Vultei nimis attentusque videris
 Esse mihi. ⁿ Pol, me miserum patrone vocares;
 Si velles (inquit) verum mihi ponere nomen.
 Quod te per Genium, dextramque deosque Penates,

^z Verba sunt Philippi. — ^a Credebat. — ^b Gratia agit tibi ingentes.
 — ^c Verba sunt Philippi. — ^d Inquit Demetrius. — ^e Excusabat. —
^f Ante vidisset. — ^g Inquit Mena. — † Horam. — ^h Libere quidvis
 locutus. — ⁱ Ire domum. — ^k Postridie. — ^l Feriis Latinis à Consule
 imperatis. In quibus non licebat aliquid agi in urbe. — ^m Avarus. —
ⁿ Verba sunt Vultei.

Obsecro & obtestor, vitæ me redde priori.
 Qui semel aspexit quantum dimissa petitis
 Præstent, maturè redeat, repetatque relicta
 METIRI se quemque ° suo modulo ac pede p verum est.




Ad CELSUM ALBINOVANUM.

EPIST. viii.

*Se minùs animo quàm corpore valere dicit, in seipso
 cùm alia quædam vitia, tum inconstantiam repre-
 hendens: Sed ita ut illum in personâ suâ taxet.*

CEL SO, gaudere, & bene rem gerere, Albinovano
 Musa rogata refer, comiti scribæque Neronis.
 Si quæret quid agam: dic multa & pulchra q minantem,
 Vivere nec rectè, nec suaviter haud quia grando
 Contuderit vites, oleamque momorderit æstus:
 Nec quia longinquis armentum ægrotet in arvis:
 Sed quia mente minùs validus quàm corpore toto,
 Nil audire velim, nil discere, quod levet ægrum:
 Fidis offendar medicis, irascat amicus,
 r Cur me funesto properent arcere veterno:
 Quæ nocuere sequar, fugiam quæ profore credam:
 Romæ Tibur amem ventosus, Tibure Romam.
 s Post hæc, ut valeat, quo pacto rem gerat t & se:
 Ut placeat u juveni, percontare, utque cohorti.
 Si dicet, rectè: w primum gaudere, subinde
 Præceptum x auriculis hoc instillare memento,
 Ut tu fortunam, Sic nos te, Celsè, feremus.

° Suâ formulâ & mensurâ.—p Æquum est.—q Superbè promit-
 tentem.—r Propterea quod.—s Post hæc omnia rogato.—t Quomodo
 se gerat.—u Neroni.—w Dicito me.—x Celsi.



Ad CLAUDIUM NERONEM.

EPIST. ix.

Claudio Neroni Septimium commendat.

SEPTIMIUS, Claudii, nimirum intelligit unus,
 Quanti me facias: nam cum rogat, & prece cogit,
 Scilicet, ut tibi se laudare & tradere coner,
 y Dignum mente domoque legentis honesta Neronis:
 Munere quum fungi propioris censet amici:
 Quid possim videt, ac novit me ^a valdius ipso.
 Multa quidem dixi, cur excusatus abirem:
 Sed timui ^a mea ne finxisse minora putarer,
 Dissimulator opis propriæ, mihi commodus uni.
 Sic ego, majoris fugiens opprobria culpæ,
 Frontis ad urbanæ descendi præmia. Quod si
 Depositum laudas ^b ob amici iussa pudorem,
 Scribe ^c tui gregis hunc, & fortem crede bonumque.



Ad FUSCUM ARISTIUM.

EPIST. x.

Vitam rusticam laudat, & varia ejus commoda recenset. Simul ab ambitione eum deterret.

URBIS amatorem Fuscum salvere jubemus
^a Ruris amatores: hâc in re scilicet unâ,
 Multum dissimiles, ad cætera penè ^b gemelli.
 Fraternalis animis quicquid negat alter & alter,
 Annuimus pariter, vetuli notique columbi.

y Dignum amicitia, & contubernio Neronis eligentis honestos viros.—^z Magis novit quam ego ipse.—^a Meam apud te gratiam.—
^b Ob Septimii rogatum.—^c Amicorum numero.—^a Nos.—^b Similimi.

Tu nidum servas: ego laudo ruris amoeni
 Rivos, & musco circumlita saxa nemusque.
 Quid quæris? vivo & regno, simul ista reliqui
 Quæ vos ad cælum effertis rumore secundo:
 Utque sacerdotis ^c fugitivus, liba recuso:
 Pane egeo jam mellitis potiore placentis.
 Vivere naturæ si convenienter oportet,
^d Ponendæque domo quærenda est area primùm,
 Novistine locum potiorer^e rure beato?
 Est, ubi plus tepeant hymes? ubi gratior aura
 Leniat & rabiem canis, & momenta leonis,
 Quum semel accepit solem furibundus acutum?
 Est ubi depellat somnos minus invida cura?
 Deterius Libycis olet aut nitet herba lapillis?
 Purior in vicis aqua tendit rumpere plumbum,
 Quàm quæ per pronum trepidat cum murmure rivum?
 Nempe inter varias nutritur sylva columnas,
 Laudaturque domus longos quæ prospicit agros.
 Naturam expellas furcâ, tamen ^e usque recurret,
 Et mala perrumpet furtim fastidia victrix.
 Non, qui Sidonio contendere callidus ostro
 Nescit Aquinatem potantia vellera fucum,
 Certius accipiet damnum, propiusve medullis,
 Quàm qui non poterit vero distinguere falsum.
 Quem res plus nimio delectavere secundæ,
 Mutatæ quatient; tu quid mirabere, pones
 Invitus. Fuge magna: licet sub paupere tecto
 Reges & regum vitâ præcurrere amicos.
 Cervus equum pugnâ melior communibus herbis
 Pellebat: donec minor in certamine longo
 Imploravit opes hominis, frænumque recepit:
 Sed postquam victo ^f violens discessit & ab hoste
 Non equitem dorso, non frænum depulit ore.
 Sic, qui pauperiem veritus, potiore ^h metallis
 Libertate caret, dominum vehet improbus, atque
 Serviet æternum: quia parvo nesciat uti.
 Cui non conveniet sua res, ut calceus olim,
 Si pede major erit, subvertet; si minor ⁱ uret.
 Lætus forte tuâ vives sapienter Aristi:

^c Qui liba edere consuevit.—^d Ad domum extruendam.—^e Semper.—^f Equus.—^g A cervo.—^h Auro & argento.—ⁱ Pedem lædet.

Nec me dimittes incaſtigatum, ubi plura
 Cogere quam ſatis eſt, ac non ceſſare videbor.
 Imperat aut ſervit collecta pecunia cuique,
 * Tortum digna ſequi potius quam ducere funem.
 Hæc tibi dictabam ¹ poſt fanum putre Vacunæ,
 Excepto quòd non ſimul eſſes, cætera lætus.

Ad *BULLATIUM*

Reverſum ex ASIA.

EPIST. xi.

Ad vitæ beatitudinem nihil intereſſe dicit, quo quiſque loco habitet quum hæc ab animi tranquillitate pendeat.

QUID tibi viſa Chios, Bullati, notaque Leſbos?
 Quid concinna Samos? quid Crœſi regia Sardis?
 Smyrna quid & Colophon? ^m majora minorane famâ?
 Cunctane præ campo & Tiberino flumine ſordent?
 Dum licet, & vultum ſervat fortuna benignum,
 Romæ laudetur Samos, & Chios, & Rhodos abſens.
 Tu, quæcumque Deus tibi fortunaverit horam
 Grata ſume manu: nec dulcia differ in annum:
 Ut quocunque loco fueris, vixiſſe libenter
 Te dicas. Nam ſi ratio & prudentia curas,
 Non locus effuſi latè maris arbiter, aufert:
 Cælum non animum mutant qui trans mare currunt.
 Strenua nos exercet inertia. ⁿ Navibus atque
ⁿ Quadrigis petimus benè vivere. Quod petis hîc eſt;
 ° Eſt Ulubris, animus ſi te non deficit æquus.

* Quæ debet potius trahi quam trahere, id eſt ſervire potius quam imperare. — ¹ Pone carioſam ædem Vacunæ, quæ Dea eſt vacationis. — ^m Num ſunt? — ⁿ Terrâ marique. — ° Eſt quovis in locis etiam obſcuro, ut Ulubris vico deſerto in Campaniâ.



Ad I C C I U M.


EPIST. xii.

*Iceio eas esse facultates dicit, quibus si rectè fruatur,
ne ab ipso quidem Jove ditior effici posset. Suadet
illi, ut Grosphum in familiaritatem suam recipiat.
Quo in statu sint res Romanæ certiore facit.*

FRUCTIBUS Agrippæ Siculis, p quos colligis, Icci,
Si rectè frueris, non est ut copia major
Ab Jove donari possit tibi. Tolle querelas:
Pauper enim non est cui rerum suppetit usus.
Si ventri benè, si lateri est pedibusque tuis, nil
Divitiæ poterunt regales addere majus.
Si fortè in medio q positorum abstemius herbis
Vivis & urticâ sic vives protinus, ut te
Confestim liquidus Fortunæ rivus inauret:
Vel quia naturam mutare pecunia nescit,
Vel quia cuncta putâs unâ virtute minora.
r Miramur, si Democriti pecus edit agellos,
Cultaq; s dum peregrè est animus sine corpore velox?
Quum tu t inter scabiem tantam & contagia lucri,
Nil parvum sapias, & adhuc sublimia cures:
Quæ mare compescant causæ, u quid temperet annum:
Stellæ sponte suâ w justæne vagentur & errent:
Quid premat obscurum lunæ, quid proferat orbem:
Quid velit & possit rerum x Concordia discors:
y Empedocles an Stertinii delirent acumen.

p Quos ut coactor ab Agrippâ constitutus colligis.—q Appositorum
eduliorum.—r Nunquid miramur.—s In rerum magnarum contem-
platione occupatus.—t Inter pecuniæ studium, cujus contactus non
minus quam scabies serpit.—u Quæ res annum gubernet, ut per
quatuor temporum commutationes certo fluat.—w Alicujus jussu.—
x Mundus inferior qui constat ex quatuor elementis inter se pugnan-
tibus.—y Quum tu scire cures utrum Empedocles an Stertinus de-
liret.

^a Verum seu pisces seu porrum & cœpe trucas,
 Utere Pompeio Grospho: & siquid petet, ultrò
 Defer. Nil Grosphus nisi ^a verum orabit & equum.
^b Vilis amicorum est annona, bonis ubi quid deest.
 Ne tamen ignores ^c quo sit Romana loco res,
^d Cantaber Agrippæ, Claudî virtute Neronis
 Armenius cecidit. Jus imperiumque Phraates
 Cæsaris accepit ^e genibus minor: aurea fruges
 Italiæ pleno diffudit copia cornu.



AD VILLICUM SUUM.

EPIST. xiv.

*Villici sui desiderium reprehendit, cupientis in urbe
 vivere, & fastidientis rura, quæ antea tacitâ pre-
 ce petiisset.*


VILLICE sylvarum & mihi me s reddentis agelli
 Quem tu fastidis, habitatum quinque focis &
 Quinque bonos solitum ^h Bariam dimittere ⁱ patres:
 Certemus, spinas animone ego fortiùs an tu
 Evellas agro: & melior sit Horatius, an res
 Me quamvis Lamiae pietas & cura ^k moratur,
 Fratrem mœrentis, ^l rapto de fratre dolentis
 Insolabiliter: tamen ^m istuc mens animusque
 Fert, & avet spatiis obstantia ⁿ rumpere claustra.
 Rure ego viventem, tu dicis in urbe, beatum.
 Cui placet alterius, sua nimirum est odio fors.
 Stultus uterque locum immeritum causatur iniquè.
 In culpâ est animus, qui se non effugit unquam

^a Sive sumptuose sive tenuiter vivit.—^a Justum.—^b Parvo con-
 stant amici.—^c In quo statu.—^d Gens Hispaniæ Agrippæ virtute de-
 victa est.—^e Supplex & ad genua devolutus.—^f Benigna copia, u-
 bertatis dea.—^g Animum meum reficientis.—^h Sabinorum oppidum.
 —ⁱ Homines grandes natu ad lites discernendas.—^k Romæ.—^l Ob
 fratrem immaturâ morte sublatum.—^m In agrum.—ⁿ Impedimenta.

Tu mediaſtinus tacitâ prece rura petebas.
 Nunc urbem & ludos & balnea villicus optas.
 Me conſtare mihi ſcis, & diſcedere tristem,
 Quandocunque trahunt inviſa negotia Romam.
 Non eadem miramur: eo diſconvenit inter
 Meque & te. Nam quæ deſerta & inhospitia teſqua
 Credis, amœna vocat, mecum qui ſentit; & odit,
 Quæ tu pulchra putas. Fornix tibi & uncta popina
 Incutiunt urbis deſiderium: — & tamen ^p urges
 Jampridem non tacta ligonibus arva: bovémque
^q Diſjunctum curas, & ſtriſtis frondibus explēs.
 Addit opus pigro rivus, ſi decidit imber,
^r Multâ mole docendus aprico parcere prato.
 Nunc, age, quid noſtrum ^s concentum dividat, audi.
^t Quem tenues decuere togæ, nitidique capilli;
^u Quem bibulum liquidi mediâ de luce Falerni:
 Cœna brevis juvat & propè rivum ſomnus in herbâ.
 Nec luſiſſe pudet, ^w ſed non incidere ludum.
 Non ^x iſtic obliquo oculo mea commoda quiſquam
 Limat, non odio obſcuro ^y morſuque venenat:
^z Rident vicini glebas & faxa moventem.
^a Cum ſervis tu urbana diaria roderè mavis:
 Horum tu in numerum voto ruiſ. Invidet uſum
 Lignorum & pecoris tibi calo argutus & horti,
 Optat ephippia boſ piger, optat arare caballus.
 Quàm ſcit uterque libens, ^b cenſebo, exerceat artem.

^o Rure.—^p Colis.—^q Ab altero ſeparatum & otioſum paſcis.—
^r Multis aggeribus averrendus, ut prato non noceat.—^s Concordiam
 diſſolvat.—^t Me.—^u Me quem ſcis fuiſſe bibacem Falerni.—^w Sed
 pudet non abrumpere vitam intemperatam & libidinoſam.—^x Rure.
 —^y Obtrectatione vel maledicentiâ.—^z Approbant me.—^a At tu
 mavis cum ſervis urbanis tenuiter vivere.—^b Judicabo ut tu ruri-
 cola colas agros, & ille calo, maneat in urbe.





Ad V A L A M.

EPIST. xy.

De Velîâ & Salerno percontatur. Se salubritatis rationem habere innuit.

^c Q U Æ fit hyems Velîæ, quod cœlum, Vala,
^d Salerni,
 Quorum hominum regio, & qualis vita: nam mihi Ba-
 jas
^e Musa supervacuas Antonius, & tamen ^f illis
^g Me facit invisum, gelidâ quum perluor undâ
 Per medium frigus. Sanè ^h myrteta relinqui,
ⁱ Dictaque cessantem nervis elidere morbum
^k Sulfura contemni, ^l vicus gemit, invidus ægris,
 Qui caput & stomachum supponere fontibus audent
^m Clusinis ⁿ Gabiosque petunt & frigida rura.
^o Mutandus locus est, & diversoria nota
 Præter agendus equus. ^p Quo tendis? non mihi Cumas
 Est iter, aut Bajas; lævâ stomachosus habenâ
 Dicet eques ^q (sed equi frænato est auris in ore)
^r Major utrum ^s populum frumenti copia pascat:
 Collectôsne bibant imbres, puteosque perennes
 Dulcis aquæ. Nam vina ^t nihil moror illius oræ.
 Rure meo possum quidvis perferre patique:

^c Hic longum est Hyperbaton usque ad versum 25. ut sit ordo:
 Par est te scribere nobis ac nos tibi credere quæ hyems sit Velîæ.—
^d Velia & Salernum sunt oppida in Lucaniâ.—^e Antonius Musa
 (Augusti medicus) dicit aquas calidas Baianas ad valetudinem meam
 non esse utiles.—^f Baiis.—^g Me odiosum reddit. Nam Baiæ mihi
 quodammodo sunt iratæ, illarum aquis à me relictis.—^h Loca myr-
 tis confita apud Baias.—ⁱ Quæ dicuntur è nervis depellere morbum
 articularem.—^k Aquas sulphuratas.—^l Baiæ.—^m Aquis frigidis
 in Etruriâ, sic nominatis à Clusio oppido.—ⁿ Volscorum urbem.—
^o Medici consilio.—^p Verba sunt Horatii ad equum suum.—^q Equus
 non aure sed ore, sentit, quo sit eundem.—^r Par est te scribere u-
 trum, &c.—^s In Velîâ vel Salerno:—^t Non desidero.

^a Tractus uter plures lepores, uter educet apros :
 Utra magis pisces & echinos æquora celent :
 Pinguis ut inde domum possim ^w Phæaxque reverti.
 Scribere te nobis, tibi nos accredere par est.
 Mænius ^x ut rebus maternis atque paternis
 Fortiter absumptis, ^z urbanus cœpit haberi,
 Scurra vagus, non qui certum. ^a Præsepe teneret,
 Impransus non qui civem dignosceret hoste :
 Quælibet in quemvis opprobria fingere sævus :
 Pernicies & tempestas ^b barathrumque macelli,
 Quicquid quæsierat, ventri donabat avaro.
 Hic ubi nequitiaë fautoribus & timidis nil
 Aut paulum abstulerat, patinas cœnabat omasi
 Vilis & ^d agninæ, tribus urfis quod satis esset.
 Scilicet ut ventres ^f lamnâ candente nepotum
 Diceret urendos, correctus Menius idem
 Quicquid erat nactus prædæ majoris ubi omne
 Verterat in fumum & cinerem non herculè miror
 (Aiebat) ^h siqui comedunt bona : quum sit obeso
 Nil melius turdo, nil vulvâ pulchrius amplâ.
 Nimirum hic ego sum ; nam tuta & parvula laudo,
 Quum res deficiunt, ^k satis inter vilia fortis :
 Verùm ubi quid melius contingit & unctius. Idem
 Vos sapere & solos aio bene vivere, quorum
 Conspicitur ^l nitidis fundata pecunia villis.

^a Par est te scribere utra regio, Velina an Salernina nutriat.—
^w Nitidus splendidusque, quales erant Phæaces.—^x Postquam.—
^y Profuse.—^z Facetus.—^a Domum statam aut mensam.—^b Devo-
 rator.—^c Quicquid lucri fecerat.—^d Carnis.—^e Inopiâ & egestate,
 —^f Ferro candefacto, genere cruciatûs.—^g Postquam omnia con-
 sumperat.—^h Bona sua prodigè consumunt.—ⁱ Talis ego sum in-
 quit Horatius.—^k Satis fortiter vilibus cibis famem explens.—^l In
 fluctuosâ.





Ad QUINTIUM.

EPIST. xvi.

Postquam Agrum suum Quintio descripsit; in ejus vitam inquit, monétque ne ex rumore vulgi pendeat, sed vir bonus esse, quàm videri malit.

NE^a perconteris fundus meus, optime Quinti,
^b Arvo pascat herum an baccis opulentet olivæ;
 Pomisne & pratis, an amictâ vitibus ulmo:
 Scribetur tibi forma loquaciter, & situs agri.
 Continui montes, nisi dissocientur opacâ
 Valle: sed ut^c veniens dextrum latus aspiciat Sol,
 Lævum^d discedens curru fugiente^e vaporet.
 Temperiem laudes. Quid si rubicunda benigni
 Corna vepres & pruna ferant? si quercus & ilex
 Multâ fruge pecus, multâ dominum juvet umbrâ?
 Dicas adductum propius frondere Tarentum.
^f Fons etiam rivo dare nomen idoneus, ut nec
 Frigidior Thracam, nec purior ambiat Hebrus,
 Infirmo capiti fluit utilis, & utilis alvo.
^h Hæ latebræ dulces, etiam (si credis) amœnæ
 Incolumem tibi me præstantⁱ Septembribus horis.
 Tu rectè vivis, si curas esse^k quod audis:
 Jactamus jampridem omnis te^l Roma beatum.
 Sed vereor ne cui de te plus quàm tibi credas:
 Neve putes^m alium sapiente bonoque beatum.
 Neu si te populus sanum recteque valentem
 Dictitet, occultam febrem sub tempus edendi
 Dissimules, donec manibus tremor incidat unctis.
 STULTORUM incurata pudor malus ulcera celat
 Si quis bella tibi terrâ pugnata marique

^a Ne forte.—^b Num frumento.—^c Exoriens.—^d Occidens.—
^e Tepefaciat.—^f Est in agro meo.—^g Salubris.—^h Agri mei.—ⁱ Autumno insalubri.—^k Quod diceris esse.—^l Omnes nos Romani.—
^m i. e. Insipientem.

Dicat & his verbis vacuas permulceat aures :
 Tène magis saluum populus velit, an populum tu,
 Servet in ambiguo, qui consulit & tibi & urbi,
 Jupiter: Augusti laudes agnoscere possis?
 Quum pateris sapiens emendatusque vocari:
 Respondeſne tuo, dic sodes, nomine? nempe
 Vir bonus & prudens dici delector ego ac tu.
 Qui dedit hoc hodiè, cras, si volet, auferet: ut si
 Detulerit o fasces indigno, detrahet idem.
 ° Pone, meum est, inquit: pono, tristisque recedo.
 Idem si clamet p furem, neget esse pudicum,
 Contendat laqueo collum p pressisse paternum:
 ° Mordear opprobriis falsis? mutemve colores?
 Falsus honor juvat, & mendax infamia terret
 Quem? nisi mendosum & mendacem? vir bonus est
 quis?
 Qui consulta patrum qui leges juraque servat:
 Quo multæ magnæque secantur judice lites:
 Quo res sponfore & quo causæ teste tenentur
 Sed videt hunc omnis domus & vicinia tota
 Introrsus turpem, speciosum pelle decorâ.
 Nec furtum feci, nec fugi, si mihi dicat
 Servus: habes precium, loris non ureris, aio.
 ° Non hominem occidi. ° Non pasces in cruce corvos.
 ° Sum bonus, & frugi. Renuit, negat atque ° Sabellus.
 Cautus enim metuit foveam lupo, accipiterque
 Suspectos laqueos, & opertum milvius hamum.
 Oderunt peccare boni virtutis amore.
 Tu nihil admittes in te, formidine pœnæ:
 Sit spes ° fallendi, miscebis sacra profanis.
 Nam de mille fabæ modiis quum surripis unum,
 Damnum est, non facinus mihi pacto lenius isto.
 ° Vir bonus, omne forum quem spectat & omne tribunal,
 Quandocunque deos vel porco vel bove placat:
 Jane pater clarè, clarè quum dixit Apollo:
 Labra movet metuens audiri, pulchra ° Laverna
 Da mihi fallere, da justum sanctumque videri:

ⁿ Ad Augustum non ad te pertinere.—° Honorem.—^p Me.—
^q Commoveare.—^r Extrinsecus bonum virtutis simulatione.—
^s Respondet Horatius.—^t Servus loquitur.—^u Ut lateat maleficium,
^v Opinione vulgi est.—^x Dea furum.

Noctem peccatis, & fraudibus objice nubem.
 Quî melior servo, quî liberior sit avarus,
 In triviis fixum quum se ^y demittet ob assem,
 Non video: nam qui cupiet metuet quoque porro.
 Qui metuens vivet, liber mihi non erit unquam.
^z Perdidit arma, ^a locum virtutis deferuit, qui
 Semper in augendâ festinat & obruitur re.
^b Vir bonus & sapiens audebit dicere, Pentheu
 Rector Thebarum, quid me perferre patique
 Indignum coges? Adimam bona. Nempe pecus, rem,
 Lectos, argentum: tollas licet. In manicis &
 Compedibus sævo te sub custode tenebo.
^c Ipse deus simulatque volam, me solvet. ^d Opinor,
 Hoc sentit, Moriar: mors ultima linea rerum est.



Ad S C Æ V A M.

E P I S T. xvii.

Scævam monet, ne Potentiorum amicitias spernat.

QUAMVIS, Scæva, satis per te tibi consulis, & scis
 Quo tandem pacto deceat majoribus uti,
 Disce, docendus adhuc quæ censet amicus: ut si
 Cæcus iter monstrare velit. Tamen aspice siquid
 Et nos, quod cures proprium fecisse, loquamur.
 Si te grata quies, & primam somnus ^e in horam
 Delectet; si te pulvis strepitusque rotarum,
 Si lædit caupona: ^f Ferentinum ire jubebo.
 Nam neque divitibus contingunt gaudia solis:
 Nec vixit malè qui natus moriensque ^g fefellit.

^y Ad humum se inclinat ob assem in viis à pueris fixum, quo prætereuntes illudantur.—^z Quod militi est ignominiosum.—^a Quod est flagitiosissimum.—^b Vir revera bonus & sapiens audebit cum Baccho sic alloqui Penthea.—^c Pater meus Jupiter, ubi voluero, me liberabit à vinculis.—^d Virum bonum hoc sentire.—^e Usque ad solis ortum.—^f Oppidum Hernicorum incelebre.—^g Latuit.

Si prodesse tuis, pauloque benignius ipsum
Te tractare voles: ^h accedes ficcus ad unctum.
ⁱ Si pranderet olus patienter, regibus uti
Nollet Aristippus. ^k Si sciret regibus uti
Fastidiret olus, qui me notat. Utrius horum
Verba probes & facta, doce: vel junior, audi,
Cur sit Aristippi potior sententia, namque
Mordacem Cynicum sic eludebat (ut aiunt)
Scurror ego ipse mihi, populo tu: rectius hoc &
Splendidus multo est. Equus ut me portet, alat rex
^l Officium facio. Tu poscis vilia: verum es
^m Dante minor: quamvis fers te nullius egentem.
Omnis Aristippum decuit color, & status, & res,
Tentantem majora, ferè præsentiis ^o æquum.
Contra, quem duplici panno patientia velat,
Mirabor vitæ via si conversa decebit.
† Alter purpureum non expectabit amictum,
Quidlibet indutus celeberrima per loca vadet,
Personamque feret non inconcinnus utramque,
* Alter ^p Mileti textam canè pejus & angue
Vitabit chlamydem: morietur frigore, si non
Rettuleris pannum. Refer, & sine vivat ineptus.



Ad L O L L I U M.

EPIST. xviii.

*Quæ ad amicitiam conservandam facienda sint, quæ
item vitanda, ac præsertim quo modo quis erga po-
tentiorum amicum gerere se debeat, Lollius docet.*

SI benè te novi, ^q metues, liberrime Lolli,
^r Scurrantis speciem præbere, ^s professus amicum.
Ut matrona meretrici dispar erit atque

^h Tu pauper & sobrius accedes ad divitem unguento delibutum.
ⁱ Dictum Diogenis in Aristippum. — ^k Aristippi responsum. —
^l Officiosum me præbeo. — ^m Inferior eo, qui tibi dat. — ⁿ Omnis vi-
tæ conditio vel vestitus. — ^o Præsentiis contentum. — * Diogenes.
— † Aristippus. — ^p Pretiosam vestem factam in Mileto Asiæ insulâ.
— ^q Cavebis. — ^r Adulentis. — ^s Te esse amicum.

Discolor, infido scurræ distabit amicus.
 Est huic diversum vitio vitium propè majus,
 Asperitas agrestis, & inconcinna gravisque,
 Quâ se commendat intonsâ cute dentibus atris:
 Dum ^t vult libertas mera dici, veraque virtus.
 VIRTUS est medium vitiorum, & ^u utrinque reductum.
^w Alter in obsequium plus æquo pronus, & ^x imi
 Derisor lecti, sic nutum divitis ^y horret,
 Sic iterat voces, & verba ^z cadentia tollit:
 Ut puerum sævo credas dictata magistro
 Reddere, vel partes mimum tractare secundas.
^a Alter rixatur de lanâ sæpe caprinâ, &
^b Propugnat nugis armatus: Scilicet ^c ut non
 Sit mihi prima fides & verè quod placet, ut non
 Acriter elatrem, ^d pretium ætas altera fordet.
 Ambigitur: quid enim? Castor sciat an Docilis plus?
 Brundisium Numici melius via ducat an Appi.
 Quem damnosa Venus, quem præceps alea nudat,
 Gloria quem supra vires & vestit & ungit:
 Quem tenet argenti fitis importuna famēsque.
 Quem paupertatis pudor & fuga; dives amicus,
 Sæpe ^e decem vitiis instructior, odit & horret.
 Aut si non odit, regit; ac veluti pia mater,
 Plus quàm se sapere, & virtutibus esse priorem
 Vult: & ait propè vera: meæ (contendere noli)
 Stultitiam patiuntur opes: tibi parvula res est.
 Arcta decet sanum comitem toga: desine mecum
 Certare. Eutrapelus cuicunque nocere volebat,
 Vestimenta dabat pretiosa: beatus enim jam
 Cum pulchris tunicis fumet nova consilia, & spes,
 Dormiet & lucem: turpi postponet honestum
 Officium: ^f nummos alienos poscet: ad imum
^g Thrax erit aut olitoris aget mercede caballum.
 Arcanum neque tu scrutaberis ullius unquam:
 Commissumque teges, & vino tortus & irâ.
 Nec tua laudabis studia, aut aliena reprendes.
 Nec quum venari volet ^h ille, poemata panges.

^{*} Illa asperitas.—^u Ab utroque extremo remotum.—^w Scurra.—
^x Imæ partis lecti in quâ sedet; ut Scurræ solent.—^y Horrere se
 fingit.—^z Ex ore divitis pro mirandis.—^a Agrestis reprehensor.—
^b Pagnat pro nugis, tanquam homo armatus.—^c Inquit agrestis.—
^d Si pretii loco altera vita mihi detur.—^e Multis vitiis.—^f Num-
 mos fœnore augebit.—^g Gladiator.—^h Ille amicus.

Quid de quoque viro & cui dicas, sæpe videto.
 Percontatorem fugito, nam garrulus idem est:
 Nec retinent patulæ commissa fideliter ⁱ aures;
 Et semel emissum volat irrevocabile verbum.
 Qualem commendes, etiam atque etiam aspice: ne mox
 Incutiant aliena tibi peccata pudorem.
 Fallimur & quondam non dignum ^k tradimus: ergo
 Quem sua culpa premet, deceptus omitte tueri:
 Ut penitus notum, si tentent crimina, serves,
 Tuterisque tuo fidenter præsidio: qui
^l Dente Theonino quum circumroditur ecquid
 Ad te post paulò ventura pericula sentis?
 Nam tua res agitur, paries quum proximus ardet:
 Et neglecta solent incendia sumere vires.
 Dulcis inexpertis cultura potentis amici:
 Expertus metuit. Tu, dum tua navis in alto est,
 Hoc age, ne mutata retrorsum te ferat aura.
 Oderunt hilarem tristes, tristemque jocos:
 Sedatum celeres, agilem gnavumque remissi:
 Potiores liquidi mediâ de nocte Falerni
 Oderunt porrecta negantem pocula: quamvis
 Nocturnos jures te formidare vapores.
 Deme supercilio nubem: plerumque modestus
 Occupat obscuri speciem taciturnus acerbi.
 Inter cuncta leges & percunctabere ^m doctos,
 Quâ ratione queas traducere leniter ævum:
 Ne te semper inops agitet vexetque cupido,
 Ne pavor, & rerum ⁿ mediocriter utilium spes.
^o Virtutem doctrina paret, naturâne donet:
 Quid minuat curas? quid te tibi reddet amicum:
 Quid purè tranquillet: honos, an dulce lucellum,
^p An secretum iter, & ^q fallentis semita vitæ:
 Me quoties reficit gelidus ^r Digentia rivus,
 Quem ^s Mandela bibet, rugosus frigore pagus:
 Quid sentire putas? quid credis amice precari?

ⁱ Percontatoris. — ^k Commendamus. — ^l Invidis detrectatoribus.
 Fuit Theon poeta maledicentissimus. — ^m Philosophorum libros. —
ⁿ Minus. — ^o Percunctabere utrum. — ^p An obscurum vitæ genus. —
^q Vitæ latentis. — ^r Rivus per agrum Horatii fluens. — ^s Mandela est
 pagus in Sabinis.

Sit mihi, quod nunc est, etiam minus: * ut mihi vivam
Quod superest ævi. Siquid superesse volunt dî
Sit bona librorum & provisæ frugis in annum
Copia: ne fluitem dubiæ spe pendulus horæ.
Hæc fatis est orare Jovem, qui donat & aufert:
Det vitam, det opes: " æquum mî animum ipse parabo.

* Meo arbitrato.—" Præsentibus contentum.





Q. HORATII FLACCI
EPISTOLARUM.



LIBER SECUNDUS.

Ad AUGUSTUM.

EPIST. i.

*Queritur de pravo Romanorum judicio, poemata è
vetustate æstimantium; quum tamen multa sunt in
veteribus poetis reprehensione digna. Postremò de
poetis illis agit, qui non spectatoribus scribunt, sed
lectoribus: & Augustum ad calcar illis addendum
hortatur.*

QUUM tot sustineas & tanta negotia solus :
Res Italas armis tuteris, moribus ornes :
Legibus emendes : in publica commoda peccem,
Si longo sermone morer tua tempora, Cæsar.
Romulus & Liber pater, & cum Castore Pollux,
Post ingentia facta deorum in templa recepti,
Dum terras hominumque colunt genus, aspera bella
Componunt, agros assignant, oppida condunt :

^a Ploravere suis non respondere favorem
 Speratum meritis. Diram ^b qui contudit hydram,
 Notâque fatali portenta labore subegit,
 Comperit invidiam supremo fine domari.
^c Urit enim fulgore suo, qui prægravat artes
 Infra se positas: extinctus amabitur idem.
^d Præsentî tibi maturos largimur honores,
 Jurandasque tuum per nomen ponimus aras,
 Nil oriturum aliàs, nil ortum tale fatentes.
 Sed tuus hic populus, sapiens & justus in uno
 Te nostris ducibus, te Graiis anteferendo,
 Cætera nequaquam simili ratione modoque
 Æstimat: &, nisi quæ terris semota suisque
 Temporibus defuncta videt, fastidit & odit.
 Sic fautor veterum, ut tabulas peccare vetantes,
 Quas ^e bis quinque viri sanxerunt, ^f fœdera regnum
 Vel Gabiis vel cum rigidis æquata Sabinis,
^g Pontificum libros, ^h annosa volumina vatum,
 Dictitet Albano ⁱ Musas in monte loquutas.
 Si, quia Græcorum sunt antiquissima quæque
 Scripta, vel optima, Romani pensantur eâdem
 Scriptores trutinâ: haud est quod multa loquamur;
 Nil intra est oleam, nil extra est in nuce duri.
 Venimus ad summum fortunæ: pingimus atque
 Psallimus & luctamur Achivis doctius unctis.
 Si meliora ^k dies, ut vina, poemata reddit,
 Scire velim, ^l pretium chartis quotus arroget annus.
 Scriptor abhinc annos centum qui decedit, inter
 Perfectos veteresque referri debet? an inter
 Viles atque novos? ^m excludat jurgia finis.
 Est vetus atque probus, centum qui perficit annos.
 Quid? qui deperiit minor uno mense, vel anno,
 Inter quos referendus erit? veteresne probosq;
 An quos & præsens & postera respuet ætas?

^a Quæsi sunt.—^b Hercules.—^c Ille homines suâ virtute accendit
 ad invidiam, qui artifices se inferiores suâ excellentiâ quodammodo
 opprimit.—^d Viventi.—^e Decem viri.—^f Fœdera regum Romanorum
 cum Gabiis aut severis Sabinis icta.—^g Jus pontificale de sacrificiis.
^h Antiqua vatum prædicta.—ⁱ A Musarum ore fluxisse.—^k Tem-
 poris processus.—^l Quot anni auctoritatem acquirant carminibus.
 —^m Pone finem annorum, & nulla erit contentio,

Ille quidem veteres inter ponetur honestè,
 Qui vel mense brevi vel toto est junior anno.
 Utor permissò, caudæque pilos ut equinae
 Paulatim vello, & demo unum, demo etiam unum:
 Dum cadat elusus ratione ruentis acervi,
 Qui redit ad fastos, & virtutem aestimat annis,
 Miraturque nihil nisi quod Libitina sacrauit.
 Ennius, & sapiens & fortis, & alter ⁿ Homerus,
 Ut critici dicunt, leviter curare videtur
 Quò promissa cadant & somnia Pythagorea.
 ° Nævius in manibus non est, & mentibus hæret
 ° Penè recens adeò sanctum est vetus omne poema.
 Ambigitur quoties, uter utro sit prior; aufert
 Pacuvius docti famam senis, Aelius ^q alti.
 Dicitur Afrani togæ convenisse Menandro:
 Plautus ad exemplar Siculi ^r properare Epicharmi:
 Vincere Cæcilius gravitate, Terentius arte.
 Hos ediscit & hos arcto stipata theatro
 Spectat Roma potens: habet hos numeratque poetas
 Ad nostrum tempus, Livii scriptoris ab ævo.
 Interdum vulgus ^s rectum videt, est ubi peccat.
 Si veteres ita miratur laudatque poetas,
 Ut nihil anteferat, nihil illis comparet, errat.
 Si quædam nimis antiquè, si pleraque durè
 Dicere cedit eos, ignavè multa, fatetur;
 Et sapit & mecum facit, & Jove judicat ^t æquo.
 Non equidem insector, delendæque carmina Livii
 Esse reor; memini quæ plagosum mihi parvo
 ° Orbilius dicere: sed ^w emendata videri,
 Pulchræque, & exactis minimum distantia, miror.
 Inter quæ verbum emicuit si fortè decorum,
 Si versus paulò concinnior unus & alter,
 Injustè totum ^x ducit venditque poema:
 Indignor quicquam reprehendi, non quia crassè
 Compositum illepidè putetur, sed quia nuper.
 Nec veniam antiquis, sed honorem & præmia posci.
 ° Rectè necne crocum floresque perambulet Attæ
 Fabula si dubitem, clament periisse pudorem

ⁿ Ennius animam Homeri in se immigrasse dicebat.—° Poëta.
^p Quasi.—^q Elati poëtae.—^r Appropinquare.—^s Rectè judicat.
^t Approbante.—^u Magistrum meum.—^w Accurata.—^x Offendat.
^y Utrum merito recitatur in scenâ croco & floribus conspersâ.

Cuncti penè patres: ea quum reprehendere coner
 Quæ gravis Æsopus, quæ doctus Roscius egit:
 Vel quia nil rectum, nisi quod placuit sibi, ducunt:
 Vel quia turpe putant parere minoribus, & quæ
 Imberbes didicere, senes perdenda fateri.
 Jam Saliare Numæ carmen qui laudat & illud
 Quod mecum ignorat, solus vult scire videri:
 Ingeniis non ille favet plauditque sepultis,
 Nostra sed impugnat, nos nostraque lividus odit.
 Quòd si tam Græcis novitas invisa fuisset
 Quam nobis, quid nunc esset vetus? aut quid haberet,
 Quod legeret, tereret viritim publicus usus?
 Ut primum positis nugari Græcia bellis
 Cœpit; & in vitium fortunâ labier æquâ,
 Nunc athletarum studiis, nunc arsit eorum:
 Marmoris aut eboris fabros aut æris amavit.
 * Suspendit pictâ vultum mentemque tabellâ.
 Nunc tibicinibus, nunc est gavisa tragœdis:
 Sub nutrice puella velut si luderet infans:
 Quod cupidè petiit, ^z maturè plena reliquit.
 Quid placet aut odio est, quod non mutabile credas?
^a Hoc paces habuere bonæ, ventique secundi.
 Romæ dulce diu fuit, & ^b solenne ^c reclusa
 Mane domo vigilare, clienti promere jura:
 Scriptos nominibus certis ^d expendere nummos,
 Majores audire, minori dicere, per quæ
 Crescere res posset, minuit ^e damnosa libido.
 Mutavit mentem populus levis, & calet uno
 Scribendi studio: pueri patresque severi
^f Fronde comas vincti cœnant, & carmina dicant.
 Ipse ego, qui nullos me affirmo scribere versus,
 Invenior Parthis mendacior: & prius orto
 Sole, vigil calamum & chartas & scrinia posco.
 Navem agere ignarus navis timet: abrotanum ægro
 Non audet nisi qui didicit, dare: quod medicorum
 Promittunt medici: tractant fabrilia fabri:
 Scribimus indocti doctique poemata passim.

* Fixit vultum, & cogitationem.—^z Celeriter fatiata.—^a Ex pace
 igitur & rebus secundis nata est hæc in Græcis artium varietas.—
^b Usitatum.—^c Aperta.—^d Locare.—^e Avaritia, quâ nihil in repub.
 damnosius.—^f Hederâ.

Hic error tamen & levis hæc infania quantas
 Virtutes habeat, sic collige: Vatis avarus
 Non temerè est animus: versus amat, hoc studet unum.
 Detrimenta, fugas fervorùm, incendia ridet:
 Non fraudem socio pueróve ^g incogitat ullam
 Pupillo: vivit filiquis & pane ^h secundo:
 Militiæ quanquam piger & malus, utilis urbi:
 Si das hoc, parvis quoque rebus magna juvari.
 Os tenerum pueri balbumque Poeta figurat:
 Torquet ab obscœnis jam nunc sermonibus aurem,
 Mox etiam pectus ⁱ præceptis format amicis,
 Asperitatis & invidiæ corrector & iræ.
 Rectè facta refert: ^k orientia tempora ^l notis
 Instruit exemplis: inopem solatur & ægrum.
 Castis cum pueris ignara puella mariti
 Disceret unde preces, vatem ni Musa dedisset?
 Poscit opem ^m chorus, & præsentia numina sentit:
 Cœlestes implorat aquas doctâ prece blandus.
 Avertit morbos, metuenda pericula pellit:
 Impetrat & pacem, & locupletem frugibus annum.
 Carmine Dii superi placentur, Carmine Manes.
 Agricolæ prisca, fortes parvóque beati,
ⁿ Condita post frumenta, levantes tempore festo
 Corpus, & ipsum animum spe finis dura ferentem
 Cum fociis operum, & pueris, & conjuge fidâ,
 Tellurem porco, Sylvanum lacte piabant,
 Floribus & vino Genium memorem brevis ævi.
 Fescennina per hunc investâ licentia morem
 Versibus alternis opprobria rustica fudit.
 Libertasque recurrentes accepta per annos
 Lulit amabiliter: donec jam sævus apertam
 In rabiem verti cœpit jocus, & per honestas
 Ire domos impunè minax. Doluere cruento
 Dente lacesciti: fuit intactis quoque cura
 Conditione super communi. Quinetiam lex
 Pœnaque ^p lata, malo quæ nolet carmine quemquam
 Describi, vertère modum, formidine fustis,

^g Machinatur. — ^h Secundario. — ⁱ Documentis utilibus, & honestis. — ^k Homines qui hodiè vivunt, & qui post nascentur. — ^l Exemplis præteritis. — ^m Chorus puerorum & virginum. — ⁿ Post messem. — ^p Constituta est.

Ad bene dicendum delectandumq; redacti.
 Græcia capta ferum victorem cepit & artes
 Intulit agresti Latio. ^q Sic horridus ille
 Defluxit numerus Saturnius : ^r & grave virus
^s Munditiæ pepulere. ^t Sed in longum tamen ævum
 Manserunt, hodieque manent vestigia ^u ruris.
^w Serus enim Græcis admovit acumina chartis :
 Et post Punica bella quietus, quærere cœpit
 Quid Sophocles & Thespis & Æschylus utile ferrent.
 Tentavit quoque rem si dignè vertere posset :
 Et placuit sibi, naturâ sublimis & acer.
 Nam spirat tragicum fatis, & feliciter audet :
 Sed turpem putat in scriptis metuitque lituram.
 Quem tulit ad scenam ventoso gloria curru,
 Examinat lentus spectactor, sedulus inflat.
 Sic leve, sic parvum est, animum quod laudis ^x avarum
^y Subruit aut reficit. Valeat res ludicra, ^z si me
 Palma negata macrum, donata reducit opimum.
 Sæpe etiam audacem fugat hoc ^a terretque poetam,
 Quòd numero plures, virtute & honore ^b minores,
 Indocti stolidique, & ^c depugnare parati,
^d Si discordet eques, media inter carmina poscunt
 Aut ursum aut pugiles : his nam plebecula gaudet.
 Verùm equitis quoque jam migravit ab aure voluptas
 Omnis ad incertos oculos & gaudia vana.
 Si foret in terris, rideret Democritus, ^e seu
 Diversum confusa genus panthera camelo,
 Sive elephas albus vulgi converteret ora :
 Spectaret populum ludis attentius ipsis,
 Ut sibi præbentem mimo spectacula plura.
 Scriptores autem narrare putaret asello
 Fabellam furdo. Nam quæ pervincere voces
 Evaluere sonum, referunt quem nostra theatra?
 Garganum mugire putes nemus, aut mare Tuscum,

^q Hoc modo paulatim evanuit numerus ille poeticus impolitus, qui Saturno regnante, floruerat.—^r Barbaram orationem, quæ tanquam virus aures doctas enecat.—^s Nitor & elegantia.—^t Ad bellum usque Punicum, ferè tertium.—^u Rusticitatis in Romanis Poetis.—^w Romanus.—^x Laudis cupidum.—^y Subvertit aut erigit.—^z Pereat res scenica.—^a A scribendi studio deterret.—^b Nempe plebis.—^c Armis certare.—^d Si equites aliud quam plebei velint.—^e Sive camelopardalis, ex camelo & panthero concretus.

Tanto cum strepitu ludi spectantur, ^f & artes
 Divitiæque perregrinæ? quibus ^g oblitus actor
 Quum stetit in scenâ ^h, concurrat dextera lævæ.
 Dixit adhuc aliquid? Nil sanè. Quid placet ergo?
 Lana Tarentino violas imitata ⁱ veneno.
 Ac nè fortè putes me quæ facere ipse recusam,
 Quum rectà tractent alii, laudare malignè:
 Ille per extentum funem mihi posse videtur
 Ire poëta, meum qui pectus inaniter angit,
 Irritat, mulcet, falsis terroribus implet,
 Ut magus: & modò me Thebis, modò ponit Athenis.
 Verùm age, & his, qui se lectori credere malunt,
 Quam spectatoris fastidia ferre superbi,
 Curam impende brevem: si ^k munus Apolline dignum
 Vis complere libris, & vatibus addere calcar,
 Ut studio majore petant Helicon virentem.
 Multa quidem nobis facimus mala sæpè Poetæ,
 (^l Ut vineta egomet cædam mea) quum tibi librum
 Solicito damus, aut fesso: quum lædimur, unum
 Siquis amicorum est ausus reprehendere versum:
 Quum loca jam recitata revolvimus irrevocati:
 Quum lamentamur, non apparere labores
 Nostros & tenui deducta poemata filo:
 Quum speramus eò rem venturam, ut simulatque
 Carmina rescieris nos fingere commodus ultro
 Accersas, & egere vetes, & scribere cogas.
 Sed tamen est operæ pretium cognoscere, quales
^m Ædituos habeat belli spectata domique
ⁿ Virtus, indigno non committenda poetæ.
 Gratus Alexandro regi Magno fuit ille
 Chærilus, incultis qui versibus & malè natis
 Rettulit acceptos, regale numisma, Philippos.
 Sed veluti tractata notam labemque remittunt
 Atramenta, ferè scriptores carmine fœdo
 Splendida facta linunt. Idem Rex ille, poema
 Qui tam ridiculum, tam carè prodigus emit:
 Edicto vetuit, nequis se præter Apellem,

^f Habitus actoris artificiosus. — ^g Indutus. — ^h Plausus à populo datur. — ⁱ Colore. — ^k Bibliothecam Apollini a te consecratam & ædificatam. — ^l Ut meipsum reprehendam. — ^m Quales poetas. Metaph. ducta ab Ædituis sacrarum ædium custodibus. — ⁿ Virtus tua, o Auguste.

Pingeret, aut alius Lysippo ° duceret æra
 Fortis Alexandri vultum simulantia. Quod si
 p Judicium subtile q videndis artibus illud
 Ad libros & ad hæc Musarum r dona vocares,
 Bæotum in crasso jurares aëre natum.
 At neque dedecorant tua de se judicia, atque
 Munera quæ multâ dantis cum laude tulerunt
 Dilecti tibi Virgilius Variûsque Poetæ:
 Nec magis expressi vultus per ahenea signa,
 Quàm per vatis opus mores animique virorum
 Clarorum apparent. Nec sermones ego mallem
 Repentes per humum, quàm res componere s gestas;
 Terrarumque situs, & flumina dicere & arces
 Montibus impositas, & barbara regna, tuisque
 Auspiciis totum confecta duella per orbem.
 Claustraque custodem pacis cohibentia Janum,
 Et formidatam Parthis te principe Romam:
 Si, quantum cuperem, possem quoq; Sed neq; parvum
 Carmen majestas recipit tua, nec meus audet
 Rem tentare pudor, quum vires ferre recusent.
 t Sedulitas autem, stultè quem diligit, urget:
 Præcipuè quum se numeris commendat & arte.
 Discit enim citius, meminitq; libentius illud
 Quod quis deridet, quàm quod probat & veneratur.
 Nil moror officium quod me gravat: ac neq; ficto
 In pejus vultu proponi cereus usquam,
 Nec pravè factis decorari versibus opto:
 Ne rubeam pingui donatus munere: & unâ
 u Cum scriptore meo capsâ porrectus opertâ,
 Deferar in vicum vendentem thus & odores.
 Et piper, & quicquid chartis amicitur ineptis.

° Formaret. — p Alexandri. — q In pictura. — r Ad poeticam.
 s Tuâ virtute. — t Qui stultâ sedulitate officium suum alicui obtru-
 dit, molestus est. — u In eodem enim libro est scriptoris nomen
 ejus qui describitur, ut in Virgilio Æneas, in Homero Ulysses.





Ad JULIUM FLORUM.

EPIST. ii.

Excusat se Julio Floro querenti, quòd nec Epistolam, nec carmina misisset. Se jam in eo totum esse, ut fruendo modicis opibus, quæ adsunt, discat majores non concupiscere. Verùm ad benè beatèque vivendum non satis esse carere avaritiâ, sed cætera etiam omnia vitia extirpari debere.

FLORE, bono claroque fidelis amice Neroni,
 Siquis fortè velit puerum tibi vendere natum
 Tibure vel Gabiis : & tecum sic agat, Hic &
 Candidus & talos à vertice pulcher ad imos :
 Fiet eritque tuus nummorum millibus octo :
 Verna ministeriis ad nutus aptus heriles :
 Literulis Græcis imbutus, idoneus arti
 Cuilibet, argillâ quidvis imitaberis udâ.
 Quinetiam canet indoctum, sed dulce bibenti.
 Multa fidem promissâ levant, ubi plenius æquo
 Laudat venales, qui vult extrudere, merces :
 Res urget me nulla : ^a meo sum pauper in ære.
 Nemo hoc mangonum faceret tibi. Non temerè à me
 Quivis ferret idem. Semel hic ^b cessavit : & (ut fit)
 In scalis latuit metuens pendentis habenæ.
 Des nummos, excepta nihil te si fuga lædat.
 Ille ferat pretium, pœnæ securus opinor.
 Prudens emisti vitiosum. Dicta tibi est ^c lex.
 Insequeris tamen hunc, & lite moraris iniquâ.
 Dixi me ^d pigrum proficiscenti tibi, dixi
 Talibus officiis propè mancum : ne mea sævus
 Jurgares ad te quòd epistola nulla veniret.
 Quid tum profeci mecum facientia jura

^a Nihil cuiquam debeo.—^b Fuit ad mandata facienda tardior.—

^c Conditio venditionis.—^d Cessatorem esse.

Si tamen attentas? quereris super hoc etiam, quòd
 Expectata tibi non mittam carmina mendax.
 Luculli miles collecta viatica multis
 Ærumnis, lassus dum noctu stertit, ad assem
 Perdiderat: post hoc vehemens lupo, & sibi & hosti
 Iratus pariter, jejunis dentibus acer,
 ° Præsidium regale loco dejecit (ut aiunt)
 Summè munito, & multarum divite rerum.
 Clarus ob id factum donis ornatur honestis:
 Accipit & bis dena ^f super sestertia nummum.
 Fortè & sub hoc tempus castellum evertere prætor
 Nescio quod cupiens, hortari cœpit eundem
 Verbis, quæ timido quoque possent addere mentem:
 I bone quòd virtus tua te vocat: I pede fausto,
 Grandia laturus meritorum præmia: quid stas?
 Post hæc ille catus, quantumvis rusticus, ibit,
 Ibit eò quòd vis, ^h qui zonam perdidit: inquit.
 Romæ nutriri mihi contigit atque doceri,
ⁱ Iratus Graiis quantum nocuisset Achilles.
 Adjecere bonæ paulò plus artis Athenæ:
 Scilicet ut possem curvo dignoscere ^k rectum,
 Atque inter sylvas Academi quærere verum.
^l Dura sed amovere loco me tempora grato:
 Civilisque rudem belli tulit æstus in arma,
 Cæsaris Augusti non responsura ^m lacertis.
 Unde simul primùm me dimisere ⁿ Philippi,
 Decisis humilem pennis, inopemque paterni
 ° Et laris & fundi: paupertas impulit audax
 Ut versus facerem: sed, ^p quod non desit habentem
 Quæ poterunt unquam nigræ expurgare cicutæ,
 Nihil melius dormire putem, quàm scribere versus?
 Singula de nobis anni prædantur euntes:
 Eripuere jocos, Venerem, convivium, ludum;
 Tendunt extorquere poemata: quid faciam vis?
 Denique non omnes eadem mirantur amantque.
 ° Carmine tu gaudes, hic delectatur Iambis:

° Præsidium Mithridatis. — ^f Præter hæc dona accepit 20 millia sestertium nummum. — ^g Paulò post. — ^h Viaticum, quod in zonâ milites portare solebant. — ⁱ Id est, Iliadem Homeri didici. — ^k Bonum à pravo. — ^l Bella civilia inter Brutum & Octavium me Athenis expulerunt. — ^m Viribus. — ⁿ Urbs in Thraciâ. — ° Dignitate amissa & opibus. — ^p Habentem quod sufficiat. — ° Carmine heroico. — ^r Liviis jocis 1. Satyra: Bion sophistes mordax fuit in Poetas.

Ille * Bioneis sermonibus, & fale nigro:
 Tres mihi convivæ prope dissentire videntur,
 Poscentes vario multum diversa palato.
 Quid dem? quid non dem? renuis tu quod jubet alter:
 Quod petis, id sanè est invisum acidumque duobus.
 Præter cætera, me Romæne poemata censes
 Scribere posse, inter tot curas, totque labores?
 Hic † sponsum vocat, hic † auditum scripta, relictiis
 Omnibus officiis. Cubat hic in colle Quirini,
 Hic extremo in Aventino: visendus uterque.
 Intervalla vides ^u humanè commoda. Verùm
 Puræ sunt plateæ, nihil ut meditantibus obstat.
 Festinat calidus mulis gerulisque redemptor:
 Torquet nunc lapidem, nunc ingens machina tignum.
 Tristia robustis luctantur funera plaustris:
 Hæc rabiosa fugit canis, hæc lutulenta ruit sus.
 I nunc & versus tecum meditare canoros.
 Scriptorum chorus omnis amat nemus, & fugit urbes,
 Ritè cliens Bacchi, somno gaudentis & umbrâ:
 Tu me inter strepitus nocturnos atque diurnos
 Vis canere, & ^w contracta sequi vestigia vaturn?
 Ingenium sibi quod vacuas desumpsit Athenas,
 Et studiis annos septem dedit, insenuitque
 Libris & curis, statuâ taciturnius exit
 Plerumque, & risu populum quatit. Hic ego rerum
 Fluctibus in mediis, & tempestatibus urbis,
 Verba lyræ motura sonum connectere digner?
 Multa fero ut placem genus irritabile vatum
 Quum scribo, & supplex populi * suffragia capto.
 † Idem finitis studiis, & mente receptâ
 Obturem patulas impunè † legentibus aures.
 Ridetur mala qui componunt carmina: verùm
 Gaudent scribentes & se venerantur & ultrò
 (Si taceas) laudant quicquid scripsere, beati.
 At qui legitimum cupiet fecisse poema,
 Cum tabulis animum censoris sumet honesti:
 Audebit quæcunque parum splendoris habebunt,
 Et sine pondere erunt, & honore indigna ferentur,

* Ad respondendum pro se.—† Ad audiendum.—^u Id est, incommoda.—^w Vestigia angusta, quæ difficile est persequi.—^x Laudes.
 † Ego.—^z Carmina sua recitantibus.

Verba ^a movere loco: quamvis invita recedant,
 Et versentur adhuc intra penetralia ^b Vestæ.
 Obscurata diu populo bonus eruet atque
 Proferet in lucem speciosa vocabula rerum:
 Quæ priscis memorata Catonibus atque Cethegis,
 Nunc situs informis premit & deserta vetustas:
^c Adsciscet nova, quæ genitor produxerit usus.
 Vehemens & liquidus, puroque simillimus amni
 Fundet opes, Latiumque beabit divite linguâ;
 Luxuriantia compescet nimis, aspera sano
 Lævabit cultu, virtute carentia ^d tollet:
 Ludentis speciem dabit, & torquebitur, ut qui
 Nunc Satyrum, nunc agrestem Cyclopa movetur.
^e Prætulerim scriptor delirus inersque videri,
 Dum mea delectent mala me, ^f vel denique fallant,
 Quam sapere, & ringi. Fuit haud ignobilis Argis,
 Qui se credebat miros audire tragoedos,
 In vacuo lætus sessor plausorque theatro:
 Cætera qui vitæ servaret munia recto
 More: bonus sanè vicinus, amabilis hospes,
 Comis in uxorem, posset qui ignoscere servis,
 * Et signo læso non insanire lagenæ:
 Posset qui rupem & puteum vitare patentem.
 Hic ubi cognatorum opibus curisque relictus,
 Expulit helleboro morbum bilemque meraco,
 Et redit ad sese, Pol, me occidistis, amici,
 Non servastis (ait) cui sic extorta voluptas,
 Et demptus per vim mentis gratissimus error.
 Nimirum sapere est abjectis utile nugis,
 Et tempestivum pueris concedere ludum:
 Ac non verba sequi fidibus modulanda Latinis,
 Sed veræ numerosque modosque ediscere vitæ.
 Quocirca mecum loquor hæc tacitusque recordor:
 Si tibi nulla sitim finiret copia lymphæ,
 Narrares medicis. Quòd quanto plura parasti,
 Tanto plura cupis, nulline faterier audes?
 Si vulnus tibi, monstratâ radice vel herbâ,


^a Et quamvis adhuc sint domi abdita.—^b Vesta hic ponitur pro
 Lare.—^c Cudet & finget.—^d Extollet.—^e Malim inquit Horatius.
 —^f Vel ignota sint.—* Domini lagenas obfignabant nè vinum à
 servis furtim exhauriretur.

Non fieret lævius fugeres radice vel herbâ,
Proficiente nihil curarier: audieras cū
Rem dii donarent, illi decedere pravam
Stultitiam: & quum sis nihilo sapientior, ex quo
Plenior es, tamen utēris monitoribus iisdem?
At si divitiæ prudentem reddere possent,
Si cupidum timidumque minus te: nempe ruberes,
Viveret in terris te si quis avarior uno.
Si proprium est quod vis librâ mercatus & ære est;
Quædam (Si credis consultis) mancipat usus:
Qui te pascit ager, tuus est: & villicus Orbī
Quum segetes occat, tibi mox frumenta daturus,
Te dominum sentit: das nummos: accipit uvam,
Pullos, ova, cadum temeti, nempe modo isto
Paulatim mercaris agrum, fortasse trecentis
(Aut etiam supra) nummorum millibus emptum.
Quid refert, vivas & numerato nuper an olim?
Emptor Aricini quondam Vejentis & arvi,
Emptum cœnat olus, quamvis aliter putat: emptis
Sub noctem gelidam lignis calefaciat ahenum.
Sed vocat usque suum, quod ^h populus adsita certis
Limitibus vicina refugit jurgia. Tanquam
Sit proprium cuiquam, puncto quod mobilis horæ
Nunc prece, nunc pretio, nunc vi, nunc forte supremâ
Permutet dominos, & cedat in altera jura.
Sic quia perpetuus nulli datur usus & hæres
Hæredem alterius, velut unda supervenit undam:
Quid vici profunt? aut horrea? quidve Calabris
Saltibus adjecti Lucani? si metit Orcus
Grandia cum parvis, non exorabilis auro.
Gemmas, marmor, ebur, Tyrrhena figilla, tabellas,
Argentum, vestes Gætulo murice tinctas,
Sunt qui non habeant, est qui non curat habere:
Cur alter fratrum cessare, & ludere, & ungi,
Præferat ^k Herodis palmetis pinguibus; alter
Dives & importunus, ad umbram lucis ab ortu,
^l Sylvestrem flammis & ferro mitiget agrum;
Scit Genius natale comes qui temperat astrum,

^g Ex pretio per partes, an simul numerato? — ^h Arbor. — ⁱ Un-
guentis nitere. — ^k Omnia Syriæ palmeta. Herodes Judeorum rex
fuit. — ^l Sterilem agrum igne & vomere edomet, & fertilem reddat.

Naturæ Deus humanæ ^m mortalis in unum
 Quodque caput: vultu mutabilis, ⁿ albus & ater.
 Utar & ex modico, quantum res poscet, acervo
 Tollam: nec metuam quid de me judicet hæres,
 Quod non plura datis invenerit. Et tamen idem
 Scire volam quantum simplex hilarisque nepoti
 Discrepet, & quantum discordet parcus avaro:
 Distat enim, spargas tua prodigus; an neque sumptum
 Invitus facias, neque plura parare labores.
 Ac potius, ^o puer ut festis Quinquatribus, ^p olim
 Exiguo gratoque fruaris tempore ^q raptim.
 Pauperies immunda domus procul absit. Ego utrum
 Nave ferar magnâ an parvâ, ferar unus & idem.
 Non agimur tumidis velis Aquilone secundo:
 Non tamen adversis ætatem ducimus austris:
 Viribus, ingenio, specie, virtute, loco, re,
^r Extremi primorum, extremis usque priores.
 Non es avarus: abi. Quid? cætera jam simul isto
 Cum vitio fugere? caret tibi pectus inani
 Ambitione? caret mortis formidine & irâ?
 Somnia, terrores magicos, miracula, sagas,
 Nocturnos lemures, portentaque Theffala rides?
 Natales gratè numeras? ignoscis amicis?
 Lenior & melior sis accedente senectâ?
 Quid te exempta juvat spinis de pluribus una?
 Vivere si rectè nescis, ^s discede peritis.
 Lufisti satis: edisti fatis atque bibisti:
 Tempus abire tibi est: ne potum largius æquo
 Rideat, & pulset lasciva decentius ætas.

^m Qui, unoquoque nostrum mortuo, moritur.—ⁿ Bonus & malus
 prosper & adversus.—^o Quemadmodum pueri quinquatribus i. e. 5.
 diebus festis Minervæ dicatis, raptim fruuntur eo tempore quod eis
 datur, ita & tu, &c.—^p Interdum.—^q Celeriter.—^r Medii sumus
 inter summos & infimos.—^s Da locum melioribus.





Q. HORATII FLACCI
DE ARTE POETICA
LIBER.



Ad P I S O N E S.

HUMANO capiti cervicem pictor equinam
Jungere si velit, & ^a varias inducere plumas,
^b Undique collatis membris : ut turpiter atrum
Definat in piscem mulier formosa superne :
Spectatum admitti risum teneatis amici ?
Credite, Pisones, ^c isti tabulæ ferè librum
Persimilem, cujus, velut ægri somnia, vanæ
Fingentur species : ut nec pes nec caput uni
Reddatur formæ. Pictoribus atque poetis
Quidlibet audendi semper fuit æqua potestas.
Scimus, & hanc veniam petimusque damusque vicissim
Sed non ut placidis coëant immitia, non ut
Serpentes avibus gementur, tigribus agni.

^a Ex variis avibus. — ^b Ex omnibus animalibus & ex quovis elemento corrogatis. — ^c Isti monstro depicto,

Inceptis gravibus plerumque & magna professis
 Purpureus latè qui splendeat unus & alter
 Affuitur pannus. Quum lucus, & ara Dianæ,
 Et properantis aquæ per amœnos ambitus agros,
 Aut flumen Rhenum, ^d aut pluvius describitur arcus.
 Sed nunc non erat ^e his locus : & fortasse cupressum
 Scis ^f simulare. Quid hoc? si fractis enatat exspes
 Navibus ære dato qui pingitur? amphora cœpit
 Institui. Currente rotâ, cur urceus exit?
 Denique sit quidvis simplex duntaxat & unum.
 Maxima pars vatum (pater & juvenes patre digni)
 Decipimur specie recti. Brevis esse laboro,
 Obscurus fio. Sectantem lenia, nervi
 Deficiunt animique. Professus grandia, turget:
 Serpit humi tutus nimium, timidusque procellæ.
 Qui variare cupit rem prodigialiter unam,
 Delphinum sylvis appingit, fluctibus aprum.
 IN VITIUM ducit culpæ fuga, si caret arte.

Æmilium circa ludum faber imus & ungues
 Exprimet, & molles imitabitur ære capillos,
 Infelix operis summâ, quia ponere totum
 Nesciet, ^g hunc ego me, siquid componere curem,
 Non magis esse velim, quàm ^h pravo vivere naso,
 Spectandum nigris oculis nigróque capillo.

Sumite materiam vestris qui scribitis æquam
 Viribus & versate diu ⁱ quid ferre recusent,
 Quid valeant humeri. Cui lecta ^k potenter erit res,
 Nec facundia deferet hunc, nec lucidus ordo.

Ordinis hæc virtus erit, & ^l Venus (aut ego fallor)
 Ut jam nunc dicat ^m jam nunc debentia dici,
 Pleraque differat & præsens in tempus omittat.

In verbis etiam tenuis cautusque ferendis:
 Hoc amet, hoc spernat promissi carminis autor,
 Dixeris egregiè, notum si callida verbum
 Reddiderit junctura novum. Si fortè necesse est
 Indiciis monstrare recentibus abdita rerum.

^d Iris, quæ pluviam concitat. — ^e Panis. Purpureis, in eloquentiæ intempestivæ. — ^f Penicillo exprimere. — ^g Talem me esse scriptorem. — ^h Distorto & deformi naso. — ⁱ Quid sustinere non possint. — ^k Secundum facultatem ingenii sui. — ^l Venustas. — ^m Quæ nunc dici debent.

Fingere ⁿ cinctutis non exaudita Cethegis
 Continget: dabiturque licentia sumpta prudenter.
 Et novâ fictâque nuper habebunt verba ^o fidem, si
 Græco fonte cadant, parcè detorta. Quid autem
 Cæcilio Plautoque dabit Romanus ademptum
 Virgilio Varioque? ego cur, acquirere pauca
 Si possum, invidëor? cùm lingua Catonis & Enni
 Sermone patrium ditaverit & nova rerum
 Nomina protulerit; licuit, semperque licebit,
 Signatum præsentem notâ procudere nomen.
 Ut sylvæ foliis pronos mutantur in annos,
 Prima cadunt: ita verborum vetus interit ætas,
 Et juvenum ritu florent & modò nata vigentque.
 Debemur morti nos, nostrâque. ^q Sive receptus
 Terræ Neptunus, classës Aquilonibus arcet,
^r Regis opus: ^s steriliſve diu palus aptaque remis,
 Vicinas urbes alit, & grave sentit aratrum:
 Seu cursum mutavit iniquum frugibus ^t amnis
 Doctus iter melius: mortalia cuncta peribunt,
 Nedum sermonum stet honos, & gratia vivax.
 Multa renascentur quæ jam cecidere, cadentque
 Quæ nunc sunt in honore vocabula, si volet usus:
 Quem penes arbitrium est & jus & norma loquendi
 Res gestæ regûmque ducûmque, & tristia bella,
 Quo scribi possent numero, monstravit Homerus
^u Versibus impariter junctis querimonia primum,
 Post etiam inclusa est voti sententia compos.
^w Descriptas servare vices ^x operumque colores
 Cur ego si nequeo ignoroque, poeta salutor?
 Cur nescire, pudens pravè, quam discere malo?
 Versibus exponi tragicis res comica non vult:
 Indignatur enim privatis ac propè focco

ⁿ Veretibus qualis erat M. Cornelius Cethegus.—^o Authoritatem.
^p Nova.—^q Lacum Lucrinum intelligit, quem magnis molibus Jul.
 Cæsar incluserat.—^r Opus quale nemo nisi rex facere possit.—^s Sive
 promptina palus per Cethegum exiccata factaque navigabilis.—^t Ti-
 beris ante per Velabrum fluens, Augusti jussu in alveum est de-
 ductus.—^u Carminibus Elegiacis, quorum alterum est hexametrum,
 alterum pentametrum.—^w Suas cujusque Poematis partes servare.—
^x Multiplices poematum varietates, quæ ut res pictæ, coloribus di-
 stinguuntur.

Dignis carminibus narrari ^y cœna Thyestæ.
 Singula quæque locum teneant fortita decentem.
 Interdum tamen & vocem comœdia tollit,
 Iratúsque Chremes tumido delitigat ore:
 Et tragicus plerunque dolet sermone ^z pedestri.
 Telephus & Peleus cùm pauper & exul uterque
^a Projicit ampullas, & sesquipedalia verba:
 Si curat cor spectantis tetigisse querelâ.

Non satis est pulchra esse poemata, dulcia sunt.
 Et quocunque volent animum auditoris agunto.
 Ut ridentibus arrident, ita flentibus adflent
 Humani vultus. Si vis me flere, dolendum est
 Primùm ipsi tibi: tunc tua me infortunia lædent,
 Telephe, vel Peleu: malè si ^b mandata loqueris,
 Aut dormitabo: aut ridebo: tristitia mœstum
 Vultum verba decent: iratum, plena minarum:
 Ludentem, lasciva: severum, seria dictu.
 Format enim natura prius nos intus ad omnem
 Fortunarum habitum: juvat aut impellit ad iram:
 Aut ad humum mœrore gravi deducit, & angit:
 Post effert animi motus interprete lingua.

Si dicentis erunt fortunis absona dicta,
 Romani tollent equites peditesque cachinnum.
 Intererit multum Davúsne loquatur an Heros.
 Maturúsne senex, an adhuc florente juventâ
 Fervidus: an matrona potens, an sedula nutrix:
 Mercatorne vagus, cultorne virentis agelli:
 Colchus, an Assyrius: Thebis nutritus an Argis.

Aut famam sequere, aut sibi convenientia finge,
 Scriptor. Homeræum si fortè reponis Achillem:
 Impiger, iracundus, inexorabilis acer,
 Jura neget sibi nata, nihil non arroget, armis.
 Sit Medea ferox, invictaque: flebilis Ino,
 Perfidus Ixion, Io vaga, tristis Orestes.

Si quid inexpertum scenæ committis, & audes
 Personam formare novam, fervetur ^c ad imum
 Qualis ^d ab incepto processerit, & ^e sibi constet,

^y Tragœdia de Thyeste scripta, ponitur hic pro Tragœdiâ.—
^z Humili dictione.—^a Ampullas tamen (id est, verba turgida &
 venti plena) omittit.—^b Præscripta.—^c Ad finem usque.—^d Ab ini-
 tio.—^e Sit semper idem, â suis moribus non recedens.

Difficile est propriè ^f communia dicere : tuque
Rectius Iliacum carmen deducis in actus,
Quàm si proferres ignota & indictaque primus.
Publica materies privati juris erit, si
Nec circa vilem patulumque moraberis orbem :
Nec verbum verbo curabis reddere, fidus
Interpres. Nec desilies imitator in arctum,
Unde pedem refferre pudor vetet, aut operis lex :
Nec sic incipies, ut scriptor Cyclicus olim,
FORTUNAM PRIAMI CANTABO ET NOBILE BELLUM.
Quid dignum ^h tanto feret hic promissor hiatus ?
Parturiunt montes, nascetur ridiculus mus.
Quantò rectius ⁱ hic, qui nil molitur ineptè !
Dic mihi, Musa, ^k virum, captæ post mœnia Trojæ,
Qui mores hominum multorum vidit & urbes.
Non fumum ex fulgore, sed ex fumo dare lucem
Cogitat : ut speciosa dehinc miracula promat,
Antiphaten, Scyllamque, & cum Cyclope Charybdim :
Nec reditum Diomedis ab interitu Meleagri,
Nec ^l gemino bellum Trojanum orditur ab ovo.
Semper ad ^m eventum festinat : & in medias res,
Non secus ac notas, auditorem rapit, & quæ
Desperat tractata nitefcere posse, relinquit.
Atque ita mentitur, si veris falsa remiscet,
Primo ne medium, medio ne discrepet imum.

Tu, quid ego, & populus mecum desideret, audi.
Si fautoris eges aulæ ⁿ manentis, & usque
Sessuri, donec ^o cantor, vos plaudite, dicat,
Ætatis cujusque notandi sunt tibi mores.
Mobilibusque decor, maturis dandus & annis.

Reddere qui voces jam scit puer, & pede certo
Signat humum, gestit paribus colludere : & iram
Colligit ac ponit temerè, & mutatur in horas.
Imberbis juvenis, tandem custode remoto,
Gaudet equis canibusque & aprici gramine campi :

^f Argumenta fabularum à nullo ante tractata ita præclarè scribere
ut propriè sua jure dici possint.—^g Non dicta ab aliis.—^h Tantâ
verborum granditate.—ⁱ Homerus.—^k Ulysses.—^l Ex quorum uno
exclusi sunt Pollux & Helena, ex altero castor & Clytemnestra.—
^m Propositum scopum.—ⁿ In theatro donec aulæ removeantur.—
^o Histrio.

Cereus in vitium flecti, monitoribus asper :

Utilium tardus provisor, prodigus æris :

^P Sublimis cupidusque, & amata relinquere pernix.

Conversis studiis ætas animusque virilis

Quærit opes & amicitias, inservit honori :

Commisisse cavet quod mox mutare laboret.

Multa senem circum veniunt incommoda, vel quod

Quærit & inventis miser abstinet, ac timet uti :

Vel quod res omnes timidè gelidèque ministrat,

Dilator, spe lentus, iners, pavidusque futuri :

Difficilis, querulus, laudator temporis acti,

Se puero, censor castigatorque minorum.

Multa ferunt anni venientes commoda secum,

Multa recedentes adimunt. Nè fortè seniles,

Mandentur juveni partes, pueroque viriles,

Semper in adjunctis ævoque morabimur aptis.

Aut agitur res in scenis, aut acta refertur.

Segnius irritant animos ^q demissa per aurem,

Quàm quæ sunt oculis subjecta fidelibus, & quæ

Ipse sibi tradit spectator. Non tamen intus

Digna geri, promes in scenam : multaue tolles

Ex oculis, quæ mox narret facundia præsens.

Ne pueros coram populo Medea trucidet :

Aut humana palam coquat exta nefarius Atreus :

Aut in avem Progne vertatur, Cadmus in anguem.

Quodcunque ostendis mihi sic, incredulus odi.

Neve minor, neu sit quinto productior actu

Fabula, quæ posci vult, & spectata ^q reponi.

Nec deus interfit, nisi dignus vindice nodus

Inciderit : nec quarta loqui persona laboret.

Ex noto fictum carmen sequar : ut sibi quis

Speret idem : sudet multum, frustraue laboret

Ausus idem : tantum series juncturaque pollet,

Tantum de medio ^s sumptis accedit honoris.

Sylvis deducti caveant (me iudice) Fauni

Ne, velut innati triviis, ac penè forenses,

Aut nimium teneris juvenentur versibus unquam,

Aut immunda crepent, ignominiosaque dicta.

Offenduntur enim quibus est equus & pater & res :

^P Superbus.—^q Audita.—^r Iterum agi.—^s Rebus vulgaribus.

Nec siquid fricti ciceris probat & nucis ^t emptor,
Æquis accipiunt animis, donantve coronâ.

Nil intentatum nostri liquere poetæ:

Nec minimum meruere decus vestigia Græca

Ausi deferere, & celebrare domestica facta,

Vel qui ^u prætextas, vel qui docuere ^w togatas.

Nec virtute foret, clarisve potentius armis,

Quam linguâ, Latium; Si non offenderet unum-

Quemque poetarum ^x limæ labor & mora. Vos ô

⁊ Pompilius sanguis, carmen reprehendite, quod non

Multa dies & multa litura coercuit, atque

Præfectum decies non castigavit ad unguem.

Ingenium miserâ quia fortunatius arte

Credit, & excludit sanos Helicone poetas

Democritus: bona pars non unguis ^z ponere curat,

Non barbam: secreta petit loca, balnea vitat.

Nanciscetur enim pretium nomenque poetæ,

Si tribus Anticyris caput insanabile nunquam

Tonsori Licino commiserit. O ego ^a lævus,

Qui purgo bilem sub verni temporis horam.

Non alius faceret ^b meliora poemata. Verùm

Nil tanti est: ergo fungar vice cotis, acutum

Reddere quæ ferrum valet exors ipsa secandi:

Munus & officium, nil scribens ipse docebo:

Unde parantur ^c opes. ^d Quid alat ^e formetque
poetam:

Quid doceat, quid non: quò virtus, quò ferat error.

Scribendi rectè sapere est principium & fons.

Rem tibi Socraticæ poterunt ostendere chartæ:

Verbaque provisam rem non invita sequentur.

Qui didicit patriæ quid debeat, & quid amicis:

Quo sit amore parens, quo frater amandus & hospes:

Quod sit ^f conscripti, quod judicis officium: quæ

Partes in bellum missi ducis: ille profectò

Reddere personæ scit convenientia cuique.

^t Id est pauper, & plebeius.—^u Latinas fabulas in quibus prætextati (id est, personæ nobiles) fuerunt inducti.—^w Fabulas tabernarias in quibus plebeie & privatæ personæ fuerunt inductæ.—

^x Emendandi curâ.—^y A Numâ Pompilio originem ducentes, vos, O Pisones.—^z Præsecare eorum sordes.—^a Stultus.—^b Quam ego nisi me purgarem.—^c Res & facultas poetica.—^d Inventio scilicet.

—^e Quod informet & erudiat, nempe eloquutio & reliquæ partes.—
^f Senatoris.

Respicere exemplar vitæ morumque jubebo
 Doctum imitatore, & vivas hinc ducere voces.
 Interdum speciosa & locis, ^h morataque rectè
 Fabula, ⁱ nullius Veneris, sine pondere & arte,
 Validus oblectat populum, meliusque moratur,
 Quàm versus inopes rerum, nugæque canoræ.

Aut prodesse volunt aut delectare poetæ,
 Aut simul & jucunda & idonea dicere vitæ.
 Quicquid præcipies, esto brevis: ut citò dicta
 Percipiant animi dociles, teneantque fideles.
 Omne supervacuum pleno de pectore manat.

Ficta voluptatis causâ sint proxima veris,
 Nec quodcunque volet, poscat sibi fabula credi:
 Neu pransæ Lamiae vivum puerum extrahat alvo.
^k Centuriæ seniorum agitant expertia frugis,
 Celsi prætereunt austera poemata ^l Rhamnes.
^m Omne tulit punctum qui miscuit utile dulci,
 Lectorem delectando, pariterque monendo.
 Hic meret æra liber ⁿ Sosis, hic & mare transit,
 Et longum noto scriptori prorogat ævum.

Sunt delicta tamen quibus ignovisse velimus.
 Nam neque chorda sonum reddit, quem vult manus
 & mens,

Poscentique gravem persæpe remittit acutum:
 Nec semper feriet quodcunque minabitur arcus.
 Verùm ubi plura nitent in carmine, non ego paucis
 Offendar maculis; quas aut incuria fudit,
 Aut humana parum cavit natura. Quid ergo?
 Ut scriptor si peccat idem librarius usque,
 Quamvis est monitus veniâ caret: & citharædus
 Ridetur, chordâ qui semper oberrat eâdem:
 Sic mihi, qui multum cessat, sit Chærilus ille,
 Quem bis terve bonum, cum risu miror, & idem
 Indignor, ^o quandoque bonus dormitat Homerus.
 Verùm opere in longo fas est obrepere somnum.

Ut pictura, pœsis erit; quæ si propius stes,

^g Locis communibus ornata.—^h In quâ mores personarum sci-
 exprimuntur.—ⁱ Elegantiæ.—^k Senes Romani aspernantur inutili
 procurata.—^l Equites Romani à Romulo sic appellati.—^m Omnibu-
 & senum & juvenum suffragiis præstantissimus judicatur.—ⁿ Bib-
 liopolis.

Te capiet magis; & quædam, si longiùs abstes.
Hæc amat obscurum, volet hæc sub luce videri,
Judicis argutum quæ non formidat acumen.
Hæc placuit semel, hæc decies repetita placebit.

O major juvenum, quamvis & voce paternâ
Fingeris ad rectum & per te sapis, hoc tibi dictum
Tolle memor: certis medium & tolerabile rebus
Rectè concedi, consultus juris & actor
Causarum mediocris, abest virtute disert
Messalæ, nec scit quantum Cassellius Aulus:
Sed tamen in pretio est: mediocribus esse poëtis
Non homines, non dii, non concessere ^q columnæ.
Ut gratas inter mensas symphonia discors,
Et crassum unguentum & Sardocum melle papaver
Offendunt, poterat duci quia cœna sine istis:
Sic animis natum inventumque poëma juvandis,
Si paulum à summo decessit, vergit ad imum.

Ludere qui nescit, campestribus abstinet armis:
Indoctusque pilæ discive trochive quiescit,
Ne spissæ risum tollant * impunè coronæ,
Qui nescit, versus tamen audet fingere. Quidni?
Liber, & ingenuus, præsertim ^r census equestrem
Summum nummorum, vitioque remotus ab omni.
Tu nihil invitâ dices, faciesque Minervâ:
Id tibi judicium est, ea mens: si quid tamen olim
Scripseris, in Metii descendat judicis aures,
Et patris & nostras: ^s nonumque prematur in annum
Membranis intus positis, delere licebit
Quod non edideris: nescit vox missa reverti.

Sylvestres homines ^t sacer interpretsque deorum
Cædibus & victu sædo deterruit Orpheus,
Dictus ob hoc lenire tigres, rabidosque leones.
Dictus & Amphion Thebanæ conditor arcis
Saxa movere sono testudinis & prece blandâ
Ducere quò vellet. Fuit hæc sapientia quondam,
Publica privatis secernere, sacra profanis:
Concubitu prohibere vago, ^u dare jura maritis:

^p Sume. — ^q Ad quas libri profliterunt venales. — * Meritò. —
^r Repertus habere quadringenta millia æris. — ^s In multos annos sup-
primatur, ut acriore limâ corrigatur. — ^t Vates divinus. — ^u Tam
viris quam fœminis.

Oppida moliri: leges incidere ligno.
 Sic honor & nomen divinis vatibus atque
 Carminibus venit: post hos insignis Homerus,
 Tyrtæusque ^w mares animos in Martia bella
 Versibus exacuit. Dictæ per carmina ^x sortes:
 Et vitæ monstrata via est: & gratia regum
 y Pieriis tentata modis: — Ne fortè pudori
 Sit tibi Musa lyræ solers, & cantor Apollo.

Naturâ fieret laudabile carmen, an arte,
 z Quæsitum est, ego nec studium sine divite venâ,
 Nec rude quid profit video ingenium. Alterius sic
 Altera poscit opem res, & conjurat, amicè.

Qui studet optatam cursu contingere metam,
 Multa tulit fecitque ^a puer: sudavit & alsit:
 Abstinit Venere & vino: qui Pythia cantat
 Tibicen, didicit prius extimuitque magistrum.

b Nunc satis est dixisse: Ego mira poemata pango:
 c Occupet extremum scabies: mihi turpe relinqui est,
 Et, quod non didici, sanè nescire fateri.

Quintilio si quid recitares, corrige fodes,
 Hoc (aiebat) & hoc melius te posse negares,
 Bis terque expertum frustra. Delere jubebat,
 Et malè formatos incudi reddere versus.
 Si defendere delictum, quam vertere, malles,
 Nullum ultra verbum, aut operam fumebat inanem,
 Quin sine rivali téque & tua solus amares.
 Vir bonus & prudens versus reprehendet inertes:
 Culpabit duos: incomptis allinet atrum
 Transverso calamo signum: ambitiosa recidet
 Ornamenta: parùm claris lucem dare coget:
 Arguet ambigùè dictum: mutanda notabit:
 Fiet ^d Aristarchus, nec dicet, Cur ego amicum
 Offendam nugis? Hæ nugæ seria ducent
 In mala derisum semel, exceptumque finistrè.

^w Animos fortes & strenuos. — ^x Oracula ab Apolline data. —
 y Carminibus Musarum. — ^z Utrum Poeta nascatur, an fiat. — ^a Cum
 esset puer. — ^b His miseris temporibus. — ^c Metaph. ducta à lusu pue-
 rorum currentium qui scabiem imprecantur ei qui ultimus ad cal-
 cem pervenerit. — ^d Fiet castigatior severus, qualis Aristarchus Gram-
 maticus.

Ut mala quem scabies, aut morbus regius urget,
 Aut fanaticus error, & iracunda Diana,
 Vesanam tetigisse timent fugiuntque poëtam
 Qui sapiunt. Agitant pueri incautique sequuntur.
 Hic dum sublimes versus ructatur, & errat,
 Si veluti merulis intentus decedit ^e auceps,
 In puteum, foveamve: licet, succurrite longum
 Clamet, Io cives, non sit qui tollere curet.
 Si quis curet opem ferre & * demittere funem,
 Qui scis an † prudens hac se dejecerit, atque
 Servari nolit? dicam, Siculique poëta
 Narrabo interitum. Deus immortalis haberi
 Dum cupit Empedocles, ardentem ^f frigidus Ætnam
 Infiluit. Sit jus, liceatque perire ^g Poëtis.
 Invitum qui servat, ^h idem facit occidenti.
 Nec semel hoc fecit, nec si retractus erit, jam
 Fiet ⁱ homo, & ponet famosæ mortis amorem.
 Nec satis apparet cur versus factitet: utrùm
 Minxerit ^k in patrios cineres, an triste ^l bidental
 Moverit ^m incestus. Certè furit, ac velut ursus,
 Objectos cavæ valuit si frangere clathros,
 Indoctum doctumque fugat ⁿ recitator acerbus.
 ° Quem verò arripuit, tenet, occidetque legendo,
 Non missura cutem nisi plena cruoris hirudo.

^e Qui merulis avibus insidias struit.—* In foveam.—† An sciens
 & de industriâ.—^f Atrâ bile affectus.—^g Qui se nolunt corrigi.—
^h Ac si occideret.—ⁱ Sanus.—^k In patrium sepulchrum.—^l Locum
 in quem fulmen decedit, sic appellatum quod hostiis bidentibus & arâ
 extructâ à sacerdote expiaretur.—^m Pollutus.—ⁿ Poëta in recitandis
 carminibus suis molestus.—° Auditorem.





EXCERPTA

EX

JUVENALE.



SATYRA ii.

*Reprehendit hypocrisin in Philosophis, aliisque: qui
victores à victis gentibus corrumpuntur.*

ULTRA Sauromatas fugere hinc libet, & glaciale
Oceanum, quoties aliquid de moribus ^a audent
Qui Curios simulant, & Bacchanalia vivunt.

Indocti primùm: quanquam plena omnia ^b gypso
Chrysippi invenias nam perfectissimus horum est,
Siquis ^c Aristotelem similem, vel ^c Pittacon emit,
^d Et jubet archetypos pluteum servare Cleanthas.

Rarus sermo illis, & magna libido tacendi,
Atque supercilio brevior coma. Veriùs ergo,
Et magis ingenuè Peribonius. Hunc ego fatis

^a Sup. differere aut præcipere. — ^b Statuâ gypfaceâ. — ^c Imaginem
Aristotelis vel Pittaci. — ^d Imagines Cleanthis.

Imputo, qui vultu morbum incessuq; fatetur.
 Horum simplicitas miserabilis, his furor ipse
 Dat veniam: sed peiores, qui talia ^e verbis
 Herculis invadunt, & de virtute locuti
 Fœda patrant. Ego te ridentem, Sexte, verebor?
 Infamis Varillus ait, quo deterior te?
Loripedem rectus derideat, Æthiopem albus.
 Quis tulerit Gracchos de seditione querentes?
 Quis cœlum terris non misceat, & mare cœlo,
 Si fur displiceat Verri, homicida Miloni;
 Clodius accuset mœchos, Catilina Cethegum,
 In ^f tabulam Sullæ si dicant & discipuli tres?
 Nonne igitur jure, ac meritò, ^h vitia ultima ⁱ fictos
 Contemnunt Scauros, & ^k castigata remordent?
 Non tulit ex illis torvum Laronia quendam
 Clamantem toties: ubi nunc lex Julia, dormis?
 Ad quem ^l subridens: Felicia tempora, quæ te
 Moribus opponunt, habeat jam Roma pudorem,
 Tertius è cœlo cecidit ^m Cato. Sed tamen unde
 Hæc emis, hirsuto spirant opobalsama collo
 Quæ tibi? ne pudeat dominum monstrare tabernæ.
 At scrutare viros. faciunt hi plura: *sed illos*
Defendit numerus junctæque umbone phalanges.
Dat veniam ⁿ corvis, vexat censura ^o columbas.
 Fugerunt trepidi vera ac manifesta canentem
 Stocidæ. quid enim falsi Laronia? sed quid
 Non facient alii, cum tu multitia sumas
^p Cretice, & hanc vestem populo mirante perores?
 En habitum quo te leges ac jura ferentem
 Vulneribus crudis populus modò victor, & illud
 Montanum positis audiret vulgus aratris.
 Acer & indomitus, libertatisq; magister
 Cretice ^q pelluces. Dedit hanc contagio labem,
 Et dabit in plures: sicut *grex totus in agris*

^e Grandibus & magnificis, qualia usurparet Hercules.—^f Proscriptionis tabulam.—^g Augustus, Lepidus & Antonius, qui idem fecere quod Sylla.—^h Extreme vitiosi.—ⁱ Hypocritas.—^k Ipsi objurgati vicissim objurgant.—^l Ait Laronia subridens.—^m Morum gravis castigat.—ⁿ Virorum malorum nequitia.—^o Infirmas mulieres.—^p ludex.—^q Membra per vestem tenuem apparent.—^r Hinc hæc oriuntur scelera, quod inferos, fabulas esse aniles credant omnes.

176 *Excerptia ex JUVENALE.*

Unius scabie cadit, & porrigine porci.

† *Esse aliquos Manes, & subterranea regna,*
*Nec pueri credunt, nisi * qui nondum ære lavantur.*
Sed tu vera puta. Curius quid sentit, & ambo
Scipiadæ? quid Fabricius, manesq; Camilli?
Quid † Cremeræ legio, & ‡ Cannis consumpta juvenus,
Tot bellorum § animæ? quoties hinc talis ad illos
Umbra venit, cuperent lustrari, si qua darentur
Sulfura tum tædis, & si foret humida laurus.
Illuc heu miseri traducimur. Arma quidem ultra
Littora Juvernæ promovimus, & modò captas
Orcadas, ac minimâ contentos nocte Britannos.
Sed quæ nunc populi fiunt victoris in urbe,
Non faciunt illi quos vicimus.



S A T Y R A. iii.

Umbritius, poetæ causas reddit cur Baias migrat à
Româ.

Q UAMVIS digressu veteris confusus amici,
 Laudo tamen vacuis quòd sedem figere Cumis
 Destinet atque unum civem donare † Sibyllæ.
 Janua Bajarum est & gratum litus amœni
 Secessus. Ego ‡ vel Prochytam præpono § Suburræ.
 Nam quid tam miserum, tam solum vidimus, ut non
 Deterius credas; horrere incendia, lapsus
 Tectorum assiduos, ac mille pericula sævæ
 Urbis, & Augusto recitanteis mense poetas?

Sed dum † tota domus rhedâ componitur unâ,
 ‡ Substitit ad § veteres arcus, § madidamquæ Capenam:

* Infantes qui nondum quadrimi in balneis non lavantur sinè pre-
 tio. — † 306 Fabii à Vejentibus ad Cremeram flu. intercepti &
 cæsi. — ‡ In Appuliâ ab Annibale. — § Animæ virorum in bello cæ-
 forum. — † Quæ Cumis sacellum habuit. — ‡ Insulam in littore Cam-
 pano. — § Vico Romæ celeberrimo. — † Supellex & facultates Um-
 britii. — ‡ Umbritius expectans rhedam. — § Arcus aquæductuum qui
 illic erant. — § Propter fontes & aquæductus, qui in propinquo illius
 portæ sunt.

Hic, ^h ubi nocturnæ Numa constituebat amicæ.
 Nunc sacri fontis nemus, & delubra locantur
ⁱ Judæis : ^k quorum cophinus fœnumq; supellex.
 Omnis enim populo mercedem pendere jussa est
^l Arbor & ejectis mendicat sylvæ Camœnis.
 In vallem Egeriæ ^m descendimus, & speluncas
 Dissimiles veris. Quantò præstantius esset
 Numen aquæ, viridi si margine clauderet undas
 Herba, nec ingenuum violarent marmora tophum?
 Hic tunc Umbricius: Quando *artibus*, inquit, *honestis*
Nullus in urbe locus, nulla emolumenta laborum,
 Res hodie minor est herè quam fuit, atque eadem cras
 Deteret exiguis aliquid : proponimus illuc
 Ire, fatigatas ubi Dædalus exuit alas:
 Dum nova canicies, dum prima, & recta senectus,
 Dum superest ⁿ Lachesi quod torqueat, & pedibus me
 Porto meis, nullo dextram subeunte bacillo,
^o Cedamus patriâ: vivant ^p Arturius istic
 Et Catulus: maneant qui ^q nigra in candida vertunt.
 Queis facile est ^r ædem conducere, ^s flumina, ^t portus,
^u Siccandam eluviem, portandum ad busta cadaver,
 Et præbere caput dominâ venale sub hastâ.
 Tales ex humili magna ad fastigia rerum
 Extollit, quoties voluit, fortuna, jocari.
 Quid Romæ faciam? mentiri nescio: librum,
 Si malus est, nequeo laudare, & poscere: motus
 Astrorum ignoro: funus promittere patris
 Nec volo, nec possum: ^w ranarum viscera nunquam
 Inspexi. Ferre ad nuptam quæ mittit adulter,
 Quæ mandat, norint alii: me nemo ministro
 Fur erit, atque ideo nulli comes exeo, tanquam
 Mancus, & extinctæ corpus non utile dextræ.
Quis nunc diligitur nisi conscius, & cui fervens
Æstuat occultis animus, semperque tacendis?

^h Ubi constituebat simulatum congressum cum Egeriâ.—ⁱ Urbe à Domitiano pulsâ.—^k Quibus vas ex virgultis & fœnum est universa supellex.—^l Ad quam jumentum ligari posset. *vel* sub cujus umbrâ quiescere liceret.—^m Ego & Umbricius.—ⁿ Filum vitæ meæ quod torqueat.—^o Excedamus.—^p Adulatores.—^q Vitia in virtutes.—^r Reficiendam.—^s Aquam venalem.—^t Portuum vectigalia.—^u Cloacæ vel lacunæ sordes expurgandas.—^w Rubetarum exta ad veneficia non tracto.

Nil tibi se debere putat, nil conferet unquam,
 Participem qui te secreti fecit honesti.
 Carus erit Verri, qui Verrem tempore, quo vult,
 Accusare potest. Tanti tibi non sit opaci
 Omnis arena Tagi, quodque in mare volvitur aurum,
 Ut somno careas, ^x ponendaq; præmia sumas
 Tristis, & à magno semper timearis amico.

Quæ nunc divitibus gens acceptissima nostris,
 Et quos præcipuè fugiam, properabo fateri,
 Nec pudor obstat. Non possum ferre, Quirites,
^y Græcam urbem, quamvis quota portio sæcis Achææ?
 Jampridem Syrus in Tiberim defluxit Orontes,
 Et linguam, & mores, & cum tibicine chordas
 Obliquas, nec non gentilia tympana secum
 Vexit, & ad Circum jussas prostare puellas.
 Ingenium velox, audacia perdita, sermo
 Promptus, & ^z Isæo torrentior. Ede, quid illum
 Esse putes? quemvis hominem secum attulit ad nos,
 Grammaticus, rhetor, geometres, pictor, ^{*} aliptes,
 Augur, schœnobates, medicus, magus: omnia novit,
 Græculus esuriens, in cœlum, jusseris, ibit.

Quid? quòd adulandi gens prudentissima, laudat
 Sermonem indocti, faciem deformis amici,
 Et longum invalidi collum cervicibus æquat
 Herculis, Antæum procul à tellure tenentis.
 Miratur vocem angustam, quâ deterius nec
 Ille sonat, quo mordetur gallina ^a marito.
 Natio comœda est. Rides? majore cahinno
 Concutitur: flet, si lachrymas aspexit amici,
 Nec dolet: igniculum brumæ si tempore poscas,
 Accipit ^c endromiden: si dixeris æstuo, fudat.
 Non sumus ergo pares: melior, qui semper & omni
 Nocte dieq; potest alienum sumere vultum,
^d A facie jactare manus: laudare paratus,
 Si bene ructavit, si rectum minxit amicus;
 Si trulla inverso crepitum dedit aurea fundo.

Quod porro officium (ne nobis blandiar) aut quod
 Pauperis hîc meritum? si curet nocte togatus

^x Quæ non erant sumenda.—^y Romam Græcorum vitiis pollutam.—^z Oratore.—^{*} Qui Athletas ungit.—^a Gallo.—^c Vestem crassam & villosam,—^d Veluti cum admiratione.

* Currere, cùm prætor lictorem impellat & ire
Præcipitem jubeat, dudum vigilantibus orbis,
Ne prior ^f Albinam, aut ^f Modiam collega salutet.

Da testem Romæ tam sanctum, quàm fuit & hospes
Numinis Idæi: procedat vel Numa, vel ^h qui
Servavit trepidam flagranti ex æde Minervam
Protinus ad censum, de moribus ultima fiet
Quæstio, quot pascit servos, quot possidet agri
Jugera, quàm multâ magnâq; paropside cœnat?
*Quantum quisque suâ nummorum servat in arcâ,
Tantum habet & fidei.* Jures licet & ⁱ Samothracum
Et ^k nostrorum aras, contemnere fulmina pauper
Creditur atque Deos, Diis ignoscentibus ipsis.

Quid, quod materiem præbet caussasq; jocosum
Omnibus hic idem? si fœda ac scissa lacerna,
Si toga sordidula est, & ruptâ calceus alter
Pelle patet: vel si consuto ^l vulnere crassum
Atque recens linum ostendit non una ^m cicatrix.
*Nil habet infelix paupertas durius in se,
Quam quod ridiculos homines facit.* Exeat, inquit,
Si pudor est, & de pulvino surgat equestri,
Cujus res legi non sufficit, & sedeant hîc
Lenonum pueri quocunque in fornice nati.

Quis gener hîc placuit censu minor, atque puellæ
Sarcinulis impar? quis pauper scribitur hæres?
Quando in consilio est Ædilibus? agmine facto
Debuerant olim tennes migrasse Quirites.
*Haud facile emergunt, quorum virtutibus obstat
Res angusta domi.* Sed Romæ durior illis
Conatus: ⁿ magno hospitium miserabile, magno
Servorum ventres, & frugi cœnula magno.

Hîc ultra vires habitus nitor: hîc aliquid plus,
Quàm fatis est, interdum alienâ sumitur arcâ.
Commune id vitium est: *hîc vivimus ambitiosâ
Paupertate omnes.* Quid te moror? Omnia Romæ
Cum pretio. Quid das, ut Cossus aliquando salutes?

* Ut salutet & comitetur patronum.—^f Matronas, divites & or-
bas.—^g Scipio Nafica simulachrum matris deûm ex Idâ Phrygiâ ad-
vectum hospitio excepit, donec ei templum conditum foret.—^h Me-
tellus Pontifex ex Vestæ templi incendio eripuit Palladium.—ⁱ Mag-
norum Deorum.—^k Martis & Romuli.—^l Rupturâ.—^m Consuturæ
vestigium.—ⁿ Sup. constat.

Ut te respiciat ° clauso Vejento labello?
 Quis timet, aut timuit gelidâ Prænestæ ruinam,
 Aut positis nemorosa inter juga Volsiniis, aut
 Simplicibus Gabiis, aut proni Tiburis arce?
 Nos urbem colimus tenui tibicine fultâ
 Magnâ parte sui. Nam sic labentibus obstat
 Villicus, & veteris rimæ contextit hiatum,
 Securos pendente jubet dormire ruinâ.
 Vivendum est illic, ubi nulla incendia, nulli
 Nocte metus. Jam poscit aquam, jam p frivola transfert
 q Ucalegon: tabulata tibi jam tertia fumant,
 Tu nescis: nam si gradibus trepidatur ab imis,
 Ultimus ardebit r quem tegula sola tuetur
 A pluviâ, molles ubi reddunt ova columbæ.
 Lectus erat Codrø s Proculâ minor: urceoli sex,
 Ornamentum abaci: necnon & parvulus infra
 Cantharus, & recubans sub eodem marmore Chiron,
 Jamq; vetus Græcos servabat cista libellos,
 Et divina t Opici rodebant carmina mures.
 Nil habuit Codrus. Quis enim negat? & tamen illud
 Perdidit infelix totum nil; ultimus autem
 Ærumnæ cumulus, quod nudum, & frustra rogantem
 Nemo cibo, nemo hospitio, testóq; juvabit.
 Si potes avelli Circensibus optima u Soræ
 Aut u Fabrateriæ domus, ant u Frusinone paratur,
 Quanti nunc w tenebras unum conducis in annum.
 Hortulus x hîc, puteusq; brevis, nec y recte movendus
 In tenues plantas facili diffunditur haustu.
 Vive z bidentis amans & culti villicus horti,
 Unde epulum possis centum dare Pythagoreæis.
 Est aliquid quocunque loco, quocunque recessu,
 Unius sese dominum fecisse * lacertæ.

° Te non ore, vix nutu dignatus.—p Vilia quæque vasa ex incendio erepta.—q Vicinus.—r Qui summo habitat cœnaculo.—s Uxore snâ.—t Barbari.—u Oppid. Campaniæ in viâ Latinâ.—w Tenebrosam domum Romæ.—x In his oppidis.—y Non profundus.—z Agriculturæ. *Bidens furcæ, vel rastro genus est.*—* Hortuli lacertarum domicilii.



S A T Y R A vi.

In mulierum vitia.

CREDO pudicitiam ^a Saturno rege moratam
 In terris, visamq; diu, cùm frigida parvas
 Præberet spelunca domus, ignemque, laremque,
 Et pecus, & dominos communi clauderet umbrâ:
 Sylvestrem montana torum cùm sterneret uxor
 Frondibus, & culmo, vicinarumq; ferarum
 Pellibus: haud similis tibi ^b Cynthia, nec tibi, ^c cujus
 Turbavit nitidos extinctus passer ocellos.
 Quippe aliter tunc orbe novo, cœloque ^d recenti
 Vivebant homines, qui ^e rupto robore nati,
 Compositiq; luto nullos habuere parentes.
 Multa pudicitiae veteris vestigia forsan,
 Aut aliqua extiterant & ^f sub Jove, sed Jove nondum
 Barbato, nondum Græcis jurare paratis
 Per caput alterius, cum furem nemo timeret
 Caulibus, aut pomis, & ^g aperto viveret horto.
 Paulatim deinde ad superos Astræa recessit
^h Hâc comite, atque duæ pariter fugêre sorores.
ⁱ Conventum tamen, & pactum, & sponsalia nostrâ
 Tempestate paras: jamq; à tonsore magistro
 Pectus, & digito ^k pignus fortasse dedisti.
 Certè sanus eras. Uxorem, Posthume, ducis?
 Quid? quodd & antiquis uxor de moribus illi
 Quæritur: ô medici mediam pertundite venam:
 Delicias hominis: ^l Tarpejum limen adora
 Pronus, & ^m auratam Junoni cæde juvencam,
 Si tibi contigerit capitis matrona pudici.

^a Seculo aureo.—^b Culta & elegans amica Propertii.—^c Lesbia,
 Catulli amica, effusè lacrymans de morte passeruli.—^d Recens ex-
 tracto.—^e Ex figmento poetico.—^f Ætate argenteâ.—^g Sepimentis
 haud munito.—^h Pudicitia.—ⁱ Amicorum, super sponsalibus.—
^k Annulum.—^l Iovem Capitolinum in introitu arcis Tarpeiae.—
^m Auratis cornibus.

Paucæ adeo ⁿ Cereris vittas contingere dignæ.
Magna tamen fama est cujusdam rure paterno
Viventis. Vivat ° Gabiis, ut vixit in agro,
Vivat ° Fidenis, & agello cedo paterno.

Optima sed quare Cefennia teste marito?
p Bis quingenta dedit, tanti vocat ille pudicam.
Nec Veneris pharetris macer est, aut lampade fervet:
Inde faces ardent, *veniunt à dote sagittæ.*
Cur desiderio Bibulæ Sertorius ardet?
Si verum excutias, *facies, non uxor amatur.*
Tres rugæ subeant, & se cutis arida laxet,
Fiant obscuri dentes, oculiq; minores;
q Collige farcinulas, dicet libertus, & exi:

Nullâne de tantis gregibus tibi digna videtur?
Sit formosa, decens, dives, fœcunda, vetustos
Porticibus disponat q avos, intactior omni
Crinibus effusis bellum dirimente Sabinâ,
Rara avis in terris nigroque simillima cygno:
Quis feret uxorem, cui constant omnia? malo,
Malo r Venusinam, quàm te, ° Cornelia, mater
Gracchorum, si cum magnis virtutibus affers
Grande supercilium, & numeras in dote t triumphos.
Tolle tuum, precor, Hannibalem, victumq; Syphacem
In castris, & cum totâ Carthagine migra.
Quæ tanti gravitas? quæ forma, ut se tibi semper
Imputet? *hujus enim rari, summiq; voluptas*
Nulla boni, quoties animo corrupta superbo
Plus aloes, quàm mellis habet. Quis deditus autem
Usque adeò est, ut non illam, quàm laudibus effert,
Horreat? inq; dies septenis oderit horis?

Unde hæc u monstra tamen, vel quo de fonte requiris?
Præstabat castas humilis fortuna Latinas
Quondam, nec vitiis contingi parva sinebat

ⁿ Cujus mysteria non nisi castis fœm. sunt celebranda.—° Villorum oppidis: quod si non possit, multo minus Romæ.—p Mille festeria.—q Imagines majorum cereas quas in porticibus & atriis ordine disponere solebant.—r Pauperem & ignobilem uxorem ex Appuliâ.—s Scipionis Africani filia, Cornelia Gracchi uxor, Caii & Tiberii Gracchorum mater.—t Majorum tuorum non secus ac magna dos esset, mihi imperiosa insultes.—u *Prodigiis hæc nequitia: otio scilicet, opulentiâ & luxu.*

Tecta labor, somniq; breves, & ^w vellere Thusco
Vexatæ, duræq; manus, ac proximus urbi
Annibal, & ^x stantes Collinâ in turre mariti.
Nunc patimur longæ pacis mala: sævior armis
Luxuria incubuit, victumque ulciscitur orbem.
Nullum crimen abest facinusq; libidinis, ex quo
Paupertas Romana perit. ^y Hinc fluxit ad istos
Et Sybaris colles, hinc & ^z Rhodos, & Miletos,
Atque coronatum & petulans madidumq; Tarentum.
Prima peregrinos obscæna pecunia mores
Intulit, & turpi fregerunt secula luxu
Divitiæ molles. Quid enim Venus ebria curat?

Multis res angusta domi est, sed nulla pudorem
Paupertatis habet, nec se metitur ad illum
Quem dedit hæc posuitque modum tamen utile quid sit
Prospiciunt aliquando viri, frigusque famemque.
Formicâ tandem quidam expavere magistrâ:
Prodiga non sentit pereuntem sæmina censum,
At velut exhaustâ redivivus pullulet arcâ
Nummus, & è pleno semper tollatur acervo,
Non unquam reputat, quanti sibi gaudia constant.
Illa tamen gravior, quæ cum discumbere cœpit,
Laudat Virgilium, perituræ ignoscit ^a Elisæ,
Committit vates, & comparat inde Maronem,
Atque aliâ parte in trutinâ suspendit Homerum.
Cedunt grammatici, vincuntur rhetores, omnis
Turba tacet, nec caufidicus, nec præco loquatur,
Altera nec mulier: verborum tanta cadit vis,
Tot pariter pelves, & tintinnabula dicas
^b Pulsari: jam nemo ^c tubas atque æra fatiget,
Una laboranti poterit succurrere lunæ.
Imponit finem ^d sapiens & rebus honestis.

Non habeat matrona, tibi quæ juncta recumbit,
^e *Dicendi genus, aut curtum sermone rotato*

^w Tractando lanam Thuscam.—^x In excubiis ad portam Collinam, cum Annibal tertio ab urbe lapide castra posuisset.—^y Ex amissa paupertate & rerum affluentia.—^z Luxuria Græca, Asiatica. Miletos. n. civitas est in finibus Ionæ & Cariæ, in Asia minori, & Rhodos insula in mari Carpathio Cariæ adjacens.—^a Quæ ex amoris impatientiâ sibi mortem consciverit.—^b In tantum sonora est.—^c Ex more superstitiosorum, lunâ eclipsin patienti.—^d Philosophans.—^e Rhetoricam.

Torqueat ^f enthymema, Nec historias sciat omnes,
Sed quædam ex libris & non intelligat. Odi
 Hanc ego, quæ repetit volvitq; ^g Palæmonis artem,
 Servatâ semper lege, & ratione loquendi,
 Ignotôsq; mihi tenet antiquaria versus,
 Nec curanda viris ^h Opicæ castigat amicæ
 Verba: solœcismum liceat fecisse marito.
Nil non permittit mulier sibi, turpe putat nil,
Cum virides gemmas collo circumdedit; & cum
Auribus extensis magnos commisit ⁱ elenchos.
Intolerabilius nihil est, quàm fœmina dives.



S A T Y R A vii.

Doctorum studia & labores, pro levi & vili esse.

ET spes, & ratio studiorum in Cæsare tantum :
 Solus enim tristes hâc tempestate Camœnas
 Reipexit, cum jam celebres notiq; poetæ
 Balneolum Gabiis, Romæ conducere furnos
 Tentarent, nec fœdum alii, nec turpe putarent
 Præcones fieri, cum desertis Aganippes
 Vallibus esuriens migraret in ^a atria ^b Clio.
 Nam si ^c Pieriâ quadrans tibi nullus in arcâ
 Ostendatur, ames nomen viclumq; ^d Macheræ,
 Et vendas potius, commissa quod auctio vendit.

Nemo tamen studiis indignum ferre laborem
 Cogetur posthac, nescit quicumque canoris
 Eloquium vocale modis, ^e laurumq; momordit.
 Hoc agite, ô Juvenes, circumspicit & stimulat vos,
 Materiamq; sibi ducis indulgentia querit.

^f Argumentum Dialecticum. — ^g Grammaticam. — ^h Barbare lo-
 quentis. — ⁱ Inaures. — ^a Atria Licinia in foro, quo conveniebant
 præcones. — ^b Poeta Clius cultor. — ^c Tui, docti poetæ qui musas à
 Pieriâ colis. — ^d Præconis. — ^e Honorem lauri & gloriam poematis
 sui degustavit.

Si qua aliunde putas rerum expectanda tuarum
Præfidia, atque ideo croceæ membrana tabellæ
Impletur, ^f lignorum aliquid posce ocyus, & quæ
Componis, dona Veneris, Telefine, ⁱ marito:
Aut claude, & positos tineâ pertunde libellos.
Frangere miser calamos, ^k vigilataq; prælia dele,
Qui facis in parvâ sublimia carmina cellâ,
Ut dignus venias hederis, & imagine macrâ.
Spes nulla ulterior. Didicit jam dives avarus
Tantum admirari, tantum laudare disertos,
Ut pueri ^l Junonis avem. *Sed defluit ætas*
Et ^m pelagi patiens, & ⁿ cassidis atque ^o ligonis:
Iædia tunc subeunt animos, tunc sêque suâmq;
^p Terpsichoren odit facunda & nuda senectus.

Nos tamen hoc agimus, tenuiq; in pulvere sulcos
Ducimus, & littus tenui versamus aratro.
Nam si discedas, *laqueo tenet ambitiosi*
Consuetudo mali, tenet insanabile multos
Scribendi cacoethes, & ægro in corde senescit.
Sed vatem egregium, cui non sit publica vena,
Qui ^q nihil expositum soleat deducere, nec qui
Communi feriat carmen triviale monetâ,
Hunc, qualem nequeo monstrare, & sentio tantum,
Anxietate carens animus facit, ^r omnis acerbi
Impatiens, cupidus sylvarum, ^s aptusque bibendis
Fontibus Aonidum. *Neq; enim cantare sub antro*
Pierio, ^t thyrsum-ve potest contingere sana
Paupertas atque æris inops, quo nocte dièque
Corpus egit.

Declamare doces? ô ^u ferrea pectora ^w Vesti,
Cum ^x perimit sævos ^y classis numerosa tyrannos.
Nam quæcunq; sedens modò legerat, hæc eadem stans
Proferet, atq; eadem cantabit versibus iisdem,
Occidit miseros crambe repetita magistros.

^f Ad incendium.—ⁱ Vulcano igni.—^k Carmina quæ de bellis elu-
cubasti.—^l Pavonem.—^m Nauticæ.—ⁿ Militiæ.—^o Agriculturæ.
—^p Studia poetica.—^q Nihil humile aut vulgare.—^r Molestiis va-
cuus & liber.—^s Naturâ idoneus, quem ars perficiat, & quem fu-
rore suo inspirent Apollo & Musæ.—^t Furorem.—^u Nullius labo-
ris non patientissima.—^w O Rhetorum præceptor.—^x Perimendos
declamat.—^y Discipulorum.

Quis color, & quod sit ² causæ genus, atque ubi
^a summa

Quæstio, quæ veniant diversâ parte ^b sagittæ,
Scire volunt omnes, mercedem solvere nemo.

^c Mercedem appellas? quid enim scio? ^d culpa docentis
Scilicet arguitur, quod lævâ in parte mamillæ

Nil salit ^e *Arcadico juveni, cujus mihi sextâ*

Quâque die miserum dirus caput ^f Annibal implet.

Quicquid id est, de quo deliberat, an petat urbem

A Cannis: an post nimbos, & fulmina cautus

Circumagat madidas à tempestate cohortes.

^g Quantum vis stipulare, & protinus accipe. Quid do

Ut toties illum pater audiat? est alii sex

Et plures uno conclamant ore sophistæ,

Et veras agitant lites, ^h raptore relicto.

Ergo sibi dabit ipse rudem, si nostra movebunt

Consilia, & vitæ diversum iter ingreditur,

Ad pugnam qui rhetoricâ descendit ab umbrâ,

ⁱ Summula ne pereat, quâ vilis ^k tessera venit

Frumenti, quippe hæc merces lautissima. Tenta

Chryfogonus quanti doceat. *Res nulla minoris*

Constabit patri, quàm filius. ^l Unde igitur tot

Quintilianus habet saltus? ^m exempla novorum

Fatorum transi: ⁿ felix, & ^o pulcher, & ^p acer,

Felix, & sapiens, & nobilis, & generosus

Appositam nigræ lunam ^q subtexit ^r alutæ:

Felix, orator quoque maximus, & ^s jaculator,

Et si perfrixit, cantat bene. Distat enim, quæ

Sidera te excipiant modò primos incipientem

Edere vagitus, & adhuc à matre rubentem.

Si Fortuna volet, fies de rhetore consul,

Si volet hæc eadem, fies de consule rhetor.

² Deliberativum, demonstrativum aut judicale.—^a Controversiæ status.—^b Objectiones adversarii.—^c *Inquit discipulus*—^d *Resp. magister*.—^e Hebeti, quales sunt Arcades.—^f Declamatio de Annibale.—^g *Dicit dispensator qui Rhetori discipulum tradit*.—^h Themate ficto de raptore.—ⁱ Merces minima.—^k Tabella lignea certâ notâ insignita, quo symbolo ab horreis publ. frumentum petas.—^l *Obiect.* Fuit Quintilianus tam dives?—^m *Respon. a satis & fortuna illi obigerunt bona 1 fortunæ; 2 corporis & 3 animi*.—ⁿ Senatorum calceis luna affluta erat, sc. litera C. nota centenarii numeri patriciorum à Romulo institutorum.—^o Calceo ex alutâ.—^p Dialecticus.

ⁱ Ventidius quid enim? quid ⁱ Tullius? anne aliud
quàm

Sidus, & occulti miranda potentia fati?

Servis regna dabunt, captivis fata triumphos.

Felix ille tamen, corvo quoque rarior albo.

Pœnituit multos vane sterilibusque ⁱ cathedræ,

Sicut Thrasymachi probat exitus, atque Secundi

Carinatis, & hunc inopem vidistis Athenæ,

Nil præter gelidas ausæ conferre cicutas.

Dii majorum umbris tenuem, & sine pondere terram,

Spirantesque crocos, & in urnâ perpetuum ver,

Qui præceptorẽ sancti voluere parentis

Esse loco. Metuens virgæ jam grandis Achilles

Cantabat patriis in montibus: & cui non tunc

Eliceret risum citharædi ⁱ cauda magistri.

Sed Ruffum, atque alios cædit sua quæque juvenus,

Ruffum, qui toties Ciceronem Allobroga ⁱ dixit.



S A T Y R A viii.

*Veram nobilitatem non à majoribus derivari, verum
in virtute sitam esse.*

STEMMATA quid faciunt? quid prodest, Pontice,
longo

Sanguine cenferi, pictosq; ostendere vultus

Majorum, & stantes in curribus Æmilianos,

Et ⁱ Curios jam dimidios, nasumque minorem

ⁱ Corvini, & ⁱ Galbam auriculis nasq; carentem?

Quis fructus generis tabulâ jactare capaci

Corvinum, & posthæc multâ deducere virgâ

ⁱ Ven. Bassus è captivo & mulione ad præturam, consulatum & triumphum conscendit.—ⁱ Qui ex servâ natus Tarquinio Priscò in regno Rom. successit.—ⁱ Rhetoricæ professionis quam exercebant sedentes in cath.—ⁱ Inferior Chironis Centauri pars.—ⁱ Gallicæ cujusdam eloquentiæ esse dixit.—ⁱ Statuas nobilium vetustate diminutas & exesas;

Fumosos equitum cum dictatore magistros;
 Si coram Lepidis male vivitur? effigies quò
 Tot bellatorum, si luditur alea pernox
 Ante Numantinos, si dormire incipis ortu
 Luciferi, quo signa duces, & castra movebant?
^b Cur Allobrogicis & magnâ gaudeat arâ
 Natus in Herculeo Fabius lare, si cupidus, si
 Vanus, & Euganeâ quantumvis mollior agnâ?
 Tota licet veteres exornent undique ^c ceræ
 Atria: *Nobilitas sola est atque unica virtus.*
 Paulus, vel Cossus, vel Drusus moribus esto:
 Hos ante effigies majorum pone tuorum:
 Præcedant ipsas illi te consule virgas.
Prima mihi debes animi bona. Sanctus haberi,
 Justitiæq; tenax factis dictisq; mereris?
 Agnosco procerem: salve, Getulice, seu tu
 Silanus, quocunque alio de sanguine, rarus
 Civis, & egregius patriæ contingis ovanti.
 Exclamare libet ^d populus quod clamat Osiri
 Invento. Quis enim generosum dixerit hunc, qui
 Indignus genere, & præclaro nomine tantum
 Insignis? nanum cujusdam Atlanta vocamus:
 Æthiopem cygnum: parvam extortamq; puellam,
 Europen: canibus pigris, scabièque vetustâ
 Levibus, & siccæ lambentibus ora lucernæ,
 Nomen erit pardus, tigris, leo, si quid adhuc est,
 Quod fremit in terris, violentius. Ergo cavebis,
 Et metues, ne sic tu Creticus, aut Camerinus.

His ego quem monui? tecum est mihi sermo, Rubelli.
 Plaute, tumes alto Drusorum sanguine, tanquam
 Feceris ipse aliquid, propter quod nobilis esses.
 Vos humiles, inquis, vulgi pars ultima nostri,
 Quorum nemo queat patriam monstrare parentis:
 Ast ego, ^e Cecropides. ^f Vivas, & originis hujus
 Gaudia longa feras: tamen imâ plebe Quiritem
 Facundum invenies: solet hic defendere causas

^b Cur titulos Fabii Max. qui Allobrogas devicit usurpet, & originem gentis suæ ab Hercule ductam gloriatur Fabius Persicus fil. cui ob luxum à Prætoribus Urbano paternis bonis interdictum?—^c Cereæ imagines.—^d Non minori lætitiâ quam Ægyptii exultant, ubi invenerint Apim bovem.—^e Ait Rubellius.—^f *Resp. Rubellio Poeta.*

Nobilis indocti. Veniet de plebe & togatâ
 Qui juris nodos, & legum ænigmata solvat.
 Hic petit Euphraten juvenis, domitiq; Batavi
^b Custodes aquilas, armis industrius: at tu
 Nil nisi Cecropides, truncoq; simillimus ⁱ Hermæ;
 Nullo quippe alio vincis discrimine; quàm quòd
 Illi marmoreum caput est, tua vivit imago.
 Dic mihi Teucrorum proles, *animalia nuda*
Quis generosa putet nisi fortia? nempe volucrem
 Sic laudamus equum, ^k facili cui plurima palma
 Fervet, & exultat rauco victoria circo.
 Nobilis hic quocunque venit de gramine, cujus
 Clara fuga ante alios, & primus in æquore pulvis.
^l Sed venale pectus Corithæ, posteritas &
 Hirpini, si rara jugo victoria sedit:
 Nil ibi majorum respectus, gratia nulla
^m Umbrarum, dominos pretiis mutare jubentur
 Exiguis, tritoq; trahunt epirhedra collo
 Segnipedes, digniq; molam versare ⁿ Nepotis.
 Ergo ut miremur te, *non tua, quaeso, aliquid da,*
Quod possim titulis incidere, præter honores
Quos illis damus, & dedimus quibus omnia debes.
 Hæc satis ad juvenem, quem nobis fama superbam
 Tradit, & inflatum, plenumq; Nerone propinquo.
Rarus enim ferme sensus communis in illâ
Fortunâ. Sed te censerî laudè ^o tuorum,
 Pontice, noluerim, sic ut nihil ipse futuræ
 Laudis agas. *Miserum est aliorum incumbere famæ,*
Ne collapsa ruant subductis ^p testâ ^q columnis.
 Stratus humi palmes viduas desiderat ulmos.
 Esto bonus miles, tutor bonus, arbiter idem
 Integer, ambigua si quando citabere testis
 Incertæq; rei, ^r Phalaris licet imperet, ut sis
 Falsus, ^s & admoto dictet perjurâ tauro,
Summum crede nefas animam præferre pudori,

ⁱ Imâ & vili.—^b Præsidia posita ad coercendos Belgas.—^l Mercurii statuæ.—^k Ad cursum & veloci.—^l Equi contra etiam generosissimâ equâ Corithâ & victore equo Hirpino nati non æstimantur, sed venduntur si degeneres sint & raro certamine vincant.—^m Mortuorum majorum.—ⁿ Molitoris.—^o Majorum.—^p *Alleg.* gloria tua.—^q Meritis & honore majorum.—^r Tyrannus.—^s Velitque te ad perjurium adigere, minitatus tibi taurum aheneum.

Et propter vitam vivendi perdere causas.

^t *Dignus morte perit, cœnet licet ostrea centum*

^u *Gaurana, & ^w Cosmi toto mergatur abeno.*

Expectata diu tandem provincia cum te
 Rectorem accipiet, pone iræ fræna modúmque,
 Pone & avaritiæ, miserere inopum sociorum:
^x Offa vides regum vacuis exhausta medullis.
 Respice quid moneant leges, quid curia mandet,
 Præmia quanta bonos maneant, quàm fulmine iusto
 Et Capito, & Tutor ruerint damnante senatu
 Piratæ Cilicum. Sed quid damnatio confert,
 Cum ^y Panfa eripiat, quicquid tibi ^z Natta reliquit?
 Præconem ^a Chærippe tuis circumspice ^b pannis,
 Jamq; tace: *furor est post omnia perdere naulum.*
 Non idem gemitus olim, nec vulnus erat par
 Damnorum sociis florentibus, & modò victis:
 Plena domus tunc omnis, & ingens stabat acervus
 Nummorum, Spartana chlamys conchyliæ Coa,
 Et cum ^c Parrhasiâ tabulis, signisq; ^d Myronis,
^e Phidiacum vivebat ebur, nec non Polycleti
 Multus ubique labor, ^f raræ sine Mentore mensæ.
 Inde Dolabella est, atque hinc Antonius, inde
 Sacrilegus Verres, referebant navibus altis
 Occulta spolia, & plures de pace triumphos.
 Nunc sociis juga pauca boum, & grex parvus equarum.
 Et pater armenti capto eripietur agello,
 Ipsi deinde lares, si quod spectabile signum,
 Si quis in ædiculâ deus unicus. Hæc etenim sunt
 Pro summis: nam sunt hæc maxima. Despicias tu
 Forsitan imbelles Rhodios, & undamq; Corinthum
 Despicias meritò. Quid enim ^h refinata juvenus,
 Cruraq; totius facient tibi levia gentis?
 Horrida ⁱ vitanda est Hispania, Gallicus axis,

^t Sceleris sibi conscius, utut vivere videtur, perit.—^u Gaurus mons est Campaniæ maritimus prope lacum Lucrinum, ubi opt. ostrea.—^w Unguentarii vel luxuriosi.—^x Reges à præfectis exhaustos & fortunis omnibus exutos.—^y Posterior præfectus.—^z Præfectus prior.—^a O provincialis.—^b Qui vendat etiam pannos tuos ne sit quo te spoliet nonus præfectus.—^c Pictoris.—^d Statuarii.—^e A Phidiâ tam affabrè sculptum ut vivere videretur.—^f In quâ non erant pocula à Mentore cælata.—^g Unguentis delibutam, luxuriosam.—^h Refinâ levigata.—ⁱ Non laceffenda rapinis prætoris.

Illyricumque latus. Parce & * mefforibus illis
 Qui saturant ^l urbem circo scenæq; vacantem.
 Quanta autem inde feres tam diræ præmia ^m culpæ,
 Cum tenues nuper Marius discinxerit Afros?
 Curandum in primis ne magna injuria fiat
 Fortibus, & miseris. Tollas licet omne quod usquam est
 Auri atque argenti; scutum gladiumque relinques,
 Et jacula & galeam. *Spoliatis arma supersunt.*

° Quod modò proposui non est, sententia verum
 Credite me vobis folium recitare Sibyllæ.
 Si tibi sancta cohors comitum, si nemo tribunal
 Vendit corruptus nec cuncta per oppida curvis
 Unguibus ire parat nummos raptura ^p Celæno:
 Tunc licet à Pico numeres genus, altaq; si te
 Nomina delectant, omnem Titanida pugnam
 Inter majores ipsumque Promethea ponas:
 De quocunque voles proavum tibi sumito ^q libro.
 Quod si præcipitem rapit ambitus, atque libido,
 Si frangis virgas fociorum in sanguine, si te
 Delectent hebetes lasso lictore secures:

Incipit ipforum contra te stare parentum
 Nobilitas, claramq; facem præferre pudendis
*Omne animi vitium tanto conspectius in se
 Crimen habet, quanto major, qui peccat habetur.*

† Quò mihi te solitum falsas signare tabellas
 In templis quæ fecit avus, statuamq; parentis
 Ante triumphalem? quò, si nocturnus adulter
 Tempora ^s Santonico velas adoperta cucullo?

Præter † Majorum cineres, atque ossa volucris
 Carpento rapitur pinguis ^u Damasippus, & ipse,
 Ipse rotam stringit multo sufflamine consul,
 Nocte quidem: sed luna videt, sed sidera testes
 Intendunt oculos. Finitum tempus honoris
 Cum fuerit, clarâ Damasippus luce flagellum
 Sumet, & occursum nusquam trepidabit amici
 Jam senis, ac virgâ prior ianuet, atque ^w maniplos

* Afris.—^l Romam.—^m Spoliationis.—ⁿ M. Priscus.—^o Credite
 non esse sententiam humanam, sed oraculum Apollinis.—^p Uxor
 velut Harpyia. *vel* Avaritia tua.—^q Scriptore, *vel* historiâ,—
^r Quorsum te nobilem iactas? —^s Quo Santones Galliæ pop. utun-
 tur.—^t Viam Flaminiam vel Latinam ubi reliquiæ condebantur.—
^u Nobilis quispiam aurigandi studiosus.—^w Iugales. *vel*, Fasciculos sœni.
 Sol.

Solvēt, & infundet jumentis hordea lassis.

Defensor culpæ dicet mihi: *fecimus & nos*
Hæc juvenes. Esto: desisti nempe, nec ultra
Fovisti errorem. *Breve sit quod turpiter audes.*

Quædam cum primâ refecentur crimina barbâ.

Indulge veniam pueris. Damasippus ad illos
Thermarum calices, inscriptaq; ^x lintea vadit
^y Maturus bello Armeniæ, Syriæq; tuendis
Amnibus, & Rheno, atque Istro. Præstare Neronem
Securum valet hæc ætas. ^z Mitte Ostia, Cæsar,
Mitte; sed in magnâ legatum quære popinâ,
Invenies aliquo cum percussore jacentem
Permistum nautis, aut furibus, aut fugitivis:
Quid facies talem sortitus, Pontice, servum?
Nempe in ^a Lucanos, aut Thusca ergastula mittas.

At vos ^b *Trojugenæ vobis ignoscitis, & quæ*
Turpia ^c *cerdoni,* ^d *Volesos,* ^e *Brutosq; decebunt.*

Malo pater tibi sit ^e *Thersites, dummodo tu sis*
Æacidæ similis, Vulcaniaque; arma capeffas,
Quàm te Thersitæ similem producat Achilles.

Et tamen ut longè repetas, longèque revolvas
Nomen: ab infami gentem deducis ^f asylo.

Majorum primus quisquis fuit ille tuorum,
Aut pastor fuit, aut & illud, quod dicere nolo.



S A T Y R A x.

Homines ignorare quomodo orent. Petendam esse be-
nam mentem, cætera Deo permittenda.

O MNIBUS in terris, quæ sunt á Gadibus usque
Auroram & Gangem, pauci dignoscere possunt

^x Vela popinis & thermis, quæ cum lupanaribus confunduntur,
oppansa. — ^y Iam vir, militiæ habilis. — ^z An tibi opus est nobili vi-
ro, ò Cæsar, quem mittas ad Ostia Tiberis legatione. — ^y Agros
in Etruriâ, ubi vinctus fodiat. — ^b Nobiles Rom. — ^c Ignobili.
^d Nobiles. — ^e Græcorum deformissimus animo & corpore. — ^f Ad
quod, Romuli instituto, undique confugère scelerati. — ^g Latro, fici-
rius, homicida, spurcius, &c. qui ad asylum hoc confugit.

*Vera bona, atque illis multum ^a diversa, remotâ
Erroris nebulâ. Quid enim ratione timemus,
Aut cupimus: Quid tam ^b dextro pede concipis, ut te
Conatus non pœniteat, votiq; peracti?*

*Evertere domus totas optantibus ipsis
Dii faciles, nocitura ^c togâ, nocitura petuntur
Miliâ & torrens dicendi copia, multis
Et sua mortifera est facundia. Viribus ille
Confusus periit, admirandisq; lacertis.*

*Sed plures nimîa congesta pecunia curâ
Strangulat, & cuncta exuperans patrimonia census,
Quanto delphinis balæna Britannica major.
Temporibus diris igitur, jussuq; Neronis
Longinum, & magnos Senecæ prædivitis hortos
Clausit, & egregias Lateranorum obsidet ædes
Tota cohors. Rarus venit in ^d cœnacula miles.
Pauca licet portes argenti vascula puri,
Nocte iter ingressus gladium contumque timebis,
Et motæ ad lunam trepidabis arundinis umbram.
Cantabit vacuus coram latrone viator.*

*Prima ferè vota, & cunctis notissima templis,
Divitiæ ut crescant, ut opes, ut maxima toto
Nostra sit arca ^e foro. Sed nulla aconita bibuntur
Ficilibus: tunc illa time, cum pocula sumes
Gemmata, & lato Setinum ^f ardebit in auro.
Jam ne igitur laudas, quòd de sapientibus ^g alter
Ridebat, quoties à limine moverat unum
Protuleratq; pedem: flebat contrarius ^h alter?
Sed facilis cujus rigidi censura cachinni.
Mirandum est unde ille oculis suffecerit humor.
Perpetuo risu pulmonem agitare solebat
Democritus, quanquam non essent urbibus illis
Prætecta, & trabæ, fasces, lætica, tribunal.
Quid si vidisset prætorem in curribus altis
Extantem, & medio sublimen in pulvere circi
In ⁱ tunicâ Jovis, & pictæ ^k sarrana ferentem*

^a Mala quæ sunt bonis contraria.—^b Prospero auspicio.—^c Pace.
^d Pauperum.—^e In quo arcas habuerunt senatores, in quibus pecu-
nias tutius disponebant.—^f Veneno.—^g Democritus.—^h Heraclitus.
—ⁱ Togâ pictâ, quam triumphantes è Jovis templo sumptam indu-
ebant.—^k Tyria. Tyrus dicta est olim Sar.

Ex humeris ^l aulæa togæ, magnæq; coronæ
 Tantum orbem quanto cervix non sufficit ulla?
 Quippe tenet sudans ^m hanc publicus, & sibi consul
 Ne placeat, curru servus portatur eodem.
 Da nunc & ⁿ volucrem, sceptro quæ surgit eburno,
 Illinc cornicines, hinc præcedentia longi
 Agminis officia, & ^o niveos ad fræna Quirites,
 Defossa in oculis quos sportula fecit amicos.
 P Tunc quoque materiam risus invenit ad omnes
 Occursus hominum, cujus prudentia monstrat
 Summos posse viros, & magna exempla daturus
 Vervecum in ^q patriâ crassoq; sub aëre nasci.
 Ridebat curas, necnon & gaudia vulgi,
 Interdum & lachrymas, cum Fortunæ ipse minaci,
 Mandaret laqueum, mediumq; ostenderet unguem.
 Ergo supervacua hæc, aut perniciofa petuntur,
 Propter quæ fas est ^r genua incerare deorum.

Quosdam præcipitat subjecta potentia magnæ
 Invidiæ, mergit longa atque insignis honorum
^s Pagina, ^t descendunt statuæ, restemq; sequuntur.
 Ipsas deinde rotas bigarum impacta securis
 Cædit & immeritis franguntur crura caballis,
 Jam stridunt ignes, jam foliibus atque caminis
 Ardet adoratum populo caput, & crepat ingens
^u Sejanus, deinde ex facie toto orbe secunda
 Fiunt urceoli, pelves, sartago, patellæ.
 Pone domi lauros, duc in capitolia magnum
^w Cretatumq; bovem, Sejanus ducitur unco
 Spectandus. Gaudent omnes. ^x Quæ labra? quis illi
 Vultus erat? nunquam (si quid mihi credis) amavi
 Hunc hominem: sed quo cecidit sub crimine? quisnam
 Delator: quibus indiciis? quo teste probavit?
 Nil horum. Verbosa & grandis epistola venit
 A Capreis: bene habet, nil plus interrogo: sed quid

^l Togam latam & amplum instar aulæorum.—^m Coronam.—ⁿ Aulæam eburnei sceptri vertici insculptam.—^o Albis togis indutos.—
^p Suo tempore.—^q Abderâ, ubi barbari sunt & rudes instar vervecum.—
^r Concepta vota & in tabulis conscripta deorum genibus cerâ obsignata figere.—
^s Ænea quæ imaginibus affixa honorum gradus continebat.—
^t Damnatorum tyrannidis, vel gravis alicujus criminis, eradebantur Fastis nomina, frangebantur statuæ.—
^u Statua Sejani.—
^w Candidum Jovi gratum.—
^x Hæc inter se populus in horas mobilis.
 Turba

y Turba Remi? *sequitur fortunam, ut semper, & odit*
Damnatos. Idem populus, si z Nurscia Thusco
 Favisset, si oppressa foret secura senectus
 a Principis, hâc ipsâ Sejanum diceret horâ
 Augustum. Jam pridem ex quo suffragia nulli
 Vendimus, effugit curaš. Nam qui dabat olim
 Imperium, fasces, legiones, omnia, nunc se
 Continet, atque duas tantum res anxius optat
 b Panem, & b Circenses. c Perituros audio multos.
 Nil dubium, magna est fornacula. Pallidulus mî
 Brutidius meus ad Martis fuit obviu aram,
 Quàm timeo victus ne pœnas exigat Ajax,
 Ut male defensu: curramus præcipites, &
 Dum jacet in ripâ, calcemus Cæsaris hostem:
 Sed videant servi, ne quis neget, & pavidum in ius
 Cervice astrictâ dominum trahat. Hi sermones
 Tunc de Sejano, secreta hæc murmura vulgi.
 Vis ne salutari sicut Sejanus? habere
 Tantundem? atque illis fellas donare curules?
 Illum exercitibus præponere? tutor haberi
 Principis angustâ Caprearum in rupe sedentis
 Cum * grege Chaldæo? vis certè, pila, cohortes,
 Egregios equites, & castra domestica. Quid ni
 Hæc cupias? & qui nolunt occidere quenquam,
 Possè volunt. *Sed quæ præclara, & prospera tanti,*
Ut rebus lætis par sit mensura malorum?
 d Hujus qui trahitur prætextam sumere mavis,
 An e Fidenarum, Gabiorumque esse potestas?
 Et de mensurâ jus dicere, vasa minora
 Frangere pannosus vacuis ædilis f Ulubris?
 Ergo quid optandum foret ignorasse fateris
 Sejanum. Nam qui nimios optabat honores
 Et nimias poscebat opes, numerosa parabat
 Excelsæ turris tabulata, unde altior esset
 Casus, & impulsæ præceps immane ruinæ.
 Quid Crassos? quid Pompeios evertit? & z illum,

y Pop. Rom. — z Thuscorum & propriè Volturniensium dea. —
 a Tiberii. — b Victum è pane & voluptatem è ludis. — c Ait quidam.
 * Mathematicis. — d Summum imperium Sejani cum periculo? —
 e An municipiorum vilium magistratus, cum securâ tranquillitate?
 — f Deserto Volturnorum oppido. — g Syllam aut Iul. Cæsarem, aut
 Augustum.

Ad sua qui domitos deduxit flagra Quirites?
 Summus nempe locus nullâ non arte petitus,
 Magnaq; numinibus vota exaudita malignis.
Ad^h generum Cereris sine cæde & vulnere pauci
Descendunt reges, & ⁱ siccâ morte tyranni.

Eloquium ac famam Demosthenis, aut Ciceronis
 Incipit optare, & totis * Quinquatribus optat,
 Quisquis adhuc uno partam colit ¹ asse Minervam,
 Quem sequitur custos angustæ vernula capsæ:
 Eloquio sed uterque perit orator. Utrumque
 Largus & exundans letho dedit ingenii fons.
 Ingenio ^m manus & cervix cæsa. *Nec unquam*
Sanguine caufidici maduerunt rostra pusilli.

* O fortunatam natam me consule Romam.
 Antoni gladios potuit contemnere, si ^o sic
 Omnia dixisset. Ridenda poëmata malo,
 Quàm te conspicuæ, divina Philippica, famæ
 Volveris à primâ quæ proxima. Sævus & ^p illum
 Exitus eripuit, quem mirabantur Athenæ
 Torrentem & pleni moderantem fræna theatri,
 Diis ille adversis genitus, fatoq; sinistro,
 Quem ^q pater ardentis massæ fuligine lippus
 A carbone, & forcipibus, gladiosque parante
 Incude, & ^r luteo Vulcano ad ^s rhetora misit.

Bellorum exuviæ, truncis affixa trophæis
 Loricæ, & fractâ de casside buccula pendens,
 Et curtum temone jugum, victæq; triremis
 * Aplustre & summo tristis captivus in ^u arcu,
 Humanis majora bonis creduntur: ad ^w hæc se
 Romanus, Grajusq; ac barbarus induperator
 Erexit; causas discriminis atque laboris
 Inde habuit: *tanto major famæ sitis est, quam*
Virtutis. Quis enim virtutem amplectitur ipsam,

^h Plutonem Proserpinæ maritum, i. mortem.—ⁱ Non cruentâ.—
 * Festis Palladî sacris dictis a quinque diebus quibus celebrabantur.
 —¹ Exiguâ mercede rudimenta acquisita.—^m Manus & caput Cic.
 abscissa affigebantur rostris è quibus in Antonium dixerat.—ⁿ Versus
 Ciceronis de oppresso Catilinâ in suo consulatu.—^o Tam inepto
 versu.—^p Demosthenem.—^q Pater Demosth. qui gladios fabricavit.
^r Fabri ferrarij officinâ.—^s Scholam rhetoris, Isæi.—^t Victoriæ
 navalis monumenta.—^u Triumphali in quo incidebatur pugna.—
^w Trophæa quæ summa credunt bona.—^x Inscribendi.

Premia si tollas? patriam tamen obruit olim
 Gloria paucorum, & laudis tituliq; cupido
 * Hæfuri x faxis cinerum custodibus, ad quæ
 Discutienda valent y sterilis mala robora ficus:
Quandoquidem data sunt ipsis quoque fata sepulchris.
 Expende Annibalem, quot libras in duce summo
 Invenies? hic est, quem non capit Africa Mauro
 Perfusa Oceano, Niloq; admota tepenti,
 Rursus ad Æthiopum populos, z aliosq; elphantos,
 Additur imperiis Hispania: Pyrenæum
 Transilit, opposuit natura Alpemq; nivemq;
 Diduxit scopulos, & montem rupit a aceto.
 Jam tenet Italiam, tamen ultra pergere tendit,
 Actum, inquit, nihil est, nisi Pœno milite b portas
 Frangimus, & mediâ vexillum pono Suburrâ.
 O qualis facies, & quali digna tabellâ,
 Cum Getula ducem portaret c bellua d luscum!
 Exitus ergo quis est? ô gloria! vincitur idem
 Nempe, & in exilium præceps fugit, atq; ibi magnus
 Mirandusq; cliens sedet ad prætoria e regis,
 Donec Bithyno libeat vigilare tyranno.
 Finem animæ, quæ res humanas miscuit olim,
 Non gladii, non saxa dabunt, non tela: sed ille
 Cannarum vindex, ac tanti sanguinis ultor
 f Annulus. I, demens, & sævas curre per Alpes
 Ut pueris placeas & declamatio fias.
 Unus z Pellæo juveni non sufficit orbis.
 Æstuat infelix angusto limite mundi,
 Ut Gyaræ clausus scopulis, parvâq; Seripho.
 Cùm tamen à figulis munitam intraverit h urbem,
 Sarcophago contentus erit. *Mors sola fatetur,*
Quantula sint hominum corpuscula. Creditur olim
 Velificatus Athos & quicquid Græcia mendax
 Audet in historiâ. Cum stratum classibus i iisdem
 k Suppositumq; rotis solidum mare: credimus altos

* Sepulchris in quibus urnæ & cineres conduntur.—y Caprificus quæ ex muris erumpens saxa discutit.—z Non Indiæ orientalis: sed Lybiæ & Mauritaniae.—a Igni & aceto, ut refert Liv. 31.—b Romæ.
 c Elephas.—d Unoculum, alterum oculum amiserat vigiliis & palustri cœlo dum in Etruriam descenderet.—e Prusiæ regis Bithyniæ.
 f In ejus palcâ venenum in hunc usum habuit.—g Alexandro.—h Babyloniam.—i Quibus Athos fuit velificatus.—k Pons è navibus quo Seston Abido, Asiam Europæ junxit Xerxes.

Defecisse amnes, epotaq; flumina Medo
 Prandente & ¹ madidis cantat quæ Sostratus alis.
 Ille tamen qualis rediit Salamine relicta,
 In Corum atque Eurum solitus sævire flagellis
 Barbarus, Æolio nunquam hoc in carcere passos,
 Ipsum ^m compedibus qui vinxerat Ennosigæum?
 Mitius id sanè, quod non & stigmate dignum
 Credidit. Huic quisquam vellet servire deorum?
 Sed qualis rediit? Nempe unâ nave cruentis
 Fluctibus, ac tardâ per densa cadavera prorâ.
Has toties optata exegit gloria pœnas.

Da spatium vitæ, multos da, Jupiter, annos,
 Hoc recto vultu, solum hoc & pallidus optas.
Sed quam continuis & quantis longa senectus
Plena malis? deformem & tetrum ante omnia vultum,
 Dissimilemque sui, deformem pro cute pellem,
 Pendentesque genas, & tales aspice rugas,
 Quales umbriferos ⁿ ubi pandit Tabracha saltus,
 In vetulâ scalpit jam mater fimia buccâ.
 Plurima sunt juvenum discrimina, pulchrior ille
 Hoc, atque ille alio: multum hic robustior illo.
 Una senum facies, cum voce trementia membra,
 Et tam læve caput, madidique infantia nasi.
 Frangendus misero gingivâ panis inermi,
 Usque adeo gravis uxori, natisque sibi que,
 Ut ^o captatori moveat fastidia Cossio.
 Non eadem vini, atque cibi torpente palato
 Gaudia. Quid refert sedeat quâ parte theatri,
 Qui vix cornicines exaudiat, atque tubarum
 Concentus? clamore opus est, ut sentiat auris,
 Quem dicat venisse puer quot nuntiet horas.
 Præterea minimus gelido jam corpore sanguis
 Febre calet solâ. Circumflit agmine facto
 Morborum omne genus, quorum si nomina quæras
 Promptius expediam, quot villas possideat nunc
 Quo tondente gravis juveni mihi barba sonabat.

¹ Furore poetico ebrius veritatem & fidem historiæ excedit.—
^m Trecenta verbera Helleponto infligi, & par compedum in pelagus injici jussit.—ⁿ In sylvis juxta Tabracham, simiarum plenis.—
^o Hæredipetæ.

Ille humero, hic lumbis, hic coxa debilis, ambos
 Perdidit ille oculos, & luscis invidet, hujus
 Pallida labra cibum capiunt digitis alienis.
 Ipse ad conspectum cœnæ diducere rictum
 Suetus, hiat tantum, ceu pullus hirundinis, ad quem
 Ore volat pleno mater jejuna. Sed omni
 Membrorum damno major ^p dementia quæ nec
 Nomina fervorum, nec vultum agnoscit amici.
 Ut vigeant sensus animi, ducenda tamen sunt
 Funera natorum, rogos aspiciendus amatae
 Conjugis & fratris, plenæq; sororibus urnæ.
 Hæc data pœna diu viventibus, ut renovatâ
 Semper clade domus multis in luctibus, inq;
 Perpetuo mœrore & nigrâ veste fenescant.
 Rex Pylius (magno si quicquam credis Homero)
 Exemplum vitæ fuit à ^r cornice secundæ.
 Felix nimirum, qui tot per secula mortem
 Distulit, atque suos jam dextrâ computat annos,
 Quique novum toties mustum bibit. Oro parumper
 Attendas, quantum de legibus ipse queratur
 Fatorum & nimio de stamine, ^s cum videt acris
 Antilochi barbam ardentem. Nam quærit ab omni
 Quisquis adest socio, cur hæc in tempora duret,
 Quod facinus dignum tam longo admiserit ævo.
 Hæc eadem Peleus raptum cum luget Achillem,
 Atque ^t alius, cui fas ^u Ithacum lugere natantem.
 Incolumi Trojâ Priamus venisset ad umbras
 Asiaraci magnis solennibus, Hectore funus
 Portante ac reliquis fratrum cervicibus, inter
 Iliadum lacrymas, ut primos edere planctus
 Cassandra inciperet, scissâq; Polyxena pallâ:
 Si foret extinctus diverso tempore, quo jam
 Cœperat ^u audaces Paris ædificare carinas.
 Longa dies igitur quid contulit? omnia vidit
 Everfa, & flammis Asiam ferróque cadentem.
 Tunc miles tremulus positâ tulit arma tiarâ,

^p Ubi memoria, ratio & omnia mentis organa deficiunt.—^q Nestor.—^r Quæ novem vivere fertur ætates.—^s Cum videt fortem filium suum Antil. jam grandem & barbatum occisum & rogo ardentem.—^t Laertes.—^u Ulysses filium suum.—^v Quibus Helenam raperet.

Et ruit ante aram summi Jovis, ut vetulus bos
Qui domini cultris tenue & miserabile collum
Præbet, ab ingrato jam fastiditus aratro.

Festino ad ^w nostros, & ^x regem transeo Ponti,
Et Cræsum, *quem vox justi facunda Solonis*
Respicere ad longæ jussit spatia ultima vitæ.
Exilium, & carcer Minturnarumq; paludes,
Et mendicatus victâ Carthagine panis
^y Hinc causas habuere. Quid illo cive tulisset
Natura in terris, quid Roma beatius unquam,
Si ^z circumducto captivorum agmine, & omni
Bellorum pompâ, animam exhalasset opimam,
Cum de ^a Teutonico vellet descendere curru?
Provida Pompeio dederat Campania febres
Optandas: sed multæ urbes, & publica vota
Vicerunt. Igitur fortuna ipsius, & urbis
Servatum victo caput abstulit. Hoc cruciatu
Lentulus, hâc pœnâ caruit ceciditq; Cethegus
Integer, & jacuit Catalina cadavere toto.

Formam optat modico pueris, majore puellis
Murmure, cùm Veneris fanum videt anxia mater
Usque ad delicias votorum. Cur tamen, inquit,
Corripias? pulchrâ gaudet Latona Dianâ.
Sed vetat optari faciem Lucretia, qualem
Ipsa habuit. Cuperet ^b Rutilæ ^c Virginia gibbum
Accipere atque suam Rutilæ dare. Filius autem
Corporis egregii miseros trepidosque parentes
Semper habet. *Rara est adèò concordia formæ*
Atque pudicitiae. Sanctos licet ^d horrida mores
Tradiderit domus, ac veteres imitata ^e Sabinas,

Nil ergo optabunt homines? si consilium vis,
Permittes ipsis expendere numinibus, quid
Conveniat nobis, rebusq; sit utile nostris
Nam pro jucundis aptissima quæque dabunt dii.
Charior est illis homo, quàm sibi. Nos ^f animorum
Impulsi & cœcâ magnâq; cupidine ducti
Conjugium petimus, partumq; uxoris: at illis

^w Romana exempla.—^x Mithridatem.—^y Ex vitâ longâ.—^z In triumpho.—^a Quo de Teutonibus triumphans vehebatur.—^b Deformis & gibbosæ.—^c Filia L. Virginij, plebeij quæ ne in libidinosum Appij Claudij servitium veniret, à patre fuit interfecta.—^d Pauperies pudicitiae mater.—^e Castissimas.—^f Affectuum.

Notum, qui pueri, qualisq; futura sit uxor.
Orandum est, ut sit mens sana in corpore sano,
 Fortem posce animum, & mortis terrore carentem,
 Qui spatium vitæ extremum inter munera ponat
 Naturæ, qui ferre queat quoscunque dolores,
 Nesciat irasci, cupiat nihil, & potiores
 Herculis ærumnas credat sævosq; labores
 Et Venere, & cœnis & plumis & Sardanapali.
 Monstro, quod ipse tibi possis dare. *Semita certè*
Tranquillæ per virtutem patet unica vitæ.
 Nullum numen abest, si sit prudentia: sed te
 Nos facimus, Fortuna, deam, cæloque locamus.



S A T Y R A. xiii.

*Calvinum plus æquo ob amissos nummos dolentem
 consolatur.*

EXEMPLO quodcunq; malo committitur, ipse
 Displicet auctori. Prima est hæc ultio, quod se
 Judice, nemo nocens absolvitur, improba quamvis
 Gratia fallacis prætoris vicerit ^a urnam.
 Quid sentire putas omnes, Calvine, retenti
 De scelere, & fidei violatæ crimine? sed nec
 Tam tenuis census tibi contigit, ut mediocris
 Jacturæ te mergat onus: nec rara videmus
 Quæ pateris: casus multis hic cognitus, ac jam
 Tritus & è medio Fortunæ ductus acervo.
 Ponamus nimios gemitus, flagrantior æquo
 Non debet dolor esse viri nec vulnere major.
 Tu quamvis levium minimam, exiguamq; malorum
 Particulam vix ferre potes, spumantibus ardens
 Visceribus, ^b sacrum tibi quod non reddat amicus
 Depositum. ^c Stupet hæc, qui jam post terga reliquit

^a Ultimi Assyriorum regis, viri mollissimi.— ^a In quam suffragia
 conjiciebantur, i. judicium.— ^b Quod se sacramento jurisjurandi
 obstruxit redditurum.— ^c An tu hæc, quæ vulgo fiunt, scelera ad
 stuporem miraris.

Sexaginta annos Fonteio consule natus?
 An nihil in melius tot rerum proficis usu?
Magna quidem sacris quæ dat præcepta libellis
Victrix Fortunæ Sapientia. Dicimus autem
Hos quoque felices, qui ferre incommoda vitæ
Nec jactare jugum vitæ didicere magistrâ.

Quæ tam festa dies, ut cesset prodere furem,
 Perfidiam, fraudes, atque omni ex crimine lucrum
 Quæsitum, & partos ^d gladio vel ^e pyxide nummos?
Rari quippe boni, numero vix sunt totidem, quot
† Thebarum portæ, vel divitis ostia Nili.
 Nunc ætas agitur, pejoraq; secula ferri
 Temporibus, quorum sceleri non invenit ipsa
 Nomen & à nullo posuit natura metallo.
 Nos hominum, divûmq; fidem clamore ciemus,
 Quanto Fessidium laudat vocalis agentem
 ‡ Sportula. Dic, senior ^h bullâ dignissime, nescis
Quas habeat Veneres aliena pecunia, nescis
 Quem tua simplicitas risum vulgo moveat, cùm
 Exigis à quoquam ne pejeret, & putet ullis
 Esse aliquod numen templis, aræq; ⁱ rubenti?
 Quondam hoc Indigenæ vivebant more priusquàm
 Sumeret agrestem posito diademate falcem
 Saturnus fugiens, tunc cùm virguncula Juno,
 Et privatus adhuc Idæis Jupiter antris:
Improbilas illo fuit admirabilis ævo.
Credebant hoc grande nefas, & morte piamdum
Si juvenis vetulo non assurrexerat, & si
Barbato cuicunque puer, licet ipse videret
 Plura domi ^k fraga, & majores ^k glandis acervos,
 Tam venerabile erat præcedere quatuor annis,
 Primaq; par adeò sacræ lanugo senectæ.
 Nunc si depositum non inficietur amicus,
 Si reddat veterem cum totâ ^l ærugine ^m follem
 Prodigiosa fides, & ⁿ Thuscis digna tabellis.
 Egregium sanctumq; virum si cerno bimembri
 Hoc monstrum puero, mirandis sub vel aratro

^d Latrocinio. — ^e Veneno in pyx. — ^f Quæ septem habuit portas.
 ‡ Clientes vocales sportulâ conducti. — ^h Puerorum insigni. — ⁱ San-
 guine aut igni. — ^k Priscorum censum. — ^l Pecuniâ æruginosâ. —
^m Crumenam. — ⁿ Inscribenda Thuf. aruspicum libris, vel expianda
 tanquam monstrum ex disciplinâ Etruscâ.

Piscibus inventis, & foetæ comparo mulæ,
Sollicitus tanquam lapides effuderit imber,
Examēq; apium longâ confederit uvâ
Culmine delubri, tanquam in mare fluxerit amnis
Gurgitibus miris, & lactis vortice torrens.

Intercepta decem quereris festertia fraude
Sacrilegâ: quid si bis centum perdidit alter?
*Tam facile & pronum est, superos contemnere testes
Si mortalis idem nemo sciat.* Aspice quantâ
Voce neget, quæ sit ficti constantia vultûs.
Per solis radios, p Tarpejaque fulmina jurat,
Pérque tuum, pater Ægæi Neptune, tridentem,
Addit & Herculeos arcus, hastâmq; Minervæ,
Quicquid habent telorum armamentaria cœli.
Si verò & pater est, comedam, inquit, flebile nati
Sinciput elixi q Pharioq; madentis aceto.

Sunt qui in fortunæ jam casibus omnia ponunt,
Et nullo credunt mundum rectore moveri,
Naturâ volvente vices & r lucis & anni,
Atque ideò intrepidi quæcunque altaria s tangunt.

Est alius metuens ne crimen pœna sequatur,
Hic putat esse deos, & pejerat, atque ita t secum,
Decernat quodcunq; volet de corpore nostro
Isis, & irato feriat mea lumina fistro.

Dummodo vel cœcus teneam, quos abnego, nummos.
Et phthisis, & vomicæ putres, & dimidium crus
Sunt tanti? pauper locupletem optare podagram
Ne dubitet Ladas, si non eget u Anticyrâ, nec
w Archigene. *Quid enim velocis gloria plantæ
Præstat, & esuriens x Pisææ ramus olivæ?*

Ut sit magna, tamen certè lenta ira deorum est.
Si curant igitur cunctos punire nocentes,
Quando ad me venient? sed & exorabile numen
Fortasse experiar; solet y his ignoscere: multi
Committunt eadem diverso crimina fato.

Ille crucem pretium sceleris tulit, hic diadema.
Sic animum diræ trepidum formidine culpæ
Confirmant. Tunc te sacra ad delubra z vocantem

p Jovis Capitolini. — q Ægyptio, quod est optimum. — r Diei. —
s Ubi conceptis verbis jurant. — t Dicit. — u Elleboro nigro. — w Me-
dico. — x Olympicæ. — y Quibusdam. — z Exigentem ab eo jusjuran-
dum de deposito.

Præcedit, trahere ^a imò ultro, ac vexare paratus.
 Tu miser exclamas, ut Stentora vincere possis,
 Vel potius quantum Gradivus Homericus: audis
 Jupiter hæc? nec labra moves, cum mittere vocem
 Debueras vel marmoreus, vel aheneus? aut cur
 In ^b carbone tuo ^c chartâ pia thura solutâ
 Ponimus? ut video, nullum discrimen habendum est
 Effigies inter vestras, statuamq; ^d Batulli.

Accipe quæ contrâ valeat solatia ferre,
 Et qui nec Cynicos, nec Stoica dogmata legit
^e A Cynicis tunicâ distantia, non Epicurum
 Suspicit exigui lætum plantaribus horti.
 Curentur dubii medicis majoribus ægri,
 Tu venam vel ^f discipulo committe Philippi.

Si nullum in terris tam detestabile factum
 Ostendis, taceo, nec pugnis cædere pectus
 Te veto, nec planâ faciem contundere palmâ,
Quandoquidem accepto & claudenda est janua damno,
Et majore domûs gemitu, majore tumultu
Planguntur nummi, quàm funera. Nemo dolorem
Fingit in hoc casu, vestem diducere summam
 Contentus vexare oculos humore coacto:
Ploratur lacrymis amissa pecunia veris.

Sed si cuncta vides simili fora plena querelâ,
 Te nunc delicias ^h extra communia censes
 Ponendum, quia tu ⁱ gallinæ filius albæ,
 Nos ^k viles pulli nati infelicibus ovis.

At vindicta bonum vitâ jucundius ipsâ.
 Nempe hoc indocti, quorum præcordia nullis
 Interdum aut levibus videas flagrantia causis,
 Quantulacunque adeò est occasio, sufficit iræ.
 Chrysippus non dicet idem, nec mite Thaletis
 Ingenium dulciq; ^l senex vicinus Hymetto,
 Qui partem acceptæ sæva inter vincla cicutæ
 Accusatori nollet dare. Plurima felix

^a Te quasi cunctantem.—^b Thuribulo.—^c Quâ thura erant involuta.—^d Citharædi, cui statuam Sami in templo Junonis erexit Polycrates tyrannus.—^e Cynici duplici pallio, Stoici simplici utebantur: Doctrina erat eadem.—^f Medico rudiori.—^g In signum luctûs.—^h Extra communem sortem.—ⁱ Tibi videris supra alios feliciter natus.—^k Nullius preeii homunculi.—^l Socrates.

Paulatim vitia, atque errores exuit omnes
 Prima docens rectum sapientia: quippe minuti
Semper & infirmi est animi, exiguique voluptas
 Ultio. Continuo sic collige, quod vindicta
 Nemo magis gaudet quam femina. Cur tamen hos tu
 Evasisse putes, quos diri conscia facti
Mens habet attonitos, & m surdo verberare cedit
Occultum quatiente animo tortore flagellum?
 Poena autem vehemens, ac multo saevior illis,
 Quas & n Ceditius gravis invenit, aut Rhadamanthus,
Nocte dieque suum gestare in pectore o testem.
 Spartano cuidam respondit Pythia vates,
 Haud impunitum quondam fore, quod dubitaret
 Depositum retinere, & fraudem p jure tueri
 p Jurando: quærebat enim quæ numinis esset
 Mens, & an hoc illi facinus suaderet Apollo.
 Reddidit ergo metu, non moribus: & tamen omnem
 Vocem adyti dignam templo, veramq; probavit,
 Extinctus totâ pariter cum prole domoque,
 Et quamvis longâ deductis gente propinquis.
 Has patitur pœnas peccandi sola voluntas.
Nam scelus intra se tacitum qui cogitat ullum,
Facti crimen habet. Cedo si conata peregit?
 Perpetua anxietas, nec mensæ tempore cessans.
 Hi sunt qui trepidant, & ad omnia fulgura pallent,
 Cum tonat, exanimes primo quoque murmure cœli,
 Non quasi fortuitu, nec ventorum rabie, sed
 Iratus cadat in terras, & vindicet ignis.
 Illa nihil nocuit, curâ graviore timetur
 Proxima tempestas, velut hoc dilata sereno.
 Præterea lateris vigili cum febre q dolorem
 Si cœpere pati, missum ad sua corpora morbum
 Infesto credunt à numine, faxa Deorum
 Hæc & tela putant. r Pecudem spondere facello
 Balantem, & Laribus cristam promittere galli
 Non audent. *Quid enim sperare nocentibus ægris*
Concessum? vel quæ non dignior hostia vitâ?
Mobilis & varia est firmè natura malorum:

m Tacito. — n Judex sub Vitellio severus. — o Conscientiam carnis-
 scem. — p *Timeis*. Jurejurando. — q Pleuritida. — r Pro sanitate
 recuperandâ vovete.

*Cum scelus admittunt, ^s superest constantia. Quid fas
Atque nefas, tandem incipiunt sentire peractis
Criminibus. Tamen ad mores natura recurrit
Damnatos, fixa, & mutari nescia. Nam quis
Peccandi finem posuit sibi, quando recepit
Ejectum semel attritâ de fronte pudorem?
Quisquam hominum est, quem tu contentum videris
uno*

*Flagitio? dabit in laqueum vestigia noster
Perfidus, & nigri patietur carceris uncum,
Aut maris Ægæi rupem, scopulosque frequentes
Exulibus ^t magnis. Pœnâ gaudebis amarâ
^u Nominis invisi, tandemque fatebere lætus
Nec surdum, nec ^w Tiresiam quenquam esse Deorum.*



S A T Y R A xiv.

Parentes reprehendit qui malis exemplis & pravâ institutione, filios suos corrumpunt.

PLURIMA sunt, Fuscine, & famâ digna sinistra,
Et nitidis maculam, ac rugam figentia rebus,
Quæ monstrant ipsi pueris traduntq; parentes.

Si damnosa senem juvat alea, ludit & hæres
^a Bullatus, parvoq; eadem movet ^b arma fritillo

Nec de se melius cuiquam sperare propinquo
Concedit juvenis, qui radere tubera terræ,
Boletum condire, & eodem ^c jure natantes
Mergere ficedulas didicit nebulone parente,
Et ^d canâ monstrante gulâ: cùm septimus annus
Transierit puero, nondum omni dente renato,
Barbatos licet admoveas mille inde magistros,
Hinc totidem, cupiet lauto cœnare paratu

^s Nullum vitium definit ubi incipit.—^t Nobilibus.—^u Hominis.—
^w Nec cœcum ut fuit Tiresias.—^a Filius adhuc puer. Sat. 5. 31.
—^b Talos, &c.—^c Condimento.—^d Cano patre guloso.

Semper & * à magnâ non degenerare culinâ.

Sic natura jubet, *velocius & citius nos*
Corrumpunt vitiorum exempla domestica, e magnis
Cum subeant animos autoribus. Unus, & alter
 Forſitan hæc ſpernant juvenes, quibus arte benignâ
 Et meliore luto finxit præcordia Titan:
 Sed reliquos fugienda patrum veſtigia ducunt,
 Et monſtrata diu veteris trahit orbita culpæ.
 Abſtineas igitur, ne crimina noſtra ſequantur
 Ex nobis geniti. Quoniam *dociles imitandis*
Turpibus, ac prævis omnes ſumus, & f Catilinam
 Quocunque in populo videas, quocunque ſub axe:
 Sed nec g Brutus erit, Bruti nec g avunculus uſquam.
Nil dictu fædum viſuque hæc limina tangat,
Intra quæ puer eſt. Procul hinc, procul inde, ſceleſti.
Maxima debetur puero reverentia: ſi quid
 Turpe paras, nec, tu pueri contempſeris annos,
 Sed peccaturo obſiſtat tibi filius infans.
 Nam ſi quid dignum cenſoris fecerit irâ,
 (Quandoquidem ſimilem tibi ſe non corpore tantum
 Nec vultu dederit, morum quoque filius) & cum
 Omnia deterius tua per veſtigia peccet,
 Corripies nimirum, & caſtigabis acerbo
 Clamore, ac poſt hæc h tabulas mutare parabis?
 i Unde tibi frontem libertatemq; parentis,
 Cum facias pejora ſenex? vacuumq; cerebro
 Jampridem caput hoc ventoſa k cucurbita quærat?
 Ergo miſer trepidas, ne ſtercore foeda canino
 Atria diſpliceant oculis venientis amici,
 Ne perfuſa luto ſit porticus, & tamen uno
 Semodio ſcobis hæc emendat ſervulus unus:
 Illud non agitas, ut ſanctum filius omni
 Aſpiciat ſine labe domum, vitioq; carentem?
Gratum eſt, quòd patriæ civem populoque dediſti,
Si facis, ut patriæ ſit idoneus, utilis agris,
 Utilis & bellorum, & pacis rebus agendis.
 Plurimum enim intererit, quibus artibus, & quibus hunc tu

* A paterno luxu.— e Parentibus & majoribus.— f Malos qualis fuit Catilina.— g Boni & patriæ aſſertores, qualis erat M. Brutus, & Cato Utic.— h Tab. Teſtamenti mutare & eum exhæredare.— i Sup. fumes.— k Tibi quaſi phrenetico adhibenda eſt.

Moribus instituas. Serpente Ciconia pullos
Nutrit & inventâ per devia rura lacertâ:

¹ Illi eadem sumptis quærunt animalia pennis.
Vultur jumento, & canibus crucibusq; relictis
Ad foetus properat, partemq; cadaveris affert:
Hic est ergo cibus magni quoque vulturis, & se
Pascentis, propriâ cum jam facit arbore nidos.
Sed leporem, aut capream, ^m famulæ Jovis, & ⁿ generosæ
In saltu venantur aves, tunc præda cubili
Ponitur: inde autem, cum se matura levabit
Progenies, stimulante fame, festinat ad illam
Quam primùm ^o rupto prædam gustaverit ovo.

Ædificator erat Centronius, & modo curvq;
Littore Cajetæ, summâ nunc Tîburis arce,
Nunc Prænестinis in montibus, alta parabat
Culmina villarum, Græcis longèq; petitis
Marmoribus, vincens Fortunæ, atque Herculis ædem.
Dum sic ergo habitat Centronius, imminuit rem,
^p Fregit opes: nec parva tamen mensura relicta
Partis erat, totam hanc, ^p turbavit filius amens,
Dum meliorem novæ attollit marmore villas.

Quidam fortiti metuentem sabbata ^q patrem,
^r Nil præter nubes, & cœli numen adorant,
Nec distare putant humanâ carne suillam,
Quâ pater abstinuit, quoq; servant ac metuunt jus,
Tradidit arcano quodcunque volumine Moses:
Non monstrare vias, eadem nisi sacra colenti:
Quæsitum ad fontem solos deducere verpos.
Sed pater in causâ, cui septima quæque fuit lux
Ignava, & partem vitæ non attigit ullam.

Sponte tamen juvenes imitantur cætera, solam
Inviti quoque avaritiam exercere jubentur.
Fallit enim vitium specie virtutis & umbrâ,
Cum sit triste habitu, vultuq; & veste severum.
Nec dubiè tanquam frugi laudatur avarus,
Tanquam parvus homo, & rerum tutela suarum.
Et pater ergo animi felicitis credit avaros

¹ Pulli jam pennati. — ^m Aquilæ Jovis armigeræ. — ⁿ Accipitres. —
^o Ovo exclusa & tenella progenies. — ^p Absumpsit. — ^q Judæum. —
^r Ad columnam illam Nubis & ignis castra præcedentem respicere
videtur.

Qui mirantur opes, qui nulla exempla beati
Pauperis esse putant; juvenes hortantur, ut illam
Ire viam pergant, & eidem incumbere sectæ.

Sunt quædam vitiorum elementa, his protinus illos
Imbuit & cogit minimas ediscere sordes:
Mox acquirendi docet insatiabile votum.

*Sed quò divitias hæc per tormenta coactas?
Cum furor haud dubius, cum sit manifesta phrenesis,
Ut locuples moriaris egenti vivere fato.*

Interea pleno cum turget facculus ore,
Crescit amor nummi, quantum ipsa pecunia crescit,
Et minus hanc optat, qui non habet. Ergo paratur
Altera villa tibi, cum rus non sufficit unum,
Et proferre libet fines, majorq; videtur
Et melior vicina seges, mercaris & hanc, &
Arbusta, & densâ montem qui canet olivâ.

Sed qui sermones? quæ fœdæ buccina famæ?
Quid nocet hoc? inquit, * tunicam mihi malo lupini,
Quàm si me toto laudet vicinia pago
Exigui ruris paucissima farra secantem.

† Scilicet & morbis, & debilitate carebis,
Et luctum & curam effugies, & tempora vitæ
Longa tibi post hæc fato meliore dabuntur,
Si tantum culti solus possederis agri,
Quantum sub Tatio populus Romanus arabat.
Nunc * modus hic agri nostro non sufficit horto.

Inde ferè scelerum causæ, nec plura venena
Miscuit, aut ferro grassatur sæpius ullum
Humanæ mentis vitium, quàm sæva cupido
‡ Indomiti census. Nam dives qui fieri vult,
Et cito vult fieri: sed quæ reverentia legum?
Quis metus, aut pudor est unquam properantis avari?
Vivite contenti casulis, & collibus istis

O pueri, § Marius dicebat, & § Hernicus olim;
¶ Vestinusq; senex, panem quæramus aratro,
Qui satis est mensis. Laudant hoc numina ruris,
Quorum ope, & auxilio gratæ post munus aristæ
Contingunt homines veteris fastidia quercus.
Nil vetitum fecisse volet, quem non pudet alto

* Siliquam lupini leguminis.—† Hæc Poeta cum irrisione.—‡ In-
finiti — § Italiæ pop.—¶ i. e. Duo jugera.

Per glaciem perone tegi, qui summovet Euros,
 Pellibus inverfis. Peregrina ignotaq; nobis
Ad scelus, atque nefas quodcunque est, purpura ducit.
 Hæc illi veteres præcepta minoribus: at nunc
 Post finem Autumni mediâ de nocte supinum
 Clamorus juvenem pater excitat; accipe ^x ceras,
 Scribe puer, vigila, causas age, perlege ^y rubras
 Majorum leges, aut ^z vitem posce ^a libello.
 Si piget, & trepido solvunt tibi cornua ventrem
 Cum lituis audita, pares quod vendere possis,
^b Pluris dimidio, nec te fastidia mercis
 Ullius subeant ablegandæ ^c Tiberim ultra,
 Nec credas ponendum aliquid discriminis inter
 Unguenta, & corium. *Lucri bonus est odor ex re*
Qualibet. Illa tuo sententia semper in ore
 Versetur diis atque ipso Jove digna, ^d poetæ:
Unde habeas querit nemo, sed oportet habere.
 Hoc monstrant vetulæ pueris poscentibus assem:
 Hoc discunt omnes ante Alpha & Beta puellæ.

Talibus instantem monitis quemcunq; parentem
 Si possum affari: dic ô vanissime, quis te
 Festinare jubet? meliorem ^e præsto magistro
 Discipulum. Securus abi, vincêris ut Ajax
 Præteriit Telamonem, ut Pelea vicit Achilles.
 Falsus erit testis. vendet perjuria summâ
 Exiguâ, Cereris tangens aramq; pedemq;.
^f Elatam jam crede nurum, si limina vestra
 Mortiferâ cum dote subit, quibus illa premetur
 Per somnum digitis? nam quæ terrâque mariq;
 Acquirenda putes, brevior via conferet illi.
Nullus enim magni sceleris labor. Hæc ego nunquam
 Mandavi, dices olim, nec talia suasi
 Mentis causa malæ tamen est, & origo penès te.
 Nam quisquis magni censûs præcepit amorem,
 Et ^g lævo monitu pueros producit avaros,
 Et qui per fraudes patrimonia conduplicare
 Dat libertatem, totas effudit habenas

^x Tabellas cereas.—^y Minio consignatas.—^z Centurionis munus,
 qui vitem gestabat quâ milites puniret.—^a Supplice.—^b Quam con-
 stitit.—^c Trans Tiberim n. fœtida opera, exercebantur.—^d Ennij.
^e Illum esse.—^f Ad funus.—^g Inhonesto.

Curriculo: quem si revoces, subsistere nescit,
 Et te contempto rapitur, metisq; relictis.
Nemo satis credit tantum delinquere, quantum
Permittas, adeò indulgent sibi latius ipsi.
 Cum dicis juveni ^h stultum, qui donet amico,
 Qui paupertatem levet attollatque propinqui;
 Et spoliare doces, & circumscribere & omni
 Crimine divitias acquirere, quarum amor in te est,
 Quantus erat patriæ Deciorum in pectore.—
Non unus mentes agitat furor. ⁱ Ille ^k sororis
 In manibus vultu Eumenidum terretur, & ^l igni:
^m Hic bove percusso mugire Agamemnona credit,
 Aut Ithacum. ⁿ Parcat tunicis licet, atque lacernis,
 Curatoris eget, qui navem mercibus implet
Ad summum latus, & tabulâ distinguitur unâ,
 Cùm sit causa mali tanti, & discriminis hujus
^o Concisum argentum in titulos, faciesq; minutas.
 Occurrunt nubes, & fulgura: solvite finem
 Frumenti dominus clamat, piperisq; coemptor;
 Nil color hic cœli, nil ^p fascia nigra minatur,
 Æstivum tonat. Infelix, ac forsitan ipsâ
 Nocte cadet fractis trabibus, fluctuq; premetur
 Obrutus, & ^q zonam lævâ morsuq; tenebit.
 Sed cujus votis modò non suffecerat aurum
 Quod ^r Tagus, & rutilâ voluit ^s Pactolus arenâ,
 Frigida sufficient velantes inguina panni,
 Exiguûsque cibus, mersâ rate naufragus affem.
 Dum rogat, & pictâ se tempestate tuetur.
Tantis parva malis curâ majore metuq;ue
Servantur: misera est magni custodia census.
 Dispositis prædives ^s hamis vigilare cohortem
 Servorum noctu Lucinis jubet, attonitus pro
^t Electro, signisq; suis, Phrygiâque columnâ,
 Atque ebore, & latâ testudine. Dolia nudi
 Non ardent Cynici: si fregeris, altera fiet

^h Eum esse stultum.—ⁱ Orestes.—^k Electræ.—^l Facibus.—^m Ut
 Ajax.—ⁿ Etsi non laceret vestes more furiosorum mercator.—
^o Nummi titulis & imaginibus principum signati.—^p Atræ nubis
 circulus.—^q Cingulum in quo nummi reconditi.—^r Auriferi fluvij.
^s Vasa aquaria intelligit in promptu ad extinguenda incendia.—^t Po-
 culis ex electro,

Cras domus, aut eadem plumbo commissâ manebit.
 Sensit Alexander, testâ cum vidit in illâ
 Magnum ^u habitatorem, quanto felicior hic, qui
 Nil cuperet, quàm qui totum sibi posceret orbem,
 Passurus gestis æquanda pericula rebus.
 Nullum numen abest, si sit prudentia, sed te
 Nos facimus, Fortuna, deam. Mensura tamen quæ
 Sufficiat censûs, si quis me consulat, edam:
 In quantum sitis, atq; fames, & frigora poscunt,
 Quantum, Epicure, tibi parvis suffecit in hortis,
 Quantum Socratici ceperunt ^w antè Penates.
 Nunquam aliud natura, aliquid sapientia dicit.

^u Diogenem, — ^w Ante Epicurum.





EXCERPTA

EX

P E R S I O.



S A T Y R A ii.

Gratulatus Macrino sapientiam, quæ sola rectè orare docet; aliorum impia, stulta & inutilia vota damnat.

HUNC, Macrine, ^a diem numera ^b meliore lapillo,
 Quis tibi labentes apponit candidus annos.
 Funde merum ^c Genio. Non tu prece poscis emaci,
 Quæ nisi seductis nequeas committere divis.
 At bona pars procerum ^d tacitâ libabit acerrâ.
Haud cui-vis promptum est, murmurque humilesque susurros.

^a Natalem.—^b Albo: Thracum more qui faustos dies albis calculis, infelices nigris computarunt.—^c Angelo, quem credebat antiquitas unâ genitum, pædagogum custodemque datum.—^d Tacitas preces.

Tollere de templis, & aperto vivere voto.

^e Mens bona, fama, fides, hæc^f clarè, & ut audiat
hospes:

Illa sibi introrsum & sub linguâ immurmurat: ô si
^g Ebullit patruî præclarum funus! & ô si
Sub rastro crepet argenti mihi seria dextro
^h Hercule! pupillumve utinam, quem proximus hæres
ⁱ Impello, ^k expungam: namq; est scabiosus, & acri
Bile tumet. Nerio jam tertia ducitur uxor.
Hæc sanctè ut poscas, ^l Tiberino in gurgite mergis
Mane caput bis, terq; & noctem ^l flumine purgas.
Heus age, responde, (minimum est quod scire laboro)
De Jove quid sentis? ^m estne ut præponere cures
Hunc cuiquam? cuinam? vis ⁿ Stajo? an scilicet ^o hæres?
Quis potior iudex, puerisve quis aptior ^p orbis?
Hoc igitur quo tu Jovis aurem impellere tentas,
Dic agetum Stajo: pro Jupiter ô bone, clamet,
Jupiter! at sese non clamet Jupiter ipse?
Ignovisse putas, quia cum tonat, ocyus ilex
Sulfure discutitur sacro, quàm tuq; domusq;?
An quia non fibris ovium, ^q Ergennâq; jubente,
Triste jaces lucis, evitandumq; ^r bidental,
Idcirco stolidam præbet tibi vellere barbam
Jupiter? aut quidnam est quâ tu mercede deorum
Emeris auriculas? ^s pulmone, & lactibus unctis?

Ecce avia, aut metuens divûm matertera, cunis
Exemit puerum, frontemq; atque uda labella
^t Infami digito, & lustralibus ante salivis
Expiat, ^u urentes oculos inhibere perita.
Tunc manibus quatit, & spem ^w macram supplice voto
Nunc Licini in campos, nunc Crassi ^x mittit in ædes.
Hunc optent generum Rex & Regina: puellæ

^e Contingant mihi.—^f Sc. precatur.—^g Pro Ebullierit. O u-
tinam efferatur.—^h Opertorum thesaurorum præside.—ⁱ Subsequor.
^k Ex vitâ.—^l Ut vota aut sacra facturis mos est.—^m An censet Jo-
vem justiore esse aliquo homine? quo?—ⁿ Judice corruptissimo?
—^o An dubitas.—^p Orphanis.—^q Fulguritorum expiatore.—^r Cui
fulgurito consecratur bidental. h. e. locus in quem decidit fulmen,
circumseptus adjectâ arâ in quâ bidentibus expiatur.—^s An fortè
pinguibus extis?—^t Medio.—^u Fascinantium qui intuendo enecant.
—^w Puerum tenellum.—^x Votis illi optat latifundia Licini & ædes
Crassi, in quorûm quasi possessionem mittit puellum votis suis su-
perstitiosa mulier.

Hunc rapiant: quicquid calcaverit hic, rosa fiat.

Ast ego nutrici non mando ^y vota? negato

Jupiter hæc illi, quamvis te ^z albata rogârit.

*Poscis opem nervis, corpûsque fidele senectæ,
Esto, age: sed grandes patinæ, Tucetaquæ crassa
Annuere his superos vetuere, ^a Jovemquæ morantur:*

Rem struere exoptas cæso bove Mercuriumq;

Arcessis fibrâ: da fortunare Penates,

Da pecus, & gregibus fœtum. ^b Quo, pessime, pacto

Tot tibi cum in flammis junicum omenta liquecant?

Et tamen hic extis & opimo vincere ^c farto

Intendit, jam crescit ager, jam crescit ovile,

Jam dabitur, jamjam: donec deceptus, & exspes

Nequicquam fundo ^d suspiret nummus in imo.

Si tibi crateras argenti, incusaq; pingui

Auro dona feram, fudes & pectore lævo

Excultas guttas, lætari prætrepidum cor:

^e Hinc illud subiit, auro sacras quod ^f ovato

g Perducis ^h facies. Nam ⁱ fratres inter aënos,

Somnia pituitâ qui purgatissima mittunt,

Præcipui funto, sitq; illis aurea barba.

Aurum vasa Numæ, Saturniaq; ^k impulit æra,

Vestalesq; urnas, & ^l Thuscum fictile mutat.

O curvæ in terris animæ, & cælestium inanes!

Quid juvat hoc, templis nostros immittere mores,

Et ^m bona diis ex hâc sceleratâ ducere ⁿ pulpâ?

ⁿ Hæc sibi corrupto casiam dissolvit olivo:

Et Calabrum ^o coxit vitiato murice vellus:

Hæc baccam conchæ rasisse, & ^p stringere venas

Ferventis ^q massæ crudo de pulvere jussit.

^y Hæc impia, stulta.—^z Candidâ & purâ veste amicta.—^a Jovis hæc in re indulgentiam retardat.—^b Respondet Mercurius, vel Poëta.

Quo pacto fortunet & crescat tibi pecus, cum tu infantis sacrificiis tot pecudes absumas? —^c Libo è farre, vino, melle, &c. —

^d Tibbiat.—^e Quia tibi cordi est aurum, diis etiam credis esse.—


^f Triumphato & ex hostibus prædato.—^g Illinis.—^h Statuarum.—

ⁱ Stabant in Apollinis Palatini porticu effigies æneæ quinquaginta filiorum Ægypti, Apollini, Æsculapio, Isidi, &c. sacræ.—^k Loco & precio movit.—^l Religionem simplicem ab Etruscis ductam.—

^m Existimare quæ diis bona sint, ex affectu nostro carnali.—ⁿ i. carnalis corruptio non contenta naturali rerum simplicitate miscet & vitiat omnia.—^o Coquendo infecit.—^p Conflare.—^q Metalli.

^r Peccat & hæc, peccat : vitio tamen utitur : at vos
 Dicite Pontifices, ^s in sancto quid facit aurum?
 Nempe hoc, quod Veneri donatæ à virgine pupæ.
 Quin damus id superis, de magnâ quod dare lance
 Non possit magni Messalæ lippa propago?
 Compositum ^t jus ^u fasque animo, sanctosque recessus
 Mentis, & ^w incoctum generoso pectus honesto.
 Hæc cedo ut admoveam templis, & ^x farre litabo.

^r Vitiosa est hæc luxuria.— ^s Templis.— ^t Quoad legem huma-
 nam.— ^u Quoad divinam legem.— ^w Imbutum.— ^x Molâ falsâ.
 Parvo ac simplici sacrificio deum placabo.





EXCERPTA

EX

MARTIALI.

Notulis, maximam partem ex EPIGRAMMATUM
delectu, in usum Scholæ ETONENSIS
edito, desumptis.



EPIG. I.

IGNAVUS *qui seipsum occidit.*

QUOD magni Thraseæ, consummatique * Ca-
tonis

Dogmata sic sequeris, salvus ut esse velis,
Pectore nec nudo strictos incurris in enses;

Quod fecisse velim te, Deciane, facis.

Nolo virum, facili redimit qui sanguine famam,

Hunc volo, laudari qui sine morte potest.

* Qui ne Cæsarem victorem videret, se Uticæ interfecit.



EPIG. II.

De REGULO penè oppresso.

ITUR ad ^a Herculei gelidas quâ Tiburis arces,
^b Canaque sulphureis Albula fumat aquis,
 Rura, nemusque sacrum, dilectaque jugera Musis
 Signat vicinâ quartus ab urbe lapis:
 Hic ^c rudis æstivas præstabat porticus umbras,
 Heu!) quam penè novum porticus ausa nefas!
 Nam subito collapsa ruit, cum mole sub illâ
 Gestatus bijugis Regulus esset equis:
 Nimirum timuit nostras fortuna querelas,
 Quæ par tam magnæ non erat invidiæ.
 Nunc & damna juvant; sunt ipsa pericula tanti;
 Stantia non poterant tecta probare Deos.



EPIG. III.

De ARRIA & PÆTO.

CASTA suo gladium cum traderet Arria ^d Pæto,
 Quem de visceribus traxerat ipsa suis:
 Si qua fides, vulnus, quod feci, non dolet, inquit;
 Sed quod tu facies, hoc mihi, Pæte, dolet.

^a Herculem, Deum tutelarem colentis.—^b Ad planitiem Tiburi subjectam scaturiunt aquæ gelidæ, quæ a colore lacteo, quem à venis habent sulphureis, Albulæ dicuntur.—^c Inornata, eademque ruinosa.—^d Pæto, qui in partibus Scribonianis contra Claudium fuisset, ad mortem adactus. Uxor Arria extractam è suo vulnere punctionem marito porrexit, cum voce *non dolet*, TACIT.

EPIG. IV.

Vive hodiè.

O MIHI post nullos, Juli, memorande sodales;
 Si quid longa fides, canaque jura valent:
 Bis jam penè tibi consul trigessimus instat,
 Et numerat ^e paucos vix tua vita dies,
 Non bene distuleris, videas quæ posse negari;
 Et solum hoc ducas, quod fuit, esse tuum.
 Expectant curæque catenatique labores;
 Gaudia non remanent, sed fugitiva volant.
 Hæc utrâque manu complexuque asserere toto:
 Sæpe fluunt imo sic quoque lapsa sinu.
 Non est, crede mihi, sapientis dicere, vivam.
 Sera nimis vita est crastina, vive hodiè.

EPIG. V.

De Mucio Scævola.

CUM peteret ^f regem decepta ^g satellite ^h dextra,
 Injecit sacris se peritura focis.
 Sed tam sæva pius miracula non tulit hostis,
 Et raptum flammis jussit abire virum.
 Urere quam potuit contempto Mucius igne,
 Hanc spectare manum Porfena non potuit.
 Major deceptæ fama est & gloria dextræ:
 Si non errâsset, fecerat illa minus.

^e Cum tibiærumnis distracto perpauci alluxerint dies felices.—
^f Porfenam. — ^g Scribâ, quem pari cum rege ornatu sedentem regem credidit. — ^h Mucii Scævola.



EPIG. VI.

Fletus sine teste.

AMISSUM non flet, cum sola est Gellia, patrem;
 Si quis adest, jussæ profiliunt lachrymæ.
 Non dolet hic, quisquis laudari, Gellia, quærit;
 Ille dolet verè, qui sine teste dolet.



EPIG. VII.

Laus viri boni.

SI quis erit, raros inter numerandus amicos,
 Quales prisca fides, famaue novit † anus :
 Si quis ⁱ Cecropiæ madidus, Latiaque Minervæ
 Artibus, & verâ simplicitate bonus :
 Si quis erit recti custos, imitator honesti,
 Et nihil arcano qui roget ore Deos :
 Si quis erit magnæ subnixus robore mentis
 Dispeream, si non hic Decianus erit.



EPIG. VIII.

Epitaphium pueri.

ALTIME, quem raptum domino, crescentibus annis
^k Labicana levi cespite velat humus :

ⁱ Græcâ Romanâque scientiâ & artibus imbutus.—^k In viâ Labicanâ quæ à portâ Esquilinâ ducit ad Labicum, Italiæ pagum.—
 † Vetusta.

Accipe non Phario nutantia pondera saxo,
 Quæ cineri vanus dat ruitura labor :
 Sed fragiles buxos, & opacas palmitis umbras ;
 Quæque virent lachrymis humida prata meis.
 Accipe, chare puer, nostri monumenta doloris :
 Hic tibi perpetuo tempore vivet honor.
 Cùm mihi supremos Lachesis perneverit annos.
 Non aliter cineres mando jacere meos.

EPIG. IX.

Quo ditior, sordidior.

¹ **N**ON plenum modò vices habebas :
 Sed tam prodigus, atque liberalis,
 Et tam lautus eras, Calene, ut omnes
 Optarent tibi ^m centies amici.
 Audit vota Deus, precesque nostras ;
 Atque intra, puto, septimas calendas,
 Mortes hoc tibi quatuor dederunt.
 At tu, sic quasi non foret relictum,
 Sed raptum tibi centies, abisti
ⁿ In tantam miser esuritionem ;
 Ut convivia sumptuosiora,
 Toto quæ semel ^o apparas in anno,
^p Nigræ fordibus explices monetæ ;
 Et septem veteres tui sodales
 Constemus tibi plumbeâ selibrâ.
 Quid dignum meritis precemur istis ?
 Optamus tibi ^q millies, Calene,
 Hoc si contigerit, fame peribis.

¹ Non omnino vices millia centena sestertiûm, nostræ monetæ 15625. lib. — ^m Nostræ monetæ 78125. lib. — ⁿ In avaritiam tam fordiam & famelicam. — ^o Solis natalibus. — ^p Æreâ monetâ seu plumbeâ, cujus contrectatione sordent manus : simul & sordes Caleni taxat, qui ad 7 veteres amicos excipiendos, non excedebat sumptum ejus summulæ, quæ nigrâ vænît monetâ, quod & vilissimarum rerum pretium est, ut apparet ex adjunctâ *selibra plumbea*. — ^q Millies centena millia. H. S. i. e. 78, 250. lib.



EPIG. X.

De visendis amicis.

NE valeam, si non totis, Deciane, diebus,
 Et tecum totis noctibus esse velim.
 Sed duo sunt, quæ nos distinguunt, millia passum:
 Quatuor hæc fiunt, cum rediturus eam.
 Sæpe domi non es: cum sis quoque sæpe negaris:
 Vel tantum ^t causis, vel tibi sæpè vacas.
 Te tamen ut videam, duo millia non piget ire:
 Ut te non videam, quatuor ire piget.




EPIG. XI.

Amicus sordidus.

MUTUA viginti sestertia fortè rogabam,
 Quæ vel donanti non grave munus erat.
 Quippe rogabatur felixque, vetusque sodalis,
 Et ^s cujus laxas arca flagellat opes.
 Is mihi; dives eris, si causas egeris; inquit.
 Quod peto da, Cai; non peto consilium.

^r Clientum causis. — ^s Flagellare divitias dicuntur, qui magnas arcis clausas opes velut verberibus & carceribus coercent, &c.



EPIG. XII.

Ad SEXTUM.

VIS te, Sexte, coli; volebam amare.
Parendum est tibi: quod jubes, coleris:
Sed si te colo, Sexte, non amabo.

EPIG. XIII.

Anceps animus & nihil exequens.

DUM modò caufidicum, dum te modò rhetora
fingis;
Et non decernis, Taure, quid esse velis:
Pelcos, & Priami transit, vel Nestoris ætas,
Et fuerat serum jam tibi desinere.
Incipe; tres uno perierunt rhetores anno,
Si quid habes animi, si quid in arte vales.
Si schola damnatur; fora litibus omnia fervent:
† Ipse potest fieri Marfya caufidicus.
Eja, agè, rumpe moras; quo te spectabimus usque?
Dum, quid sis, dubitas, jam potes esse nihil.

EPIG. XIV.

Ambitio servum facit.

QUOD te ^u nomine jam tuo saluto,
Quem regem, & dominum priùs vocabam;
Ne me dixeris esse contumacem.

† Vel ipsa bardi Marfyæ statua in foro stans, — ^u Familiariter, et pro more æqualium.

224 *Excerpta ex MARTIALI.*

⁂ Totis pilea farcinis redemi.
 Reges & dominos habere debet,
 Qui se non habet, atque concupiscit
 Quod reges dominique concupiscunt.
 Servum si potes, Ole, non habere,
 Et regem potes, Ole, non habere.

EPIG. XV.

Voluntaria nex.

H^OSTEM cùm fugeret, se Fannius ipse peremit.
 Hic, rogo, non furor est, ne moriari, mori?

EPIG. XVI.

Ad QUINTILIANUM RHETOREM.

Q^UINCTILIANE * vagæ moderator summe juventæ,
 Gloria Romanæ, Quinctiliane, togæ;
 Vivere quòd prospero pauper, nec inutilis annis;
 Da veniam: properat vivere nemo satis.
 Differat hoc, patrios optat qui vincere census,
 Atriaque immodicis arctat imaginibus.
 Me focus, & nigros non indignantia fumos
 Tecta juvant, & fons vivus, & herba rudis.
 Sit mihi verna fatur: sit non doctissima conjux:
 Sit nox cum somno; sit sine lite dies.

⁂ Sportulâ, cænâ cæterisque servitutis præmiis neglectis me asserui in libertatem.—^x Annes 23. Romæ erudiendis juvenibus impendit Quint. & in his Domitiani nepotes docuit.



EPIG. XVII.

De piscibus sculptis.

ARTIS Phidiacæ toreuma clarum,
Pisces adspicis : adde aquam, natabunt.



EPIG. XVIII.

Senex juvenem mentitus.

MENTIRIS y juvenem tinctis, Lentine, capillis :
Tam subitò corvus, qui modo cygnus eras.
Non omnes fallis ; scit te Proserpina canum :
Personam capiti detrahit illa tuo.



EPIG. XIX.

Aliud amicus, aliud servus.

EXIGIS à nobis operam fine fine z togatam.
Non eo ; libertum sed tibi mitto meum.
Non est, inquis, idem : multo plus esse probabo :
Vix ego lecticam subsequor ; ille feret :
In turbam incideris ; cunctos umbone repellet :
Invalidum est nobis, ingenuumque latus.
Quidlibet in causis narraveris ; ipse tacebo :
At tibi tergeminum mugiet ille sophôs.
Lis erit ; ingenti faciet convicia voce :
Esse pudor vetuit fortia verba mihi.
Ergo nihil nobis, inquis, præstabis amicus ?
Quicquid libertus, Candide, non poterit.

y Vis apparere juvenis.—z Anteambulonis seu clientis togati.



EPIG. XX.

Qui petita extenuant

ESSE nihil dicis, quicquid petis, improbe Cinna :
Si nil, Cinna, petis ; nil tibi, Cinna, nego.



EPIG. XXI.

De puero stillicidio jugulato.

QUA vicina ^a pluit Vipfanis porta columnis,
Et madet assiduo lubricus imbre lapis,
In jugulum pueri, qui roscida templa subibat,
Decidit hyberno prægravis unda gelu :
Cumque peregisset miseri crudelia fata,
Tabuit in calido vulnere mucro tener.
Quid non sæva sibi voluit fortuna licere ?
Aut ubi mors non est, si jugulatis, aquæ ?



EPIG. XXII.

Vive ut moriturus.

O CUI Tarpeias licuit contingere quercus,
Et meritas ^b primâ cingere fronde comas :
Si sapias, utaris totis, Coline, diebus
Extremumque tibi semper adesse putes.
Lanificas nulli tres exorare puellas
Contigit : observant, quem statuere, diem.

^a Ubi stillicidium est portæ Capenæ vicinæ columnis à Vipfanio Agrippa extractis.—^b Nobilissimâ, Jovi sacrâ, ab Imperatore datâ.

Divitior Crispo, Thraseâ constantior ipso,
Lautior & nitido sis Meliore licet :
Nil adicit penso Lachesis, fufosque sororum
Explicat, & femper de tribus una secat.

E P I G. XXIII.

De donis infidiosis.

MUNERA quod senibus, viduisq; ingentia mittis,
Vis te munificum, Gargiliane, vocem ?
Sordidius nihil est, nihil est te spurcius uno,
Qui potes infidias dona vocare tuas.
Sic avidis fallax indulget piscibus hamus :
Callida sic stultas decipit esca feras.
Quid sit largiri, quid sit donare, docebo,
Si nescis : dona, Gargiliane, mihi.


E P I G. XXIV.

De viperâ electro inclusâ.

FLENTIBUS ^c Heliadum ramis dum vipera serpit,
Fluxit in obstantem succina gemma feram :
Quæ dum miratur pingui se rore teneri,
Concreto riguit vincula repentè gelu.
Ne tibi regali placeas, Cleopatra, sepulchro ;
Vipera si tumulto nobiliore jacet.

^c Ramis populi electriferæ.





EPIG. XXV.

Mors instat ubique.

^a **A**RDEA ^e solstitio ^d Castranaque rura petantur,
 Quique Cleonæo fidere fervet ager :
 Cum ^f Tiburtinas ^g damnet Curiatius auras,
 Inter laudatas ad Styga missus aquas.
 Nullo fata loco possis excludere : cum mors
 Venerit, in medio Tibure Sardinia est.



EPIG. XXVI.

Vinum nobile, sed suspectum.

TU Setina quidem semper, vel Massica ponis,
 Papile : sed rumor tam bona vina negat.
 Diceris hâc factus cœlebs quater esse lagenâ ;
 Nec puto ; nec credo, Papile ; nec sitio.



EPIG. XXVII.

Amicitia & in morientibus vivit.

CUM gravis extremas Vestinus duceret horas,
 Et jam per Stygias esset iturus aquas ;
 Ultima volventes orabat pensa sorores,
 Ut traherent parvâ flamina pulla morâ.
 Jam sibi defunctus, caris dum vivit amicis ;
 Moverunt tetricas tam pia vota deas.
 Tam largas partitus opes à luce recessit :
 Seque mori posthâc credidit ille senem.

^d Petamus medio æstatis fervore loca & calidissima & pestilentia, Ardeam, Castrum Inui.— ^e Æstivo, sic enim simpliciter positum significat.— ^f Baias postquam in saluberrimo Tiburis cœlo periit Curiatius.— ^g Morte suâ reddat infames.

*****:
E P I G. XXVIII.

Mens præstat opibus.

SUM, fateor, semperque fui, Callistrate, pauper,
Sed non obscurus, nec malè notus eques.
Sed toto legor orbe frequens, & dicitur, hic est;
Quodque cinis paucis, hoc mihi vita dedit.
At tua centenis incumbunt tecta columnis,
Et ^h Libertinas arca flagellat opes:
Magnaque Niliacæ servit tibi gleba Syenes;
Tondet & innumeros ⁱ Gallica Parma greges.
Hoc ego, tuque sumus: sed quod sum, non potes esse.
Tu quod es, è populo quilibet esse potest.

*****:
E P I G. XXIX.

Vita tranquilla.

S I tecum mihi, care Martialis,
Securis liceat frui diebus:
Si disponere tempus otiosum,
Et veræ paritèr vacare vitæ:
^k Nec nos atria, nec domos potentum,
Nec lites tetricas, forumque triste
Nôssemus, nec imagines superbas.
Nunc vivit sibi neuter; heu! bonosque
Soles effugere, atque abire sentit,
Qui nobis pereunt, & imputantur.
Quisquam vivere, cùm sciat, moratur.

^h Ingentes, quales possederunt liberti ditissimi, Chrysoponus, Narcissus. — ⁱ Galliæ Cisalpinæ urbs lanâ nobilis. — ^k Non curamus nôsse.



E P I G. XXX.

Quod datur non perire.

CALLIDUS effractâ nummos fur auferet arcâ:
 Proflernet patrios impia flamma Lares:
 Debitor usuram paritèr, fortemque negabit:
 Non reddet sterilis femina jacta seges:
 Dispensatorem fallax spoliabit amica:
 Mercibus extructas obruet unda rates.
 Extra fortunam est quicquid donatur amicis:
 Quas dederis, solas semper habebis opes.



E P I G. XXXI.

Ne data commemores.

QUÆ mihi præstiteris, memini, semperque tenebo;
 Cur igitur taceo, Posthume, tu loqueris?
 Incipio quotiès alicui tua dona referre,
 Protinùs exclamat; dixerat ipse mihi.
 Non bellè quædam faciunt duo: sufficit unus
 Huic operi: si vis, ut loquar, ipse tace.
 Crede mihi, quamvis ingentia, Posthume, dones,
 Auctoris pereunt garrulitate sui.



E P I G. XXXII.

Vive hodiè.

CRAS te victurum, cràs dicis, Posthume, semper.
 Dic mihi cras illud, Posthume, quando venit?
 Quam longè cras istud? Ubi est? Aut unde petendum?
 Num-

Numquid apud Parthos, Armeniosque latet?
 Jam cràs istud habet Priami vel Nestoris annos.
 Cràs istud quanti dic mihi possit emi?
 Cràs vives: hodie jam vivere, Posthume, serum est.
 Ille sapit, quisquis, Posthume, vixit heri.



EPIG. XXXIII.

Bibamus cràs moriemur.

SEXTANTES, ¹ Calliste, duos infunde Falerni:
 Tu super æstivas, Alcime, funde nives,
 Pinguescat nimio madidus mihi crinis amomo,
 Lassentúrque rosis tempora sutilibus.
 Jam vicina jubent nos vivere ^m Mausolæa;
 Cum doceant, ipsos posse perire ⁿ deos.



EPIG. XXXIV.

De POMPEIO & filiis.

POMPEIOS juvenes Asia atque Europa; ^p sed ipsum
 Terra tegit Libyes; si tamen ulla tegit.
 Quid mirum toto si spargitur orbe? jacere
 Uno non poterat tanta ruina loco.

¹ Minister poëtæ.—^m Sepulchra Augusti, Imperatorum & cognatorum, ab Augusto extructa ad similitudinem Mausolæi Artemisiæ.
 —ⁿ Imperatores qui se pro diis haberi volebant.—^o Cneius Pompeii Magni filius interiit in Europâ, victus à Cæsare ad Mundam in Hispaniâ: Sextus periit à militibus Antonian, is, interceptus Miletî in Asiâ.—^p Pompeius Magnus occisus in Africâ ad Pelusium, Nili ostium sepultus est.



E P I G. XXXV.

Tutus a fame.

PROFECIT poto Mithridates sæpè veneno,
 Toxica ne possent sæva nocere sibi.
 Tu quoque cavisti cœnando tam malè semper,
 Ne possis unquàm, Cinna, perire fame.



E P I G. XXXVI.

De formicâ succino inclusâ.


DUM ¶ Phaëtonteâ formica vagatur ^m in umbrâ
 Implicuit tenuem succina gutta feram.
 Sic modò quæ fuerat vitâ contempta manente,
 Funeribus facta est nunc pretiosa suis.



E P I G. XXXVII.

De tribus capellis.

NON de vi, neque cæde, nec veneno,
 Sed lis est mihi de tribus capellis.
 Vicini queror has abesse furto,
 Hoc iudex sibi postulat probari.
 Tu Cannas, Mithridaticumque bellum,
 Et perjuria Punici furoris,
 Et Syllas, Mariosque, Mutiosque
 Magna voce sonas, manuque totâ.
 Jam dic, Posthume, de tribus capellis.



EPIG. XXXVIII.

EPITAPHIUM.

NON de plebe domûs; nec avaræ verna^r catastæ,
Sed domini sancto dignus amore puer:
Munera cum posset nondum sentire patroni,
Glaucia libertus jam Melioris erat.
Moribus hoc formæque datum; quis blandior illo?
Aut quis Apollineo pulchrior ore fuit?
Immodicis brevis est ætas, & rara senectus.
Quicquid amas, cupias non placuisse nimis.



EPIG. XXXIX.

Mors OTHONIS.

CUM dubitaret adhuc bellis civilis^s Enyo.
Forſitan & posset vincere mollis Otho:
Damnavit multo ſtaturum ſanguine Martem,
Et fodit certâ pectora nuda manu.
Sit Cato, dum vivit, fanè vel Cæſare major:
Dum moritur nunquid major Othone fuit?



EPIG. XL.

Sanitas, Vita.

SEXAGESIMA, Martiane, meſſis
Acta eſt, & puto, jam ſecunda Cottæ;
Nec ſe tædia lectuli calentis
Expertum meminit die vel uno:

^r Pegmatis lignei, quo venales exponebantur ſervi.—^s Bellona, furor bellicus.

234 *Excerpta ex MARTIALI.*

At nostri benè computentur anni,
 Et, quantum tetricæ tulêre febres,
 Aut languor gravis, aut mali dolores,
 A vitâ meliore separentur:
 Infantes sumus, & senes videmur.
 Ætatem Priamique Nestorisque
 Longam qui putat esse, Martiane,
 Multùm decipiturq; falliturque.
 Non est vivere, sed valere, vita.

EPIG. XLI.

Morbo liberatus.

DOCTORUM, Licini celeberrime, summe virorum,
 † Cujus prisca graves lingua reduxit avos:
 Redderis, heu! quanto factorum munere nobis,
 Gustatâ Lethes pænè remissus aquâ?
 Perdiderant jam vota metum, securaque flebat
 Tristitia: & lachrymis, jamque peractus eras.
 Non tulit invidiam taciti regnator Averni,
 Et raptas fatis reddidit ipse colos.
 Scis igitur quantas hominum mors falsa querelas
 Moverit: & fructis posteritate tuâ.
 Vive velut raptò, fugitivaque gaudia carpe:
 Perdiderit nullum vita reversa diem.

EPIG. XLII.

In scurram.

QUOD ^u te diripiunt potentiores
 Per convivia, porticus, theatra,
 Et tecum, quoties ità incidisti,
 Gestari juvat, & juvat lavari:

† Cujus sincera oratio & antiquitatem sapiens exprimit gravitatem & mores veterum illorum Roman,—^u Comitem habere certatim cupiunt.

Nolito

Nolito nimiùm tibi placere.
Delectas, Philomuse, non amaris.

EPIG. XLIII.

Ad PRIAPUM.

NON horti neque palmitis beati
Sed rari nemoris, Priape, custos,
Ex quo natus es, & potes renasci;
Furaces, moneo, manus repellas,
Et sylvam domini focis reserves.
Si defecerit hæc, & * ipse lignum † es.

EPIG. XLIV.

Pax boni veri.

JAM numerat placido felix Antonius ævo
Quindecies actas ^w primus Olympiadas
Præteritosque dies, & ^x tutos respicit annos:
Nec metuit Lethes jam propioris aquas.
Nulla recordanti lux est ingrata, gravisque:
Nulla fuit cujus non meminisse velit.
Ampliat ætatis spatium sibi vir bonus; hoc est
Vivere bis, vitâ posse priore frui.

EPIG. XLV.

Imago juvenis.

HÆC, mihi quæ colitur violis, pictura, rosisque,
Quos referat vultus, Cæditiane, rogas?
Talis erat Marcus mediis Antonius annis

* Præstantissimum Deum! — † Combureris. Pietatem tali Deo dignam! — ^w Cognomen Antonii, — ^x Extra fortunæ aleam positos.
Primus,

Primus, in hoc juvenem se videt ore senex.
 Ars utinam mores, animumque effingere posset.
 Pulchrior in terris nulla tabella foret.



E P I G XLVI.

Homines mente pueri.

PLORAT Eros, quotiès maculosæ pocula myrrhæ
 Inspicit, aut pueros, nobiliusve ^y citrum.
 Et gemitus imo promit de pectore, quòd non
 Tota miser coemat ^z septa, feratque domum.
 Quam multi faciunt, quod Eros, sed lumine ficco!
 Pars major lacrymas ridet, & intùs habet.



E P I G. XLVII.

Vita quieta.

VITAM quæ faciunt beatiorē
 Jucundissime Martialis, hæc sunt:
 Res non parta labore, sed relicta;
 Non ingratus ager; focus perennis;
 Lis nunquam; toga rara: mens quieta;
 Vires ingenuæ; Salubre corpus;
 Prudens simplicitas; pares amici;
 Convictus ^a facilis; sine arte mensa;
 Nox non ebria, sed soluta curis;
 Somnus qui faciat breves tenebras;
 Quod sis, esse velis, nihilque malis,
 Summum nec metuas diem, nec optes.

^y Mensam citream. — ^z Omnia quæ venalia exponunt in Septis.
 — ^a Convivæ. vel ipse cibus parabilis nec mari, terrâ & aëre exquisitus, gula non irritata.



EPIG. XLVIII.

EPITAPHIUM *histrionis.*

QUISQUIS Flaminiam teris, viator,
Noli nobile præterire marmor.
Urbis deliciæ, salesque ^b Nili
Ars & gratia, lusus & voluptas,
Romani decus, & dolor theatri,
Hoc sunt condita, quo Paris sepulchro.



EPIG. XLIX.

In habentem varios mores.

DIFFICILIS, facilis, jucundus, acerbus es idem
Nec tecum possum vivere, nec sine te.



EPIG. L.

Amici ut amandi.

TRIGINTA mihi quatuorq; menses
Tecum, si memini, fuere Juli:
Quarum dulcia mixta sunt amaris,
Sed jucunda tamen fuere plura.
Et si calculus omnis huc, & illuc
Diversus bicolorque digeratur:
Vincet candida turba nigriorem.
Si vitare velis acerba quædam,

^b Ægypti.—^c Histrionis nobilem quem interfici jussit Domitianus,
quod eum deperiret Domitia Augusta.


Et tristes animi cavere morfus,
 Nulli te facias nimis sodalem.
 Gaudebis minùs, & minùs dolebis.



EPIG. LI.

Vera Nervæ commendatio.

CONTIGIT Aufoniæ procerum mitissimus aulæ.
 Nerva: licet.^d toto nunc Helicone frui.
 Recta fides, hilaris clementia, cauta potestas
 Jam redeunt: longi terga dedêre metus.
 Hoc populi, gentesque tuæ, pia Roma, precantur:
 Dux tibi sit semper talis, & iste diù.
 Maeste^e animi, quem rarus habet, morumque tuorum,
 Quos Numa, quos^f hilaris posset habere Cato.
 Largiri, præstare, * breves extendere census,
 Et dare quæ faciles vix tribuêre dei.
 Nunc licet, & fas est, sed tu sub principe duro,
 Temporibusque malis, ausus es esse bonus.



EPIG. LII.

Semper avarus eget.

HABET Africanus millies, & tamen captat.
 Fortuna multis dat nimis, fatis nulli.

^d Libere vacare Musis, sub Imperatore, qui Musis Poësique favet.
 —^e Magis auctus sis animo, qualem pauci habent.—^f Quos mores
 posset habere Cato, nisi quod magis tetricus fuit quam Nerva: Su-
 præ, *hilaris clementia*.—* Civium paupertatem opibus sublevare.

EPIG. LIII.

Honor mutat mores.

§ SÆPE rogare soles qualis sim, Prisce, futurus,
Si fiam locuples, simque repente potens.
Quemquam posse putas mores narrare futuros?
Dic mihi, si fias tu leo, qualis eris?

EPIG. LIV.

Poëta æmulus.

SCRIBEBAMUS^h epos: cœpisti scribere: cessi,
Æmula nec starent carmina nostra tuis.
Transulit ad Tragicos se nostra Thalia cothurno
Aptâstiⁱ longum tu quoque syrma tibi.
Fila^k lyræ movi doctis exulta Camœnis:
Plectra rapis nobis ambitione novâ.
Audemus fatyras: ⁱ Lucilius esse laboras.
Ludo leves elegos: tu quoque ludis idem.
Quid minùs esse potest? epigrammata fingere cœpi:
Hinc etiam petitur jam mea fama tibi.
Elige quid nolis; quis enim pudor, omnia velle?
Et si quid non vis, Tucca, relinque mihi.

§ Multa vitia, quæ coërcet & supprimit tenuis fortuna, ampla & sublimis manifestabit: *magistratus indicabit verum.* — ^h Carmen epicum seu heroicum. — ⁱ Tu quoque contulisti te ad tragœdiam. Syrma enim tragicorum vestis est. — ^k Scripsi lyrica. — ^l Satyrographus.



EPIG. LV.

Qui omnes laudat.

NE laudet dignos laudat Callistratus omnes,
Cui malus est nemo, quis bonus esse potest?



EPIG. LVI.

Vera fortitudo

QUOD nimium laudas, Chæremon Stoice, mortem,
Vis animum mirer suspiciamque tuum?
O quàm magnus homo es, fæce rubentis aceti,
Et stipulâ & nigro pane carere potes!
Rebus in angustis facile est contemnere vitam;
Fortitèr ille facit, qui miser esse potest.



EPIG. LVII.

In detractorem.

NASUTUS sis usque licet, sis denique nasus.
Quantum noluerit ferre rogatus Atlas;
Et possis ^m ipsum tu deridere Latinum,
Non potes in nugas dicere plura meas,
Ipse ego quam dixi: quid dentem dente juvabit
Rodere? carne opus est, si satur esse velis.
Ne perdas operam: qui se mirantur, in illos
Virus habe, nos hæc novimus esse nihil.

^m *Emphaticè*, Mimum, qui & alios imitatione deridet.



EPIG. LVIII.

Fœnum.

ⁿ **F**RAUDATA tumeat facilis tibi culcitra plumâ.
Non venit ad duros pallida cura toros.



EPIG. LIX.

HÆC TRIA SENE CÆ.

De temporum mutabilitate.

OMNIA tempus edax depascitur, omnia carpit,
Omnia sede movet, nil finit esse diù.
Flumina deficient, profugum mare littora siccat,
Subsident montes & juga celsa ruunt.
Quid tam parva loquor? moles pulcherrima cœli
Ardebit flammis tota repenti fuis.
Omnia mors poscit. Lex est, non pœna, perire.
Hic aliquo mundus tempore nullus erit.



EPIG. LX.


Exulis SENE CÆ querela.

QUISQUIS es (& nomen dicam? dolo omnia cogit)
Qui nostrum cinerem nunc, inimice, premis:
Et non contentus tantis subitisque ruinis,
Stringis in extinctum tela cruenta caput:

ⁿ In quâ non est pluma. Al. leg. Frondatâ, id est, frondibus.
W Crede

242 *Excerpta ex MARTIALI.*

Crede mihi, vires aliquas natura seplulchris
 Attribuit, tumulos vindicat umbra suos.
 Ipsos, crede, Deos hoc nunc tibi dicere, ° Livor,
 Hoc tibi nunc Manes dicere, crede, meos;
 Res est sacra, miser: noli mea tangere fata;
 Sacrilegæ bustis abstinuere manus.



EPIG. LXI.

In malignè jocantem.

CARMINA mortifero tua sunt suffusa veneno,
 Et sunt carminibus pectora nigra magis:
 Nemo tuos fugiat, non vir, non fœmina, dentes,
 Haud puer, haud ætas undique tuta senis.
 Utque furens totas immittit saxa per urbes
 In populum: sic tu verba maligna jadis.
 Sed tu, perque jocum, dices ludumque. Quid ad rem,
 Si plorem, visus si tuus ista facit?
 Quare tolle jocos: non est jocus esse malignum,
 Nunquam sunt grati, qui nocuere sales.

° i. e. Livide.

F I N I S.



